



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





we have
the
the
the

.

.

.

.

.

.

.

M. ACCII PLAUTI

QUAE SUPERSUNT

C O M O E D I A E

CUM

FRAGMENTIS PRIORUM EDITORUM

ET NOVIS ANGELI MAII

NOVA EDITIO STEREOTYPA.

ICTIBUS VERSUUM NOTATIS

EX RECENSIONE

C. H. WEISII.

TOMUS I.

**AMPHITRUO. ASINARIA. AULULARIA
BACCHIDES. CAPTEIVEL.**


L I P S I A E

SUMTIBUS ET TYPIS CAROLI TAUCHNITII.

1842.

JAN

NEW YORK
NEW YORK
NEW YORK



PRAEFATIO.

Primarium quoque, quoad extant, Latino-
rum poetarum scenicorum, eumque praecipuum
omnis Latinitatis fontem, quum instaurare in ta-
bulis stereotypis, abrogatque antiquiore textus
recensione, meliorem substituere Carolus Chri-
stianus Tauchnitzius decrevisset, non abs re vel
lectorum vel poetae fore existimavimus, si eam
maxime sequeremur, quam ante aliquot annos in
maiori editione in lucem emisimus, et in qua hoc
maximopere spectavimus, ut textum exhibere-
mus, ad vulgatum quam proxime accedentem,
sed ita tamen ordinatum, ut rhythmicè et ut de-
ceret in veteri poeta, poetice legi posset. Et
quoniam hic uberior, ut illis, commentarius addi
non poterat, locutionem in haud paucis locis magis
etiam ad vulgatam adduximus, eorumque omnium
iudicium fecimus in notulis criticis, quae in calce
cuiusque voluminis adiectae a nobis sunt. Prae-
cipuum vere studium in corrigendo posuimus,
quo editionem Plauti quam correctissimam effi-
ceremus. Series fabularum alphabetica consti-
tuta est, quo facilius evolvi possint. Duorum loco

quatuor volumina facta sunt. Quod autem summum est, accentus rhythmi ubique, uti iam pridem in Terentio Benteiano factum, adiecti sunt, quippe quo solo adiumento effici potest, ut rectius Plautus, non tamquam prosaicus aliquis scriptor, sed tamquam verus poeta, rhythmicè legatur.

Quae res tamen quoniam nihil eo magis bene procedere potest, nisi peculiaris quaedam praecepta accurate teneantur, quae antea ex totius poetae cognitione et contemplatione fuerunt colligenda, his quoque ea, quam breviter fieri poterit, referemus, ne desint lectoris ea principia, sine quibus perfectior Plautina scansio institui nulla poterit. Ea sunt haec:

I. Hiatus ubique statuendus est, ubi, eo admissio, et lectione codicum servata, versus constabit.

II. Is autem hiatus in plerisque locis, et fortasse ubique, expletur litera *d* paragogica addita, quae et haud paucis locis in libris adiecta reperitur. Eadem litera *d* adicienda est, ubicumque in *m* desinentia non elisionem patiuntur et producuntur. Sic Amph. prol. 54. leg. *faciamd ex tragoedia*, at ibid. vs. ult. *facered hist.* Sic Aul. 3, 3, 1. *quoquod pro quoquo*, et Stich. 4, 2, 26. *quamd effliotentur*. Cas. 3, 1, 1. *amiciid*. Bacch. 1, 1, 1. *Quid sid hoc potis est?* et vs. 12. *Nam haec sid habeat etc.* atque sic innumeris locis.

III. *m* in fine saepe, ut modo diximus, non eli-

ditur, et aut nude pronunciatur ubi breve, aut addito *d* illo paragogico, ubi producitur. Sic Bacch 1, 1, 53. *fluvium*; at Aul. 4, 4, 9. *agamd*. Cf. Truc. 4, 4, 33. 34. 35. Amph. prol. 96. 114. etc.

IV. Disyllaba multa tota saepe eliduntur, uti: *meo, rei, mihi, eum, eo, eam, scio, sibi, suo, suum, ea, tibi, tuo*, etc. Sic Asin. 1, 1, 46. eliditur *meam*; et Amph. 5, 1, 14. *meo*. Amph. 2, 2, 134. *scio*. Mil. 2, 1, 58. *suo*. IV. 2, 21. *tibi, et* et Amph. 5, 1, 39.

V. Disyllaba multa saepe tamquam monosyllaba contracte proferuntur, velut: *ille, illa, illud, illi, illos, illum, illis, esse, eius, huius, suus, inde, forte, inter, ite, quasi, quumque, quodque, perque, isque, vosne, nempe, nullus, scio, quia, pedem, nive, sive, tibi, tamen, servus*. Cf. Amph. 3, 4, 5. Aul. 4, 4, 29. Am. prol. 148. et ib. 1, 3, 36. Aul. 3, 4, 11. Bacch. 1, 2, 45. etc.

VI. Quae mediam habent *v*, haud raro contrahuntur, ut *avos, avis, avunculus, navis, cavere, aviditas*. Cf. Bacch. 4, 5, 27. Asin. 2, 2, 105. Men. 5, 9, 69.

VII. Item in aliis multis polysyllabis contractio interdum obtinet, ut: *poplus, cubiculum, manipulares*, ut quae notiora. Sed et alia minus vulgata; sic *poola* As. 4, 1, 26. *vidlus* Rud. 4, 4, 62. 86. *magistratus* Rud. 2, 5, 20. Amph. prol. 74. *modeste, modestus, immodestia*, Stich. 5, 4, 10. Men. 5, 5, 33. Amph. 1, 1, 9. *dedi, dedisti, dedisse*, Bacch. 4, 3, 50. Men. 4, 3, 15. Cist. 1, 3, 34. II,

3, 29. Amph. 2, 2, 138. etc. Imprimis tenenda sunt quaedam, quae habent quinque syllabas, quae tamquam quadrisyllaba proferuntur. Sic *pudicitia* leg. *puditia* Amph. 3, 2, 49. *amicitia* leg. *amitia* Merc. 5, 2, 5. cf. Pers. 3, 1, 25. Et sic *conquistores* leg. *conquistoros* Amph. prol. 65 et 82. et Merc. 3, 4, 80. Sic *puni Philippi*, *Philippus*, *Philippis* etc. plerumque contracte scanduntur. Cf. Mil. 4, 2, 70. 73. Trin. 4, 2, 117 et 123. Sic contrahuntur: *impentus*, *venustas*, *vetustas*, *voluntas*, v. c. Most. 1, 1, 29. Mil. 3, 1, 62. Amph. 1, 1, 2. Curc. 1, 1, 88. Sic in iis, quae mediam habent syllabam *er*, litera *e* eliditur interdum, ut *prospere*, *alt'ra*, *imp'ra*, *consid'ra*, *temp'ri*, Mil. 4, 2, 41. Epid. 5, 1, 18. Trin. 3, 2, 39. Rud. 4, 2, 16. Amph. 1, 2, 1. cf. Pers. 2, 3, 14. Similiter *i* medium eliditur aut ut *j* effertur, sequente vocali, ut in *filia*, *filius*, *gratia*, *gloria*, *otium*. Trin. 4, 1, 2 et 19. Capt. 3, 5, 5. Mil. 1, 1, 69. Pers. 4, 3, 34. al.

VIII. Diaeresis fit in *coëna* et *coëpi* aliquot locis; Merc. 3, 1, 35. Capt. 1, 2, 64.

IX. In duplici *neque* alterum eorum saepe correptim tamquam *ne* pronunciandum est. Most. 2, 2, 22. Pers. 5, 2, 5. Trin. 2, 7, 22. Men. 4, 2, 11. Atque sic et simplex interdum. Simile fit in *nive*, et in duplici *sive*.

X. *Datum* est non legendum *dat' est*, sed *datum 'est*. Sic *Epiust* Bacch. 4, 8, 13. *satiast*. Am. 1, 1, 22.

XI. Primae syllabae breves interdum producuntur per poeticam licentiam, ut in Homero idem saepissime fit. Sic indubitate Amph. 2, 2, 65. legendum: *rēvertimini*, et *Tārentinas* Trac. 3, 1, 5. coll. Men. prol. 39. et *pōlentarium* Cure. 2, 3, 16. et *dāpinato* Capt. 4, 2, 118. et *tābernaculum* Trin. 3, 2, 100. et *Cāpitonibus* Pers. 1, 2, 8. et *gūbērnator* Rud. 1, 2, 27. et *āberripit* Mon. prol. 31. et *āmarentur* Mil. 4, 6, 32. Ep. 2, 2, 32.

XII. Quaedam plane aliam, atque in serioribus, sequuntur prosodiam. Sic produciuntur *Ache-runs*, *suspicio*, *rubidus*, *rudens*; alia variant, ut interdum corripitur *neutiquam*, *autem*, *semi-ibus*.

XIII. Nomina propria haud raro singularem habent scansionem. Cf. Most. 3, 2, 88. Bacch. 4, 8, 23. et ib. v. 5. Mil. 1, 1, 61. IV, 2, 64. IV, 7, 6. Merc. 2, 4, 20. Cas. 3, 5, 11. Rud. 3, 3, 14. Cist. 4, 2, 25.


XIV. *e* finale infinitivi haud raro omittendum, ut in *esse* centies. Sed et in aliis. Cf. Epid. 2, 2, 62. I, 1, 73. I, 2, 25. II, 2, 45. Cure. 4, 1, 9.

XV. *a* finale nominativi primae interdum produci-tur, et item *e* fin. ablativi et infinitivi. Cf. As. 4, 1, 17. Am. 5, 1, 2. Mil. 3, 3, 5. Men. 5, 5, 2. Poen. 1, 2, 42. Mil. 4, 8, 4. As. 2, 4, 14. 36. II, 4, 48. Pers. 1, 2, 43. Mil. 4, 8, 7. Pseud. 1, 3, 135. Amph. 2, 1, 4.

Præterea tenenda sunt omnia ea, quae Bentleius in schediasmate suo scripsit, quod nos Terentio præfigimus.

De versuum generibus, et imprimis de *Saturniis* versibus, et de *imminutis*, (quales sunt v. c. : Baech. IV, 3, 4. 5. 7 — 11. 13. 15. 29 — 31. : Pseud. V, 2, 1. — 4.): legenda erit præfatio ad alterum tomum nostræ editionis maioris, in qua de hijs omnibus accurate expositum est.

D. Lipsiæ m. Jul. XLII.



W.

A M P H I T R U O.

DRAMATIS PERSONAE.

MERCURIUS.

SQSTIA, servus Amphitruonis

JUPITER.

AMPHITRUO.

BLEPHARO, navis gubernator.

ALCUMENA.

BROMIA, ancilla.

S U M M A R I U M.

Bellum habuerant Thebani cum Telebois, qui et Taphii dicti. Contra quos exercitum adducens Amphitruo, uxorem Alcmenam domi gravidam reliquerat. Interim dum abest adhuc Thebis Amphitruo, quamquam adfectus iam cum exercitu in portum Persicum, Jupiter sub Amphitruonis forma, una cum Mercurio, qui Sosiae formam, servi Amphitruonis, induerat, quasi rediens ex bello, ad Alcmenam venit. Accedens autem ex portu verus Amphitruo, Sosiam servum praemittit, indicatum suum adventum Alcmenae. Igitur Mercurius, sub ipsius Sosiae forma, Sosiam verum a foribus propellit. Advenerit Amphitruo, et expostulat eam Alcmena, quae eum nunc primum ex bello ad se venisse negat. Ergo testem adventus sui adducturus, in portum redit. Ex quo denuo reversus et a Mercurio sub Sosiae forma propellitur, et ludificatur a Jove, suam ipsius formam induto, tamquam Amphitruo sit suppositivus. Quorum utriusque rixam dirimere nequit Blepharo, ad eam rem arcessitus, quoniam, uter eorum verus sit Amphitruo, non potest dignoscere. Interim, parturiente Alcmena, tonitru fit et concidit praeter terrore Amphitruo. Huic Bromia ancilla, ipsa quoque terroris plena, narrat geminorum partum puerorum. Agnoscitur Jupiter, et, gratia inter Amphitruonem et Alcmenam reconciliata, in coelum redit.

Res agitur Thebis.

ARGUMENTUM.

In faciē versus *Amphitruonis Iūpiter*,
dum bellum gereret cum *Telebois* hostibus,
Alcmēnam uxorem cepit usurariam;
Mercūrius formam *Sósiae* servi gerit
absentis: his *Alcmēna* decipitur dolis,
Postquam redire veri *Amphitruo* et *Sósia*,
utérque deluduntur in mirum modum.
Hinc iurgium, tumultus, uxori et viro,
donéc, cum tonitru voce missa ex aethere,
adulterum se *Iūpiter* confessus est,

Amóre captus *Alcumenas Iūpiter*
Mutavit sese in eius formam coniugis,
Pro patria *Amphitruo* dum decernit cum hostibus;
Habitū *Mercurius* ei subservit *Sósia*.
Is advenientis servum ac dominum frustra habet;
Turbas uxori ciēt *Amphitruo*; atque invicem
Raptant pro moechis; *Blépharo*, captus arbiter,
Utér sit, non quit, *Amphitruo*, decernere.
Omnem rem noscunt: géminos illa enītur.

PROLOGUS.

MERCURIUS.

Ut vós in vostris vóltis mercimóniis
emúndis vendundísque me laetúm lucris
adfícere atque adiuváre in rebus ómnibus,
et út res rationésque vóstrorum ómnium
bene éxpedire vóltis peregreque ét domi, 5
bonóque atque amplo auctáre perpetuó lucro,
quasque íncepístis rés, quasque ínceptábitis;
et utí bonis vos vóstrosque omnes núnctiis
me adfícere vóltis, ea ádferam, ea uti núnctiem,
quae máxume in rem vóstram communém sient, 10
(nam vós quidem id iam scítis concessum ét da-
tum
mi esse áb dis aliis, núnctiis ut praesim ét lucro);
haec út me vóltis ádprobare adnítier,
lucrum út perenne vóbis semper súppetat:
ita huíc facietis fábulae siléntium, 15
itaque aéqui et iusti hic éritis omnes árbitri.
Nunc, cúius iussu vénio et quamobrem véne-
rim,
dicám, simulque ipse éloquar nomén meum.
Iovis iússu venio; nómen Mercurio ést mihi.
Pater húc me misit ád vos oratúm meus: 20
tametsí, pro imperio vóbis quod dictúm foret,

scibát facturos: quíppe qui intelléxerat,
veréri vos se et métnere, ita ut aequóm 'st lo-
vem;

- verúm profecto hoc pétere me precário
25 a vóbis iussit leniter dictís bonis:
etenim ille, cuius huc iússu venio, Iúpiter
non mínus quam vostrum quívis formidát malum.
Humána matre nátus, humanó patre,
mirári non est aéquom, sibi si praétimet;
30 atque égo quoque etiam, quí Iovis sum fílius,
contágione méi patris metuó malum.
Proptérea pace advénio, et [pacem] ad vos ad-
fero.

- Iustám rem et facilem esse óratam a vobís volo:
nam iústa ab iustis iústus sum oratór datus:
35 nam iniústa ab iustis ímpetrari nón decet;
iusta áutem ab iniustis pétere insipiéntia est:
quippe fílii iniqui iús ignorant néque tenent.
Nunc iám huc animum ad éa, quae loquar, ad-
vórtite.

- Debétis velle, quae velimus; méruimus
40 et ego ét pater de vóbis et re pública.
Nam quíd ego memorem, ut álios in tragoédíis
vidí, Neptunum, Vírtutem, Victóriam,
Martém, Bellonam, cómmemorare, quae bona
vobís fecissent? quís benefactis méns pater,
45 deorúm regnator, árchitectus ómnibus;
sed íllíc nunquam mós fuit patrí meo,
ut éxprobraret, quód bonis facerét boni;
gratum árbitratur ésse id a vobís sibi,
meritóque vobis bóna se facere, quae facit.
50 Nunc, quám rem oratum huc vení, primum pró-
loquar;

post argumentum huius eloquar tragoediae.
 Quid contraxistis fróntem, quia tragoédiam
 dixi futuram hanc? Déus sum: commutávero.
 Eandem hánc, si vóltis, fáciam, ex tragoédia
 comoédia ut sit ómnibus isdem vérsibus. 55

Utrúm, sit, an non, vóltis? Sed ego stúltior:
 quasi nésciam vos velle, qui divús siem.

Teneó, quid animi vóstri super hac ré siet:
 faciam, út comímista sít tragicocomoédia:
 nam mé perpetuo fácere ut sít comoédia, 60
 regés quo veniant ét dī, non par árbitor.

Quid igitur? Quoniam hic sérvos quoque partéis
 habet,

faciam hánc, proinde ut dixi, tragicocomoédiam.
 Nunc hoc me orare a vóbis iussit Iúpiter,
 ut cónquistores singuli in subséllia 65
 eánt per totam cáveam spectatóribus:
 si cui favitores délegatos viderint,
 ut his in cavea pígnus capiantúr togae.

Sive qui ámbivissent pálmam hístriónibus,
 seu quóíquam artifici (seú per scriptas líttas, 70
 seu qui ipsi ambíssent, seú per internúntium);
 sive ádeo aediles pérfidiose quos dunt:
 sirémpse legem iussit esse Iúpiter,
 quam sí magistratum sibi álterive ambíverit.

Virtúte dixit vós victores vivere, 75
 non ámbitione, néque perfidia: quí minus
 eadem hístrióni sít lex, quae summó viro?

Virtúte ambire opórtet, non favitóribus:
 sat habét favitorum sémper, qui recté facit,
 si illis fides est, quibus est ea res in manu. 80

[Et] hoc quoque etiam míhi in mandatis dedit,
 ut cónquistores fierent hístriónibus,

- qui sibi mandassent delegati ut plaúderent,
 quive quó placeret álter fecissént minus,
 85 eis órnamēta et córium uti concíderent.
 Mirári nolim vós, quapropter Iúpiter
 nunc hístriones cúret. Ne mirémini:
 ipse hānc acturust Iúpiter comoédiam.
 Quid ádmirati éstis, quasi veró novom
 90 nunc próferatur, Ióvem facere hístióniam?
 Etiam, hístriones áнно quom in proscénio hic
 Iovem ínvocarunt, vénit, auxilio éis fuit.
 Praetérea certo pródit in tragoédia.
 Hanc fábulam, inquam, hic Iúpiter hodie ípse
 aget,
 95 et ego úna cum illo. Nunc animum advórtite,
 dum húius argumentum éloquar comoédiae.
 Haec úrbs est Thebae. In illisce habitat aé-
 dibus
 Amphítruo, natus Argis ex Argó patre,
 quicum Álcumena est núpta, Electri fília.
 100 Is núnct Amphitruo praéfectu'st legiónibus:
 nam cúm Telebois béllum est Thebanó poplo.
 Is priúsqvam hinc abiit ípsemet in exércitum,
 gravidam Álcumenam úxorem fecít suam.
 Nam ego vós novisse crédo iam, ut sit páter meus;
 105 quam líber harum rérum multarúm siet,
 quantúsque amator, quóm quid complacitúm 'st
 semel.
 Is amáre occoepit Álcumenam clám virum,
 usúramque eius córporis cepít sibi,
 et grávidam fecit ís eam compressú suo.
 110 Nunc, de Álcumena ut rém teneatis réctius,
 utrímque est grávida, et éx viro et ex summó
 Iove;

et meus pater nunc intus hic cum illa cubat;
 et haec ob eam rem nox est facta longior,
 dum cum illa, quacum vult, voluptatem capit.
 Sed ita adsimulavit se, quasi Amphitruo siet. 115
 Nunc, ne hunc ornatum vos meum admirémini,
 quod ego huc processi sic cum servili schema:
 veterem atque antiquam rem novam ad vos pró-
 feram:

propterea ornatus in novum incessi modum.
 Nam meus pater intus nunc est, eccum, Iúpter; 120
 in Amphitruonis vórtit sese imaginem,
 omnesque eum esse censent servi, qui vident:
 ita versipellem se facit, quando lubet;
 ego servi sumpsi Sósiae mihi imaginem,
 qui cum Amphitruone abívit hinc in exercitum: 125
 ut praeservire amanti meo possém patri,
 atque ut ne, qui essem, familiares quaerèrent,
 versari crebro hic quum viderent me domi:
 nunc, quum esse credent servum et conservum
 sum,
 haud quisquam quaeret, qui siem, aut quid véne-
 rim. 130

Patér nunc intus suo animo morém gerit:
 cubat complexus, cuius cupiens maxime est;
 quae illi ad legionem facta sunt, memorat pater
 meus Alcumenae; at illa illunc censet virum
 suum esse; quae cum moecho est. Ibi nunc meus
 pater 135
 memorat, legiones hostium ut fugaverit;
 quo pacto sit donis donatus plurimis.
 Ea dona, quae illic Amphitruoni sunt data,
 abstulimus: facile meus pater, quod vult, facit.
 Nunc hodie Amphitruo veniet huc ab exercitu 140

et servus, cuius ego hanc fero imaginem.
 Nunc, internosse ut nos possitis facilius,
 ego has habebo usque in petaso pinnulas;
 tum meo patri autem torulus inerit auretis
 145 sub petaso; id signum Amphitruoni non erit.
 Ea signa nemo horum familiarium
 videre poterit; verum vos videbitis.

Sed Amphitruonis illic est servus Sosia;
 a portu illic nunc cum laterna huc advenit.
 150 Abigam iam ego illunc advenientem ab aedibus.
 Adest. — Erit operae pretium hic spectantibus
 Iovem et Mercurium facere histrioniam.

ACTUS I. SCENA I.

SOSIA. MERCURIUS.

so. Qui me alter est audacior homo, aut qui con-
 fidencior,
 iuventutis mores qui sciam, qui hoc noctis solus
 ambulem?
 Quid faciam, nunc si Tresviri me in carcerem
 compegerint,
 inde cras e promtuarum cella depromar ad fla-
 grum,
 5 nec causam liceat dicere mihi, neque in heros
 quidquam auxiliis siet,
 nec quisquam sit, quin me omnes esse dignum
 deputent; ita
 quasi incudem me miserum homines octo validi
 caedant; ita

peregre adveniēns hōspitio pūblicitus accipiar.

Haec heri coēgit immodestia, me qui hoc
nōctis a pōrtu ingrātis excitat.

10

Nōne idem hoc lūcis me mittere pōtuit?

Opulento homini hoc servitūs dura est;

hoc mágis miser est divitis servos:

nōctesque diēsque adsiduó satis supérque est,

quó facto aut dicto adest opus, quietus né sis.

15

Ipse dominus, dives operis ét laboris éxpers,

quódcumque homini accidit libere, posse rétar;

aéquom esse putat; non reputat, laboris quid sit;

neque, aéquom anne iníquom imperét, cogitabit.

Ergo in servitūte expetūt multa iniqua;

20

habéndum et feréndum hoc onúst cum labóre.

ME. Satiús est, me queri illo modó servitūtem

hodié. Qui fuerim liber, eum nunc potívit

patér servitūtis; hic, qui verna nátust,

queritúr.

25

Sum véro verna vérbero! so. Número mihi in
mentém fuit,

dis advenientem grátias pro méritis agere atque
adloqui.

Nae illi édepol, si meritó meó reférre studeant
grátias,

aliquem hómīnem adlegent, qui mīhi adveniēti
os occillét probe,

quoniám bene quae in me fécerunt, ingrāta ea ha-
bui atque irrita.

30

ME. Facit ille, quod vulgo haud solent, ut, quid
se sit dignum, sciat.

so. Quod nūquam opinatús fui, neque álius
quisquam civitum

sibi éventurum, id cóntigit, ut sálvi poteremúr domi,

victóres, victis hóstibus. Legiónes reveniúnt
domum,

35 duéllo extincto máxumo atque ínternectis hó-
stibus.

Quod múlta Thebanó poplo acérba obiecit fúnera,
id vi ét virtute mílitum victum átque expugnatum
óppidum est,

império atque auspicio héri mei Amphítruonis
máxume.

Praeda átque agro adóreaque adfécit popularís
suos,

40 regíque Thebanó Creonti régnum stabilivít suum.
Me a pórtu praemisít domum: ut haec núníem
uxorí suae:

ut gesserit rem públicam ductu, imperio, auspi-
ció suo.

Ea núnc meditabor, quó modo illi dícam, quum
illo advénero.

Si díxero mendácium, soléns meo more féceró.

45 Nam quóm pugnabant máxume, ego túm fugie-
bam máxume;

verúmtamen, quasi adfúverim, simulábo atque
audita éloquar.

Sed, quó modo et verbís quibus me déceat fabu-
láríer,

prius ípse mecum etiám volo hic meditári. — Sic
hoc próloquar.

Princípio ut illo advénimus, ubi primum ter-
ram tétigimus,

50 contínuo Amphitruo délegit virós primorum prín-
cipes;

eos légat; Teleboís iubet senténtiam ut dicánt
suam:

si sine vi et sine belló velint rapta ét raptores
trádere,

si, quae ásportassent, rédderent, se exércitum
extempló domum

redúcturum, abiturós agro Argívos, pacem atque
ótium

dare filis; sin alitér sient animáti, neque dent,
quae petat,

55

se igitur summa ví virisque eorum óppidum
expugnássere.

Haec úbi Telebois órdine iterárunt, quos prae-
fécerat

Amphítruo: magnanímí viri, fretí virtute et ví-
ribus,

supérbi, nimis feróci ter legátos nostros incre-
pant;

respóndent: bello et se ét suos tutári posse:
proínde uti

60

properé de finibús suis exércitus dedúcerent.

Haec úbi legatí pértulere, Amphítruo e castris
fíllico

prodúcit omnem exércitum; contra Teleboae ex
óppido

legiónes educúnt suas, nimis púlcris armis praé-
ditas.

Póstquam utrímque éxitum est máxuma cópia,
dísparití viri, dísparití órdines:

65

nós nostras móre nostro ét modo instrúimus
légiones; hóstes contra suas instruunt;

deínde utrínque ímperatór in médium éxeunt
étra turbam órdinum, eónloquuntúr simul.

70

Cónvenit, vícti utri sint eo proélio,
úrbem, agrum, arás, focos séque uti déderent,

Póstquam id actúm est, tubæ utrímque contrá
canunt.

75 Cónsonat térra; clamórem utrimque éfferunt;
ímpetrátór utrimque hínc et illínc Iovi
vóta suscípere, hortári exercítum;
prò se quisque íd, quod quisque ét potest ét
valet,

édit, ferró ferit. Téla frangúnt; boát
coélum fremitú virum. Ex spírítu et anbélitu
80 nébula cónstat; cadúnt
vólnera vi ét viriúm.

Dénique, ut vólúimus, nóstra superát manus;
vícinus ví ferocís.

Hóstes crebrí cadunt; nóstri contra íngruunt:
85 séd fugam in sé tamen nemo convórtitur;
néc recedít loco, quín statim rém gerat.

Ánimam amittúnt prius, quám loco démigrent.
Quisque, ut steterát, iacet óbtingetque órđinem.

Hóc ubi Amphítruo herus cónspicatú'st meus,
90 íllico equités ínbet délixtera ínrúere.

Équites parént citi: ab délixtera máxumo
cúm clamore ínvólant ímpetu álacri,
foédant et próterunt hóstium cópias
iúre íníustás.

95 ME. Nunquam étiam quidquam adhúc verborum
est prólocutus pérperam:

namque égo fui íllic in ré præsenti, et méus,
quum pugnatúm est, pater.

SO. Perduélles penetrant se ín fugam, ubi nóstris
ánimus ádditust.

Vorténtibus Telébois telis cómplebantur córpora,
ipsúsque Amphítruo régem Pterelam súa obtrun-
cavít manu.

Haec illic est pugnáta pugna ab úsque mane ad
vésperum. 100

Hoc ádeo hoc commemini magis, quia illó die
impransús fui.

Sed proélium id tandém diremit nóx interventú
suo.

Postridie in castra ex urbe ad nos véniant fientes
príncipes;

velátis manibus órant, ignoscámus peccatúm
suum;

dedúntque se, divína humanaque ómnia, urbem
et líberos, 105

in dítionem atque in árbítratum cúncti Thebané
poplo.

Post ób virtutem hero Ámphítrueni pátera dona-
ta aúrea est,

qui Ptérela potítare rex est sólitus. Haec sic
dícam herae.

Nunc pérgam heri imperium éxsequi, et mé do-
mum capéssere.

ME. Áttat, illic húc iturust: Ibo ego illi óbviam, 110
néque ego hunc hominem hódie ad aedis háas si-
nam unquam accédere.

Quándo imago est huius in me, cértum est homi-
nem elúdere.

Ét enimvero, quóniam formam cépi huius in me
ét statum,

décet et facta móresque huíus habére me similés
item:

ítaque me malum éssé oportet, cállidum, astu-
tum, ádmodum, 115

átque hunc telé súo sibi, malítia, a foribus
péllere.

so. *Úbi sunt isti scórtatores, quí soli invití cubant?*

Haéc nox scita est éxercendo scórto conductó male. 135

ME. *Méus pater nunc pro huius verbis récte et sapientér facit, quí complexus cum Álcumena cúbat amans, animo óbsequens.*

so. *Íbo, ut, herus quod ímperavit, Álcumenae núntiem.*

Séd quis hic est homó, quem ante aedis vídeo hoc noctis? Nón placet.

ME. *Núllus est hoc méticulosus aéque.* so. *Quum in mentém venit:* 140

Íllíc hoc homo dénuo volt pállium detéxere.

ME. *Tímet homo: delúdam ego illum.* so. *Péris, dentes prúriunt:*

cérto advenientem híc me hospitio púgneo acceptúrus est.

Crédo misericórs est: nunc, proptérea quod me méus herus

fécit ut vigilárem, híc pugnis fáciet hodie, ut dórmiam. 145

Óppido interií! óbsecro hercle, quántus et quam válidus est!

ME. *Cláre advorsum fábulabor: híc auscultet, quae loquar:*

ígitur magis modum in maiorem in sésé concipiét metum.

Ágite, pugni: íám diu est, quod véntri victum nón datis:

íámpridem vidétur factum, hére quod homines quátuor 150

in soporem collocastis nudos. s o. Formidó
male,

né ego hic nomen méum commutem, et Quíntus
fiam e Sósia.

Quátuar virós sopori sé dedisse hic aútmāt:

métuo, ne numerum aúgeam illunc. M E. Hém,
nunc, iam ergo! Síc colo!

155 s o. Cíngitur: certe expedit se. M E. Nón feret,
quin vápulet.

s o. Quís homo? M E. Quisque homo húc profecto
vénerit, pugnós edet.

s o. Ápage, non placét me hoc noctis ésse. Coe-
naví modo.

Próin tu istanc coenám largire, sí sapiš, esurién-
tibus.

M E. Haúd malum huic est pónus pugno. s o.
Périi, pugnós pónderat!

160 M E. Quíd, si ego illum tráctim tangam, ut dór-
niam? s o. Serváveris:

nám continuas hás tris noctes pérvigilavi. M E.
Péssumum est

fácinus! nequitér ferire málam male discís, manus.
Ália forma opórtet esse, quém tu pugno légeris.

s o. Íllíc homo me intépolabit, méumque os fin-
get dénuo.

165 M E. Éxossatum os ésse oportet, quém probe per-
cússeris.

s o. Mírum, ni hic me, quási muraenam, éxos-
sare cógitat.

Últro istunc, qui exóssat homines! períi, si me
adspéxerit.

M E. Ólet homo quidám malo suo. s o. Hei, num-
nam ego óbolui?

ME. *Atque haud longe abesse oportet; verum
longe hinc abfuit.*

SO. *Illic homo superstitiosus est.* ME. *Gestunt
pugni mihi.* 170

SO. *Si in me exerciturus, quaeso, in parietem ut
primum domes.*

ME. *Vox mihi ad aures advolavit.* SO. *Naé ego
homo infelix fui,*

qui non alas intervelli: volucrem vocem gestito.

ME. *Illic homo a me sibi malam rem accessit iu-
mento suo.*

SO. *Non equidem ullum habeo iumentum.* ME. *Onerandus est pugnis probe.* 175

SO. *Lassus sum hercle e navi, ut vectus huc sum;
etiam nunc nauseo;*

*vix incedo inanis: ne ire posse cum onere existu-
mes.*

ME. *Certe enim hic nescio quis loquitur.* SO. *Sal-
vos sum: non me videt:*

*Nescio quem loqui autumat: mihi certo nomen
Sósia est.*

ME. *Hinc enim mihi dextera vox auris, ut vide-
tur, verberat.* 180

SO. *Métuo, vocis né vice hodie hic vapulem, quae
hunc verberat.*

ME. *Óptume, eccum, incédit ad me.* SO. *Tímeo:
totus torpeo:*

*nón edepol nunc, ubi terrarum sím, scio, si quis
roget,*

néquemiser me commovere possum praeformidine.

Illicet, mandata heri perierunt una et Sósia. 185

*Verum certum est confidenter hominem contra
colloqui,*

quí possim vidéri huic fortis, á me ut abstineát manum.

ME. Quo ámbulas tu, quí Volcanum in córnú conclusúm geris?

SO. Quid id exquaeris tú, qui pugnis ós exossas hóminibus?

190 ME. Sérvos esne, an líber? SO. Utcunque ánimo conlubitúm est meo.

ME. Áiin' vero? SO. Áio enimvero. ME. Vérbero, mentíris nunc.

Át iam faciam, ut vérum discas dícere. SO. Quid eo ést opus?

ME. Póssum scire, quó profectus, quóius sis, aut quid véneris?

SO. Húc eo, heri meí sum servos. Númquid nunc es cértior?

195 ME. Égo tibi istam hodié scelestam cómprimam linguam. SO. Haúd potes:

béne pudiceque ádservatur. ME. Périgin' argutárier? Quód apud hasce aedís negotium ést tibi? SO. Imo quód tibi est?

ME. Rêx Creo vigilés nocturnos síngulos sempér locat.

SO. Béne facit: quia nós eramus péregre, tutatúst domum.

200 Át nunc abi sane; ádvenisse fámiliares dícito.

ME. Néscio quam tu fámiliaris sís: nisi actutum hínc abis,

fámiliaris áccipiere fáxo haud fámiliáriter.

SO. Híc, inquam, habito ego, átque horum sum sérvos. ME. At scin' quómodo?

Fáciam ego hodié té superbum, ni hínc abis. SO. Quonám modo?

ME. Aúferere, nón abibis, sí ego fustem súm-
sero. 205

SO. Quín me huius ésse familiae fámiliarem praédico.

ME. Víde, sis, quam mox vápulare vís, nisi actutum hínc abis!

SO. Tún' domo prohibére peregre me ádvenientem póstulas?

ME. Haéccin' tua domúst? **SO.** Ita, inquam. **ME.** Quis herus est igitúr tibi?

SO. Ámphitruo, qui núnc praefectus 'st Thébanis legiónibus; 210

quícum nupta est Álcumena. **ME.** Quíd ais? quod nomén tibi est?

SO. Sósiam vocánt Thebani, Dávo prognátum patre.

ME. Naé tu istic hodié malo tuo cómpositis mendáciis

ádvenisti, audáciai cólumen, consutís dolis!

SO. Ímo equidem tunicís consutis húc advenio, nón dolis. 215

ME. Át mentiris étiam: certo pédibus, non tunicís, venis.

SO. Íta profecto. **ME.** Núnc profecto vápula obmendácium.

SO. Nón edepol voló profecto. **ME.** At pól profecto ingrátis.

Hóc quidem profecto certum est; nón est arbitrárium.

SO. Túam fidem obsecró! **ME.** Tun' te audes Sósiam esse dícere, 220

égo qui sum? **SO.** Períí! **ME.** Parum etiam, praé-ut futurum est, praédicas.

Quóius nunc es? s o. Túus: nam pugnīs úsufeci-
stí tuum.

Próh fidem, Thebáni cives! m e. Étiam clamas,
cárnufex?

Lóquere, quid venísti? s o. Ut esset, quém tu
pugnīs caéderes.

225 m e. Cáius es? s o. Amphitruónis, inquam, Sósia.

m e. Ergo istóc magis,
quía vaniloquus, vápulabis: égo sum, non tu,
Sósia.

s o. Íta di faciant, út tu potius sis, atque ego te
ut vérberem.

m e. Étiam muttis? s o. Iám tacebo. m e. Quis ti-
bi heru'st? s o. Quem tú voles.

m e. Quid igitur? qui nunc vocare? s o. Nemo,
nisi quem iússeris.

230 m e. Ámphitruonis te ésse aiebas Sósiam. s o.
Peccáveram:

nam Ámphitruonis sócium nae med ésse volui
dícere.

m e. Scíbam equidem, nullum ésse nobis, nísi me,
servom Sósiam.

Fúgit te ratió. s o. Utinam istuc púgni fecissént
tui!

m e. Égo sum Sosia ille, quem tu dúdum esse
aiebás mihi.

235 s o. Óbsecro, ut per pácem liceat te ádloqui, ut
ne vápulem!

m e. Ímo induciaé parumper fíant, si quid vís loqui.

s o. Nón loquar, nisi páce facta; quándo pugnīs
plús vales.

m e. Dícito quidvis: nón nocebo. s o. Túae fidei
credó? m e. Meae.

so. Quid, si falles? ME. Tūm Mercurius Sósiaē
iratus siet.

so. Ánimum advorte: nūc licet mihi libere quid-
vis loqui. 240

Ámhitruonis égo sum servos Sósia. ME. Etiam
dénuo?

so. Pácem feci, foédus feci, véra dico. ME. Vá-
pula.

so. Út lubet; quod tibi lubet, fac, quóniam pu-
gnis plús vales.

Vérum utut es facturus, hoc quidem hércle haud
reticebó tamen.

ME. Tū me vivus hódie nunquam fácies, quin sim
Sósia. 245

so. Cérte edepol tu me álienabis nūquam, quin
nostér siem;

néc nobis praetér me alius quísquam est servus
Sósia,

quí cum Ámhitruóne hinc una íveram in exér-
citum.

ME. Híc homo sanus nón est. so. Quod mihi
praédicas vitium, id tibi est.

Quíd, malum? non égo sum servos Ámhitruo-
nis Sósia? 250

Nónne hac noctunóstra navis húc ex pórtu Pérsico
vénit, quae me advéxit? nonne me húc herus
misít meus?

nónne ego nunc sto ante aédís nostras? nón mi
est laterna ín manu?

nón loquor? non vígilo? nonne híc hómo me
pugnis cóntudit?

Fécit hércle: nám mihi etiam mísero nunc malae
dolent. 255

Quid igitur ego dubito? aut cur non introëo in
nostram domum?

ME. Quid? domum nostram? so. Ita enimvero.

ME. Quin quae dixisti modo,
omnia ementitus. Equidem Sósia Amphitruónis
sum:

nám noctu hac solúta est navis nóstra e portu
Pérsico;

260 ét, ubi Pterela réx regnavit, óppidum expugná-
vimus;

ét legiones Téleboarum ví pugnando cépimus:
ét ipse Amphitruo óbtruncavit régem Pterelam
in proélio.

so. Égomet mihi non crédo, quum illaec aútu-
mare illum aúdio:

híc quidem certe, quae illic sunt res géstae, me-
morat mémoriter. —

265 Séd quid ais? quid Ámphitruoni á Telebois ést
datum?

ME. Ptérela rex qui pótitare sólitus est, patera
aúrea.

so. Élocutus est! — Úbi ea patera núnc est?

ME. Est in cístula,
Ámphitruonis óbsignata sígno. so. Signi díc
quid est?

ME. Cúm quadrigis Sól exoriens. Quid me ca-
ptas, cárnufex?

270 so. Árgumentis vícit! Aliud nómen quaerundúm
est mihi.

Néscio, unde haec híc spectavit. Iám ego hunc
decipiám probe:

nám quod egomet sólus feci, néc quisquam alius
ádfuit

in tabernaclo, id quidem hodie núnquam poterit
dicere.

Sí tu Sosia és, legiones quóm pugnabant máxume,
quíd in tabernacló fecisti? Víctus sum, si díxeris. 275

ME. Cádus erat vini; índe implevi hírneam . . so.

Ingressúst viam!

ME. Éam ego, ut matre fúerat natum, víni eduxí
meri.

so. Míra sunt, nisi látuit intus illic in illac hír-
nea!

Fáctum est illud, ut égo illic vini hírneam ebibe-
rím meri.

ME. Quíd nunc? vincon' árgumentis, té non esse
Sósiam? 280

so. Tú negas med ésse? ME. Quid ego ní negem,
qui egomét siem?

so. Pér Iovem iuró, med ésse, néque me falsum
dicere.

ME. Át ego per Mercúrium iuro, tibi Iovem non
crédere.

Nam iniurato, scío, plus credet míhi, quam iura-
tó tibi.

so. Quís ego sum saltém, si non sum Sósia? Te
intérrogo. 285

ME. Úbi ego Sosia ésse nolim, tu ésto sane Sósia.
Núnc, quando ego sum, vápulabis, ni hínc abis
ignóbilis.

so. Cérte edepol, quom illúnc contemplo et fór-
mam cognoscó meam,

quémadmodum ego sum, (saépe in speculum in-
spéxi,) nimis similíst mei;

ítidem habet petasum ác vestitum; tám consimi-
list átque ego: 290

súra, pes, statúra, tonsus, óculi, nasum, [dénus,]
labra,

málae, mentum, bárba; collum, tótus quid
verbis opust?

Sí tergum cicátricosum, níhil hoc símili est sí-
milis.

Séd quom cogito, équidem certo idém sum, qui
sempér fui:

295 nóvi herum, novi aedis nostras: sáne sapio et
séntio.

Nón ego illi obtémpero, quod lóquitur: pultabó
foris.

ME. Quó agis te? so. Domúm. ME. Quadrigas
sí nunc inscendás Iovis,
átque hinc fugias, íta vix poteris éffugere in-
fortúnium.

so. Nónne herae meae núntiare, quód herus meus
iussít, licet?

300 ME. Túae sí quid vis núntiare; hanc nóstram
adire nón sinam.

Nám sí me irritássis, hodie lumbifragium hinc
aúferes.

so. Ábeo potius. Di ímmortales, óbsecro vo-
strám fidem,

úbi ego perii? ubi ímmutatus sum? úbi ego for-
mam pérdidi?

án egomet me illíc reliqui, sí forte oblitús fui?

305 Nam híc quidem omnem imáginem meam, quae
ántehac fuerat, póssidet.

Vívo fit, quod núnquam quisquam mórtuo faciét
míhi.

Íbo ad portum, atque, haéc uti sunt fácta, hero
dicám meo;

nisi et is quoque me ignorabit; quod ille faciat
Iupiter,
ut ego hodie raso capite calvus capiam pſeum.

ACTUS I. SCENA II.

MERCURIUS.

Bene prosp'equae hoc hodie óperis processit
mihi:

amóvi a foribus máximam moléstiam,
patri ut liceret tuto illam amplexárier.
Nam ille ilnc ad herum quem Ámphitruonem
advénerit,

narrábit, servom hinc sése a foribus Sósiam 5
amóvisse; ille adeo illum mentirí sibi
credét, neque credet húc profectum, ut iússerat:
erróris ambo ego illos et deméntiae
complébo, atque omnem Ámphitruonis fámiliam,
adeo úsque satietátem dum capiét pater 10
illíns, quam amat; igitur demum omnés scient,
quae fácta. Denique Álcumenam Iápiter
redíget antiquam in concordiam eóniugis.
Nam Amphítruo actatum uxóri turbas cónciet,
atque insimulabit eám probri; tum méus pater 15
eám seditionem in tranquillum cónferet.
Nunc, de Álcumena dúdum quod dixí minus,
hodie illa pariet filíos gemínos duos;
altér decumo post mense nascetúr puer,
quam sémínatus; áltér mense séptumo. 20
Eorum Ámphitruonis áltér est, áltér Iovis;

- verum minori pūero maior est pater,
 minor maiori. Iamne hoc scitis quid siet?
 Sed Alcumenae huius honoris gratia
 25 pater curavit, uno ut foetu fieret,
 uno ut labore exsolveret aerumnas duas,
 [et ne in suspitione ponatur stupri,
 et clandestina ut celetur susceptio.
 Quamquam, ut iamdudum dixi, resciscet tamen
 30 Amphitruo rem omnem. Quid igitur? nemo id
 probro
 profecto ducet Alcumenae. Nam deum
 non par videtur facere, delictum suum
 suamque culpam expetere in mortalem ut sinat.
 Orationem comprimam: crepuit foris.
 35 Amphitruo subditivus, eccum, exit foras
 cum Alcumena, uxore usuraria.
-

ACTUS I. SCENA III.

IUPITER. ALCUMENA. MERCURIUS.

- IU. Bene vale, Alcumena: cura rem communem,
 quod facis;
 atque imperce, quaeso: menses iam tibi esse
 actos vides.
 Mihi necesse est ire hinc: verum quod erit natum,
 tollito.
 AL. Quid istuc est, mi vir, negoti, quod tu tam
 subito domo
 5 abeas? IU. Edepol haud, quod tui me, neque do-
 mi, distaedeat;

séd ubi summus ímperator nón adest ad exérci-
tum,

cítius, quod non fácto est usus, fít, quam quod
facto est opus.

ME. Nímis hic scitust sýcophanta, quí quidem
mens sít pater.

Óbservatoté, quám blande múlieri palpábitur.

AL. Écastor te expérior, quanti fácias uxorém
tuam. 10

IV. Sátin' habes, si foémínarum nùlla est, quam
aeque díligam?

ME. Édepol nae, illa si ístis rebus té sciat ope-
rám dare,

égo faxim te Amphiútronem ésse malis, quám
loven.

AL. Éxperiri istúc mavellem mé, quam mihi me-
morárier.

Príus abis, quam léctus, ubi cubuísti, concaluíst
locus. 15

Hére venísti média nocte; núnc abis: hoccíne
placet?

ME. Áccedam atque hanc ádpellabo et súppara-
sitabór patri.

Núnquam edepol quemquám mortalem crédo ego
uxorém suam

síc efflictim amáre, proinde ut híc te efflictim
déperit.

IV. Cárnufex, nón égo te novi? ábin' e conspe-
ctú meo? 20

Quíd tibi hanc curátio est rem, vérbero, aut mut-
títio?

quói pol ego iam hoc scípione . . . AL. Ah nó-
li . . . IV. Muttitó modo!

ME. Néquiter paene expetivit prima parasitatio.

IU. Vêrum quod tu dîcis, mea uxor, nôn te mi
irasci decet:

25 clanculum abii á legione; ôperam hanc subri-
pui tibi,

ex me primo prima scires, rem ut gessissem pû-
blicam;

ea tibi omnia énarravi. Nêsite amarem plûrimum,
nôn facerem. ME. Facitne, ut dixi? tímidad
palpo pércutit.

IU. Núnc, ne legio pésentiscat, clam illuc rede-
undum est mihi,

30 né me uxorem praévortisse dicant praere pública.

AL. Lácrumantem ex abitu concinnas tú tuam
uxorém. IU. Tace.

Né corrumpe oculos: redibo actutum. AL. Id
actutum diu est.

IU. Nôn ego te hic lubens relinquo néque abeo
abs te. AL. Séntio:

nám qua nocte ad mé venisti, eádem abis. IU.
Cur mé tenes?

35 Têmpus est; exire ex urbe, priúsqvam luciscát,
volo.

Núnc tibi hanc paterám, quae dono mi illic ob
virtutém data est,

Ptérela rex qui pótitavit, quem égo mea occidí
manu,

Álcumena, tíbi condono. AL. Fácis, ut alias rés
soles.

Écaster condignum donum, quálist, qui donum
dedit!

40 ME. Ímo sic condignum donum, quálist, quoi
donó datum est!

IU. Pérgin' autem? nóne ego possum, fúrcifer,
te pérdere?

AL. Nóli amabo, Amphítruo, irasci Sósiae cau-
sá mea.

IU. Fáciam ita, ut vis. ME. Éx amore hic ádmo-
dum quam saévos est.

IU. Númquid vis? AL. Ut, quem ábsim, me ames,
mé, tuam, absentém tamen.

ME. Eámus, Amphítruó: laciscit hóc iam. IU. Abi
prae, Sósia:

45

iam égo sequar. Numquid vis? AL. Etiam, ut
áctutum adveniás. IU. Licet.

Príus tua opínione híc ádero: bonum animum
hábe modo.

Núnc te, nox, quae mé mansisti, mító, ut ce-
dás dié,

út mortalibus ínlucescat húc clara et cándida;
átque quanto, nóx, faisti lóngior hac próxuma,
táto brevior diés ut fiat, fáciam; ut aequé dis-
paret,

50

ét diés ut nócti accedat. — Íbo, et Mercuriúm
sequar.

ACTUS II. SCENA I.

AMPHITRUO. SOSIA.

AM. Age, í tu secúndum! SO. Sequór, subse-
quór te.

AM. Sceléstissímum te arbitrór. SO. Nam quam-
óbrem?

- AM. Quia id, quod neque est neque fuit neque
futurum est,
mihi praedicás. SO. Ecceré, iam tuátim
5 facís, ut tuís nulla apúd te fidés sit.
AM. Quid ést? quo modó? Iam quidem hércle
ego tibi ístanc
sceléstam, scelús, linguam abscíndam! SO. Tuús
sum:
proinde, út commodum ést et lubét, quidque
fácias:
tamén, quin loquár haec, utí facta súnť hic,
10 nunquam úllo modó me potés deterrére.
AM. Sceléstissime, aúdes mihi praedicáre id,
domí te esse núnc, qui hic adés? SO. Vera díco.
AM. Malúm quod tibi di dabúnt, atque ego hódie
dabo! SO. Ístuc tibi ést in manú: nam tuús sum.
15 AM. Tun' mé, verbero, aúdes, herúm, ludificári?
tun' id dicere aúdes, quod némo unquam homo
ánte hac
vidít, nec potést fierí, tempore úno
homo ídem duóbus locís ut simúl sit?
SO. Profécto, ut loquór, res ita ést. AM. Iupi-
tér te
20 perdát! SO. Quid malí sum, here, tua éx re pro-
méritus?
AM. Rogásne, improbe, étiam qui lúdos facís me?
SO. Meritó mihi maledícas, si nóń id ita fáctum
est;
verum haúd mentiór, resque utí facta díco.
AM. Hómo hic ebrius ést, ut opinor.
25 SO. Útinam ita essem! AM. Optás, quae facta.
SO. Égone? AM. Tu ístic. Úbi bibisti?
SO. Núsquam equidém bibí.

AM. Quid hoc sit hominis? so. Equidem decies dixi: domi sum, inquam, — éequid audis? —
ét apud te adsum Sósia idem. 30

Sátin' hoc plane, sátin' diserte,
hére, nunc videor tibi locutus?

AM. Vah, ápage téd a mé!

so. Quid ést négótií?

AM. Pestís tenet te. so. Nam cur istuc dicís? Equidem valeo ét salvos 35

sum récte, Ámhitruó. AM. At té
ego fáciam hodié, proinde ác meritús'a,
minus út valeas et míser ut sis,

salvos domum si rediéro. Iam 40

séquare, sis, herum quí ludificas dictis delirántibus;
quí, quoniam herus quod ímperavit, néglexisti
pérsequi,

nunc venis etiam últro irrisum dóninum; quae
neque fieri

póssunt neque fando únquam acceperit quísquam,
profers, cárnufex;

quóius ego hodie in térgum faxo ista éxpetant
mendácia. 45

so. Ámhitruo, misérruma istaec míseria est
servó bono,

ápud herum qui véra loquitur, si íd ví verum
víncitur.

AM. Quo íd, malum, pactó potest nam (mecum
argumentís puta)

fieri, nunc utí tu hic sis ét domi? id dicí volo.

so. Sum profecto et híc et illi. Hoc cuívis mí-
rarí licet, 50

néque tibi pol ístuc mirum mágis videtur, quám
mihi.

- AM. Quómodo? SO. Nihilo, inquam, mirum magis tibi istuc quam mihi; néque, ita me di amént, credebam primo mihi met Sósiae, dónec Sosia, ille egomet, fécit, sibi uti créderem.
- 55 Órdine omne, uti quidque actum est, dúm apud hostes sédimus, édissertavit; tum formam una ábatulit cum nómine;
- néque lac lacti magis est simile, quam ille ego simil'et mei.
- Nam út dudum ante lúcem a portu mé praemisi-
stí domum . . .
- AM. Quíd igitur? SO. prius málto ante aedis stá-
bam, quam illo advéneram.
- 60 AM. Quás, malum, nugás? satin' tu sánus es?
SO. Sic sum, út vides.
- AM. Huíc homini nescío quíd est malí mala ob-
iectúm manu,
- póstquam a me abiit. SO. Fáteor: nam sum ob-
túsus pugnis péssume.
- AM. Quís te verberávit? SO. Egomet mémet, qui
nunc súm domí.
- AM. Cáve quidquam, nisi quód rogabo té, mihi
respónderis.
- 65 Ómnium primum, iste qui sit Sósia, hoc dici
volo.
- SO. Túus est servus. AM. Míhi quidem uno té plus
etiam est quám volo;
- néque, postquam sum nátas, habui nisi te ser-
vom Sósiam.
- SO. Át ego nunc, Amphítruo, dico: Sósiam ser-
vóm tuom

praeter me alterum, inquam, adveniens faciam
ut offendas domi,

Davo progeneratum patre eodem, quo ego sum;
forma, aetate item,

70

qua ego sum. Quid opus verbis? geminus Sosia
hic factus tibi.

AM. Nimia memoras mira. Sed vidistin' uxorem
meam?

SO. Quin introire in aedis nunquam licitum est.

AM. Quis te prohibuit?

SO. Sosia ille, quem iamdudum disco, is, qui me
contudit.

AM. Quis istic Sosia est? SO. Ego, inquam. Quo-
tiens dicendum est tibi?

75

AM. Sed quid ais? num obdormivisti dudum?

SO. Nusquam gentium.

AM. Ibi forte istum si vidisses quendam in so-
mnis Sosiam.

SO. Non soleo ego somnuculose heri imperia
persequi:

vigilans vidi, vigilans nunc te video, vigilans
fabulor:

vigilantem ille me iamdudum vigilans pugnis
contudit.

80

AM. Quis homo? SO. Sosia, inquam, ego ille:
quaeso, non me intellegis?

AM. Qui, malum, intelligere quisquam potis est?
ita nugas blatis.

SO. Verum actutum nosces. AM. Quem? SO. Illum
nosces, servum Sosiam.

AM. Sequere hac igitur me: nam mi istuc primum
exquisito est opus.

85 Séd vide ex navi éfferantur, quae imperavi, iam
omnia.

s. O. Ét memor sum et dñligens, ut, quae imperes,
compáreant.

Nón ego cum víno simitu ébibí imperiúm tuom.

AM. Útinam di faxínt, infecta dícta re eveni-
ánt tua!

ACTUS II. SCENA II.

ALCUMENA. AMPHITRUO. SOSIA.

AL. Satín' parva rés est volúptatum in víta atque
in aétate agúnda, [prae quám quod moléstum est?
Ita quoísque comparátum est in aétate hóminum,
ita díis est complácitum,

5 volúptatem ut moérór comés consequátur,]
quin íncommodí plus malíque illico ádsit,
boní si obtigít quid?

Namego íd nunc expérior domo átque ipsa dé me
sció, quói volúptas

10 parúmper data ést, dum virí mihi potéstas
vidéndi fúit noctem únám modo, átque is
repénite hinc abívit a méd ante lúcem.

Sola híc mihi nunc vídeor,
quia ille hinc abést, quem ego amó praeter ómnes,

15 Plus aégri ex abítu virí, quam ex advéntu
volúptatis, cépi,

Sed hóc me beát saltem, quód perduélles
vicít, et domúm laudis cómpo revénit.

Id sólatío ést: dummodó laude páta

domum recipiát se, 20
feram ét perferam úsque abítum eius ánimo
forti átque obfirmáto: id modó si mercédís
datúr mi, ut meús victor vír belli clúeat,
satís mi esse dúcam.

Virtús praemium ést optimúm; 25
virtús omnibús rebus ánteit profécto;
libértas, salús, vita, rés et paréntes
et pátria et prognáti tutántur, servántur;
virtús omnia ín se habét; omnia ádsunt
boná, quem penés'st virtús. 30

AM. Édepol me uxori éxoptatum crédo adventu-
rúm domum,
quae me amat, quam cótra amo; praesértim re
gestá bene,

víctis hostibús, quos nemo pósse superarí ratust:
éos auspicio meo átque ductu prímo coetu ví-
cimus.

Cérte enim me illi éxpectatum optáto ventu-
rúm scio. 35

SO. Quíd? me expectatúm non rere amícae ven-
turúm meae?

AL. Méus vir hic quidem est. AM. Séquere hac tu
me. AL. Nám quid ille revórtitur,
dúdum qui properáre se aibat? án ille me ten-
tát sciens?

Átque id si volt éxperiri, súum abítum ut desí-
derem,

écastor med háud invita sé domum recipít suam. 40

SO. Ámphitruo, redíre ad navim méliust nos.
AM. Qua grátia?

SO. Quía domi datúrus nemo est prándium ad-
veniéntibus.

AM. Quí tibi istuc in méntem venit? s o. Quia enim sero advénimus.

AM. Quí? s o. Quia Alcuménam ante aedis stáre saturam intéllego.

45 AM. Grávidam ego illanc híc reliqui, quom ábeo.
s o. Hei, perís miser!

AM. Quid tibi est? s o. Ad aquám praebandam cómmodum advení domum
décumo post mense, út rationem té ductare intéllego.

AM. Bóno animo es! s o. Scin', quám bono animo sím? Si situlam cépero,
núnquam mihi divíni quidquam créduis post hunc diem,

50 ní ego illi puteó, si occepso, ánimam omnem intertráxero.

AM. Séquere hac me modo: álium ego isti rei ádlegabo; né time.

AL. Mágis nunc meum offícium facere, si húic eam advorsum, árbitor.

AM. Ámphitruo uxorém salutat laétus speratám suam,
quam ómnium Thebís vir unam esse óptumam diiúdicat,

55 quámque adeo civés Thebani véro rumificánt probam.

Váluistin' usque? éxpectatusne ádvenio? s o.
Haud vidí magis
éxpectatum: eúm salutat mágis haud quidquam,
quám canem.

AM. Ét quum gravidam et quúm te pulcre plénam adspicio, gaúdeo.

AL. Óbsecro ecastór, quid tu me déríduli grátia

sic salutas atque adpellas, quasi dudum non
videris, 60

quasi nunc primum recipias te domum huc
ex hostibus,

atque me nunc proinde adpellas, quasi multo
post videris?

AM. Imo equidem te, nisi nunc, hodie nusquam
vidi gentium.

AL. Cur negas? AM. Quia vera didici dicere. AL.
Haud aequum facit,

qui, quod didicit, id dediscit. An periclitamini, 65
quid animi habeam? Sed quid huc vos reverti-
mini tam cito?

An te auspiciu commoratum est, an tempestas
continet,

qui non abiisti ad legiones, ita uti dudum di-
xeras?

AM. Dudum? quam dudum istuc factum est? AL
Tentas? iamdudum modo.

AM. Qui istuc potis est fieri, quaeso, ut dicas,
iamdudum modo? 70

AL. Quid enim censes? te ut deludam contra,
lusorem meum,

qui nunc primum te advenisse dicas, modo qui
hinc abieris.

AM. Haec quidem deframenta loquitur. SO
Paulisper mane,

dum edormiscat unum somnum. AM. Quae ne vi-
gilans somniat?

AL. Equidem ecastor vigillo et vigilans id, quod
factum est, fabulor: 75

nam dudum ante lucem et istunc et te vidi. AM.
Quo in loco?

AL. Híc in aedibus, úbi tu habitas. AM. Nún-
quam factum est. SO. Nón taces?

Quíd, si e portu návis huc nos dórmientis
détulit?

AM. Hei étiam tu quoque ádsentaris húic? SO.
Quid vis fíeri?

80 Nón tu scis, Bacchaé bacchanti sí velis ad-
vorsárier,

éx insana insániozem fácies: feriet saépíns.

Si óbsequare, uná resolas plága. AM. At pol
quin certa res

hánc est obiurgáre, quae med hódie advenientém
domum

nóluerit salútare. SO. Irritábis crabonés. AM.
Tace. —

85 Álcumena, unúm rogare té volo. AL. Quid vís,
roga.

AM. Nún tibi aut stultítia accessit, aut superat
supérbia?

AL. Quí istuc in mentem ést tibi, mi vir, éx me
percontárier?

AM. Quía salutare ádvenientem mé solebas án-
tidhac,

ádpellare itidem út pudicae súos viros, quae
súnt, solent;

90 éo` more expertém te factam advéniens offendí
domum.

AL. Écastor equidém te certo heri híc advenien-
tem íllico

ét salutavi, ét, valuissesne úsque, exquisiví simul,
mí vir, et manúm prehendi et ósculum tetulí tibi.

SO. Tún' heri hunc salútavisti? AL. Et té quo-
que etiam, Sósia.

- so. *Amphitruo, speravi ego istanc tibi parituram filiam:* 95
verum non est puero gravida. AM. Quid igitur?
 so. *Insania.*
 AL. *Equidem sana sum, et deos quaeso, ut salva pariam filium;*
verum tu magnum malum habebis, si hic suum officium facit;
ob istuc omen, ominator, capies, quod te concedet.
 so. *Enimvero praegnati oportet et malum et malum dari,* 100
ut, quod obrodatur, sit, animo si male esse occiperit.
 AM. *Tu me heri hic vidisti?* AL. *Ego, inquam, si vis decies dicere.*
 AM. *In somnis fortasse.* AL. *Imo vigilans vigilantem.* AM. *Vae mihi!*
 so. *Quid tibi est?* AM. *Delirat uxor.* so. *Atra bili percita est:*
nulla res tam delirantis homines concinnat cito. 105
 AM. *Ubi primum tibi sensisti, mulier, impliciscier?*
 AL. *Equidem ecastor sana et salva sum.* AM. *Cur igitur praedicas,*
te heri me vidisse, qui hac noctu in portum advecti sumus?
Ibi coenavi atque ibi quievi in navi noctem perpetem,
neque meum pedem huc intuli etiam in aedis, ut cum exercitu 110
hinc profectus sum ad Teleboas hostes, eosque ut vicimus.

AL. Ímo mecum coénavisti, et mécum cubuisti.

AM. Quid est?

[Níne te pudét, scelesta, pópuli in conspectum ingredi?]

AL. Véra dico. AM. Nón quidem hercle de háo re; de aliis néscio.

115 AL. Prímulo dilúculo abiisti ád legiones. AM. Quómodo?

so. Récte dicit, út commeminit: sómniū nar-rát tibi.

Séd, mulier, postquam épperrecta es, prodi-gialí Iovi
aút mola salsa hódie, aut thure, cómprecatam opórtuit.

AL. Vaé capiti tuó! so. Tua istuc réfert, si cu-ráveris.

120 AL. Íterum iam hic in me ínclementer dicit, atque id síne malo.

AM. Táce tu! — Tu dic: égone abs te abii hinc hódie cum dilúculo?

AL. Quís igitur, nisi vós, narravit mi, illic ut fuerit proélum?

AM. Án et id tu scis? AL. Quíppe quae ex te au-dívi, ut urbem máxumam

éxpugnavissés, regemque Ptérelam tute occíderis.

125 AM. Égone istuc dixí? AL. Tute istic, étiam ad-stante hoc Sósia.

AM. Aúdistin' tu mé narrare hoc hódie? so. Ubi ego audíverim?

AM. Hánc roga. so. Me quídem praesente nún-quam factum est, quód sciam.

AL. Mírum, quin te advórsus dicat. AM. Sósia, age, me huc ádspice.

so. Spécto. AM. Vera vólo loqui te, nólo ad-
sentarí mihi:
aúdivistin' tu hódie me illi dícere ea, quae illa
aútnumat? 130

so. Quaéso edepol, num tú quoque etiam insá-
nis, quom id me intérogas,
qui ípsus equidem núnc primum istanc técum
conspició simul?

AM. Quén nunc, mulier, aúdin' illum? AL. Ego
véro, ac falsum dícere.

AM. Néque tu illi, neque mihi, viro, ipsi crédis?
AL. Eo fit, quía mihi
plúrimum et credo ét scio, ista esse fácta proin-
de, ut próloquor. 135

AM. Tún' me heri advenísse dicis? AL. Tún' te
abiisse hodie hínc negas?

AM. Négo enimvero, et me ádvenire núnc primum
aió ad té domum.

AL. Óbsecro, etiamne hóc negabis, te aúream
paterám mihi
dédisse dono hodié, qua te illic donatum esse
díxeras?

AM. Néque edepol dedí, neque dixi; vérum ita
animatús fui, 140

ítaque nunc sum, ut éa te patera donem. Sed
quis istúc tibi

díxit? AL. Ego quidem éx te audiui, et éx tua
accepí manu

páteram. AM. Mane, mane, óbsecro te! — Ní-
mis demiror, Sósia,

quí illaec illic mé donatum esse aúrea paterásciat,
nísi tu dudum hanc cónvenisti et nárravisti haec
ómnia. 145

so. Néque edepol ego díxi, neque istam vídi, nisi tecúm simul.

AM. Quid hoc sit hominis? AL. Vín' proferri páteram? AM. Proferri volo.

AL. Fíat. Heus tu, Théssala, intus páteram profertó foras,

quá hodie vir méus donavit mé. AM. Secede huc, Sósia.

150 Énimvero illud praéter alia míra miror máxume, si haéc habet pateram íllam. so. An etiam id crédis? quae in hac cístula

túo signo obsignáta fertur. AM. Sálvom signum est? so. Ínspecte.

AM. Récte: ita est, ut óbsignavi. so. Quaéso, quin tu istánc iubes

pró cerrita círcumferri? AM. Édepol quin facto ést opus:

155 nam haéc quidem edepol láruarum pléna est. AL. Quid verbís opust?

Hém tibi pateram, éccam. AM. Cedo mi. AL. Age, ádspice huc sis núnc iam

tú, qui, quae facta, ínficiare, quem égo iam hic convíncám palam.

Éstne haec patera, quá donatu's íllic? AM. Summe Iúpiter,

quíd ego video? haec ea ést profecto pátera: perii, Sósia.

160 so. Aut pol haec praestígíatrix múlter multo máxuma est,

aut pateram hic inesse oportet. AM. Ágedum, [eam] solve cístulam.

so. Quid ego istam exsolvam? Óbsignata est récte. — Res gesta ést bene:

tú peperisti Amphítruonem, ego álium peperi
Sósiam;
núnc si pateram pátera peperit, ómnes congemi-
návimus.

AM. Cértum est aperire átque inspicere. so. Ví-
de sis, signi quíd siet: 165

né posterius ín me culpam tránsferas. AM. Aperí
modo:

nam haéc quidem nos délirantis fácere dictis
póstulat.

AL. Únde haec igitur ést, nisi abs te, quae mihi
donó data est?

AM. Ópus mí est istuc éxquisito. so. Iúpiter!
proh Iúpiter!

AM. Quíd tibi est? so. Hic pátera nulla in cístula
est. AM. Quíd ego áudio? 170

so. Íd, quod verum ést. AM. Át cum cruciatú
iam, nisi adparét, tuo.

AL. Haéc quidem adparét. AM. Quis igitur tibi
dedit? AL. Qui mé rogat.

so. Mé captas, quia túte ab navi clánculum huc
aliá via

praécucurrísti, átque hinc pateram túte exemísti,
átque eam

huíc dedísti, pósthac rursus óbsignásti cláncu-
lum? 175

AM. Hei mihi, iam tú quoque huius ádiuvás ín-
sániam. —

Áin', heri nos ádvenisse huc? AL. Áio; adve-
niensque illico

mé salutavísti, et ego te; et ósculum tetulí tibi.

so. Iám illud non placét principium de ósculo.

AM. Perge éxsequi,

- 180 AL. Lávisti. AM. Quid, póstquam lavi? AL. Ád-
cubuisti. SO. Euge! óptume!
núnc exquire! AM. Ne ínterpella. — Pérge por-
ro dícere.
- AL. Coéna adposita est! cóncoenasti mécum;
ego adcubuí simul.
- AM. Ín eodem lectó? AL. In eodem. SO. Hei,
nón placet convívium.
- AM. Síne modo arguménta dicat. — Quid, post-
quam coenávimus?
- 185 AL. Té dormire asbas: mensa abláta est; cu-
bitum hinc ábiimus.
- AM. Úbi cubuisti? AL. In eódem lecto técum una
in cubículo.
- AM. Pérdidisti! SO. Quid tibi est? AM. Haec mé
modo ad mortém dedit.
- AL. Quid iam, amabo? AM. Né me adpella! SO.
Quid tibi est! AM. Períi miser,
quía pudicitiae húius vitium me híc absente est
ádditum.
- 190 AL. Óbsecro ecastór, cur istuc, mí vir, ex ted aúdio?
AM. Vír ego tuus sim? Né me adpella, fálsa, fal-
so nómine!
- SO. Haéret haec res, sí quidem híc iam múl-
lier facta est éx viro.
- AL. Quid ego feci, qua ístaec propter dícta dí-
cantúr mihi?
- AM. Túte edictas fácta tua: ex me quaéris, quid
delíqueris!
- 195 AL. Quid ego tibi delíqui, si, quoi núpta sum,
tecúm fui?
- AM. Tún' mecum fuerís? Quid illac ímpudente
audácius?

Sáltem tute, sí pudoris égeas, sumas mútuam.

AL. Ístuc facinus, quód tu insimulas, nóstro generi nón decet.

Tú si me impudíctiai cáptas, capere nón potes.

AM. Próh di immortalés, cognoscín' tú me saltem, Sósia? 200

so. Própemodum. AM. Coenávin' ego heri in návi in portu Pérsico?

AL. Míhi quoque adsunt tēstes, qui illud, quód ego dicam, adséntiant.

[AM. Quí testes? AL. Testés. AM. Quid testiculáre? AL. Enim unó sat est.

Néc nobis praesente aliquis nisi sérvus Sosia áffuit.]

so. Nescio, quid istúc negoti dícam, nisi hi quíspiam est 205

Ámphitruo alius, quí fortasse te híc absente síc tamen

túam rem curet, téque absente híc múnus fungatár tuum:

námque de illo súbditivo Sósia mirúm nimis 'st; certo de istoc Ámphitruone iam álterum mirum ést magis.

AM. Nescio quis praestígiator hánc frustratur múlIERem. 210

AL. Pér supremi régis regnum iúro et matrem fámilias,

Iúnénem, quam mé vereri et métuere est par máxume,

út mi extra unum té mortalis némo corpus corpore

cóntigit, quó me ímpudícam fáceret. AM. Vera istaéc velim.

215 AL. Véra dico, séd nequidquam, quóniam non vis crédere.

AM. Múlier es: audácter iuras. AL. Quae non deliquít, decet audacem esse, et cónfidenter pró se et protervé loqui.

AM. Sátis audacter! AL. Út decet pudícam. AM. Tu verbís proba es.

AL. Nón ego illam míhi dotem duco ésse, quae dos díctur;

220 séd pudicitiam ét pudorem, et sédatum cupídinem, deúm metum, paréntum amorem et cógnatúm concórdiam:

tíbi morigera atque út munifica sím bonis, prósim probis.

so. Nae ísta edepol, si haec véra loquítur, éxamussim est óptuma.

AM. Délenitus súm profecto ita, út me, qui sim, nésciam.

225 so. Ámphitruo es profecto: cave sis, né tu te usu pérduis,

(íta nunc homines ímmutantur) póstquam peregre advénimus.

AM. Múlier, istano rem ínquisitam oértum est non amíttere.

AL. Édepol me lubénte facies. AM. Quíd ais? respondé mihi.

Quíd, si adduco túm cognatum húc a navi Naúcraten,

230 quí mecum una véctust una návi; atque is si dénecat

fácta, quae tu fácta dicis, quíd tibi aequom est fíeri?

númquid causam dícis, quin te hoc múltem matrimónio?

AL. SÍ deliqui, núlla causa est. AM. Cónvenit.
Tu, Sósia,
duc hos intro. Ego húc ab navi mécum abducam
Naúcraten.

so. Nunc quidem praetér nos nemo est: díc mihi
verum sério, 235

écquis alius Sósia intust, quí mei similís siet?

AL. Ábin' hinc a me, dignus domino sérvos? so.
Abeo, sí iubes.

AL. Nímis ecastor fácius mirum est, quí illi col-
lubitám siet,
méo viro, med ínsimulare fálsum facinus tám
malum.

Quíddquid est, iam ex Naúcrate cognáto id co-
gnoscám meo. 240

ACTUS III. SCENA I.

IUPITER.

Ego sum ille Amphitrúo, quóius est servus Sósia,
idém Mercurius quí fit, quando cómmodum est,
in súperiore quí habito coenáculo,
qui intérdum fio Iúpiter, quandó lubet;
huc anítem quum extemplo ádventum adporto,
filico 5

Amphítruo fio et véstitum immutó meum.
Nunc húc honóris vóstri venio grátia,
ne hanc ínchoatam tránsigam comoédiam;

PLAUT. I.

D

- simul Álcumenae, quám vir insentém probri
 10 Amphítruo accusat, véni, ut auxiliúm feram :
 nam méa sit culpa, quód egomet contráxerim,
 id Álcumenae si innocentí expetat.
 Nunc Ámphitruonem mémet, ut ocepí semel,
 esse ádsimulabo, áque in horum fámiliam
 15 frustrátionem hódie iniiciam máxamam;
 post igitur demum fáciam, res fiát palam,
 atque Álcumenae in témpore auxiliúm feram,
 faciámque, ut uno foétu, et quod gravida ést
 viro,
 et mé quod gravida est, páriat sine dolóribus.
 20 Mercúrium iussi mé continuo cónsequi,
 si quíd vellem imperáre. Nunc hanc ádloquar.

ACTUS III. SCENA II.

ALCUMENA. IUPITER.

- AL. Duráre nequeo in aédibus: ita mé probri,
 stuprí, dedecoris á viro argutám meo!
 Ea, quae sunt facta, infecta esse occlámitat;
 quae néque sunt facta, néque ego in me admisi,
 árguit;
 5 atque id me susque déque esse habiturám putat.
 Neque édepol faciam, néque me perpetiár probri
 falso insimulatam, quín ego illum aut déseram,
 aut sátsfaciat mihi, áque adiuret insuper,
 nolle ésse dicta, quae in me insentem prótulit!
 10 IU. Faciúndum est mi illud, fieri quod illaec pó-
 stulat,

si me illam amantem ad sese studeam recipere.
Quando, ego quod feci, id factum Amphitruoni
obfuit,

atque illi dudum meus amor negotium
insonti exhibuit: nunc autem insonti mihi
illius ira in hanc et maledicta expetent. 15

AL. Et eccum video, qui me miseram arguit
stupri, dedecoris. IU. Te volo, uxor, colloqui.
Quo te avortisti nunc? AL. Ita ingenium meum
est:

inimicos semper osa sum obtuerier.

IU. Eia autem inimicos! AL. Sic est; vera praedico: 20

nisi etiam hoc falso dici insinulaturus es.

IU. Nimis iracunda es. AL. Potin' ut abstineas
manum?

Nam certo si sis sanus aut sapias satis,
quam tu impudicam esse arbitrare et praedices,
cum ea tu sermonem nec ioco nec serio 25
tibi habeas, nisi sis stultior stultissimo.

IU. Si dixi, nihilo magis es, neque ego esse arbitror;

et id huc revorti, ut me de hoc purgarem tibi:
nam nunquam quidquam meo animo fuit aegrius,
quam postquam audiui, te esse iratam mihi. 30

Cur dixisti? inquis. Ego expediam tibi.

Non edepol, quo te esse impudicam crederem;
verum periclitatus animum sum tuum,
quid faceres, et quo pacto id ferre induceres.

Equidem ioco illa dixeram dudum tibi, 35
Ridiculi causa. Vel hunc rogato Sosiam.

AL. Quin huc adducis meum cognatum Naucraten
testem, quem dudum te adducturum dixeras,

te huc nōn venisse? IU. Sī quid dictum est p̄r
iocum,

40 non aequom est, id te s̄rio praeūrtier.

AL. Ego illud scio quam d̄lnerit cordi meo.

IU. Per d̄xteram tuam te, Alcumena, oro, ob-
secro,

da m̄hi hanc veniam: ign̄sce: irata n̄ sies.

AL. Ego istaec feci v̄rba virtute irrita:

45 nunc quādo factis me impudicis ābstines,
ab impudicis d̄ctis avortī volo.

Valeās: tibi habeas r̄s tuas, reddās meas.

Iuben' mī ire comites? IU. Sānan' es? AL. Si
nōn iubes:

ibo ēgomet; comitem m̄hi pudicitiam d̄uxero,

50 IU. Mane: ābitratu t̄uo iusiurandūm dabo,
me m̄eam pudicam esse ūxorem arbitrārier.

Id ēgo si fallo, tūm te, summe Iūpiter,
quaeso, Amphitruoni ut s̄mper iratūs sies.

AL. Ah, pr̄pitius sit p̄tius. IU. Confid̄o fore:

55 nam iusiurandum v̄rum te advorsūm dedi.

Iam nūc irata nōn es? AL. Non sum. IU. B̄e-
ne facis.

Nam in h̄mīnum aetate m̄lta eveniunt h̄uius-
modi:

capiūnt voluptates, cāpiunt rursus m̄serias;
irae interveniunt, rédeunt rursus in gr̄tiam;

60 verum irae si quae f̄orte eveniunt h̄uiusmodi
int̄r eos: rursus sī reventum in gr̄tiam est,
bis t̄anto amici sūnt inter se, quā́m prius.

AL. Primū́m cavisse op̄rtuit, ne d̄ceres;
verum eādem si idem p̄rgas, m̄hi patiūnda sunt.

65 IU. Iube v̄ro vasa p̄ra adornarī m̄hi:
ut quae āpud legionem v̄ta vovi, sī domum

redíssem salvos, éa ego exsolvam ómnia.

AL. Ego istúc curabo. IU. Évocate huc Sósiam:

gubérnatorem, qui ín mea naví fuit,
Blepharónem arcessat, qui nobiscum prándeat. 70

Is ádeo impransus hódie ludificábitur,
quum ego Ámphitruonem cóllo hinc obstrictó
traham.

AL. Mirúm, quid solus sécum secreto ille agat.

Atque áperiuntur aédes; exit Sósia.

ACTUS III. SCENA III.

SOSIA. IUPITER. ALCUMENA.

SO. Ámphitruo, adsum: sí quid opus est, ímpera:
imperium éxsequar.

IU. Óptume advenís. SO. Iam pax est ínter vos,
quaesó, duos?

Nám quia vos tranqúillos video, gáudeo, et vo-
lupe ést mihi.

Átque ita servom pár videtur frúgi sese instítuere,
proínde herí ut sint, ípse ítem sit; vóltum e vóltu
cómparet; 5

trístis sit, si herí sint trístes; hílarus sit, si gaú-
deant.

Séd age, respondé: iam vos redístis in concór-
diam?

IU. Dérides, qui scís, haec dudum mé dixisse pér
iocum.

SO. Án id ioco dixísti? Equidem sério ac veró
ratus.

- 10 IU. Hábui expurgátionem: fácta pax est. SO.
Óptume est.
- IU. Égo rem divinam íntus faciam, vóta quae
sunt. SO. Cénseo.
- IU. Tú gubernatórem a navi huc évoca verbís meis
Blépharonem, ut is, ré divina fácta, mecum prán-
deat.
- SO. Iam híc ero, quum illíc censebis ésse me. IU.
Actutum húc redi.
- 15 AL. Númquid vis, quin ábeam iam intro, ut ad-
parentur, quíbus opust?
- IU. Í sane et, quantúm potest, paráta fac sint
ómnia.
- AL. Quín veni, quandó vis, intro. Fáxo haud
quidquam sít morae,
[quándo ista omnia éxiurasti, té mi dixi pér io-
cum.]
- IU. Récte loquere et próinde, diligéntem ut uxo-
rém decet.
- 20 Iam hi áambo, et servos ét hera, frustra súnt
duo,
qui me Ámphitruonem réntur esse; erránt probe.
Nunc tú, divíne, húc fac adsis, Sósia!
audís, quae dico, támetsi praesens nóñ ades.
Fac, Ámphitruonem ádvenientem ab aédibús
25 ut ábigas quovis pácto commentás sies!
Volo déludi illum, dúm cum hac usurária
uxóre nunc mihi mórigero. Haec curáta sint
fac sís próinde adeo, út me velle intélligis,
atque út ministres míhi, quom sacrificém mihi.

ACTUS III. SCENA IV.

MERCURIUS.

Concedite atque abscedite omnes! de via decedite,
nec quisquam tam audax fuit homo, qui obviam
obsistat mihi!

Nam mihi quidem hercle quod minus liceat, deo,
minitârier

populo, ni decedat mihi, quam servolo in co-
moediis?

Ille navem salvam nuntiat, aut fratri adventum
senis;

5

ego sum Iovi dicto audiens, eius iussu nunc huc
me adfero:

quamobrem mi magis par est via decedere et con-
cedere.

Patér vocat me, eum sequor, eius dicto imperio
sum audiens:

ut filium bonum patri esse oportet, itidem ego patri
amanti supparasitor, hortor, adsto, admoneo,
gaudeo,

10

si quid patri voluptest, voluptas ea mihi multo
maxima est.

Amat? sapit, recte facit, animo quando obsequi-
tur suo;

quod omnis homines facere oportet, dum id modo
fiat bono.

Nunc Amphitruonem vult deludi meus pater:
faxo probe

iam hic deludatur, spectatores, vobis inspectan-
tibus.

15

- Capiám coronam mi ín caput; adsímulabo me
 esse ébrium,
 atque illuc sursum escéndero: inde óptume aspel-
 lám virum
 de súpero, quom huc accésserit: faciam, út sit
 madidus sóbrius.
 Deinde ille actutum súbferet suus sérvus poenas
 Sósia:
 20 eum fécissee ille hodie árguet, quas ego féceró hic.
 Quid íd mea?
 Meo me aéquom est morigerum ésse patri; eius
 stúdio servire áddcet.
 Sed éccum Amphitruonem: ádvenit: iam ille híc
 deludetúr probe;
 siquidém vos voltis aúscultando operám dare.
 Ibo íntro: ornatum cápíam, qui potís decet;
 25 dein súrsum ascendam in téctum, ut illum hinc
 próhibeam.

ACTUS IV. SCENA I.

AMPHITRUO.

- Naúcratem quem cónvenire vólui, in navinón erat:
 néque domi neque in úrbe invenio quémquam, qui
 illum víderit:
 nam ómnis plateas pérreptavi, gýmnasia et my-
 ropólia;
 ápod emporium atque ín macello, ín palaestra
 atque ín foro,
 5 ín medicinis, ín tonstrinis, ápod ómnis aedís sacras

súm defessus quaéritando, núsquam invenio
Naúcratem.

Núnc domum ibo, atque éx uxore hánc rem per-
gam exquírere,

quís fuerit, quem própter corpus súum stupri
compléverit:

nám me, quam illam quaéstionem inquisitam ho-
die amíttre,

mórtuum satiúst. Sed aedis óccluserunt. Eú-
gepae!

10

hóc fit pariter, átque ut alia fácta sunt. Feriám
foris.

Aperite hoc! heus écquis híc est? écquis hoc ape-
rit óstium?

ACTUS IV. SCENA II.

MERCURIUS. AMPHITRUO.

ME. Quís ad fores est? AM. Égo sum. ME. Quid ego
sum? AM. Íta loquor. ME. Tibi Iúpiter

díque omnes iráti certo súnt, qui sic frangás fores.

AM. Quó modo? ME. Eo modo, út profecto ví-
vas aetatém miser.

AM. Sósia! ME. Ita; sum Sósia, nisi me ésse
oblitum exístumas.

Quíd nunc vis? AM. Sceléste, at etiam quíd velim,
id tu mé rogas?

5

ME. Íta rogo: paene éffregisti, fátue, foribus
cárdines.

Án fores censébas nobis públicitus praebérer?

Quid me adspectas, stólide? quid nunc vís tibi,
aut quis tu és homo?

AM. Vèrbero, etiam, quis ego sim, me rógitas,
ulmorum ácheruns?

10 quém pol ego hodie ób istaec dicta fáciam fer-
ventém flagris.

ME. Pródigum te fuisse oportet ólim in adu-
lescéntia.

AM. Quidum? ME. Quia senécta actate á me
mendicás — malum.

AM. Cúm cruciatu tío istaec hodie, véna, verba
fúnditas.

ME. Sácrufico ego tibi. AM. Qui? ME. Quia
cnim té macto infortúnio.

.

(Quae post hunc versum supposita leguntur in editio-
nibus vulgatis, ea neque in Palatinis, neque in ullo codice
scripta reperiuntur. Ista igitur omnia recentiorum com-
menta, praesertim quia ita comparata erant, ut et lectori-
bus et poësi ipsi non possent non vero detrimento esse si
legerentur, abiecta dudum oportuit, quemadmodum invecta
fuerant olim, sive ab Hermolae Barbaro sive alio quo-
piam medii aevi Pseudoplauto. In codicibus post versum 14.
qui supra legitur, statim nulloque interstitio iuncta sunt,
quae hic sequuntur: *Vos inter vos* etc.)

ACTUS IV. SCENA III.

BLEPHARO. AMPHITRUO. IUPITER.

BL. Vós inter vos istaec partite: ego ábeo: mihi
negótium est.

Néque ego unquam usquam tanta mira me vidisse censeo.

AM. Blépharo, quaeso, ut advocatus mi adsis, neve abeas. BL. Vale.

Quid opust me advocato, qui, utri sim advocatus, nescio?

IU. Intro ego hinc eo: Alcmena parturit. AM. Peris miser!

5

quid ago, quem advocati iam omnes atque amici deserunt?

Nunquam edepol me inultus istic hūdicabit, quisquis est:

nān iam ad regem recta ducam, resque ut facta est, eloquar.

Égo pol illum ulciscar hodie Thessalum veneficum, qui pervorse perturbavit familiae mentem meae. 10

Sed ubi ille est? Intro edepol abiit, credo, ad uxorem meam.

Qui me Thebis alter vivit miserior? quid nunc agam,

quem omnes mortales ignorant et ludificant, ut lubet?

Certum est, introrūmpam in aedes: ubi, quemque hominem adspexero,

sive ancillam, sive servom, sive uxorem, sive adulterum, 15

seu patrem, sive avom videbo: obtruncabo in aedibus.

Néque me Iupitér, neque di omnes id prohibebunt, si volent,

quin sic faciam, uti constitui. Pergam in aedes nunc iam.

ACTUS V. SCENA I.

BROMIA. AMPHITRUO.

- BR. Spes átque opes vitae meae iacént sepultae
in pectore;
neque ulla est confidentia iam in corde, quin amiserim:
ita mihi videntur omnia, mare, terra, coelum,
consequi,
iam ut opprimar, ut enicer. Me miseram! quid
agam, nescio:
5 ita tanta mira in aedibus sunt facta. Vae miserae
mihi!
animó male est: aquám velim! corrupta sum atque
absunta sum.
Caput dolet; neque audio, neque oculis prospicio
satis;
nec me miserior foemina est, neque ulla videatur
magis.
Ita herae meae hodie contigit: nam ubi parturit,
deos sibi invocat:
10 strépitus, crepitus, sónitus, tonitru, ut subito, ut
propere, ut tonuit valide.
Ubi quisque institerat, concidit crepitu. Ibi
nescio quis máxima
voce exclamat: Alcumena, adest auxilium! ne
time:
ét tibi et tuis propitius coeli cultor advenit!
Exsurgite, inquit, qui terrore meo occidistis praemetu!
15 Ut iacui, exsurgo. Ardere censui aedis: ita tum
confulgebant.

Íbi me inclamat Álcumena: tum éa res me hor-
rore ádficit.

Herilis praevortit metus: adcúrro, ut sciscam,
quíd velit,
atque illam geminos fílios puerós peperisse cón-
spicor;

neque nóstrum quisquam sénsimus, quum péperit,
neque praevídimus.

Séd quid hoc? quis hic ést senex, 20

qui ante aédis nostras sic iacet?

numnam hunc percussit Iúpiter?

Credo édepol: nam, proh Iúpiter!

sepúltust, quasi sit mórtuus.

Ibo ét cognoscam, quisquis est. 25

Amphítruo hic quidem est, hérus meus.

Amphítruo! AM. Perii! BR. Súrge. AM. Interii!

BR. Cédo manum! AM. Quis mé tenet?

BR. Tua Brómia ancilla. AM. Tótus timeo: ita
me increpuit Iúpiter;

nec sécus est, quam si ab Ácherunte véniam. Sed
quid tú foras

egréssa es? BR. Eadem nós formido tímidas ter-
rore ímpulit. 30

In aédibus, ubi tu hábitas, nimia míra vidi. Vaé
mihi,

Amphítruo: ita mihi ánimus etiam núnc abest.

AM. Agedum, éxpedi:

scin' mé tuum esse herum Ámphitruonem? BR.

Scío. AM. Vide etiam núnc. BR. Scío.

AM. Haec sóla sanam méntem gestat meórum fa-
miliárium.

BR. Imo ómnes sani súnť profecto. AM. At me
úxor insanúm facit 35

suis foëdis factis. BR. Át ego faciam, tu ídem ut
aliter praédices,

Ámphitruo: píam ét pudícam ésse tuam uxorem
út scias.

De éa re signa atque árgumenta paúcis verbis
éloquar.

Ómnium primum tibi Álcumena géminos peperit
fílios.

40 AM. Áin' tu? geminos? BR. Géminos. AM. Di
me sérvant. BR. Sine me dícere:
út scias, tibi tuaéque uxori déos ésse omnis pró-
pitios.

AM. Lóquere. BR. Postquam párturire hodie
úxor occepít tua,

úbi utero exortí dolores, út solent, puérperae:
ínvocat deos ímmortalis, út sibi auxiliúm ferant,

45 mánibus puris, cápíte operto. Íbi continuo
cóntonat

sónitu maxumo. Aédís primo rúere rebamúr tuas:
aédes totae cónfulgebant túae, quasi éssent
aúreae.

AM. Quaéso, absolvito hínc me extemplo, quán-
do satis delúseris.

Quíd fit deinde? BR. Dum haéc aguntur, ínterea
uxorém tuam

50 néque gementem néque plorantem nóstrum quis-
quam audívimus:

íta profecto síne dolore péperit. AM. Íam istuc
gaúdeo,

útut erga me est mérita. BR. Ístaec mitte, átque
haec, quae dicam, áccipe.

Póstquam peperit puéros, lavere iússit nos. Oc-
cépimus.

Séd puer ille, quém ego lavi, ut mágnus et mul-
túm valet!

néque eum quisquam cónligare quívit in cuná-
bulis.

55

AM. Nímia mira mémoras! Si istaec véra sunt,
divínitus

nón metuo quín méae uxori látae suppetiaé sient.

BR. Mágis iam faxo míra dices. Póstquam in cu-
nas cónditust,

dévolant angués iubati deórsum in impluviúm
duo

máximi; contínuo extollunt ámbo capita. AM.
Héi míhi!

60

BR. Né pave. Sed ángues oculis ómnis circum-
visere;

póstquam pueros cóspicati, pérgunt ad cunás
citi;

égo cunas recéssim rursum vórsum trahere et
dúcere,

métuens pueris, míhi formidans; tántoque an-
gues ácrius

pérsequi. Postquám conspexit ángues ille altér
puer,

65

cítus e cunis éxilit, facit récta in anguis ímpetum,
áalterum altera ádprehendit éos manu perníciter.

AM. Míra memoras: nímis formidolósum facinus
praédicas:

nám míhi horror mémbra misero pércipát dictís
tuis.

Quíd fit deinde pérro, loquere. BR. Púer ambo
angués émicat.

70

Dum haéc aguntur, vóce clara exclámat uxorem
tuam . . .

- AM. Quis homo? BR. summus Imperator divom
atque hominum, Iupiter.
Is se dixit cum Alcumena clam consuetum cubi-
libus,
eumque filium suum esse, qui illos anguis vicerit;
75 alterum tuum esse dixit puerum. AM. Pol me
haud poenitet
scilicet, boni dimidium mihi dividere cum Iove.
Abi domum: iube vasa pura actutum adornari
mihi,
ut Iovis supremi multis hostiis pacem expetam.
Ego Tiresiam coniectorem advocabo et consulam,
80 quid faciendum censeat; simul hanc rem, ut fa-
cta est, eloquar.
Sed quid hoc? quam valide tonuit! Di, obsecro
vostram fidem!

ACTUS V. SCENA II.

IUPITER. AMPHITRUO.

- IV. Bono animo es: adsum auxilio, Amphitruo,
tibi et tuis.
Nihil est, quod timeas: hariolos, haruspices
mitte omnis: quae futura et quae facta, eloquar,
multo adeo melius, quam illi, quum sim Iupiter.
5 Primum omnium: Alcumenae usuram corporis
cepi, et concubitu gravidam feci filio;
tu gravidam item fecisti, quum in exercitum
profectus: uno partu duo peperit simul.
Eorum alter, nostro qui est susceptus semine,

suis fáctis te immortalí adficiet glória. 10
 Tu cum Álcumena uxóre antiquam in grátiam
 redi: haúd promeruit, quámobrem vitio vórteres:
 mea ví subacta est fácere. Ego in coelúm migro.



ACTUS V. SCENA III.

A M P H I T R U O.

Fáciam ita, ut inbés, et te oro, prómissa ut ser-
 vés tua.

Íbo ad uxorem íntro; missum fácio Tiresiám
 senem.

Núnc, spectatorés, Iovis summi caúsa clare plaú-
 dite.



A S I N A R I A



DRAMATIS PERSONAE

LIBANUS, servus Demaeneti.

DEMAENETUS, senex.

ARGYRIPPUS, eius filius.

CLEAERETA, lena.

LEONIDA, conservus Libani.

PHILENIUM, meretrix.

DIABOLUS, miles.

PARASITUS.

ARTEMONA, uxor Demaeneti.

MERCATOR.

GREX.

S U M M A R I U M.

Iuvenis Argyrippus, Demaeneti filius, amat Philenium, quae est apud Cleaereta lenam. Cleaereta autem cum milite Diabolo de Philenio pepigerat, ita tamen, ut, si Argyrippus prior afferret viginti minas, Argyrippus eam haberet. Is ergo, quaerens pecuniam, Demaenetum adit patrem, rogans ut viginti sibi minarum faciat potestatem. Demaenetus autem, qui dotatam duxerat, totus ab huius potestate pendet, et ab atriensi Saurea, quem illa dotalem adduxerat. Cupit tamen se beneficium praestare filio, et Libanum servum iubet, quoquo modo possit, vel se vel uxorem vel atriensem viginti minis fraudare. Eo ipso tempore advenit mercator, atriensi pro emptis asiis pretium soluturus. Ergo Libanus conservum suum Leonidam subornat, ut is atriensis agat personam, argentumque illud ab mercatore auferat. Idque perficiunt, mercatorque argentum, praesente Demaeneto hero, numerat. Id igitur Argyrippe traditur, ea tamen conditione, ut patiat, Philenium unum diem cum patre Demaeneto esse. Quod ille lubens concedit. Dum autem epulae fiunt, advenit miles, Demaenetumque cum Philenio accumbentem conspicit. Qua re iratus, Artemonam adducit, quae suum virum male mulcatum, ex lustris abripit. Argyrippus autem ad Philenium introit.

Scena fortasse Athenis.

ARGUMENTUM.

Amánti argento filio auxiliárier
Sub império vivens vólt senex uxório.
Itaque ób asinos relátum pretium Saúreac
Numerárier iubet sérvulo Leónidae.
Ad amícam id fertur: cédit noctem filius.
Rivínus amens ób praereptam múlierem;
Is rem ómnem uxori pér parasitum núnťiat.
Adcúrrit uxor, ác virum ex lustris rapit.

P R O L O G U S.

Hoc ágite, sultis, spectatores, nunc iam;
quae quidem mihi atque vobis res vortat bene,
gregique huic et dominis atque conductóribus.
Face iam nunc tu, praeco, omnem auritum po-
plum! —

Age, nunc reside! cave modo, ne grátiis. — 5

Nunc, quid processerim huc et quid mihi volnerim,
dicam: ut sciretis nomen huius fabulae.

Nam quod ad argumentum attinet, sané breve est.

Nunc, quod me dixi velle vobis discere,
dicam: huic nomen graece Onagos fabulae; 10

Demóphilus scripsit, Márcus vortit bárbare;

Asináriam volt esse, si per vos licet.

Inést lepos ludúsque in hac Comoédia;

ridícula res est: date benigne operam mihi:

ut vos item alias, páriter nunc, Mars ádiuvet. 15

A C T U S I. S C E N A I.

LIBANUS. DEMAENETUS.

LL. Sicút tuum vis únicum gnatúm tuae
superesse vitae, sóspitem et supérstitem:
ita téd obtestor pér senectutém tuam,

- perque illam, quam tu métuís, uxorem tuam:
 5 si quíd meū erga tu hódie falsum díxeris,
 ut tibi superstes úxor aetatem siet,
 atque illa viva vívus ut pestem óppetas.
 DE. Per deúm fidem! quae quaéris, iurató mihi
 videó necesse esse éloqui, quidquíd roges:
 10 ita me óbstinatē adgréssus, ut non aúdeam
 profécto, percontánti quin promam ómnia.
 Proinde áctutum, istuc quíd sit, quod scire
 éxpetis,
 elóquere. Ut ipse scíbo, te faciam út scias.
 LI. Dic óbsecro, hercle, sério, quod té rogem.
 15 Cave míhi mendacii quídquam! DE. Quin tu
 ergó rogas?
 LI. Num me illuc ducis, úbi lapis lapidém terit?
 DE. Quid istúc est, aut ubi est istuc terrarúm
 loci?
 LI. Ubi flént nequam homines, qui polentam
 pránsitant.
 DE. Quid istúc sit, aut ubi istúc sit, nequeo
 nóscere,
 20 ubi flént nequam homines, qui polentam prán-
 sitant.
 LI. Apud fústitudinas férri crepinas insulas,
 ubi vívos homines mórtui incursánt boves.
 DE. Modo pól percepi, Lísbane, quid istuc sít loci:
 ubi fít polenta, té fortasse dícere. LI. Ah!
 25 neque hércle ego istuc díco, neque dictúm volo;
 teque óbsecro hercle, ut, quae locutus, déspuas.
 DE. Fiát; geratur mós tibi. LI. Age, age, us-
 que éxscrea!
 DE. Etiámne? LI. Age, quaeso hercle; úsque ex
 penitis faucibus!

etiam amplius! DE. Nam quousque? LI. Usque
ad mortem volo.

DE. Cave sis malam rem! LI. Uxoris dico, non
tuam. 30

DE. Donó te ob istuc dictum, ut expers sis metu.

LI. Di tibi dent, quaecunque optes! DE. Redde
operam mihi.

Cur hoc ego ex te quaeram, aut cur minitèr tibi,
propterea quod me non scientem féceris?

aut cur postremo filio succenseam, 35

patrès ut faciunt céteri? LI. Quid istuc novi est?

Demíror, quid sit, ét, quo evadat, sum in metu.

DE. Equidém scio iam, filius quod amét meus

istanc meretricem e próxumo Philénium.

Estne hoc, ut dico, Líbane? LI. Rectam instás
viam; 40

ea rés est. Sed eum mórbus invasít gravis.

DE. Quid mórbi est? LI. Quia non súppetunt
dictís data.

DE. Tune és adiutor núnc amanti filio?

LI. Sum véro, et alter nóster est Leónida.

DE. Bene hércle facis, et á me initis grátiam. 45

Verúm meam uxorem, Líbane, nescis, quális sit.

LI. Tu primus sentis; nós tamen praenóscimus.

DE. Fateór, eam esse impórtunam atque incóm-
modam.

LI. Postérius istuc dícis, quam credó tibi.

DE. Omnés parentes, Líbane, liberís suis, 50

qui mi aúscultabunt, fácient obsequéntiam;

quippequí mage amico utántur gnato et bénevolo.

Átque égo me id facere stúdeo: volo amari á
meis;

volo mé patris mei símillem, qui causá mea

- 55 nauclerio ipse ornatu per fallaciam,
quam amabam, abduxit ab lenone mulierem,
neque produxit eum, id aetatis, sycophantias
struere, et beneficiis me emere gnatum suum sibi.
Eos me decretum est persequi mores patris.
- 60 Nam me hodie oravit Argyrippus filius,
uti sibi amanti eius facerem argenti copiam;
et id ego percipio obsequi gnato meo:
volo amoris eius obsecutum, volo amet me pa-
trem;
quamquam illum mater arte contentaque habet.
- 65 Patres ut consueverunt, ego mitto omnia haec;
praesertim, quom is me dignum, quo concre-
deret,
habuit, me habere honorem eius ingenio decet:
quom me adiit, ut pudentem gnatum aequom est
patrem,
cupio esse amicae quod det argentum suae.
- 70 LI. Cupis id, quod cupere te nequidquam intellego.
Dotalem servom Saurean uxor tua
adduxit, quo plus in manu sit, quam tibi.
DE. Argentum accepi: dote imperium vendidi.
Nunc verba in pauca conferam, quid te velim.
- 75 Viginti iam usust filio argenti minis:
face id ut paratum iam sit. LI. Unde gentium?
DE. Me defrudato. LI. Maximas nugae agis:
nudo detrahare vestimenta me iubes.
Defrudem te ego? Age, sis, tu sine penne vola.
- 80 Tene ego defrudem, quo ipsi nihil est in manu,
nisi quid tu porro uxorem defrudaveris?
DE. Qua me, qua uxorem, qua tu servom Sauream
potes, circumduce! aufer! promitto tibi
non offuturum, si id hodie effeceris.

LI. Iubeás una opera mé piscari in áëre, 85
venári autem iáculo in medió mari.

DE. Tibi óptionem súmito Leónidam.

Fabricáre quidvis, quídvis comminíscere:
perfícito, argentum hódie ut habeat fílius,
amícae quod det. LI. Quíd ais tu, Demaénete? 90
quid áis, si forte in insidias devénero?

tu rédimes me, si me hóstes intercéperint?

DE. Redimám. LI. Tum tu igitur áliud cura,
quíd lubet.

DE. Ego eo ád forum, nisi quíd vis. LI. I! etiam-
ne ámbulas?

DE. Atque audín' etiam? LI. Écce! DE. Si quid
té volam, 95

ubi erís? LI. Ubicunq;e lúbitum erit animó meo.
Profécito nemo est, quém iam dehinc metuám
mihí,

ne quíd nocere pössit, quando tú tua
orátione omnem ánimum ostendistí tuom;
quin té quoque ipsum fácio haud magni, si hoc
patro. 100

Pergám, quo ocepi, atque sibi consilia exórdiar.

DE. Audín' tu? apud Archibúlum ego ero argen-
tárium.

LI. Nempe in foro? DE. Ibi, si quíd opus fuerit.

LI. Méminero.

DE. Non ésse servus péior hoc quisquám potest,
nec mágis versutus, nec quo ab caveas aégrius; 105
eidem hómini, si quíd récte curatúm velis,
mandés; moriri sésse misere mávolet,

quam nón perfectum réddat, quod promísset.

Nam ego illud argentum tám paratum fílio
scio ésse, quam me hunc scípionem cóntui. 110

Sed quid ego cesso ire ad forum, quo incé-
peram?
Ibo, atque ibi manébo apud argentarium.

ACTUS I. SCENA II.

ARGYRIPPUS.

- Siccine hoc fit? foras aedibus me élici?
Prómerenti óptume hoccín' preti rédditur?
Béne merentí mala es, mále merentí bona es!
Át malo cúm tuo: nám iam ex hoc loco
5 ibo ego ad tríviros, vóstraque ibi nómina
fáxo erunt: cápitis te pérdam ego et fíliam,
pérlecebrae, pérniciés, ádulescentum éxitium!
Nám mare haud ést mare; vós mare acórrumum:
nam in mari réperi, híc elaví bonis.
10 Íngrata atque írrita esse ómnia intéllego,
quaé dedi, et quód benefecí. At posthác tibi
mále, quod potero fácere, faciam, méritoque id
faciám tuo.
Égo pol te redigam eódem, unde orta es, ad ege-
statis téminos:
égo edepol te faciám, ut, quae sis núnc, et quae
fuerís, scias.
15 Quaé, priusquam istam adii atque amans ego
ánimum meum istí dedi,
sórdido vitam óblectabas páne, in pannis, ínopia;
éa si erant, magnás habebas ómnibus dis grátias:
éadem nunc, quom ést mélius, me, cuius óperá
est, ignorás mala.

Réddam ego te ex ferá fame mansuétem; me
spectá modo!

Nam ísti quod succénseam ipsi, níhil est; nihil
quidquám meret: 20

túo facit iussú, tuo imperio páret: mater tu, éa-
dem hera es:

té ego ulciscar! té ego, ut digna es, pérdam, at-
que ut de mé meres!

Át, scelesta, viden', ut ne id quidem mé dignum
esse existumat,

quém aseat, quem cólloquatur, quoísque irato
súpplicet?

Átque, eccam, illecebra éxit tandem. Opinor,
hic ante óstium 25

méo loquar modo, quae volam, quoniam íntus
non licítum ést mihi.

ACTUS I. SCENA III.

CLEARETA. ARGYRIPPUS.

CL. Unumquodque istórum verbúm númis Phi-
lippeis aúreis

nón potest anferre hinc a me, sí quis emtor vénerit.
Néc recte quae tu ín nos dicis, aúrum atque ar-
gentúm merum est.

Fíxus hic apud nós est animus túus clayo Cupí-
dinis,

Rémigio velóque, quantum póteris, festína ét fuge: 5
quám magis te ín altám capessis, tam aéstus te
ín portúm refert.

AR. Égo pol istum pórtitorem prívabo portório.
Égo te dehinc, ut mérita es de me et méa re, tra-
ctare éxsequar,
quóm tu med, ut méritus sum, non tráctas, quae
eiicís domo.

10 CL. Mágis istuc percípimus lingua díci, quam
factís fore.

AR. Sólus solitúdine ego te atque áb egestate
ábstudi:
sólus si ductém, referre grátiam nunquám
potes.

CL. Sólus ductató, si semper sólus, quae poscám,
dabis;
sémper tibi promíssum habeto hac lége, dum
superés datis.

15 AR. Quí modus dandí? nam nunquam tú quidem
explerí potes:
módo quod accepsti, haúd multo post áliquid,
quod poscás, páras.

CL. Quíd modi est ductádo, amando? nún-
quamne explerí potes?

Módo remisistí: continuo iam, út remittam ad
té, rogas.

AR. Dédí equidem, quod mécum egisti. CL. Et
tíbi ego misi múlierem:

20 pár pari datum hóstimentum est: ópera pro pe-
cúnia.

AR. Mále agis mecum. CL. Quíd me accusas, sí
facio officiúm meum?

Nám neque fictum usquám, neque pictum, néc
scriptum in poématis,

ábi lena bene agát cum quiquam amánte, quae
frugi ésse volt.

AR. Mihi quidem te parcere aequum est tandem,
ut tibi durum diu.

CL. Non tu scis? quae amanti parcat, eadem sibi
parcat parum. 25

Quasi piscis, itidem est amator lenae: nequam
est, nisi recens.

Is habet succum, is suavitatem; cum quovis pa-
cto condias,

vel patinariū, vel assum; vorses, quo pacto
lubet.

Is dare vult; is, se aliquid posci: nam ubi de
pleno promitur,

neque ille scit, quid det, quid damni faciat; illi
rei studet: 30

vult placere sese amicae, vult mihi, vult pedisequae,
vult famulis, vult etiam ancillis; et quoque ca-
tulō meo

subblanditur novus amator, se ut quom videat
gaudeat.

Vera dico. Ad suum quemque hominem quaes-
tum esse aequum est callidum.

AR. Perdidici ista esse vera damno cum magno
meo. 35

CL. Si ecastor nunc haberas, quod des, alia verba
perhibeas;

nunc quia nihil habes, maledictis te eam ductare
postulas.

AR. Non meum est. CL. Nec meum quidem ede-
pol, ad te ut mittam gratis.

Verum aetatis atque honoris gratia hoc fiet tui,
quia nobis lucro fuisti potius, quam decori tibi: 40
si mihi dantur duo talenta argenti numerata in
manum,

hanc tibi noctem honoris causa grátiis donó dabo.

AR. Quid, si non est? CL. Tíbi non esse crédam;
illa alio ibít tamen,

AR. Úbi illaec, quae dedi ánte? CL. Abusa: nám
si ea durarént mihi,

45 múlter mitterétur ad te; núnquam quidquam
pósoerem.

Díem, aquam, solem, lúnam, noctem, haéc ar-
gento nón emo;

cétera, quaeque vólumus úti, Graéca mercamúr
fide.

Quom á pistore pánem petimus, vínum ex oeno-
pólio:

si aés habent, dant mércem. Eadem nós disci-
plina útimur:

50 sémper oculatae nostrae manús sunt: credunt,
quód vident.

Vétus est „Nihili cócio est;“ scis, cúius: non
dico ámplius.

AR. Áliam nunc mihi orátionem désoliato praé-
dicas,

lónge áliam, ínquam, praebes núnc, atque olim,
quúm dabam,

áliam atque olim, quúm ílliciebas me ád te blan-
de ac bédice:

55 túm mihi aedes quoque ádridebant, quom ád te
veniebám, tuae;

me únice unum ex ómnibus te atque íllam amare,
aibás mihi;

úbí quid dederam, quási columbae púlli in ore
ambae meo

úsque eratis; méo de studio stúdia erant vestra
ómnia;

úsque adhaerebátis; quod ego iússeram, quod
vólueram,
fáciebatis; quód nolebam ac vétueram, de indú-
stria
fúgiebatis, néque conari id fácere audebatís prius.
Nunc neque quid velím, neque nolim, fácitis
magni, péssumae.

60

CL. Nón tu scis? hic nóster quaestus aúcupii simíl-
limus'st.

Aúceps quando cóncinnavit áream, obfundít ci-
bum:

áves adsuescunt. Necesse est facere súmum, qui
quaerít lucrum.

65

Sáepe edunt; semél si captae súnť, rem solvunt
aúcupi.

Ítidem hic apud nos: aédís nobis área est; au-
céps sum ego;

ésca est meretrix; léctus illix ést; amatorés aves:
béne salutandó consuescunt, cómpellando blán-
diter,

ósculando, orátione vínnula, venústula.

70

Sí papillam pértractavit, haúd id est ab re aú-
cupis;

sávium si súmsit, sumere éum licet sine rétibus.

Haéccine te esse oblítum, in ludo quí fuisti tám diu?

AR. Túa ista culpa est, quae discipulum sémi-
doctum abs te ámoves.

CL. Rémeato audactér, mercedem sí eris nactus;
núnc abi.

75

AR. Máne, mane! audi! díe, quid me aequom cén-
ses pro illa tibi dare,

ánnum hunc ne cum quíquam alio sit? CL. Téne?
vigintí minas,

átque ealege: si álius ad me prius attulerit, tú vale.

AR. Át ego: est etiam, priusquam abis, quod
vólo loqui. CL. Dic, quód lubet.

80 AR. Nón omnino iám perivi: est réliquom, quod
pereám magis:

hábeo, unde istuc tibi, quod poscis, dém; sed in
legés meas

dábo, ut scire póssis: perpetuom ánnum hunc
mihi uti sérviat,

néc quemquam interea álium admittat prorsus,
quam me, ad sé virum.

CL. Quín, si tu volés, domi servi quí sunt, ca-
strabó viros.

85 Póstre mo, ut volés nos esse, sýngrapham facito
ádferas;

út voles, ut tibi lubebit, nóbis legem impónito:
módo tecum una argéntum adferto; fáci le patiar
cétera.

Pórtitorum simíllumae sunt iánuae lenóniae:
si ádfers, tum patént; si non est, quód des, aedes
nón patent.

90 AR. Ínterii, si nón invenio ego íllas vigintí minas;
ét profecto, nísi illud perdo argéntum, pereun-
dum ést mihi.

Núnc pergám ad forum átque experiar ópibus,
omni cópia:

súpplícabo, exóbsecrabo, ut quémque amicum
vídero;

dígnos, indignós, adire atque éxperiri cértum est
mí:

95 nám si mutuás non potero, cértum est, sumam
foénore.

ACTUS II. SCENA I.

LIBANUS.

Hércle vero, Lísbane, nunc te mélius expérgiascer!
[átque argento cómparando fíngere falláciam.]
Iám diu factum est, quóm discesti áb hero atque
abíisti ád forum:

igitur inveniúndo argento ut fíngeres falláciam,
íbi tu ad hoc diéi tempus dórmítasti in ótio.

Quín tu abs te socórdiam omnem réicis, segní-
tiem ámoves,
átque ad ingeniúm vetus vorsútum te recipís
tuom?

Sérva herum: cave tú idem faxis, álíi quod servi
solent,
quí ad heri fraudátionem cállidum ingeniúm ge-
runt. —

Únde sumam? quem íntervortam? quo hánc
celocem cónferam?

Ímpetritum, inaúguratum est; quóvis admittúnt
aves;

pícus, cornix ést ab laeva, córvus, parra ab
détertera.

Cónsuadent. Certum hércle est, vostram cónse-
qui senténtiam.

Séd quid hoc, quod pícus ulmum túndit? Haud
temerárium est.

Cérte hercle, ego quantum éx angurio aúspicii
intéllego,

aut míhi in mundó sunt virgae, aut átriensi Saú-
reae.

Séd quid illuc, quod éxanimatus cúrrit hic Leónida?

Métuo, quod illic óbscaevavit méae falsae falláciae.

ACTUS II. SCENA II.

LEONIDA. LIBANUS.

LE. Úbi ego nunc Libanúm requiram aut fámi-
liarem fílium,
út ego illos lubéntiores fáciam, quam Lubéntia
est?

Máxumam praedam ét triumphum eis ádfero ad-
ventú meo.

Quándo mecum páriter potant, páriter scortari
solent,

5 hanc quidem, quam náctus, praedam, páriter
cum illis pártiam.

LI. Íllic homo aedis cómpilavit, móre si fecít suo.
Vaé illi, qui tam indíligenter óbservavit iánuam!

LE. Aétatem velím servire, Líbanum ut conve-
niám modo,

LI. Méa quidem hercle ópera liber núnquam fies
ócíus.

10 LE. Étiam de tergó ducentas plágas praegnantés
dabo.

LI. Lárgitur pecúlium omne: in térgo thesaurúm
gerit.

LE. Nám si huic occásioni témpus subterdúxerit,
núnquam edepol quadrígis albis indípiscet póstea;

hérum in obsidióne linquet, inimicúm animos
aúxerit.

Séd si mecum occasiõnem opprímere hanc, quae
obvenít, studet: 15

máxumas opímitates gaúdio effertíssumas
súis heris ille úna mecum páriet, gnatoque ét patri:
ádeo ut aetatem ámbó ambobus nóbis sint obnoxii,
nóstro devinctí beneficio. L.L. Víntos nescio quós
ait.

Nón placet: metuo, ín commune né quam frau-
dem fraúsus sit. 20

L.E. Péríi ego oppidó, nisi Libanum invénio iam,
ubiubi est géntium.

L.L. Íllic homo socium ád malam rem quaérit
quem adiungát sibi.

Nón placet: pro mónstro extemplo est, quádo,
quí sudát, tremit.

L.E. Séd quid ego hic, properáns, concesso pédi-
bus, lingua lárgior?

Quín ego hanc iubeó tacere, quae loquens lacerát
diem? 25

L.L. Édepol hominem ínfelicem, quí patronam
cómpriat!

Nám si quid sceléste fecit, língua pro illo péierat.

L.E. Ádproperabo: né post tempus praédae prae-
sidiúm parem.

L.L. Quae illaec praeda est? Íbo advorsum atque
eléctabo, quídquid est.

Íubeo te salvére voce súmma, quoad virés valent. 30

L.E. Gýmnasium flagrí, salveto. L.L. Quíd agis,
custos cárceris?

L.E. Ó catenarúm colone! L.L. O vírgarum lascí-
via.

LE. Quót pondo ted éssé censes núdum? LI. Non edepól scio.

LE. Scíbam ego, te nescíre; at pol ego, quí ted expendí, scio:

35 núdus vinctus céntum pondo es, quándo pendes pér pedes.

LI. Quo árgumento istúo? LE. Ego dicam, quo árgumento et quó modo:

ád pedes quando ádligatumst aéquom centupón-
dium;

úbí manus manicaé complexae súnť atque ad-
ductae ád trabem,

néc dependes, néc propendes, quía — malus ne-
quámque sis.

40 LI. Vaé tibi! LE. Istoc téstamento Sérvitus legát
tibi.

LI. Vébivelitátionem fíeri compendí volo.

Quíd istuc est negóti? LE. Certum est crédere?

LI. Audactér. LE. Licet,

sis, amanti súbvenire fáмилиari fílio:

tántum adest boni improviso; vérum commi-
stúm malo.

45 Ómnes de nobís carnuficum cóncelebrabuntúr dies.

Líbane, nunc audácia ustust nóbis inventa ét dolis:

tántum facinus módo inveni ego, út nos dica-
múr duo

ómnium digníssumi esse, quó cruciatus cónfluant.

LI. Érgo mirabár, quod dudum scápulae gesti-
bánt mihi,

50 háriolari quae óccoeperunt, síbi esse in mundó
malum.

Quídquid est, elóquere. LE. Magna est praéda
cum magnó malo.

J.L. Si quidem omnes cóniurati crúciamenta cón-
ferant:

hábeo, opinor, fámiliarem térgum, ne quaerám
foris.

L.E. Si istanc firmitúdinem animi óbtimes, salví
sumus.

L.L. Quín, si tergo rés solvenda est, rápere cupio
públicum:

55

pérnegabo atque óbduro, pérjurabo dénique.

L.E. Hém, ista virtus ést, quando usust, quí ma-
lum fert fórtiter.

Fórtiter malúm qui patitur, ídem post patitúr bo-
num.

L.L. Quín rem actutum edússeris? Cupió malum
nancíscier.

L.E. Plácide ergo unumquídque erogita; ut ác-
quiescam. Nón vides,

60

me éx cursura anhélitum etiam dúcere? L.L. Age
age, mánsero

tuo árbitratu, vél adeo usque dúm peris. L.E. Ubi-
nam ést herus?

L.L. Máior apud forum ést, minor hic íntus est.

L.E. Iam satis ést mihi.

L.L. Túm igitur tu es díves factus? L.E. Mítte ridi-
culária.

L.L. Mítto igitur. Istúc, quod adfers, aures exspe-
ctánt meae.

65

L.E. Ánimum advorte: ut aéque mecum haéc
scias. L.L. Taceó. L.E. Beas.

Méministin', asinós Arcadicos mércatori Pél-
lao

nóstrum vendere átriensem? L.L. Mémini. Quid
tum póstea?

- L.E. Hem érgo is argentum húc remisit, quód da-
 retur Saúreae
 70 pró asinis. Aduléscens venit módo, qui id argen-
 tum áttulit.
 L.L. Úbi is homo est? L.E. Iam dévorandum cén-
 ses, si conspéxeris.
 L.L. Íta enimvero. Séd tamen tu némpe eos asi-
 nos praédicas,
 vétulos, claudos, quíbus subtritae ad fémina iam
 erant úngulae?
 L.E. Ípsos, qui tibi súbvectabant rúre huc virgas
 úlmeas.
 75 L.L. Téneo : atque iidem te hínc vexerunt vínctum
 rus. L.E. Memorás probe.
 Vérum, in tonstrina út sedebam, me ínfít percon-
 tárier,
 écquem filiúm Stratonis nóverim Demaénetum.
 Dico me novísse extemplo, et me éius servom
 praédico
 ésse, et aedis démonstravi nóstras. L.L. Quid tum
 póstea?
 80 L.E. Áit, se ob asinos férre argentum átriensi Saú-
 reae,
 víginti mnas, séd eum se non nóvisse hominem,
 quí siet;
 ípsum vero sé novísse cállide Demaénetum.
 Quóniam ille elocútus haec sic . . . L.L. Quid tum ?
 L.E. Ausculta ergó : scies :
 éxtemplo faciό facetum me átque magnificúm vi-
 rum ;
 85 dico, med esse átriensem. Síc hoc respondít mihi :
 égo pol Saureám non novi, néque, qua facie sít,
 scio : .

té non aequom est súccensere. Sí herum vis De-
maénetum,
quém ego novi, addúce: argentum nón morabor
quín feras.

Égo me dixeram ádducturum et mé domi praestó
fore;

ille in balineás iturust; índé huc veniet póstea. 90

Quíd nunc consilí captandum cénset? dic. L.I.

Hem, istúc ago,

quómodo argento intérvortam et ádventorem et
Saúream.

Iam hóc opus est exásciatum. Nám si ille argen-
túm prius

hóspes huc adfért, continuo nós ambo exclusí su-
mus.

Nám me hodie senéx seduxit sólum seorsum ab
aédibus,

95

míhi tibi que intérminatus, nós futuros úlmeos,
ní hodie Argyríppo viginti éssent argentí minae;
iússit vel nos átriensem, vél nos uxorém suam
défraudare; díxit sese óperam promissám dare.

Núnc tu abi ad forum ád herum, et narra, haec út
nos acturí sumus: 100

te éx Leonidá futurum esse átriensem Saúream,
dum árgentum adferát mercator pró asinis. L.E.

Faciam, út iubes.

L.I. Égo illum interea hic óblectabo, prius si forte
advénérít.

L.E. Quíd ais? L.I. Quíd vis? L.E. Púgno malam
sí tibi percússero,

móx quom Saureán imitabor, cavéto ne succénseas. 105

L.I. Hércle vero tú cavebis, né me attingas, sí sapis,
né hodie maló cum auspicio nómen commutáveris.

LE. Quaéso aequo animo pátitor. LI. Patitor tú item, quom ego te réferiam.

LE. Díco, ut usus fíeri. LI. Dico hercle égo quoque, ut factúrus sum.

110 LE. Né nega. LI. Quin prómitto, inquam, hostíre contra, ut mérueris.

LE. Égo abeo; tu, iám scio, patiére. Sed quis hic ést? Is est!

Ille est ipsus! Iam égo recurro huc: tú hunc interea híc tene:

vólo seni narráre. LI. Quin tuum officium facis ergo, ác fugis?

ACTUS II. SCENA III.

MERCATOR. LIBANUS.

ME. Ut démonstratae súnť mihi, hasce aédís esse opórtet,

Demaénetus ubi díctur habitáre. I, puere, púlťa, atque átriensem Saúream, si est íntus, evocáto huc.

LI. Quis nóstras sic frangít foris? Ohe, inquam, si quid aúdis!

5 ME. Nemo étiam tetigit: sánun' es? LI. At cénsebam attigísse,

proptérea, huc quia habebás iter: nolo égo fores, consérvas

meas, á te verberárier: sane égo sum amicus nóstris.

ME. Pol haúd perículum est, cárdínes ne fóribus effringántur,

si istóc exemplo tu ómnibus, qui quaérunt, respondébis.

LI. Ita haéc morata est iánna: extémplo ianitórem

10

clamát, procul si quém videt ire ád se calcitrónem.

Sed quíd venis? quíd quaéritas? ME. Demaénetum volébam.

LI. Si sít domi, dicám tibi. ME. Quid? éius atriénsis?

LI. Nihiló mage intus ést. ME. Ubi ést? LI. Ad tónsorem ire díxit.

ME. Quom vénisset, post nón rediit? LI. Non édepol. Quid volébas?

15

ME. Argénti vigintí minas, si adéssset, accepíssset.

LI. Qui pro istuc? ME. Asinos véndidit Pellaéo mercatóri

Mercátu. LI. Scio. Tu id núnc refers? Iam hic crédo eum adfutúrum.

ME. Qua fácie voster Saúrea ést? Si is ést, iam scire pótero.

LI. Maciléntis malis, rúfulus, aliquántum ventriósus,

20

truculéntis oculis, cómmoda statúra, tristi frónte.

ME. Non pótuít pictor réctius describere eius fórmam.

LI. Atque hércle ipsum adeo cóntnor; quassánti capite incédit.

Quisque óbviám huic occésserit iráto, vapulábit.

ME. Si quidem hércle Aeacidinís minis animáque expletus cédit,

25

Si méd iratus tétigerit, irátus vapulábit

ACTUS II. SCENA IV.

LEONIDA. MERCATOR. LIBANUS.

LI. Quid hoc sít negoti? néminem meum díctum
magni fácere?

Libanum ín tonstrinam ut iússeram veníre, is nul-
lus vénit.

Nae ille édepol tergo et crúribus consúluit haud
decóre!

ME. Nimis ímpériosust. LI. Vaé mihi hodié!

LE. Salvere iússi

5 Libanúm libertum! iám manu emíssus? LI. Ob-
secró te.

LE. Nae tu hércle cum magnó malo mihi óbviám
occessísti!

Cur nón venisti, ut iússeram, in tonstrínam? LI.
Hic me morátust.

LE. Si quidem hércle nunc summúm íovem te dí-
cas detinuísse,
atque ís precator ádsiet, malám rem effugies nún-
quam.

10 Tu, vérbero, imperiúm meum contémsti? LI. Pe-
rii, hósper!

ME. Quaeso hércle, noli, Saúrea, mea caúsa hunc
verberáre.

LE. Utinám nunc stimulus ín manu mihi sít . . .

ME. Quiesce, quaéso.

LE. qui látera conterám tua, quae occálluere
plágis. —

Abscéde, ac sine me hunc pérdere, qui sémper me
ira incéndit,

quoniam nunquam unam rem me licet semel praeci-
pere furi, 15

quin centies eadem imperem atque obganniam;
itaque iam hercle

clamore ac stomacho non queo labori suppeditare.
Iussim, scelestes, ab ianua hoc sterces hinc au-
ferri?

iussim columnis deiici operas aranearum?
iussim in splendorum dari bullas has foribus no-
stris? 20

Nihil est: tamquam si claudus sim, cum fusti est
ambulandum.

Quia triduum hoc unum modo foro operam adsi-
duam dederim,

dum reperiam, qui quaeritet argentum in foenus:
hic vos

dormitis interea domi, atque herus in hara, haud
aedibus, habitat.

Hem ergo hoc tibi! LI. Hospes, te obsecro, de-
fende! ME. Saurea, oro, 25

mea causa ut mittas, LE. Eho, equis pro vectura
olivi

rem solvit? LI. Solvit. LE. Quod datum est?
LI. Stichus vicario ipsi

tuo. LE. Vah, delensere adparas! Scio, mihi vica-
rium esse,

neque eo esse servum in aedibus heri, qui sit plu-
ris, quam ille est.

Sed vina, quae here vendidi vinario Exaerambo, 30
iam pro his satisfacit Stichus? LI. Fecisse satis

opinor;

nam vidi hunc ipsum abducere et trapézitam Ex-
aerambum,

LE. Sic dédero. Prius quae crédidi, vix áнно
post exégi;
nunc sátagit: abducít domum etiam últro et scri-
bit númos.

35 Dromó mercedem rétulit? **LI.** Dimídio minus,
opínor.

LE. Quid, réliquiom? **LI.** Aibat réddere, quam
extémplo redditum éssét:
nam rétineri, ut, quod sít sibi operís locatum,
effíceret.

LE. Scyphós, quos utendós dedi Philodámo, retu-
lítne?

LI. Non étiam. **LE.** Hem, non? Sí velis, da,
cómmoda, homini amíco!

40 ME. Perii hércle, iam hic me abégerit suq ódio!
LI. Heus iam satís tu.

Audín', quae loquitur? **LE.** Aúdio et quiéscó.

ME. Tandem, opínor,
contícuit: nunc adeam óptimum est, priusquam
incipit tinníre.

Quam móx mi operam das? **LE.** Hem óptume,
quamdúdum tu advenísti?

Non hércle te províderam. **Quaesó,** ne vitio vór-
tas:

45 ita íracundia óbstitit oculís. **ME.** Non mirum
fáctum est.

Sed, sí domi est, Demaénétum volébam. **LE.** Ne-
gat esse íntus;

verum ístuc argentúm tamen mihi sí vis denume-
ráre,

reprómittam, istoc nómine solútam rem futúram.

ME. Sic pótius, ut Demaéneto tibi heró, praesente
réddam.

LI. Herus istunc novit, átque herum hic. ME.
Hero huíc praesente réddam. 50

LI. Da módo meo pérículo: rem sálvam ego ex-
hibébo:

nam sí sciat nostér senex, fidém non esse huic
hábitam,
succénseat, quoi ómniam rerum ípsus semper
crédit.

LE. Non mágni pendo, né duit: si nón volt, sic
sine ádstet.

LI. Da, inquám! Vah, formidó miser, ne hic mé
tíhi arbitrétur 55

suasísse, sibi ne créderes. Da, quaéso, ac ne for-
mída.

Salvom hércle erit. ME. Credám fore, dum qui-
dem ín manu ipse habébo.

Peregrínus ego sum; Saúream non nóvi. LI. At
nosce sáne.

ME. Sit, nón sit, non edepól scio; si is ést, eum
esse opórtet.

Ego certe me incertó scio hoc datúrum nemini
hómini. 60

LE. Hercle ístum di omnes pérduint! — Verbó
cave supplicássis!

Feróx est, vigintí minas meás tractare sése.
Nemo áccipit: aufer té domum! abscede hínc!
molestus né sis!

ME. Nimis íracunde! Nón decet supérbum esse
hominem sérvom.

LI. Malo hércle iam magnó tuo nae istí nec recte
dícis! 65

Impúre, nihili, nón vides irásci? LE. Perge
pórro!

LI. Flagitium hominis, da, óbsecro, argentum
huíc, ne male loquátur.

ME. Malum hércle vobis quaéritis. LE. Crura
hércle diffringéntur,

ni istum ímpudicum pércies. LI. Perii hércle!

LE. Age, ímpudíce,

70 sceléste! LI. Non audés mihi scelésto subveníre?

LE. Pergín' precari péssumo? ME. Quae rés? tun'
libero hómini

male, sérvos, loquere? LE. Vápula! ME. Id qui-
dém tibi hércle flet,

ut vápules, Demaénetum simulác conspexero
hódie.

In iús voco te. LE. Nón eo. ME. Non ís? —

Memento. LI. Mémini.

75 ME. Dabitúr pol suppliciúm mihi de térgo vostro.

LE. Vaé te!

Tibíquidem supplicium, carnuféx, de nobis détur?

ME. Atque étiam pro istis máledictis poenaé pen-
dentur mî hódie.

LE. Quid, vérbero? ain' tu, fúrcifer? herum nós
fugitare cénse?

I núnc iam ad herum, quó vocas iamdúdum, quo
volébas,

80 Nunc démum! ME. Tamen nunquam hínc feres
argénti numum, nísi me

dare iússerit Demaénetus. LE. Ita fácito: age
ambula érgo.

Tu cóntumeliam álteri faciás, tibi non dicátur?

Tam ego hómo sum, quam tu. ME. Scflicet ita
rés est. LE. Sequere hac érgo.

Praefíscini hoc nunc díxerim: nemo étiam me
adcusávit

meritó meo, neque mé Athenis est álter hodie
 quísquam, 85
 cui crédi recte aequé putent. ME. Fortássis; sed
 tamén me
 nunquam hódie induces, út tibi credam hóc ar-
 gentum ignóto.
 Lupus ést homo homini, nón homo, quom, quá-
 lis sit, non nóvit.
 LE. Iam núnc secunda míhi facis? Scibam, huíc
 te capitulo hódie
 factúrum satis pro iniúria. Quamquam égo sum
 sordidátus, 90
 frugí tamen sum, néc potest pecúlium onumerári.
 ME. Fortásse. LE. Etiam nunc díco: Peripha-
 nés, Rhode mercátor
 divés, absente heró, mihi solús talentum argénti
 soli ánnueravit, ét mihi credidít, neque est
 decéptus.
 ME. Fortásse. LE. Atque etiam tú quoque ipse,
 si éases percontátus 95
 me ex áliis, scio pol, créderes nunc, quód fers.
 ME. Haud negássim.

ACTUS III. SCENA I.

CLEARRETA. PHILENIUM.

CL. Néqueon' ego ted interdictis fácere mansue-
 tána meis?
 án ita tu es animáta, ut quae expers mátris im-
 períi sies?

PHI. Úbi piem pietátem, si istoc móre mora-
tám tibi

póstulem placére, mater, míhi quo pacto praé-
cipis?

5 CL. Án decorum est ádvorsari méis te praee-
ptís? PHI. Quid est?

CL. Hóccine est pietátem colere, impérium ma-
tris mínuere?

PHI. Néque, quae recte faciunt, culpo; néque,
quae delinquunt, amo.

CL. Sátis dicacula és amatrix. PHI. Máter, is
quaestúst mihi:

língua poscit, córpus quaerit: ánimus orat, rés
monet.

10 CL. Égo te volui cástigare: tú mi adcusatríx ades.

PHI. Néque edepol te adcúso, neque id me fácere
fas exístumo;

vérum ego meas querór fortunas, quom illo, quem
amo, próhibeor.

CL. Érgo pars orátionis dé die dabitúr mihi?

PHI. Èt meam partém loquendi ét tuam tradó tibi.

15 Ád loquendum atque ád tacendum túte habeas
portísculum.

Quín pol si reposívi remum sóla ego, in castéria,
úbí quiesco, omnis familiae caúsa consistít tibi.

CL. Quid ais tu, quam ego únám vidi múlierem
audacíssumam?

quótiens te vetui Árgyrippum, fílium Demaéneti,
20 cómpellare aut cóntrectare, cólloquive aut cón-
tui?

Quíd dedit? quíd déportari iússit ad nos? Tú tibi
vérba blanda esse aúrum rere; dícta docta pró
datís.

Últro amas, ultro éxpetessis, últro ad te arcessí
iubes.

Íllos, qui dant, eós derides; quí deludunt, dé-
peris.

Án te id expectáre oportet, sí quis promittát tibi, 25
té facturum dívitem esse, sí moritur maté sua?
Écastor nobís periclum et fámiliae porténditur,
dúm eius expectámus mortem, né nos moriamúr
fame.

Núnc adeo nisi mi húc argenti ádfert vigintí
minas,

naé ille ecastor hínc trudetur lárgus lacruma-
rúm foras. 30

Híc dies summús't apud me inopiae excusátio.

PHL. Pátiar, si cibó carere mé iubeas, maté mea.

CL. Nón veto te amáre, qui dant, quád amentur
grátia.

PHL. Quíd, si hic animus óccupatus, maté, quid
faciám? mone. CL. Hem!

méum caput contémples, si quidem éx re con-
sultás tua. 35

PHL. Étiam opilió, qui pascit, maté, alienás
oves,

áliquam habet pecúliarem, quí spem soletúr suam:
sine me amare unum Árgyrippum ánimi causa,
quém volo.

CL. Íntro abi: nam té quidem edepol níhil est
impudéntius.

PHL. Aúdiéntem dícto, mater, próduxisti fíliam. 40

A C T U S III. S C E N A II.

LEONIDA. LIBANUS.

- LE. Perfidiae laudes grátiasque habémus merito
 mágnas,
 quum nóstris sycophántiis dolis astutiisque,
 scapulárum confidéntia, virtúte ulmorum fréti,
 advórsum stímulos, láminas, erucésque, com-
 pedésque,
 5 nervós, catenas, cárceres, numéllas, pedicas,
 bóias,
 indúctoresque acérrumos, gnarósque nostri térgi,
 [qui saepe ante in nostrás scapulas cicátrices
 dedérunt,]
 eas núnc legiones, cópias, exércitusque, fúrum
 vi púgnando, periúriis nostrís, euge! potíti.
 10 Id virtute huius cóllegae meáque comitáte
 factúmst. LI. Qui me est vir fórtior ad súffe-
 rendas plágas?
 LE. Edepol virtutes quí tuas núnc póssit collan-
 dáre,
 sicút ego possum, quae domi duellíque male fe-
 císti!
 Nae illa édepol pro meritó tuo memorári multa
 póssunt:
 15 ubi fídentem fraudáveris; ubi hero infidelis
 fúeris;
 ubi vérbis conceptís sciens lubénter periuráris;
 ubi párietes perfóderis; in fúrto ubi sis pre-
 hénsus;
 ubi saepe causam díxeris pendéns adversus ócto

artíficos, audaces viros, valentes virgatores.

LI. Fateor, profecto, ut praedicas, Leónida,
esse vera;

20

verum edepol nae etiam tua quoque malefacta
iterari multa

et vera possunt: ubi sciens fideli infidus fueris:
ubi prorsus in furtis sies manifestus, et verberatus;
ubi periuraris; ubi sacro manus sis admolitus;
ubi heris damno et molestiae et dedecori saepe
fueris;

25

ubi, creditum tibi quod sit, tibi datum esse per-
negaris;

ubi amicae, quam amico tuo, fueris magis fidelis;
ubi saepe ad languorem tua duritia dederis octo
validos lictores ulmeis affectos lentis virgis.

Num male relata est gratia? ut collegam col-
laudavi?

30

LE. Ut meque teque maxime atque ingenio no-
stro decuit.

LI. Iam omitte ista, atque hoc, quod rogo, re-
sponde. LE. Rogita, quod vis.

LI. Argenti viginti minas habesne? LE. Hario-
lare.

Edepol senem Demaenetum lepidum fuisse nobis!
Ut adsimulabat, Sauream me esse, quam facete!
Nimis aegre risu me continui, ubi hospitem in-
clamavit,

35

quod se absente mihi fidem habere noluisset.

Ut memoriter me Sauream vocabat atriensem!

LI. Manedum! LE. Quid est? LI. Philenium
patne haec, quae intus exit,

atque Argyrippus? LE. Opprime os! Is est: sub-
auscultemus.

40

LI. Lacruméntem laciniá tenet lacrumáns. Quidnam esse dícam?

LE. Tacite aúscultemus. LI. Áttate, modo hércle in mentem vénit;

nimis véllem habere pérticam. LE. Quoi réi?

LI. Qui verberárem asinós, si forte occéperint clamáre hinc ex cruména.

ACTUS III. SCENA III.

ARGYRIPPUS. PHILENIUM. LIBANUS.
LEONIDA.

AR. Cur mé retentas? PH. Quia tui amáns abeuntis égeo.

AR. Valé! PH. Aliquanto ámplius valérem, si hic manéres.

AR. Salvé! PH. Salvere mé iubes, quoi tu ábiens adfers mórbum?

AR. Matér supremum míhi tua dixit: domum ire iússit.

5 PH. Acérbum funus fíliae faciét, si te caréndum est.

LI. Homo hércle hinc exclusíst foras. LE. Ita rés est. AR. Mitte, quaéso.

PH. Quo núnc abis? quin tu híc manes? AR. Nox, si voles, manébo.

LI. Audín' tu hunc, opera ut lárgus est noctúrna? nunc enim híc est

negótiosus intérdius. LE. Vidélicet Solón est,

legés ut conscribát, quibus se pópulus teneat.

LI. Gérrae! 10

Qui sésé parere ápparent huius légibus, profécto
nunquám bonae frugí sient; diés noctesque
pótent.

LI. Nae iste hércle ab ista nóñ pedem discédát,
si licéssit,

qui núncestinat, átque ab hac minátur sese abíre.

LI. Sermóni iam finém face tuo: huiús sermonem
accípiam. 15

AR. Valé! PHL Quo properas? AR. Béné vale:
apud Órcum te vidébo:

nam equidém me iam, quantúm potest, ab víta
abiudicábo.

PHL Cur tu, óbsecro, immeritó meo me mórti
dedere óptas?

AR. Egó te? quam si intéllegam defícere víta,
iam ípse

vítam meam tibi lárgiar et dé mea ad tuam áddam. 20

PHL Cur érgo minitarís, tibi te vítam esse amis-
súrum?

Nam quíd me facturám putas, si istúc, quod
dicis, fáxis?

Mihi cértum efficere in me ómnia eadém, quae tu
in te fáxis.

AR. O mélle dulci dúlcior mihi tu és. PHL Certe
enim tu víta es

mihi. Cómplectere. AR. Fació lubens. PHL.
Utinám sic efferámur! 25

LE. O Lísbane, Libane, ut míser homo est, qui
amát! LI. Imo hercle véro,

qui péndet, multo est míserior. LE. Scio, qui
periculum féci.

Circúmsistamus, áter hinc, hinc áter: adpel-
lémus.

LI. Here, sálve! Sed num fúmus est haec múlter,
quam amplexáre?

30 AR. Qui dúm? LI. Quia oculi súnť tibi lacru-
mántes; eo rogávi.

AR. Patrónus qui vobís fuit futúrus, perdidístis.

LI. Équidem hércle nullum pérdidí, ideó quia
nunquam ullum hábui.

LE. Philénium, salvé! PHI. Dabunt di, quae
velitis, vóbis!

LI. Noctém tuam et viní cadum velím, si optata
fíant.

35 AR. Verbúm cave faxis, vérbero! LI. Tibi équi-
dem, non mihi, ópto.

AR. Tum tu ígitur loquere, quód lubet. LI. Hunc
hércle verberáre.

LE. Quisnam ístuc accredát tibi, cinaéde cala-
mistráte?

Tun' vérberes, qui pró cibo habeás te verberári?

AR. Ut vóstrae fortunaé meis praecedunt, Liba-
ne, lónge,

40 hodié qui nunquam ad vésperum vivám! LI.
Quapropter, quaéso?

AR. Quia ego hanc amo, et haec méd amat; huic
quód dem, nusquam quídquam est:
hinc méd amantem ex aédibus abégit huius
máter.

Argénti vigintí minae med ad mortem adpulérunt,
quas hódie adulescens Díabolus ipsí daturus
dixit,

45 ut hanc ne quoquam mitteret, nisi ad se, hunc
annum tótum.

Vidétin', vigintí minae quid póllent, quidve pós
sunt?

Ille, qui illas perdit, sálvos est; ego, qui non
perdo, péreo.

LI. Iam dédit argentum? AR. Nón dedit. LI.
Bono ánimo es! ne formída!

LE. Secéde huc, Libane: té volo. LI. Si quíd vis.

AR. Obsecró vos,
eadem ístac opera suáviust compléxos fabulári. 50

LI. Non ómnia eadem aequé ómnibus, here,
suávia esse scíto.

Vobís est suave amántibus compléxos fabulári;
ego cómplexum huius níhil moror: meum autem
hic aspernátur.

Proinde ístuc facias ípse, quod faciámus nobis
suádes.

AR. Ego véro, et quidem edepól lubens. In-
térea, si vidétur, 55

concedíte istuc. LE. Vín', herum delúdi? LI.
Dignust sáne.

LE. Vin faciám, ut me Philénium praesénte hoc
amplexétur?

LI. Cupio hércle. LE. Sequere hac. AR. Écquid
est salútis? satis locúti?

LE. Auscúltate atque operám date et mea dícta
devoráte.

Primum ómnium servós tuos nos ésse non ne- 60
gámus;

sed sí tibi argentí minae vigintí proferéntur:
quo nós vocabís nómine? AR. Libértos. LE.
Non patrónos?

AR. Id pótius. LE. Vigintí minae hic ínsunt in
cruména;

has égo, si vis, tibi dabo. AR. Di te servassint
sémper,

65 custós herilis, decus popli, thesaurus copiárum,
salús interior córporis, amórisque imperátor!
Hic póne, hic istam cólloca cruménam in colle
pláne!

LE. Nolo égo te, qui herus sis mihi, onus istuc
sustinére.

AR. Quin tú labore líberas te, atque istam impo-
nis in me?

70 LE. Ego báulabo; tu, út decet dominum, ánte
me ito inánis!

AR. Quid nunc? quid est? quin trádís huc cru-
ménam herum pressátum?

LE. Hanc, quóí daturus hanc, iube petere átque
orare mécum:

nam istúc proclive est, quód iubes, me pláne
collocáre.

PHI. Da, méus ocellus, méa rosa, da, mi ánime,
mea volúptas,

75 Leónida, argentúm mihi! ne nós defunge amántis!

LE. Dic ígitur me passérculum, gallínam, co-
turnícem,

agnéllum, hoedillum mé tuum dic esse, vel vi-
télum!

prehénde auriculis! cómpara labélla cum labéllis!

AR. Ten' ósculetur, vérbero? LE. Quam véro
indignum vísum est?

80 Atquí pol hodie nón feres, ni génua confricántur.

AR. Quidvís egestas ímpérat: fricéntur. PHI.
Da nunc, óro.

Age, mí Leonida, óbsecro; fer amánti hero sa-
lútem!

redime istoc benefició te ab hoc, et tibi eme hunc
isto argénto!

LÆ. Nimis bélla es atque amábilis; et si hóc es-
set meum, hódie

nunquám me orares, quín darem! Illúnc te orare
méliust:

85

illic hánc mihi servandám dedit. I sáne, bella,
bélle! —

Cape hóc sis, Líbane! AR. Fúrcifer, etiám me
delasísti?

LÆ. Nunquam hércle facerem, génua nī tam né-
quiter fricáres.

Age sis tu in partem núnc iam hunc delúde, atque
amplexáre hanc.

LL. Taceás! me spectes. AR. Quín ad hunc, Phi- 90
lénium, adgredímur,

virúm quidem pol óptimum, et non símilem fu-
ris huius?

LL. Inámbulandum est. Núnc mihi vicíssim sup-
plicábunt.

AR. Quaeso hércle, Líbane, sis herum tuis fá-
ctis sospitári:

da mi istas vigintí minas! Vidés me amantem
egére.

LL. Vidébitur; factúm volo; redíto huc conti-
cínio.

95

Nunc istam tantispér iube petere átque orare
mecum.

PHL. Amándone exorárier vis téd, an osculándo?

LL. Enimvéro utrumque. PHL. Ergo óbsecro te,
utrúmque nostrám sérvá..

AR. O Líbane, mi patróne, mihi trade istuc. LL
Magis decórum est,

100 libértum potius quám patronum onus in via por-
táre.

PHI. Mi Libane, ocellus aúreus, donám decus-
que amóris,
amábo! faciam, quód voles: da istúc argentum
nóbis!

LI. Dic igitur me tuam anáticulam, colúmbam,
vel catéllum,
hirúndinem, monédulam, passérculum, putíllum.
105 Fac próserpentem béstiam me, dúplicem ut ha-
beam língvam!

circúmdato me bráchiis! meum cóllum circum-
plécte!

AR. Ten' cómplectatur, cárnufex? LI. Quam
véro indignus vídeor?

Ne istúc nequidquam díxeris tam indígnum dí-
ctum in me,
vehés pol me hodie, sí quidem hoc argéntum ferre
spéres.

110 AR. Ten' égo veham? LI. Tun' hóc feras argén-
tum hinc aliter á me?

AR. Perii hércle! Verum sí quidem est decórum,
herum vehere sérvum,
inscénde. LI. Sic istí solent supérbi subdo-
mári.

Adsta igitur, ut consuétus es puer ólim. Scin' ut
dícam?

Hem, síc! — Abi, laudo; néc te equo magis ést
equus ullus sápiens.

115 AR. Inscénde actutum! LI. Ego féceró. — Hem
quid istúc est? ut tu incédís?

Demam hércle iam tibi de hórdeo, tolútúm ni
badízas!

AR. Amábo, Libane, iám sat est. LI. Nunquam
hérole hodie exorábis:
nam iám calcari quádrupedem agitábo advorsum
clívom;
postídea ad pistorés dabo, ut ibí cruciere cóe-
rens.

Adsta, út descendam núnc iám in proclívi, quan-
quam néquam es. 120

AR. Quid núnc? quoniam ambo vós, ut est lubi-
túm, nos delusístis;

datísne argentum? LI. Sí quidem mihi státuam
et aram státuis,
atque, út deo, mi hic immolas bovém: nam ego
tibi Salús sum.

LE. Etiám tu, here, istunc ámoves abs te, átque
me aggredíre,
atque illa, sibi quæ hic iússerat, mihi státuis,
supplicásque? 125

AR. Quem te autem nominém deum? LE. Fortú-
nam, atque Obsequéntem.

AR. Iám istóc es melior. LI. Án quid est hominí
Salute mélius?

AR. Licét laudem Fortúnam; tamen, ut né Sa-
lutem cólpem,

PHI. Ecástor ambae súnt bonae. AR. Sciam,
úbi boni quid déderint.

LE. Opta id, quod ut contíngat tibi vis. AR. Quid,
si optaro? LE. Evéniet. 130

AR. Opto ánnum hunc perpetuúm mihi huius
óperas. LE. Impetrásti.

AR. Ain' véro? LE. Certe, inquam. LI. Ád me
adí visíssim, atque experíre.

Exópta id, quod vis máxime tibi évenire: fíet.

AR. Quid ego áliud exoptem ámplius, nisi illud
quoius inópia est,
135 viginti argenti cómmodas minas, huius qui dem
mátri.

LI. Dabúntur. Animo sis bono face: éxoptata
obtíngent.

AR. Ut cónsuevere, hominés Salus frustrátur et
Fortúna.

LE. Ego caput argentó fui huic hódie reperiúndo.

LI. Ego pés fui. AR. Quin nec caput nec pés
sermonum adpáret.

140 Nec, quíd dicatis, nec, me cur ludátis, scire
póssum.

LI. Satis iám delusum cénseo: rem, ut ést, nunc
eloquámur.

Animum, Árgyrippe, advérte sis. Patér nos
ferre hoc iússit

argéntum ad te. AR. Ut témpore opportúneque
attulístis!

LI. Hic ínerunt vigintí minae bonaé, mala opera
pártae:

145 has tíbi nos pactis légibus dare iússit. AR. Quid
id est, quaéso?

LI. Noctem huius et coenam sibi út dares. AR.
Iube ádvenire, quaéso.

Meritíssumo eius, quaé volet, faciémus, qui hos-
ce amóres

nostrós dispulsos cómpulit. LE. Patiéris, Ar-
gyríppe,

patrem hánc amplexarí tuom? AR. Haec fáciét,
facile ut pátiar,

150 Leónida. Curre, óbsecro: patrem húc orato ut
véniat.

LI. Iamdúdum est intus. AR. Hác quídem non
 vénit. LI. Angipórto
 illác per hortum círcuit clam: né quis se vidéret
 huc íre familiárium: ne uxór resciscat, métnit.
 De argénto si matér tua sciat út sit factum

AR. Heía,
 benedícito! Ite intró cito! Valéte. LE. Et vos
 amáte! 155

ACTUS IV. SCENA I.

DIABOLUS. PARASITUS.

DI. Agedum, ístum ostende, quém conscripsti,
 sýngraphum
 intér me et amicam et lénam; et leges pérlege:
 nam tú poëta es prórsus ad eam rem únicus.
 PA. Horrécet faxo léna, leges quom aúdiét.
 DI. Age, quaéso, mi hercle tránslege. PA. Au-
 din'? DI. Aúdio. 5
 PA. Diábolus, Glauci fílius, Cleaéretae
 lenaé dedit dono argénti vigintí minas,
 Philénium ut secum éssét noctis ét dies
 hunc ánnum totum. DI. Néque cum quiquam
 alió quídem.
 PA. Addóne? DI. Adde; et scríbas, vide, plane
 ét probe! 10
 PA. Aliénum hominem íntromittat néminem.
 Quod illa aút amicum aút patronum nóminet,
 aut quód illa amicae súae amatorem praédicet:
 forés occlusae ómnibus sient, nísi tibi.
 In fóribus scribat: Óccupatam ésse se. 15
 Aut quód illa dicat, péregre allatam epístolam:

- ne epístola quidem úlla siet in aédibus,
nec cérata adeo tábula; et si qua inútilis
pictúra sit, eam véndat. Ni quatrídúo
20 abálienarit, quo éx argentum accéperit,
tuus árbitratus sít: comburas, sí velis.
Ne illí sit cera, ubi fácere possit lítteras.
Vocét convivam néminem illa; tú voces.
Ad eórum ne quem óculos adiciát suos.
25 Si quem álium adspexit, caéca continuó siet.
Tecum úna postea aéque pocula pótitet;
abs téd accipiat, tibi propínet, tú bibas.
Ne illá minus aut plus, quám tu, sapiat. DI.
Sátis placet.
PA. Suspíciones ómnes abs se ségreget:
30 neque íllaec ulli péde pedem homíní premat,
quom súrget: neque in léctum íncendat próxu-
mum;
neque, quóm descendat, índé det quoiquám
manum.
Spectándum ne quoi ánulum det, néque roget.
Talós ne quoiquam hómini admoveat, nísí tibi;
35 quom iáciet, Te, ne dícat: nomen nóminet.
Deam ínvocet sibi, quám lubebit, própítiam;
deum núllum. Si magis réligiosa fúverit,
tibi dícat: tu pro illa óres, ut sit própítius.
Neque ílla ulli homini nútet, níctet, ádnuat.
40 Post sí lucerna extínta sit, ne quíd sui
membrí commoveat quídquam in tenebris. DI.
Óptumum est;
ita scílicet factúram; verum in cubículo . . .
deme ístuc! equidem illánc moveri géstio.
Nolo íllam habere cáusam, et vetitam dícere.
45 PA. Scio, cáptiones métuís. DI. Verum. PA.
Ergo, út iubes.

Tollám? DI. Quidni? PA. Andi reliquā. DI. Lo-
quere, audio.

PA. Neque ullum verbum faciat perplexabile;
neque ulla lingua sciat loqui, nisi Attica.
Forte si tussire ocoepsit, ne sic tussiat,
ut quoisquam linguam in tussiendo proferat. 50

Quod illa autem simulet, quasi gravedo profluat:
hoc ne sic faciat: tu labellum abstergeas
potius, quam quoisquam saviū faciat palam.
Nec mater lena ad vinum accedat interim,
neque ulli verbo male dicat. Si dixerit, 55

haec multa ei esto: vino viginti dies
ut careat. DI. Pulorescripti! scitum syngraphum!
PA. Tum si coronas, sorta, unguenta iusserit
ancillam ferre Veneri aut Cupidini:
tuns servus servet, Venerine eas det, an viro. 60

Si forte pure velle habere dixerit,
tot noctes reddat spurcas, quot pure habuerit.

Haec sunt non nugae: non enim mortualla.

DI. Placent profecto leges. Sequere intro. PA.
Sequor.

ACTUS IV. SCENA II.

DIABOLUS. PARASITUS.

DI. Sequere hac. Egon' haec patiar, aut taceam?
Emori

me malim, quam haec non eius uxori indicem.

Ain' tu? apud amicam munus adulescentuli
fungare? uxori excuses te et dicas senem?

praeripias scortum amanti, atque argentum obicias
lenae? suppires clam domi uxorem tuam? 5

- Suspéndas potius mé, quam tacita haectuaúferas.
 Iam quidem hércle ad illam hinc íbo, quam tu
 própediem,
 ni quídem illa ante occupássit te, effligés scio,
 10 luxúriae sumtus súppeditare ut póssies.
 P.A. Ego síc faciundum cénseo: me honéstius,
 quam té, palam hanc rem fácere: ne illa existimet,
 amóris causa pércitum íd fecísse te
 magis, quám sua causa. D.L. At pól quin dixti réctius.
 15 Tu ergó face, ut illi túrbas, lites cóncias:
 cum súo sibi gnato úna ad amicam dé díe
 potáre; illam expiláre clam. P.A. Ne mé mone:
 ego istúc curabo. D.L. At égo ted opperiár domí.

ACTUS V. SCENA I.

ARGYRIPPUS. DEMAENETUS.

- [AR. Age, decumbamus, sís, pater. DE. Ut iússeris,
 mi gnáte, ita fiat. AR. Púeri, mensam adpónite.]
 DE. Numquídnam tibi moléstum est, mi gnáte, si
 haec mecum ádcubat?
 AR. Pietás, pater, oculís dolorem próhibet. Quam-
 quam ego istánc amo,
 possum équidem inducere ánimum, ne aegre pá-
 5 tiar, quod tecum ádcubat.
 DE. Decét verecundum ésse adolescentem, Árgy-
 rippe. AR. Edepól, pater,
 meritó tuo facere póssum. DE. Age ergo, agité-
 mus hoc convívium
 vino ét sermone suávi. Nolo ego mótui, amari
 mávolo,
 mi gnáte, me abs te. AR. Pól ego utrumque fá-
 cio, ut aequom est fílium.

DE. Credam istuc, si esse te hilarum videro. AR.

 An tu esse me tristém putas?

10

DE. Putem égo? quem videam aequé esse moestum,
 ut quási dies si dicta sit.

AR. Ne díxis istuc. DE. Né sic fueris: filico ego
 non díxero.

AR. Hem, adspécta: rideo. DE. Útinam, male
 qui míhi volunt, sic rídeant!

AR. Scio équidem, quamobrem mé, pater, tu trís-
 tem credas nunc tibi:

quia istaéc est tecum. Atque égo quidem, hercle,
 ut vérum tibi dicám, pater:

15

ea rés me male habet; at non eo, quia tibi non
 cupiam, quae velis:

verum istam amo. Aliam técum esse, equidem
 fácilé possim pépeti.

DE. At ego hanc volo. AR. Ergo sún, quae ex-
 optas. Míhi, quae ego exoptém, volo.

DE. Unum hunc diem perpétere: quoniam tibi po-
 testatém dedi,

cum hac ánnum ut esses, atque amanti argénti
 feci cópiam.

20

AR. Hem, istóc me facto tibi devinxti. DE. Quín
 te ergo hilarum dás mihi?

ACTUS V. SCENA II.

ARTEMONA. PARASITUS. DEMAENETUS.
 ARGYRIPPUS. PHILENIUM.

ART. Áin' tu, meum virum híc potare, óbsecro,
 cum filio,

ét ad amicam détulisse argénti vigintí minas,
 meóque filiό sciēte id fácere flagitiúm patrem?

PA. Néque divini néque mi humani pósthac quidquam accréduas,

5 Ártemona, si huius rei me esse mendacem inveneris.

ART. Át scelestas ego praeter alios meum virum fuví rata

síccum, frugi, cóntinentem, amántem uxoris máxime.

PA. Át nunc dehinc scito, illum ante omnis míni mi mortales preti,

mádidum, nihili, incóntinentem atque ósorem uxoris suae.

10 ART. Pól ni vera ista éssent, nunquam fáceret ea, quae nunc facit.

PA. Égo quoque hercle illum ántehac hominem sémper sum frugi ratus;

vérum hoc facto sese ostendit, qui quidem cum filio pótet una, atque úna amicam dúctet, decrepítus senex.

ART. Hóce castor ést, quod ille itá coenam cotídie.

15 Áit sese ire ad Árchídemum, Chaéream, Chaeréstratum,

Clíniam, Chremém, Cratinum, Díniam, Demósthenem:

is apud scortum córruptelae et líberis lustris studet.

PA. Quín tu illum iubés ancillas rápere sublimém domum?

ART. Táce modo. Nae illum mecastor míserum habebó! PA. Ego istuc scio

20 ita fore illi, dúm quidem cum illo núpta eris.

ART. Ego cénseo eum etiam hominem aut in senatu dare operam, aut cliéntibus;

sibi labore délassatum nóctem totam stértere:
 ille opere forís faciundo lássus noctud ádvenit;
 fúndum alienum arát, incultum fámiliarem déserit.
 Ís etiam, corrúptus, porro súom corrumpit filium. 25

PA. Séquere hac me modó: iam faxo ipsum hó-
 minem manifesto ópprimas.

ART. Níhil ecastor ést, quod facere mávelim.

PA. Manedúm. ART. Quid est?

PA. Póssis, si forte ádcubantem túom virum con-
 spéxeris,

cúm corona, ampléxum amicam, sí videas, co-
 gnóscere?

ART. Póssum ecastor. PA. Hém tibi hominem!

ART. Périi! PA. Paulispér mane: 30

aúcupemus éx insidiis clánculum, quam rém ge-
 rant.

ARG. Quid modi, pater, ámplexando fácies? DE.
 Fateor, gnáte mí . . .

AR. Quid fatere? DE. me éx amore húiús cor-
 ruptum óppido.

PA. Aúdin', quid ait? ART. Aúdio. DE. Egon' ut
 nón domo uxóri meae

súbripiam in delíciis pallam quam hábet, atque
 ad te déferam? 35

nón edepol condúci possim víta uxoris ánnua.

PA. Cénsen', tu illunc hódie primum ire ádsue-
 tum esse in gáneum?

ART. Ílle ecastor súppilabat mé, quod ancillás meas
 súspicabar, átque insontes míseras cruciabám.

AR. Pater,

iúbe dari vinúm: iamdudum fáctum est, quom
 primúm bibi. 40

DE. Dá, puere, ab summo. Áge, tu interibi ab
 ínfumo da sávium.

ART. Périi, misera, ut ósculatur cárnufex, capulí
deus!

DE. Édepol animam suáviorem aliquánto, quam
uxorís meae!

PHI. Díc, amabo, an foétet anima úxorís tuae?

DE. Naúteam

45 bíbere malim, sí necessum ést, quam illam oscu-
láriér.

ART. Áiin' tandem? Edepól nae tu istuc cúm
malo magnó tuo

ín me dixistí! Sine venias módo domum: faxe út
scias,

quíd pericli sít, dotatae uxóri vitium dícere.

PHI. Míser ecastor és! ART. Ecastor dígnus est.

AR. Quid aís, pater?

50 écquid matrem amás? DE. Egone? illam núnc
amo, quia nóñ adest.

AR. Quid, quom adest? DE. Periísse cupio. PA.
Ámat homo hic te, ut praédicat.

ART. Naé ille ecastor foénerato fúnditat: nam
sí domum

rédiérithodie, ósculando ego úlciscar potíssimum.

AR. láce, pater, talós, ut porro nós iaciamus.

DE. Máxume.

55 Té, Phileniúm, mihi, atque uxóri mórtem! — Hoc
Vénerium est!

Púeri, plaudite, ét mi ob iactum cántharo mul-
súm date!

ART. Nóñ queo duráre. PA. [Si non didicisti
fullonicam:

non mirandum est.] In oculos núnc invadi est
óptimum.

ART. Égo pol vivam, et tu istanc hodie cúm tuo
magnó malo

invocavisti! PA. Écquis currit póllinctorem accersere?

60

AR. Máter, salve! ART. Sát salutist. PA. Mórtuost Demaénetus!

T'émpus est subducere hinc me; púlcre hoc gliscit proélum.

Íbo ad Diabolúm; mandata dícam facta, ut vóluerit, átque interea ut decumbamus suádebo, hi dum lítigant;

póst eum demum huc crás adducam ad lénam, ut vigintí minas

65

ei det, in parte hác amanti ut líceat ei pótirier.

Árgyrippus éxorari, spéro, poterit, út sinat sése alternas cum illo noctes hác fruí: nam ni ímpetro,

régem perdidí: éx amore tántum est homini incéndium.

ART. Quíd tibi huc recéptio ad te est méum virum? PHI. Pol mé quídem

70

míseram odio énicavit. ART. Súрге, amator! í domum!

DE. Núllus sum! ART. Imo es (né nega) pol ómnium nequíssumus!

Át etiam cubát cuculus! Súрге, amator! í domum!

DE. Vaé mihi! ART. Vera háriolare. Súрге, amator: í domum!

DE. Ábscede ergo paúlulum istuc. ART. Súрге, amator: í domum!

75

DE. Iam, óbsecro, uxor . . . ART. Núnc uxorem me ésse meministí tuam?

Módo quom dicta in me íngerebas, ódium, non uxór, eram.

DE. Tótus perii! ART. Quíd tandem? anima foétetne uxoris tuæ?

DE. Múrham olet. ART. Iam súbripuisti pállam, quam scortó dares?

80 PHL. Écastor quin súbrepturum pállam promisít tibi.

DE. Nón taces? AR. Ego díssuadebam, máter.

ART. Bellum filium!

Ístoscine patremaéquom'st mores líberis largírier? Nílne te pudét? DE. Pol, si aliud níl sit, tui me, uxór, pudet.

ART. Cáno capite té cuculum úxor ex lustrís rapit!

85 DE. Nón licet manére (coena cóquitur) dum coeném modo?

ART. Écastor coenábis hodie, ut dígnus es, magnúm malum.

DE. Mále cubandum est: iúdicatum me úxor adducít domum.

AR. Dícebam, patér, tibi, ne mátri consulerés male.

PHL. Dé palla meménto, amabo. DE. Iúben' hanc hinc abscédere?

90 PHL. Ímo intus potiús sequere hac me, mí anime!

AR. Ego veró sequor.

ART. Í domum! PHL. Da sávium etiam, priúsquam abis. DE. Ín crucem!

G R E X.

Híc senex si quíd clam uxorem súo animo fecít volup,

néque novom neque mírum fecit, néc secus, quam alií solent;

néc quisquam est tam ingénio duro, néque tam firmo péctore,

quín, ubi quidquam occasíonis sít, sibi faciát bene.

5 Nunc si vultis déprecari huíc seni, ne vápulet, rémur impetrári posse, sí plausum hic clarúm datis.

A U L U L A R I A.



DRAMATIS PERSONAE.

LAR.

EUCLIO, senex.

STAPHYLA, eius serva.

EUNOMIA, soror Megadori.

MEGADORUS, senex, patruus Lyconidia.

STROBILUS GEMINUS, h. e. servus Megadori et Lyconidis.

ANTHRAX, coquus

CONGRIO, coquus.

PYTHODICUS, servus Megadori.

LYCONIDES, Megadori nepos.

PHAEDRA, Euclionis filia.

S U M M A R I U M.

Senex est avarus Euclio, qui habet filiam, quam Cereris vigiliis compresserat adolescens Lyconides, ignaram non ignarus, caia esset. Is Lyconides habet avunculum Megadorum, qui omnium ignarus, prolis procreandae causa illam ipsam Euclionis filiam in matrimonium ducere decrevit. Repererat autem Euclio thesaurum domi suae, eumque anxie custodit. Impetrat Megadorus filiam; dumque nuptiae apparantur, Euclio thesaurum inter turbas alio atque alio loco condit. Speculatur eam rem Strobilus, Lyconidis servus, thesaurumque furatur. Lamentantem ea de re Euclionem Lyconides convenit, confessurus de filia, (dum Euclio credit de rapto thesauro confessurum), et repudium remissum ab avunculo nuncians. Ergo aperiuntur omnia; Strobilum adigit Lyconides, ut thesaurum reddat; ipse vero filiam Euclionis in matrimonium ducit. Egregia prorsus fabula nomen habet ex aula i. e. olla, in qua recanditam gestat Euclio thesaurum.

Scena Athenis.

ARGUMENTUM.

Senex avarus, vix sibi credens, Eúclio,
domi suae defóssam multis cùm opibus
aulam invenit, rursúmque penitus cónditam
exánguis, amens, sérvat. Eius filiam
Lycónides vitiárat. Intereá senex
Megadórus, a soróre suusus dúcere
uxórem, avari gnátam deposcít sibi.
Durús senex vix promíttit, atque, aulae tímens,
domó sublatam váriis abstrudít locis.
Insídias servus fácit huius Lycónides,
qui vírginem vitiárat; atque ipse óbsecrat
avónculum Megadórum sibimet cédere
uxórem amanti. Pér dolum mox Eúclio
quum pérdidisset aulam, insperato invenit,
Laetúsque natam cóllocat Lycónidi.

Aulam repertam auri plenam Eúclio
Vi súmma servat, miseris affectús modis.
Lycónides istíus vitiat filiam.
Volt hanc Megadorus índotatam dúcere,
Lubénsque ut faciat, dát coquos cum obsónio.
Auró formidat Eúclio: abstrudít foras;
Reque ómni inspecta cómpressoris sérvulus
Id súrpit. Illic Eúclioni rém refert:
Ab eó donatur auro, uxore, et filio.

P R O L O G U S.

LAR FAMILIARIS.

Ne quis miretur qui sim, paucis éloquar.
Ego Lár sum familiáris, ex hac fámilia,
unde éxeuntem me ádspexistis. Hanc domum
iam múltos annos ést quum possideo ét colo,
patrì ávoque amicus huius, qui nunc híc habet, 5
Sed mñhi avos huius óbsecrans concrédidit
aurí thesaurum clam ómnes; in medió foco
defódit, venerans mé, ut id servarém sibi.
Is quóniam moritur, (íta avido ingenió fuit,) 10
nunquam índicare id fílio volúit suo,
inopémque optavit pótius eum relínquere,
quam éum thesaurum cómmonstraret fílio.
Agrí reliquit éii non magnúm modum,
qui cúm labore mágno et misere víveret.
Ubi is óbliit mortem, qui mihi id aurum crédidit: 15
coepi óbserve, ecquí maiorem fílius
mi honórem haberet, quam éius habuissét pater.
Atque ille vero mínus minusque impéndio
curáre, minusque me impartire honóribus.
Item ꝥ me contra fáctum est: nam item obiit diem. 20
Is ex se hunc reliquit, qui híc nunc habitat, fílium
paritér moratum, ut páter avosque huius fuit.
Huic fília una est; éa mihi cotídie
aut túre aut vino aut áliqui semper súpplicat;
dat mñhi coronas. Eius honoris grátia 25

fecí, thesaurum ut híc reperiret Eúclio,
 quo illám facilius núptam, si vellét, daret.
 Nam cómpressit eam dé summo adulescéns loco.
 Is scít adulescens, quae sit, quam comprésserit.
 30 illa illum nescit, néque compressam autém pater.
 Eam ego hódie faciam ut híc senex de próxumo
 sibi uxórem poscat: íd ea faciam grátia,
 quo ille éam facilius dúcat, qui comprésserat.
 Et híc, qui poscet éam sibi uxorém senex,
 35 is ádulescentis ílius est avónculus,
 qui illánc stupravít nóctu, Cereris vígiliis.
 Sed híc senex iam clámat intus, út solet;
 anúm foras extrúdit, ne sit cónscia.
 Credo, aúrum inspicere vólt, ne subreptúm siet.

A C T U S I. S C E N A I.

EUCLIO. STAPHYLA.

EU. Exi, ínquam! age, exi! exeúndum hercle tibi
 hinc ést foras,
 circúspectatrix cum óculis emissítiis!
 STA. Nam cúr me miseram vérberas? EU. Ut mí-
 sera sis,
 atque út te dignam mála malam aetatem éxigas.
 5 STA. Nam quáme nunc causa éxtrusisti ex aédibus?
 EU. Tibi egó rationem réddam, stimulorúm seges?
 Illúc regredere ab óstio! illuc, sís. Vide, ut
 incédit! At scin', quómodo tibi rés se habet?
 Si hodie hércle fustem cépero aut stimulum ín
 manum,

testúdineum istum tibi ego grandibó gradum. 10

STA. Utinám me divi adáxint ad suspéndium
potiús quidem, quam hoc pácto apud te sérviam!

EU. At út scelestá sóla secum múrmurat!

Oculós hercle ego istos, improba, effodiám tibi,
ne me óbservare póssis, quid rerúm geram. 15

Abscéde! etiam nunc! étiam nunc! etiam! ohe,
istíc adstato! Si hércle tu ex istóc loco

digitúm transvorsum aut únguem latum excés-
seris,

aut sí respexis, dónicum ego te iússero:
contínuo hercle ego te dédam discipulám cruci. 20

Sceléstiozem me hác anu certé scio
vidísse nunquam, nímisque ego hanc metuó male,
ne mi éx insidiis vérba imprudentí duit,
neu pérsentiscat, aúrum ubi est abscónditum;
quae in óccipitio quóque habet oculos, péssuma. 25
Nunc sbo, ut visam, éstne ita aurum, ut cóndidi,
quod mé sollicitat plúrimis miserúm modis.

ACTUS I. SCENA II.

STAPHYLA.

Nec núnc mecastor, quíd hero ego dicám meo
malae rei evenísse, quamve insániam,
quae cómminisci: ita me miseram ad hunc modum
decies die uno saepe extrudit aédibus.

Nesció pol, quae illunc hóminem intemperiae te-
nent:

pervígilat noctis tótas; tam aatem intérdius

quasi cláudus sutor dómi sedet totós dies.
 Neque iám, quo pacto célem herilis fíliae
 probrúm, propinqua pártitudo quói áppetit,
 10 queo cómminisci; néque quidquam meliús est
 mihi,
 ut opínor, quam ex me ut ínám faciam lítteram
 longám, meum laqueo oóllum quando obstrín-
 xero.

ACTUS I. SCENA III.

EUCLIO. STAPHYLA.

EU. Nunc défaecato démum animo egrediór domo,
 postquám perspexi, sálva esse intus ómnia.
 Redi núnc iam intro atque íntus serva. STA.
 Quíppini!
 ego íntus servem? An, né quis aedis aúferat?
 5 Nam hic ápod nos nihil est áliud quaesti fu-
 ribus:
 ita inániis sunt óppletas, atque aráneis.
 EU. Mirúm, quin tua me cáusa faciat Iúpiter
 Philíppum regem aut Dárium, trivenésica!
 Aráneas mihi ego illas servarí volo.
 10 Paupér sum, fateor: pátiór. Quod di dánt, fero.
 Abi íntro! occlude iánuam! Iam ego híc ero.
 Cave quémquam alienum in aedis intromíseris,
 Quod quíspiam ignem quaérat: extinguí volo,
 ne cáusae quid sit, quód te quisquam quaéritet,
 15 Nam si ignis vivet, tu éxstinguére extémpulo.
 Tum aquam aúfugisse dícito, si quis petet.

Cultrúm, securim, pístillum, mortárium,
quae uténda vasa sémper viciní rogant,
furés venisse, atque ábstulisse dícito.

Profécto in aedis méas me absente néminem 20
volo íntromitti; atque étiam hoc praedicó tibi:
si Bóna Fortuna véniat, nq̄ íntromíseris.

STA. Pol ea ípsa, credo, ne íntromittatúr, cavet:
nam ad aedis nostras núsquam adit, quanquám
prope est.

EU. Tace átque abi intro. STA. Táceo atque 25
abeo. EU. Occlúde, sis,
forés ambobus péssulis. Iam ego híc ero. —

Discrúciór animi, quia áb domo abundám
est mihi.

Nimis hércle invitus ábeo; sed, quid agám,
scío:

nam nóster nostrae qui ést magister cúriae,
divídere argenti díxit numos ín viros; 30

id sí relinquo ac nón peto, omnes íllico
me súspicentur, crédo, habere aurúm domi:
nam nón est verisímile, hominem paúperem
pauzíllum parvi fácere, quin numúm petat.

Nam núnc, quom celo sédulo omnis, né sciant, 35
omnés videntur scíre, et me benígnius
omnés salutant, quám salutabánt prius;
adeúnt, consistunt, cópulantur déxteras;
rogitánt me, út valeam, quíd agam, quíd rerúm
geram.

Nunc, quó profectus sum, íbo; postideá domum 40
me rúrsum, quantum pótero, tantum récipiam.

ACTUS II. SCENA I.

EUNOMIA. MEGADORUS.

- EUN. Velím, te arbitrári, med haéc verba, fráter,
 meái fidéi tuáique géii
 causá facere, ut aéquom est germánam sorórem.
 Quamquam haúd falsa súm, nos odiósas habéri.
- 5 Nam múltum loquáces merito ómnes habémur:
 nec mútam profécto repértam ullam ésse
 hodié mulierém dicunt úllo in saéclo.
 Verum hóc, frater, únun tamén cogitáto,
 tibi proximám me, mihíque esse itém te:
- 10 ita aéquum est, quod ín rem esse utríque arbi-
 trémur,
 et míhi te, et tibi me consúlere et monére;
 neque óccultum id habéri, neque pér metum
 mussári,
 quín participém te paritér, et tu me ut fácias.
 Eó nunc ego sécreto te húc foras sedúxi,
 15 út tuam rem ego técum hic loquerér familiárem.
- [ME. Da mihi, optuma femina, manum. EUN.
 Ubi ea est? quis ea est nam optuma?
 ME. Tu. EUN. Tune ais? ME. Si negas, nego.
 EUN. Decet equidem vera proloqui.
 Nam optima nulla potest eligi; alia alia peior,
 frater, est.
- ME. Idem ego arbitror, nec tibi adversari
 20 certum est de istac re umquam, soror.
 EUN. Da mihi operam, amabo.
 ME. Tua est. Utere, atque impera, si quid vis.
 EUN. Id quod in rem tuam optimum esse ar-
 bitror,

te id admonitum advento.

ME. Soror, more tuo facis. EUN. Facta volo.] 25

ME. Quid est id, soror? EUN. Quod tibi sempiternum

salutare sit liberis procreandis.

ME. Ita di faxint! EUN. Volo te uxorem domum ducere. ME. Hei, occidis! EUN. Quid ita?

ME. Quia mi misero cerebrum excutiant tua dicta, soror; lapides loqueris. 30

EUN. Heia, hoc face, quod te iussit soror.

ME. Si lubeat, faciam. EUN. In rem tuam hoc est.

[ME. Ut quidem emoriar, priusquam ducam. Sed his legibus si quam dare vis, ducam, 35

quae cras veniat, perendie foras feratur.

His legibus quam dare vis, cedo, nuptias adorna.]

EUN. Quam maxima possum tibi, frater, dare dote:

sed es grandior natu, media est mulieris aetas.

Eam si iubes, frater, tibi me poscere, poscam. 40

ME. Numnam vis me interrogare te? EUN. Immo si quid vis, roga.

ME. Post mediam aetatem qui mediam ducit uxorem, domum,

si eam senex animum praegnantem fortuitu fecerit, quid dubitas, quin sit paratum nomen puero Postumus?

Nunc ego istum, soror, laborem demam et deminuam tibi. 45

Ego virtute deum et maiorum nostrum dives sum satis:

istas magnas factiones, animos, dotes dapiles, clamores, imperia, eburata vehicula, pallas, purpuram,

nīl moror, quae in sērvitutem sūmātibz redigūnt viros.

50 EUN. Dīc mīhi, quaeso, quīs ea est, quam vis dūcere uxorem? ME. Rēloquar.

Nóvisti hunc senem Eúclionem ex próxumo paupérculum?

EUN. Nóvi, hominem haud malūm mecaster.

ME. Eius cupio fīliam

vīrginem mīhi dēsponderi. Vērbā ne faciās, soror.

Scío, quid dicturā es: hanc esse paupērem. Haec paupēr placet,

55 EUN. Dī bene vortant! ME. Ídem ego spero. EUN. Quid? me num quid vīs? ME. Vale.

EUN. Et tu, frater. ME. Égo conveniam Eúclionem, sí domi est.

Séd eccum; nescio únde sese nūnc homo recipit domum.

ACTUS II. SCENA II.

EUCLIO. MEGADORUS.

EU. Praesagibat mī ánimus, frustra me íre, quom exhibám domo:

ítaque abibam invítus: nam neque quísquam curiálium

vénit, neque magíster, quem dividere argentum opórtuit.

Nūnc domum properáre propero: nam égomet sum hic, animús domi est.

5 ME. Sálvos atque fórtunatus, Eúclio, sempér sies.

EU. Dī te ament, Megadóre. ME. Quid tu? ré-
cten' atque, ut vīs, vales?

EU. Nón temerarium ést, ubi dives blánde ad-
pellat paúperem:

iam illic homo aurum scít me habere: eo mé sa-
lutat blándius.

ME. Aín' tu, te valére? EU. Pol ego hand pér-
bene a pecúnia.

ME. Pól si est animus aéquos, satis habés, qui
bene vitám colas. 10

EU. Ánus herele huic indíctum fecit de aúro;
perspicuó palam est;

quói ego iam linguám praecidam atque óculos
effodiám domi.

ME. Quid tu solus técum loquere? EU. Méam
pauperiem cónqueror:

vírginem habeo grándem, dote cássam atque in-
locábilem;

néque eam queo locáre quoiquam. ME. Táce;
bonum habe ánimum, Eúclio: 15

dábitur: adiuvábere a me. Dic, si quid opust;
ímpera.

EU. Núnc petit, quom póllicetur; ínhiat aurum,
ut dévoret;

áltera manú fert lapídem, pánem ostentat ál-
tera.

Némini credó, qui large blándust dives paúperi:
úbī manum iniícit benigne, ibi ónerat aliquam
zámiam. 20

Égo istos novi pólypoſ, qui, sicúbī quid tetige-
rínt, tenent.

ME. Dá mi operam parúmper: paucis, Eúclio,
est quod té volo

dé communi re áppellare meá ét tua. EU. Hei miseró mihi!

aúrum mi intus hárpagatum est: núnc híc eam rem vólt, scio,

25 mécum adire ad páctionem: vérum intervisám domum.

ME. Quó abis? EU. Iamiam ad té revortar: nám- que est, quod visám domum.

ME. Crédo edepol, ubi méntionem ego févero de fília,

mi út despondeát, sese a me dérideri rébitur.

Néque illo quisquam est álter hodie ex paúper-
tate párcior.

30 EU. Dí me servant: sálva res est: sálvom est, si quid nóñ perit.

Nímis male timuí, priusquam intro rédii: exani-
matús fui. —

Rédeo ad te, Megadóre, si quid mé vis. ME. Habeó grátiam:

Quaéso, quód te pércontabor, ne id te pigeat próloqui.

EU. Dúm quidem ne quid pérconteris, quód non lubeat próloqui.

35 ME. Díe mihi: quali me árbitraris género pro-
gnatúm? EU. Bono.

ME. Quíd fide? EU. Boná. ME. Quíd factis? EU. Néque malis, neque improbis.

ME. Aétatem meam scís? EU. Scio, esse grán-
dem, itidem ut pecúniam.

ME. Cérte edepol equidém te civem síne mala
omni málitia

sémper sum arbitrátus, et nunc árbitror. EU. Aurum huíc olet.

Quid nunc me vis? ME. Quoniam tu me et ego
te, qualis sis, scio: 40

quae res recte vortat mihi que tibi que tuae que
filiae,

filiam tuam mi uxorem posco. Promitte hoc fore.

EU. Heia, Megadore, haud decorum facinus tuis
factis facis,

ut inopem atque innoxium abs te atque abs tuis
me irrideas:

nam de te neque re neque verbis merui, ut face-
res quod facis. 45

ME. Neque edepol ego te derisum venio, neque
derideo,

Neque dignum arbitrór. EU. Cur igitur poscis
meam gnatam tibi?

ME. Ut propter me tibi sit melius, mihi que pro-
pter te et tuos.

EU. Venit hoc mihi in mentem, Megadore, ted
esse hominem divitem,

factiosum: me item esse hominem pauperum
pauperrimum: 50

nunc si filiam locassim meam tibi, in mentem venit,
te bovem esse, et me esse asellum: ubi tecum
coniunctus siem,

ubi onus nequeam ferre pariter, iaceam ego asi-
nus in luto;

tú me bos haud magis respicias, gnatus quasi
nunquam siem;

et te utar iniquiore, et meus med ordo irrideat; 55
neutrius habeam stabile stabulum, si quid di-
vortí fuit:

asini me mordicibus scindant, boves incursent
cornibus.

Hóc magnum est perículum, me ab asínis ad boves
transcéndere.

ME. Quam ad probos propínquitate próxime te
adiúnxeris,

60 tam óptimum est. Tu códitionem hanc áccipe,
auscultá mihi,

átque eam despondé mi. EU. At nihil est dótis
quod dem. ME. Né duis,

dúmmodo moráta recte véniat, dotata ést satis.

EU. Eó dico, ne mé thesauros réperisse cénseas.

ME. Nóvi: ne doceás. Desponde. EU. Fíat.

Sed pro Iúpiter!

65 nón ego disperí? ME. Quid est? EU. Quid?
crépuít quasi ferrúm modo.

ME. Híc apud me hortúm confodere iúsi. Sed
ubi hic ést homo?

Ábiit, neque me cértiorem fécit: fastídít mei.

Quía videt me súam amicitiam vélle, more homi-
núm facit.

Nám si opulentus ít petítum paúperioris grátiam,
70 paúper metuit cóngrediri; pér metum male rém
gerit;

ídem, quando illaéc occasio périit, post seró cupit.

EU. Si hércle ego te non élinguandam dédero
usque ab radícibus:

ímpero, auctórque sum, ut me quóivis castran-
dúm loces.

ME. Vídeo hercle ego te me árbitrari, Eúclio,
heminem idóneum,

75 quém senecta aetáte ludos fácias, hand meri-
tó meo.

EU. Néque edepol, Megadóre, facio, néque, si
cupiam, cópia est.

ME. Quid nunc? etiam mihi despondes filiam?

EU. Illis légibus,

cum illa dote, quam tibi dixi. ME. Spónden' er-

go? EU. Spóndeo.

ME. Dí bene vortant! EU. Íta di faxint! Íllud

facito ut mémineris

cónvenisse, ut né quid dotis méa ad te afferret filia. 80

ME. Mémini. EU. At scio, quo vós soleatis pácto perplexárier:

páctum non páctum ést, non páctum páctum est, quod vobis lubet.

ME. Núlla controversia mihi técum erit. Sed, núptias

hódie quin faciámus, num quae caúsa? EU. Imo edepol óptume.

ME. Íbo igitur; parábo. Numquid mé vis? EU. Istuc. ME. Fiét. Vale. 85

Heús, Strobile, séquere propere me ad macellam strénue.

EU. Íllic hinc abiit. Di ímmortales, óbsecro, aurum quíd valet!

Crédo ego illum iam inaúdivisse, mi ésse thesaurúm domi:

íd inhiat; eá affínitatem hanc óbstinavit grátia.

ACTUS II. SCENA III.

EUCLIO. STAPHYLA.

EU. Úbi tu es, quae déblaterasti iám vicinis ómnibus,

méae me filiaé daturum dótem? Heus, Staphyla,
té voco!

Écquid audis? Váscula intus púre propera atque
élue!

ffliam despóndi ego; hodie núptam huic Mega-
doró dabo.

5 STA. Dí bene vortant! Vérum ecaster nón po-
test: subitúm est nimis.

EU. Táce atque abi! Curáta fac sint, quom á
foro redeám domum;

átque occlude aédis. Iám ego hic ádero. STA.
Quid ego núnc agam?

núnc nobis prope adést exitium, mi átque herili
filiae:

nám probrum atque pártitudo própe adest ut fiát
palam;

10 quód celatum est átque occultatum úsque adhuc,
nunc nón potest.

Íbo intro, ut, herus quae ímperavit, fácta, quom
veniát, sient.

Nam écaster malúm moerore métuo ne mistúm
bibam.

ACTUS II. SCENA IV.

STROBILUS, ANTHRAX. CONGRIO.

STR. Postquam óbsonavit hérus et conduxít
cocos

tibícinasque hasce ápod forum, edixít mihí,
ut díspartirem obsónium hic bifáriam.

CO. Me tú quidem herele, dícam palam, non
dívides.

Si quó tu totum me íre vis, operám dabo. 5

AN. Bellum ét pudicum véro prostibulúm poplí!
Post, sí quis vellet, te haúd nevelles dívidí.

STR. Atqui égo istuc, Anthrax, áliovorsum dí-
xeram,

non ístuc, quo tu insímulas. Sed herus núptias
meus hódie faciet. AN. Quóius ducit fíliam? 10

STR. Vicíni huius Eucliónis senis e próxumo.

Ei ádeo obsoni hinc dímidium iussít dari,
cocum álterum, itidemque álteram tibícínam.

AN. Nempe huíc dímidium dúcis, dímidium
domi?

STR. Nempe, sícut dicis. CO. Quíd, hic non
poterat dé suo 15
senex óbsonari fíliai in núptiis?

STR. Vah! CO. Quíd negoti est? STR. Quíd
negoti sít, rogas?

Puméx non aequé est áridus atque hic ést
senex.

CO. Ain' tándem, ita esse, ut dicis? STR. T'ute
exístuma.

Quin dívûm atque hominum clámat continuó
fidem, 20

suam rém perlisse, séque eradicárier,
de suó tigillo fúmus sí qua exit foras.

Quin, quom ít dormitum, fóllem [sibi] obstringit
ób gulam.

CO. Cur? STR. Né quid animae fórté amittat
dórmiens.

CO. Etiámne obturat inferiorem gútturem, 25
ne quíd animai fórté amittat dórmiens?

STR. Haec mīhi ted, ut tībī med, aequom es
crédere.

CO. Imo équidem credo. STR. Át scin' etiam
quómodo?

aquam hércle plorat, quóm lavat, profúndere.

30 CO. Censén' talentum mágnum exorari potesse
ab istóc sene ut det, quí fiamus líberi?

STR. Famem hércle utendam, sí roges, nunquám
dabit.

Quin ípai pridem tónsor unguis démserat:
collégit omnia, ábstulit, praeségmina.

35 AN. Edepól mortalem párcce parcum praédicas.

CO. Censén' vero, adeo esse párcum et misere
vívère?

STR. Palméntum pridem éi eripuit míliūs.

Homo ád praetorem plórabundus dévenit;
infít ibi postuláre, plórans, éiulans,

40 ut síbi liceret míliūom vadárier.

Sexcénta sunt, quae mémorem, si sit ótium.

Sed utér vestrorum est célerior, memorá mihi.

CO. Ego, ut múlto melior. STR. Cócum ego,
non furém, rogo.

CO. Cocúm ego dico. STR. Quíd tu ais? AN.
Sic sum, út vides.

45 CO. Cocus ille nundínalist: in novúm diem
solet íre coctum. AN. Tún', trium litterárum
homo,

me vítupeas? fur! étiam fur! trifúrcifer!



ACTUS II. SCENA V.

STROBILUS. ANTHRAX. CONGRIO.

STR. Tace nunc iam tu, atque agnūm horum uter
est pinguior, . . .

AN. Licet. STR. Tu, Congrio, eum sume actū-
tūm tibi,

atque intro abi illuc, et vos illum sequimini.
Vos ceteri illuc ad nos! CO, Hercle iniuria
dispertivisti: pinguiorem agnum isti habent. 5

STR. At tibi nunc dabitur pinguior tibiцина.

I sane cum illo, Phrygia, Tu autem, Elysium,
huc intro abi ad nos. CO. O Strobile subdole,

huccine detrusti me ad senem parvissimum,

ubi, si quid poscam, usque ad ravim poscam prius 10
quam quidquam detur? STR. Stultus et sine
gratia es,

[Ibi recte facere, quando, quod facias, perit.]

CO. Qui vero? STR. Rogitas? Iam principio in
aediibus

turba istis nulla tibi erit. Si qui uti voles,

domo abs te afferto, ne operam perdas pascere. 15

Hic apud nos magna turba ac magna familia est,
suppelles, aurum, vestes, vasa argentea:

ibi si perierit quidpiam (quod te scio

facile abstinere posse, si nihil obviam est),

dicant: coqui abstulerunt; comprehendite, 20

vincite, verberate, in puteum condite!

Horunc tibi istis nihil eveniet; quippe qui

ubi quid subripias, nihil est. Sequere hac me.

CO. Sequor,

ACTUS II. SCENA VI.

STROBILUS. STAPHYLA. CONGRIO.

STR. Heus, Stáphyla, prodi atque óstium aperi!

STA. Quí vocat?

STR. Strobílus. STA. Quid vis? STR. Hós ut accipiás cocos

tibícinamque obsóniumque in núptias.

Megadórus inssit Eúclioni haec mittere.

5 STA. Cererín', Strobíle, háś facturi núptias?

STR. Quí? STA. Quía temeti nřil allatum intéllego.

STR. At iam áfferetur, si á foro ípsus rédierit.

STA. Ligna híc apud nos nůlla sunt. CO. Sunt ásseres?

STA. Sunt pól. CO. Sunt igitur lígna: ne quae-rás foris.

10 STA. Quid, ímpurate? quámquam Volcanó studes, coenaéne causa aut túae mereedis grátia nos nóstras aedis póstulas combúrere?

CO. Haud póstulo. STR. Due ístes intro. STA. Séquimini.

ACTUS II. SCENA VII.

PYTHODICUS.

Curáte; ego intervísam, quid faciánt coci;
quos pól ut ego hodie sérvem, cura máxuma est.

Nisi unum hoc faciam, ut in puteo coenam coquant;

inde coctam sursum subducemus corbulis;
si autem deorsum comedent, si quid coxerint; 5
superi incoenati sunt et coenati inferi.
Sed verba hic facio, quasi negoti nil siet,
Rapacidarum ubi tantum siet in aedibus.

ACTUS II. SCENA VIII.

EUCLIO. CONGRIO.

EU. Volui animum tandem confirmare hodié meum,
ut bene me haberem filiai nuptiis:
venio ad macellum, rogo piscis; indicant
caros, agninam caram, caram bubulam,
vitulinam, cetum, porcinam, cara omnia: 5
atque eo fuerunt cariora: aes non erat.
Abeo illinc iratus, quoniam nihil est, qui emam;
ita illis impuris omnibus adivi manum.
Deinde egomet mecum cogitare inter vias
occépi: festo die si quid prodégeris, 10
profesto egere liceat, nisi peperceris.
Postquam hanc rationem cordi ventrique edidi,
accessit animus ad meam sententiam,
quam minumo sumtu filiam ut nuptum darem.
Nunc tusculum emi et has coronas floreas; 15
haec imponentur in foco nostro Lari,
ut fortunatas faciat gnatae nuptias.
Sed quid ego apertas aedis nostras conspicio?
et strépitus est intus! numnam ego compilor miser?

- 20 co. Aulám maiorem, sí pote, ex vicínia
pete: haéc est parva; cápere non quit. EU. Hei
mihí!
perii hércle! aurum rápitur: aula quaéritur.
Nimírum occidor, nisi égo intro huc propero
cúrrere.
- [Apóllo, quaeso, súbveni mi atque ádiuva:
25 confíge sagittis fúres thesaurários!
quoi in re tali iám subvenisti ántidhac.
Sed céaso prius, quam prósus perii, cúrrere?]

ACTUS II. SCENA IX.

ANTHRA X.

- Dromó, desquama píscis. Tu, Machaério,
congrúm, muraenam exdórsua, quantum potes.
[atque omnia, dum absum hinc, exossata facient.]
Ego hinc artoptam ex próxumo utendám peto
5 a Cóngrione. Tu ístum gallum, sí sapia,
glabriórem reddes mihí, quam volsus lúdiust.
Sed quid hóc clamoris óritur hinc ex próxumo?
Coci hércle, credo, faciunt officiúm suum.
Fugiam íntro, ne quid túrbæ hic itidéum fiat.

ACTUS III. SCENA I.

CONGRIO.

Óptati civés, populares, incolæ, adcolæ, ádve-
nae omnes,

dáte viam, qua fúgere liceat: fácte totae pláteae
pateant.

Néque ego unquam, nisi hódie, ad Bacchas véni
in bacchanál coquinatum:

íta me miserum et méos discipulos fústibus male
cántuderunt.

Tótus doleo atque óppido perii: íta me iste ha-
buit sénex gymnasium;

neque lígna ego usquam géntium praeberi vídi
púlcrus.

Itaque ómnis exegít foras, me atque hós, onustos
fústibus.

Attát, perii hercle egó miser: aperítur Baccha-
nál; adest,

sequítúr! Scio, quam rém geram: hoc ipsús ma-
gister mé docet.

5

ACTUS III. SCENA II.

EUCLIO. CONGRIO.

EU. Redi! quó fugis nunc? téne, tene! CO. Quid,
stolide, clámas?

EU. Quia ad Trisviros iam ego déferam tuóm no-
men. CO. Quamóbrem?

EU. Quia cúltrum habes. CO. Cocúm decet. EU.
Quia comminátus

mihi. CO. Ístuc malefactum árbitor, quía non
latus fédi,

EU. Homo núllus, te sceléstior quí vivat hódie,
neque quóí égo de industria ámplius malí plus
lubens fáxim.

5

CO. Pol. et si taceas, palam id quidem est: res ipsa testis est:

ita fustibus sum mollior miser magis quam ullus cinaedus.

Sed quid tibi, mendace homo, nos tactio est? quae res?

10 EU. Etiam rogas? an, quia minus, quam nequam erat, feci?

Sine! CO. At hercle cum magno malo tuo, si hoc caput sentit!

EU. Pol ego haud scio, quid post fuit: tuum nunc caput sentit!

Sed in medibus quid tibi meis nam erat negoti me absente, nisi ego iusseram? Volo scire. CO.

Tace erge:

15 quia venimus coctum ad nuptias. EU. Quid tu, malum, curas,

ego utrum crudum an coctum edim, nisi tu mi es tutor?

CO. Volo scire, sinas, an non sinas, nos coquere hic coenam?

EU. Volo scire item ego, mea domi mea' salva futura?

CO. Utinam mea mihi modo auferam, quae attuli, salva!

20 EU. Me haud poenitet: tua ne expetam. CO. Sile: ne docet novi.

Quid est, qua prohibes nunc gratia nos coquere hic coenam?

quid fecimus, quid diximus tibi, secus quam velles?

EU. Etiam rogas, scelerosus homo? quis angulos omnis

mearam aedium et conclavium mihi perviam
facitis.

Id ubi tibi erat negotium, ad focum si adesses, 25
non fissile haberés caput. Mérito id tibi fá-
ctum est.

Adeo ut meam sententiam iam noscere possis:
si ad ianuam huc accesseris, nisi inassero, propina,
ego te faciam, miserrumus mortalis uti sis.

Scis iam meam sententiam? co. Quó abis? redi
rursum! 30

Ita me bene Lavérna amet, te iam, nisi reddi
mihi vasa iubes, pípulo híc differam ante aedis.
Quíd ego nunc agám? Nae ego edepol véni huc
auspicio malo:

númo sum conductus; plus iam médico merce-
dént opus.

ACTUS III. SCENA II.

EUCLIO. CONGRIO.

EU. Hóc quidem hercle, quóquod ibo, mecum
erit, mecum feram,
néque istuc in tantis periclis unquam committam
ut siet.

Íte sane nunc iam intro omnes et coci, et tibicinae.
Étiam introduce, si vis, vél gregem venálium.

Cóquite, facite, féstinate nunc iam, quantúm lubet. 5
co. Témpere: postquam implevisti fústi fisco-
rúm caput.

EU. Intro abi: opera húc conducta est vóstra,
non orátio.

CO. Heú, senex, pro vâpulando hercle égo abs
te mercedém petam:

cóctum ego, non vâpulatum, dúdum condu-
ctús fui.

- 10 EU. Lége agito mecúm! molestus né sis! I et
coenám coque,
aút abi in malúm cruciatum ab aédibus! CO. Abi
tú modo.

ACTUS III. SCENA IV.

E U C L I O.

Íllic hinc abiit. Di immortales, fácinus audax
incipit,

quí cum opulento paúper coepit rém habere aut
negótium.

Véluti Megadorús tentat med ómnibus miserúm
modis,

quí simulavit, méi honoris mittere huc causá
cocos;

- 5 ís ea causa misit, hoc qui súrriperent miseró mihi
Cóndigne etiam méus med intus gállus galliná-
ceus,

qui ánni erat pecúliaris, pérdidit peníssime:
úbí erat haec defóssa, ocepit scálpturne ibi
úngulis

círcumcirca. Quid opust verbis? ita mi pectus
péracuit:

- 10 cápio fustem, obtrúnco gallum, fúrem manife-
stárium.

Créde ego edepol illi mercedem gállo pollicitós
cocos,

si id palam fecisset: exemi éx manu manúbrium.
Quíd opust verbis? fácta est pugna in gállo gal-
lináceo.

Séd Megadorus, méus affinis, éccum incedit á foro.
Iam hunc non ausim praéterire, quín consistam
et cólloquar.

15

ACTUS III. SCENA V.

MEGADORUS. EUCLIO.

ME. Narrávi amicis múltis consiliúm meum
de cónditione hac Eúclionis fíliae.

Laudánt; sapienter fáctum et consilió bono.

Nam, méo quidem animo, si idem faciant céteri,
opuléntiores paúperiorum fílias

5

ut índotatas dúcant uxorés domum:

et múlto fiat cívitas concórdior,

et invídia nos minóre utamur, quam útimur;

et illaé malam rem métuant, quam metuónt, magis;

et nós minore súmptu simus, quám sumus.

10

In máxumam illac pópuli partem est óptimum.

In paúciores ávidos altercátio est;

quorum ánimis avidis átque insatietátibus

neque léx neque tutor cápere est qui possít modum.

Namque hóc qui dicat: Quo illae nubent dívites

15

dotatae, si istud iús pauperibus pónitur?

Quo hábeat, nubant, dúm dos ne fiát comes.

Hoc ita si fiat, móres meliorés sibi

parént, pro dote quós ferant, quam nunc ferunt.
 20 Ego fáxim, muli, prétio qui superánt equos,
 sint viliiores Gállizis canthéris.

EV. Ita mé di amabant, át ego hunc auscultó lu-
 bens:

nimis lépide fecit vérba ad parsimóniam:

ME. Nulla érgo dicat: Équidem dotem ad te áttuli.
 25 maiórem multo, quám tibi erat pecúnia:

enim míhi quidem aequom est púrpuram atque
 aurúm dari,

ancillas, mulos, múliones, pédisequos,
 salútigerulos púeros, vehicla, quí vehar.

EV. Ut mátronarum hic fácta pernovít probe!

30 Moribus praefectum múlherum hunc factúm velim.

ME. Nunc quóquo venias, plús planstrorum in
 aédibus

videás, quam ruri, quándo ad villam vénéris.

Sed hoc étiam paterum est, praé quam ubi sum-
 tus petant:

stat fúllo, phrygie, aurífex, lanáripa,
 35 ciniflónes, patagiárii, industárii,
 flammeárii, violárii, cecinárii,
 aut mánulearii, aut murebrechárii;

propólae linteónes, calecolárii,
 sedentárii sutóres, diabathrárii,

40 soleárii astant, ástant molochinárii;

petúnt fullones, sarcinatorés petúnt;

strophíarii astant, ástant semizonárii.

Iam hosce ábsolutos cénseas: cedúnt, petúnt

trecénti; circumstánt phylacístae in átriis,

45 textóres, limbulárii, areulárii.

Ducúnturq; datúr aes. Iam hosce ábsolutos cén-
 seas:

quom incédunt infectores crocotulardi, . . .
aut aliqua mala crux semper est, quae aliquid petat.
EU. Compellarem ego illam, si mutuum, ne desinat
memorare mores mulierum: nunc sic sinam. 50
ME. Ubi nugivendis res soluta est omnibus
[pro illis crocotis, strophis, sumto uxorio:] . . .
ibi ad postremum cedit miles, aes petit.
Itur, putatur ratio cum argentario;
impransus miles adstat, aes censet dari. 55
Ubi disputata est ratio cum argentario,
etiam plus ipse debet argentario.
Spes proregatur militi in altum diem.
Hae sunt atque aliae multae in magnis dotibus
incommoditates stansque intolerabiles. 60
Nam quae indotata est, ea in potestate est viri;
dotatae mactant et malo et damno vires.
Sed ecceum affinem ante aedis. Quid agis, Euclo?

ACTUS III. SCENA VI.

EUCLIO. MEGADORUS.

EU. Nimum lubenter edi sermonem tuum.
ME. Ain? subdivisti? EU. Usque a principio cantas.
ME. Tamen meo quidem animo aliquanto facias
rectius,
si nitidior sis filiae nuptis.
EU. Pro re nitorem et gloriam pro copia. 5
Qui habent, meminerint esse, unde orinandi sient;
neque pol, Megadore, mihi nec quovquam pauperi
opinionem melius res structa est domi.

ME. Imo, Eúclio, est. EU. Est? ME. Et di faciant, ut siet:

10 plus plúsque istuc sósipitent, quod núnc habes.

EU. Illád mihi verbum nónc placet: Quod núnc habes.

Tam hic scít me habere, quam égomet: annus fecít palam.

ME. Quid tú te solus é senatu sévocas?

EU. Pol ego, ut te accusem, mérito meditabár.

ME. Quid est?

15 EU. Quid sít, me rogitas? quí mihi omnis ángulos furum ímplevisti in aédibus miseró mihi;

qui intrómisisti in aédis quingentós cocos

cum sénis manibus, génere Geryonáceo;

quos si Árgus servet, qui óculeus totús fuit,

20 quem quóndam Ioni Iúno custodem áddidit,

is núncquam servet; praétereá tibícinam,

quae mi ínterbibere sóla, si vinó scatat,

Corínthiensem fóntem Pirenén potest.

Tum obsónium autem . . . ME. Pól vel legioní sat est.

25 Etiam ágnum misi. EU. Quó quidem agno sát scio magis cúrionem núsquam esse ullam béluam.

ME. Volo ego éx te scire, quí sit agnus cúrio.

EU. Qui ossa átque pellis tótust: ita curá macet; quin éxta inspícere in sóle etiam vivó licet:

30 ita is pellucet, quási laterna Púnica.

ME. Caedúndum illum ego condúxi. EU. Tum tu idem óptimum est

loces éfferundum: nám iam, credo, mórtuost.

ME. Potáre ego hodie, Eúclio, tecúm volo.

EU. Non pótém ego quidem hércle. ME. At ego iússero . . .

cadum unum vini veteris a me afférrier. 35

EV. Nolo hércle: nam míhi bíbere decretum est
aquam.

ME. Ego te hódie reddam mádidum, si vivó, probe,
tíbi quói decretum est bíbere aquam. EV. Scio,
quám rem agat:

ut mé deponat víno, eam affectát viam:
post hóc, quod habeo, ut cómmutet colóniam. 40

Ego íd cavebo: nam álicubi abstrudám foras.
Ego fáxo et operam et vínum perdiderít simul.

ME. Ego, nísi quíd me vis, éo lavatum, ut sácru-
ficem.

EV. Edepól nae tu, aula, múltos inimicós habes,
atque ístuc aurum, quód tibi concréditum est. 45

Nunc hóc mihi factu est óptimum, ut ted aúferam,
aula, ín Fidei fánum: ibi abstrudám probe.

Fidés, novisti me ét ego te: cave sís tibi,
ne in mé mutassis nómen, si hoc concrédúo!

Ibo ad te, fretus túa, Fides, fidúcia. 50



ACTUS IV. SCENA I.

STROBILUS.

Hóc est servi fácinus frugi, fácere, quod ego pér-
sequor;

néc morae moléstiaeque impérium herile habeát
sibi.

Nám qui hero ex senténtia servíre servus póstulat:
ín herum matura, ín se sera, cóndecet capéssere;
sín dormitet, íta dormitet, sérvom sese ut cógitet. 5

Nám qui amanti hero servitutem servit, quasi ego
servio,

si herum videt superare amorem, hoc servi esse
officium reor:

retinere ad salutem; non eum, quo incumbat, eo
impellere.

Quasi pueris, qui nare discunt, scirpea induitur
ratis,

10 qui laborent minus: facilius ut nent et moveant
manus:

eodem modo servom ratem esse amanti hero ae-
quom censeo,

ut toleret, ne pessum abeat, tanquam * * * *

heri imperium ediscat, ut, quod frons velit, oculi
sciant;

quod iubeat, citis quadrigis citius properet per-
sequi.

15 Qui ea curabit, abstinebit censione bubala,
neque sua opera rediget unquam in splendorem
compedes.

Nunc herus meus amat filiam huius Euclyonis
pauperis;

eam hero nunc renunciatum est nuptum huic Me-
gadoro dari:

is speculatum huc misit me, ut, quae fierent, fie-
ret particeps.

20 Nunc sine omni suspitione in ara hic addidam
sacra:

hinc ego et huc et illuc potero, quid agant, arbi-
trarius.

ACTUS IV. SCENA II.

EUCLIO. STROBILUS.

EU. Tú modo cave quoiquam indicassis, aurum
meum esse istic, Fides:

nón metuo, ne quisquam inveniatur: ita probe in
latebris situm est.

Édepol nae illic púlcram praedam agát, si qui
illam invénierit

aulam onustam auri. Verum id te quaeso ut pro-
hibeas, Fides.

Núnc lavabo, ut rem divinam faciam; ne affinem
morer,

quín, ubi arcessát, meam extemplo filiam ducat
domum.

Vide, Fides, etiam atque etiam nunc, sálvā ut
aulam abs te auferam!

túae fidei concredidi aurum; in tuó luco et fano
ést situm. —

STR. Di immortales, quód ego hunc hominem fá-
cinus audio éloqui,

se aulam onustam auri abstrusisse hic intus in
fano! Fides,

cáve tu illi fidélis, quaeso, pótius fueris, quám
mibi!

Atque hic pater est, ut ego opinor, huius; herus
meus quam amat.

Ibo hinc intro: perscrutabor fánum, si inveniam
úspiam

aurum, dum hic est occupatus. Séd si repetero,
ó Fides,

5

10

- 15 mŭlsi congiálem pŕenam fáciám tibi fidéliam;
 id adeo tibi fáciám: verum ego mŭhi bibam,
 ubi féceo.

ACTUS IV. SCENA III.

E U C L I O.

Nón temere est, quod córvos cantat mŭhi nunc ab
 laevá manu;
 símul radebat pédibus terram et vóce crocibát sua.
 Cóntinuo meúm cor coepit ártem facere lúdicram
 átque in pectus émicare. Séd ego cesso cŭrrere.

ACTUS IV. SCENA IV.

E U C L I O. S T R O B I L U S.

EU. Fóras, foras, lumbríce, qui sub térra erepsisti
 modo!

Quí modo nusquam cómparebas, nŭnc quom com-
 parés, peris.

Égo edepol te, praéstigiator, míseris iam acci-
 piám modis.

STR. Quas te mala crux ágitat? quid tibi mécum
 est commercé, senex?

- 5 quíd me afflictas? quíd me raptas? quá me causa
 vérberas?

EU. Vérberabilíssume! etiam rógitas, non fur,
 séd trifur?

STR. Quid tibi subripui? EU. Redde huc, sis! STR.

Quid tibi vis reddam? EU. Rogas?

STR. Nisi equidem tibi abstuli. EU. At illud, quod
tibi abstuleras, cedo!

Ecquid agis? STR. Quid agam? EU. Auferre non
potes. STR. Quid vis tibi?

EU. Pone! STR. Equidem pol te datare credo con-
suetum, senex.

10

EU. Pone hoc, sis! aufer cavillam: non ego nunc
nugas ago.

STR. Quid ego ponam? Quin tu eloquere, quid-
quid est, suo nomine.

Non hercle equidem quidquam sumsi nec tetigi,
EU. Ostende huc manus!

STR. Hem tibi! EU. Ostende. STR. Eccas! EU.
Video. Age, ostende etiam tertiam.

STR. Larvae hunc atque intemperiae insaniaeque
agitant senem,

15

Facin' iniuriam, an non? EU. Fateor, quia non
pendes, maxumam.

Atque id quoque iam fiet, nisi fatere, STR. Quid
fatear tibi?

EU. Quid abstulisti hinc? STR. Di me perdant, si
ego tui quidquam abstuli, —

nive adeo abstulisse vellem, EU. Agedum, ex-
cutedum pallium . . .

STR. Tuo arbitratu, EU. ne inter tunicas ha-
beas. STR. Tenta, qua lubet.

20

EU. Vah, scelestus quam benigne, ut ne abstulisse
intelligam!

Novi sycophantias, Age, rursum ostende huc
manum

- dexteram! STR. Hem! EU. Nunc laevam ostende.
 STR. Quin equidem ambas profero.
 EU. Iam scrutari mitto. Redde huc! STR. Quid reddam? EU. Ah, nugae agis.
- 25 Certe habes. STR. Habeo ego? quid habeo? EU.
 Non dico: audire expetis,
 Id meum quidquid habes, redde! STR. Insanis:
 perscrutatus es
 tuo arbitrato, neque tui me quidquam invenisti
 penes.
- EU. Mane, mane: quis ille est, qui hic intus alter
 erat tecum simul?
 Perii hercle: ille nunc intus turbat; hunc si amit-
 to, hic abierit.
- 30 Postremo hunc iam perscrutavi; hic nihil habet.
 Abi, quod lubet.
 Iupiter te dique perdant! STR. Haud agit male
 gratias.
- EU. Ibo hinc intro atque illi socienno tuo iam in-
 terstringam gulam.
 Fugin' hinc ab oculis? abin', an non? STR. Abeo.
 EU. Cave, sis, revideam! —

ACTUS IV. SCENA V.

STROBILUS.

Emortuom ego me mavelim leto malo,
 quam non ego illi dem hodie insidias seni.
 Nam hic iam non audabit aurum abstrudere;
 credo, efferet iam secum et mutabit locum.

Attat, fons crepuit! senex ecceum aurum effert 5
foras!

Tantisper hic ego ab ianua concessero.

ACTUS IV. SCENA VI.

EUCLIO. STROBILUS.

EU. Fideli censebam maximam multo fidem
esse: ea sublevit os mihi penituisse.

Ni subvenisset corvus, periissem miser.

Nimis hercle ego illum corvum, ad me veniat, velim,

qui iudicium fecit: ut ego illi aliquid boni 5

dicam: nam quod edit, tam diu, quam perdiu.

Nunc, hoc ubi abstrudam, cogito solam locum.

Silvani lucus extra murum est avius,

crebro salicto opplatus: ibi sumam locum.

Certum est: Silvano potius credam, quam Fidei. 10

STR. Euge, euge, di me salvum et servatum volunt!

Iam ego illuc praecurram atque inscendam ali-

quam in arborem:

inde observabo, aurum ubi abstrudat senex.

Quamquam hic manere me herus sese iusserat:

certum est, malam rem potius quaeram cum lucro. 15

ACTUS IV. SCENA VII.

LYCONIDES. EUNOMIA. PHAEDRA.

LY. Dixi tibi, mater; iuxta rem metum tenes
super Euctionis filia: nunc te obsecro

resecróque, mater, quód dudum obsecráveram:
fac méntionem cum avónculo, matér mea!

5 EUN. Scis túte, facta vélle me, quae tú velis.
Et istúc confido a frátre me impetrássere,
et caúsa iusta est: síquidem ita est, ut praédicas,
te eam cómpressisse vínolentum vírginem.

LY. Egone út te advorsum méntiar, matér mea?

10 PH. Perí, mea nutrix! óbsecro te, uterúm dolet!
Iunó Lucina, tuám fidem! LY. Hem, matér mea,
tibi rém potíorem vídeo: clamat, párturit.

EUN. I hac íntro mecum, gnáte mi, ad fratrém
meum,

[ut istuc, quod tu me oras, efficiam tibi.]

15 ut istúc, quod me oras, ímpetratum ab eo aúferam.

LY. I; iám sequor te, máter. — Sed servóm meum
Strobílum miror, úbí sit, quem ego me iússeram
hic ópperiri. Núnc ego mecum cógito:
si míhi dat operam, me illi irasci iniúrium est.

20 Ibo íntro, ubi de cápíte meo sunt cómitia.

ACTUS IV. SCENA VIII.

STROBILUS.

Picés divitiis, qui aúreos montés colunt,
ego sólus supero. Nam istos reges céteros
memoráre nolo, hóminum mendicábula:
ego sum ille rex Philíppus! O lepidúm diem!

5 Nam ut dúdum hinc abii: múlto illuc adveníprior,
multóque prius me cóllocavi in árborem;
inde éxspectabam, ubi aúrum abstrudebát senex.

Ubi ille ábiit, ego me deórsum duco de árbore;
 effódio aulam auri plénam. Inde ex eó loco
 video recipere sé senem; ille me nón videt: 10
 nam ego módo declinaví paulum me extrá viam.
 Attát, ecce ipsum! Íbo, ut hoc condám, domum.

ACTUS IV. SCENA IX.

E U C L I O.

Perii! interii! occidi! Quó curram? quo nón cur-
 ram? Tene, téne! — Quem quis? —
 Nescío: nil video: coécus eo, atque equidém, quo
 eam, aut ubi sim, aut qui sim,
 nequeó cum animo certum investigare. Óbsecro
 vos ego, míhi auxilio,
 óro, obtestor, sítis et hominem démonstretis, qui
 eam abstulerit.
 Quid est? quid ridetis? Novi omnis: scío, fures
 esse híc compluris, 5
 qui vestitu et créta occultant sése atque sedent,
 quási sint frugi.
 Quid ais tu? Tibi crédere certum est: nam ésse
 bonum, e voltú cognosco.
 Hém, nemo habet horum? — Óccidisti! Díc igi-
 tur, quis éam habet! Nescis?
 Heu mémiserum! miseré perii! male pérditu', pes-
 sume ornátus eo:
 tantúm gemití et malaé moestitiæ híc dies míhi
 óbtulit, 10
 famem ét pauperiem. Pérditus pénissime sum
 ego ómnium

in térra. Nam quid mihí ópus est vita, quí tan-
 tum auri pérdidi,
 quod cústodivi sédulo? Egomét me defraudávi
 animúmque meum geniúmque meum. Nunc meo
 álii lactificántur
 15 damno ét malo! Pati néqueo.

ACTUS IV. SCENA X.

LYCONIDES. EUCLIO.

LY. Quínam homo híc ante aédís nostras émulam
 conquéritur moerens?
 Át híc quidem Eucúlio ést, ut opinor. — Óppido
 ego interí! palam est res!
 scít peperisse iam, út ego opinor, fíliam suam.
 Núnc mi incertum est,
 quíd agam; abeam an máneam? an adeam? an fú-
 gíam? Quid agam, néscio.
 5 EU. Quís homo híc loquítur? LY. Égo sum, miser.
 EU. Imo égo sum et misere pérditus,
 quói tanta mala, moéstítudoque óbtigit. LY. Aní-
 mó bono es.
 EU. Quo, óbsecro, pacto ésse possum? LY. Quía
 istuc facinus, quód tuom
 sóllicitat animum, íd ego feci et fáteor. EU. Quid
 ego ex te audío?
 LY. Íd, quod verum est. EU. Quid ego de te mérui,
 adulescéns, mali,
 10 quamóhrem ita faceres, méque meosque pérditus
 ires líberos?

LY. Deus impulsor mihi fuit; is me ad illam illexit.

EU. Quó modo?

LY. Fateor me peccávisse et me culpam committum scio:

Id adeo te oratum advenio, ut animo aequo ignoscás mihi.

EU. Cúr id ausus's fácere, ut id, quod nón tuum esset, tángeret?

LY. Quid vis fieri? Fáctum est illud: fieri infectum nón potest.

15

Deos credo voluisse: nam nĩ vellent, non fieret, scio.

EU. Át ego deos credó voluisse, ut ápod te me in nervo énicem.

LY. Ne istuc dixis! EU. Quid tibi ergo méam me invito táctio est?

LY. Quia viní vitio átque amoris féci. EU. Homo audacíssume, cum istacín' te orátione huc ad me adire ausum, impudens!

20

Nám si istuc ins ést, ut tu istuc éxcusare pössies: luce claro déripiamus aurum matronís palam; póst id si prehénsi simus, éxcusemus, ébrios nós fecisse amoris causa. Nímis vile est vinum átque amor,

si ébrio atque amánti impune fácere, quod lubeát, licet.

25

LY. Quín tibi ultro súpplicatum vénio ob stultitiám meam.

EU. Nón mihi homines placént, qui quando mále fecerunt, púrgitant.

Tu illam scilicet nón tuam esse: nón attactam opórtuit.

- LY. Érgo quia sum tângere ausus, haúd causifi-
cor, quín eam
- 30 Égo habeam potíssimum. EU. Tun' hábeas me
invitó meam?
- LY. Haúd te invito póstulo; sed meam ésse opor-
tere árbitror.
- Quín tu eam inveniés, inquam, meam illam ésse
oportere, Eúclio.
- EU. Iám quidem hercle te ád praetorem rápiam
et tibi scribám dicam,
nísi refers. LY. Quid tíbi ego referam? EU. Quód
subripuistí meum.
- 35 LY. Súbripui ego tuom? únde? aut quid id est?
EU. Íta te amabit Iúpiter,
út tu nescis. LY. Nísi quidem tu míhi, quid quae-
ras, díxeris.
- EU. Aúlam auri, inquam, té reposco, quám tu con-
fessús's mihi
te ábstulisse. LY. Néque edepol ego díxi, neque
fecí. EU. Negas?
- LY. Pérnego imo: nám neque ego aurum, néque
istaec aula quae siet,
- 40 scío nec novi. EU. Illam, éx Silvani lúco quam
abstulerás, cedo!
Í, refer! dimídiam tecum pótius partem dívi-
dam.
- Támetsi fur mihi és: molestus nón ero. Fur, í,
refer.
- LY. Sánus tu non és, qui furem mé voces; ego te,
Eúclio,
de ália re rescísse censuí, quod ad me áttinet.
- 45 Mágna est [res], quam ego tecum ótiose, si ótium
est, cupió loquí.

EU. Díc bona fidé: tu id aurum nón subripuisti?

LY. Bona.

EU. Néque scís, quis id abstúlerit? LY. Istuc

quóque bona. EU. Atque id sí scies,

quí abstulerit, mihi indicabis? LY. Fáciam. EU.

Neque partém tibi

áb eo, quiqui est, inde posces, néque furem exci-

piés? LY. Ita.

EU. Quíd, si fallis? LY. Túm me faciat, quód

volt, magnus Iúpiter!

50

EU. Sát habeo. Age nunc, lóquere, quid vis. LY.

Sí me novistí minus,

génere qui sim gnátus: hic mihi ést Megadornus

avónculos;

méus fuit patér Antimachus; égo vocor Ly-

cónides;

máter est Eunómia. EU. Novi génus: nunc, quid

vis, id volo

nóscere. LY. Ex te filiam tu habés. EU. Imo

eccillám domi.

55

LY. Éam tu despondísti, opinor, meo avónculo.

EU. Omnem rém tenes.

LY. Ís me nunc renúntiare répudium iussít tibi.

EU. Répudium, rebús paratis, éxornatis núptiis?

Út illum di immortáles omnes deaéque, quantum

est, pérduint,

quém propter hòdié aúri tantum pérdidi, infelíx,

miser!

60

LY. Bóno animo es, benedíce! Nunc, quae rés

tibi et gnataé tuae

béne felicitérque vortat Íta di faxint, inquito.

EU. Íta di faciant! LY. Ét mihi ita di faciant!

Audi núnc iam.

Quí homo culpam admísit in se, nūllus tam par-
vī preti,

65 quín pudeat, quín púrget sese: nūnc te obtestor,
Eúclio,

út, quod ego erga téd imprudens péccavi aut
gnatám tuam,

míhi ignoscas, éamque uxorem míhi des, ut le-
gés iubent.

Égo me iniuriám fecisse fíliae fateór tuae,
Céreris vigiliís, per vinum atque impulsu adu-
lescéntiae.

70 EU. Heí mihi, quod fácinus ex te ego aúdio!

LY. Cur éiulas,

quém ego avom fecí iam ut esses fíliai núptiis?

Nám tua gnata péperit decimo mēse post (nu-
merúm cape):

ea re repudiúm remisit avónculus causá mea.

Í intro: exquaere, sítne ita, ut ego praédico.

EU. Perli óppido:

75 ita mihi ad malúm malae res plúrimae se ad-
glútinant.

Íbo intro: ut, quid húius rei sít, sciam. LY.

Iam té sequor.

Haec própemodum iam esse in vado salutis res
vidétur.

Nunc sérvom esse ubi dicám meum Strobílum,
non repéro;

nisi étiam hic opperiár tamen paulisper; postea
íntro

hunc súbsequar: nunc ínterim spatium éi dabo
exquiréndi

meum fáctum ex gnatae pédisequa nutrice anu:
ea rem nóvit.

ACTUS V. SCENA I

STROBILUS. LYCONIDES.

STR. Di immortales, quibus et quantis me donatis gaudiis!

Quádrilibrem aulam auro onustam ego hábeo: quis me est diuitior?

quis me Athenis nunc magis quisquam est homo, quod di sint propitii?

LY. Certo enim ego vocem hic loquentis modo me audire visus sum. STR. Hem!

herumne adspicio meum? LY. Videon' Strobilum ego hunc, servom meum? 5

STR. Ipsus est. LY. Haud alius est. STR. Congrediar. LY. Contollam gradum.

Crédo ego illum, ut iussi, eampse anum adiasse, huius nutricem virginis.

STR. Quin ego illi me invenisse dico hanc praedam atque eloquor?

Igitur orabo, ut manu me mittat. Ibo atque eloquar.

Réperi LY. Quid réperisti? STR. non, quod pueri clamitant 10

in faba se réperisse. LY. Iamne autem, ut solas, deludis?

STR. Hére, mane; eloquar: iam ausculta. LY. Age ergo loquere. STR. Réperi hodie,

hére, divitias nimias. LY. Ubinam? STR. Quádrilibrem [inquam,] aulam auri plenam.

LY. Quód ego facinus audio ex te? STR. Eúclioni huic seni subripui.

15 LY. *Ūbi id est aurum?* STR. *In árca apud me:
nūnc volo manú me emitti.*

LY. *Égone te manú emittam, scélerum cumula-
tíssume?*

STR. *Ábi, here! scio, quam rém geras: lepide
hércle animum túom tentavi.*

*Iám, ut eriperes, ádparabas: quíd faceres, si ré-
perissem?*

LY. *Nón potes probásse nugas. Í, redde aurum!*
STR. *Réddam ego aurum?*

20 LY. *Réddas, inquam, ut huíc reddatur.* STR. *Ah,
únde?* LY. *Modo quod fássus esse
és in arca.* STR. *Sóleo hercle ego garríre nugas:
íta loquor.* LY. *Scin,
quómodo?* STR. *Vel hércule enicá me: nunquam
a mé feres hinc.*

.....

(Imperfecta fabula.)



B A C C H I D E S.



S U M M A R I U M.

Mnesilochus absens ab amico suo Pistoclero petierat ut sibi amicam suam Bacchidem quaereret, a milite quodam sibi ablatam. Is, ea inventa, eius sororem, alteram Bacchidem, amat; eamque ob rem a paedagogo suo Lydo acerbè castigatur. Advenit Mnesilochus et comperit ex Lydo, Pistoclerum Bacchidem aliquam amare. Ergo ille credit, cum amare suam, iratusque hanc ob rem, statuit patri exhibere argentum, quod repetitum ab aliquo mandatu patris Ephesum profectus fuerat, cuiusque partem quantam vellet ad redimendam Bacchidem ut ei liceret sumere, Chrysalus effecerat. Re autem, ut erat, comperta, poenitet eum facti; miles enim adest, abducturus Bacchidem, nisi pretium reddatur. Ergo Chrysalus alium dolum struit Nicobulo patri, efficitque ut ille, metu militis, sponte pecuniam numeret; qua accepta iuvenes unaque Lydus apud Bacchides potant. Quos evocaturi dum senes Nicobulus et Philoxenus ad aedes Bacchidum accedunt, ipsi, amore earum illecti, compelluntur, ut introeant unaque cum filiis potent.

Scena est Athenia.

DRAMATIS PERSONAE.

PISTOCLERUS, filius Philoxeni.

LYDUS, Pistocleri paedagogus.

BACCHIDES, meretrices duae.

CHRYSAIUS, servus Pistocleri.

NICOBULUS, senex, pater Mnasilocha.

PHILOXENUS, pater Pistocleri.

MNESILOCHUS, Pistocleri amicus.

PARASITUS.

CLEOMACHUS, miles.

MILITIS PUER.

GREX.

ACTUS I SCENA I

BACCHIS. SOROR BACCHIDIS.
PISTOCLERUS.

BA. Quid, si hoc potis est, ut taceas, ego lo-
quar? SO. Lepidé licet.

BA. Ubi me fugiet memoria, ibi tu facito ut sub-
veniás, soror.

SO. Pól magis metuo, mihi in monendo né defuat
oratio.

BA. Pól ego quoque metuo, lusciníolae ne defuat
cántio.

PI. Séquere hac, Quid agunt dúae germanae
mérétrices cognómines?

Quid in concilio consuluístis? BA. Béné pol. PI.
Haud meretrícium est.

BA. Miserius nihil est, quam mulier. PI. Quid
esse dicis dignius?

BA. Haec ita me orat, sibi qui caveat, aliquem ut
hominem réperiam,

ab istos milite; ut, ubi emeritum sibi sit, se re-
vehát domum,

Id, amabo te, huic sáveas, PI. Quid isti cáveam?

BA. Ut revehatur domum,
ubi ei dederit óperas; ne hanc ille hábeat pro
ancillá sibi,

Nam haec si habeat aurum, quod illi rénumeret,
faciát libens,

PL. Ubi nunc is homo est? BA. Iam híc, credo, aderit. Séd hoc idem apud nos réctius póteris agere; atque, is dum veniat, sédens hic oppersbere.

15 Eádem biberis; eádem dedero tibi, ubi biberis, sávium.

PL. Viscas merus vestra est blandítia. BA. Quid iam? PL. Quia eníam intéllego:

dúae unum expetitis palumbem. Péríi, arundo [alas] vérberat!

Nón ego istuc facinús mihí, mulier, cónducibile esse árbítror.

BA. Quí, amabo? PL. Quia, Baccíis, Bacchas métno et Bacchanál tuum.

20 BA. Quid est, quod metuis? né tibi lectus máli-tiam apud me suádeat?

PL. Mágis illectum túom quam lectum métno: mala tu es béstia.

Nam huíc aetati nón conducit, múlíer, latebro-sús locus.

BA. Égomet, apud me sí quíd stulte fácere cu-pias, próhibeam.

Séd ego apud me te ésse ob eam rem, míles quom veniát, volo:

25 quía, quom tu aderis, huíc mihique haud fáciet quisquam iniúriam:

tú prohibebis; ét eadem opera túo sodali operám dabis;

ét ille adveniens túam med esse amícam suspi-cábitur.

Quíd, amabo, obticuísti? PL. Quia istaec lépida sunt memorátui;

eadem in usu, atque ubi periculum facias, aculeata sunt;

animum fodicant, bona distimulant, facta et famam sauciant.

30

Apage a me, apage! SO. Ah, nimium ferus es.

PL. Mihi sum. SO. Malacissandus es.

Quid ab hac metuis? PL. Quid ego metuam, rogas? Homo adulescentulus

penetrem huiusmodi in palaestram, ubi damnis desudascitur;

ubi pro disco damnum capiam, pro cursura dedecus?

BA. Lepide memoras. PL. Ubi ego capiam pro machaera turturem,

35

ubique imponat in manum alius mihi pro cestu cantharum;

pro galea scaphium, pro insignis sit corolla plectilia, pro hasta talus; pro lorica malacam capiam pallium;

ubi mihi pro equo lectus detur, scortum pro acuto adcubet?

Apage a me, apage! BA. Ah, nimium ferus es!

PL. Mihi sum. BA. Malacissandus es. 40

Equidem tibi do hanc operam. PL. Ah, nimium pretiosa es operaria.

BA. Simulato me amare. PL. Utrum ego istuc icon' adsimulem, an serio?

BA. Heia, hoc agere melius: miles quom huc adveniat, te vole

me amplexari. PL. Quid eo opus est? BA. Ut ille te videat, vole.

Scio, quid ago. PL. Et pol ego scio, quid metuo. Sed quid ais? BA. Quid est? 45

PI. Quid? si apud te eveniát desubito prándium
aut potátio

fórte, aut coena, ut sólet in istis fieri conciliábulis:
úbi ego tum adcubem? BA. Ápud me, mi anime:
ut lépidus cum lepida ádcubet.

Lócus hic apud nos, quámvis subito vénias, sem-
per líber est.

50 Úbi tu lepide vóles esse tibi, méa rosa, mihi dícto.
Dáto, qui bene sit; égo, ubi bene sit, tibi locum
lepidúm dabo.

PI. Rápidus fluvius ést hic: non hac témere trans-
íri potest.

BA. Átque ecástor ápud hunc fluvium áliquíd
perdundúm est tibi.

Mánus da et sequere. PI. Ah, mínime! BA. Quid
ita? PI. Quia istoc illecebrósus

55 fieri nil potést: nox, mulier, vínus, homini
adulescéntulo.

BA. Áge igitur: equidém pol nihili fácto, nisi
causá tua.

Ílle quidem hanc abdúcet; tu nullus ádfueris, si
nón lubet.

PI. Súmne autem nihilí, qui nequeam ingénio
moderari meo?

BA. Quid est, quod metuas? PI. Níhil est. Nunc
ego, múlter, tibi me emáncupo;

60 túos sum: tibi dedo óperam. BA. Lepidu's. Núnc
ego te facere hóc volo:

égo sorori méae coenam hodie dáre volo viá-
ticam:

égo tibi argentúm iubebo iam intus efferrí foras:
tú facito obsonátum nobis sit opulentum ob-
sónium.

PL. Égo obsonabo: nam id flagitium meum sit,
mea te grátia et
óperam dare mihi, ét ad eam operam fácere sum-
tum dé tuo.

65

BA. Át ego nolo dáre te quidquam. PL. Síne.

BA. Síne equidem, sí lubet.

Propera, amabo! PL. Príus hic adero, quám te
amare désinam.

SO. Béne med accipis ádvenientem, méa soror.

BA. Quid ita, óbsecro?

SO. Quíá piscatus méo quidem animo hic tibi
hodie evenít bonus.

BA. Méus ille quidem est; tibi nunc operam dábo
de Mnesilochó, soror,

70

út hic accipias pótius aurum, quam hinc eas cum
mílite.

SO. Cúpio. BA. Dabitur ópera. — Aqua calet.

Eámus hinc intro, út laves:

nám ut in navi vécta es, crédo, tímida es. SO.

Aliquantúm, soror.

Símul hinc nesció qui turbat, qui húc it. Dece-
dámus nos.

BA. Séquere hac igitur me íntro in lectum, ut
sédes lassitúdinem.

75

ACTUS I. SCENA II.

LYDUS. PISTOCLERUS.

LY. Iamdúdum, Pistoclére, tacitus té sequor,
spectáns, quas tute rés hoc ornatú geras:

nam ita me di. ament, ut Lycurgus mihi quidem videtur posse hic ad nequitiam adducier.

- 5 Quo, nunc capessis tēd hinc adversā via cum tāta pompa? PL. Hūc LY. Quid huc? quis istie habet?

PL. Amór, voluptas, Vénus, venustas, gáudium, iocūs, lúdus, sermo, suavis suaviatio.

LY. Quid tibi commercii est cūm diis damnosissimis?

- 10 PL. Malī sunt homines, qui bonis dicunt male.

Tu diis, nec recte dicis: non aequum facis.

LY. An deus est ullus suavis suaviatio?

PL. An, nōn putasti esse unquam? Oi Lyde, es bārbarus.

quem ego, saepe nimio cēnsui plus quāmo Thalem.

- 15 Il stultior es bārbaro Potitio,

qui, tātus natu, deorum nascis nōmine.

LY. Non hīc placet mi ornatus. PL. Nemo ergo tibi.

hoc adparavit; mihi paratum est, quod placet.

LY. Etiam me adversus exordire argutias,

- 20 qui si decem habeas līnguas, mutum esse addecet?

PL. Non omnis aetas, Lyde, ludo cōvenit.

Magis unum in mente est mihi nunc, satis ut cōmmode

pro dignitate obsōni haec concurēt cocus.

LY. Iam pēdidisti te atque me atque operam meam,

- 25 qui tibi nequidquā saepe monstravi bene.

PL. Ibidem ego, meam, operam pēdidi, ubi tuā tuam:

tua, disciplina nec mihi prodest nec tibi.

LY. O pnaelīgatum pectus! PL. Odiosus mihi es.

Tace atque sequere, Lyde, me! LY. Illuc, sis;
vide:

non paedagogum iam me, sed Lydum, vocat! 39

PI. Non par videtur neque sit consentaneum,
quam hœrus hic intus siet et cum amica adcubet,
quomque osculetur, et convivae alii adcubent,
praesente paedagógus illis una ut siet.

LY. An hoc ad eas res obstratum est, obsecro? 40

PI. Sperat quidem animus, quo eveniat, dis in
manu est.

LY. Tu amicam habebis? PI. Quom videbis, tunc
scies,

LY. Imo neque habebis, nec sinam. Iturus sum
domum.

PI. Omitte, Lyde, ac cave malo! LY. Quid?
cave! malo!

PI. Iam exornat mi aetas ex magisterio tuo. 41

LY. O bárathrum, ubi es? ut ego te usurpem
labens!

Videó nimis iam multo plus, quam volueram:

vixisse nimis satius iam, quam vivere!

Magisteron quicumque discipulum ministrat?

Nihil metor, discipulos mihi esse tam plenos
sanguinis: 45

valens afflictet me vacivom virium.

PI. Fiam, ut ego opinor, Hércules, tu autem Linus.

LY. Pol metuo magis, ne Phoenix tuis factis fuam,
teque ad patrem esse mortuom renuntiem.

PI. Satis historiarum est! LY. Hic vereri perdidit. 50

Compéndium edepol haud aetati optabile

fecisti, quom istam nocturam impudentiam.

Occisus hic homo est. — Écquid in mentem est
tibi,

patrém tibi esse? PL. Tíbi ego, aut tu mihi sér-
vos es?

- 55 LY. Peiór magister te istaec docuit, nón ego.
Nimio és tu ad istas rés discipulus dócilior,
quam ad illa, quae te dócul, ubi operam pérdidi.
PL. Istáctenus tibi, Lýde, libertás data est.
Orátionis sátis est. Sequere hac me, ác tace.
60 LY. Edepól fecisti fúrtum in acetatém malum,
quom istaec flagitia mé celavisti ét patrena.

ACTUS II. SCENA I.

CHRYSAIUS.

- Herilis patria, sálve, quam ego biénio,
postquam hinc in Ephesum ábii, conspició lubena.
Salúto te, vicíne Apollo, qui aédibus
propínquus nostris ádcolis, venerórque te,
5 ne Nícobulum mé sinas, nostrúm senem,
prius cónvenire, quám sodalem viderim
Mnesflocchi Pistoclérum, quem ad epístolam
Mnesflochus misit súper amica Bácschide.

ACTUS II. SCENA II.

PISTOCLERUS. CHRYSAIUS.

PL. Mirum ést, me, ut redeam, te ópere tanto
quaésere,
qui abíre hinc nullo pácto possim, sí velim:

Ita me vadatum amore vinctumque attines.

CH. Proh di immortales, Pistoclerum conspicio!

O Pistoclere, salve! PL. Salve, Chrysale! 5

CH. Compéndii verba multa iam faciam tibi.

Venire tu me gaudes: ego credo tibi;

hospitium et coenam pollicere, ut convenit,
peregre advenienti: ego autem venturum adnuo.

Salutem tibi ab sodali solidam nuntio. 10

Rogabis me, ubi sit. PL. Vivit? nempe recte valet?

CH. Istuc volebam ego ex te percontarier.

PL. Qui scire possum? CH. Nullus plus. PL.
Quemnam ad modum?

CH. Quia si illa inventa est, quam amat, vivit et
valet;

si non inventa est, minus valet, moribundus est. 15

Anima est amica amanti; si abest, nullus est;

si adest, res nulla est, ipse est nequam et miser.

Sed tu quid facturasti mandatis super?

PL. Egón' ut, quod ab illo attigisset nuntius,
non impetratum id advenienti ei redderem? 20

Regiones colere mavellem Acherunticas.

CH. Eho, an invenisti Bacchidem? PL. Samiam
quidem.

CH. Vide, quaeso, ne quis tractet illam indiligens:
scis tu, ut confringi vas cito Samium solet.

PL. Iamne, ut soles? CH. Dic, ubi ea nunc est,
obsecro! 25

PL. Hic, exeuntem me unde adspexisti modo.

CH. Ut istuc est lepidum: proxumae viciniae
habitat! Ecquidnam meminit Mnesilochi? PL.
Rogas?

Imo unice nam plurimi pendit. CH. Papae!

PL. Imo ut eam credis? misere amans desiderat. 30

CH. Scitum istuc? PI. Imo, Chrysale . . . CH.

Hem! PI. Non tantulum

unquam intermittit tempus, quin cum nomenet.

CH. Tanto hercle melior Baccis. PI. Imo . . .

CH. Imo abiero

potius. PI. Num invitus rem bene gestam apud heri?

35 CH. Non res, sed actor mihi cor odio nasciat.

Etiam Epidicum, quam ego fabulam aeque ac
me ipsum amo,

nullam aeque invitus specto, si agit Pellio.

Sed Baccis etiam fortis tibi visa est? PI. Rogas?

Ni nactus Venerem essem, haec lumen discerem.

40 CH. Edepol, Mnesiloche, ut rem hanc natam esse
intello,

quod ames, paratum est: quod des, invento est
opus.

Nam istuc fortasse aure opus est. PI. Philippeo
quidem.

CH. Atque eo fortasse iam opus? PI. Imo etiam
prius:

nam iam hic adventet miles, CH. Et miles quidem!

45 PI. qui de amittunda Baccide aurum hic exigit.

CH. Veniat, quando volt, atque ita, ne mihi sit
morae!

de mi est: non metue nec cuiquam supplico,
dum quidem hoc valebit pectus perfidia meum.

Abi intro: ego hic curabo; tu intus discito,

50 Mnesilochum adesse, Baccidi. PI. Faciam, ut
iubes.

CH. Negotium hoc ad me attinet aurarium.

Mille et ducentos Philippos attulimus aureos

Epheso, quos hospes debuit nostro seni:

inde ego hodie aliquam machinaber machinam,
unde aurum efficiam amanti herili filio.
Sed foris concrepuit nostra: quidnam exit foras?

55

ACTUS II. SCENA III.

NICOBULUS. CHRYSALUS.

NL Ibo in Piraeum; visam, cognae advenerit
in portum ex Ephesae navis mercatoria:
nam meus formidat animum, nostrum tam diu
ibi desilire neque redire filium.

CH. Extorram ego illam puerum istum, si dii volunt.
Haud admittendum est: opus est genos, Chrysale!
Adibo hunc, quem quidem ego hodie faciam hic
anictum.

5

Phryxi: itaque tondebo auro neque ad vivam
entem.

Servos salutat Nicobulum Chrysalus.

NL Proh di immortales, Chrysale, ubi mihi est
filius?

10

CH. Quia tu primum salutem reddis, quam dedi?

NL Salvé. Sed ubinam est Mnésilechus? CH.

Vivit; valet.

NL Venitne? CH. Venit. NL Enax, adpersisti
aquam!

Benene usque valuit? CH. Páncratice atque
athlétice.

NL Quid hoc, qua causa cum hinc in Ephesum
miseram?

15

accepitne aurum ab hóspite Archidémide?

CH. Heu, còr meum et cerebrum, Nícobule, finditur, istíus hominis úbi sit quaque méntio.

Tun' hóspitem illum nóminas, hostém tuom?

20 NI. Quid ita, óbsecro, hercle? CH. Quía edepol certó scio,

Volcánus, Sol, Luná, Dies, dei quátuor, sceléstiozem nùllum illuxere álterum . . .

NI. Quamne Árchidemidém? CH. quam, inquam, Árchidemidem.

NI. Quid fécit? CH. Quid non fécit? quin tu id mé rogas?

25 Primúmdum inficias íre coepit filio;
negáre, se debére tibi trióbulum.

Contínuo antiquóm hóspitem nostrúm sibi Mnesílochus advocávit Pelagoném senem:

30 eo praésente homini extémplo ostendit sýmbolum, quem túte dederas, ád eum ut ferret, filio.

NI. Quid, úbi ei ostendit sýmbolum? CH. Infit dícere,

adúlterinum et nón eum esse sýmbolum;
quotque ínnocenti ei díxit contuméllas!
adúlterare eum asbat rebus céteris.

35 NI. Habétin' aurum? id míhi primum dicí volo.

CH. Postquám quidem praetor récuperatorés dedit,

damnátus demum ví coactus réddidit

mille ét ducentos Philíppum. NI. Tantum débuit.

CH. Porro étiam auscultá págnam, quam volúit dare.

40 NI. Etiámne est quid porro? CH. Mem, áccipe: trina haec núnc erit.

NI. Decéptus sum: Autolycó hóspiti aurum créddidi.

CH. Quin tu aúdi. NL Ingenium ávidi haud per-
noram hóspitis.

CH. Postquam aúrum abstulimus, in navem con-
scéndimus,

domúm cupientes. Fórte ut adsedi in stega,
dum círcumspecto, átque ego lembum cónspikor. 45
[Longum ést, rigorem máleficum exornárier.]

NL Perii hércle! lembus ille mihi laedít latus!

CH. Is érat communis cum hóspite et praedónibus.

NL Adeón' me fuisse fúngum, ut qui illi créderem,
quom mi ípsum nomen éius Archidémidis 50
clamáret, demtutum ésse, si quid créderem!

CH. Is nóstrae navi lémbus insidiás dabat.

Occoépi ego observáre eos, quam rém gerant.

Intérea e portu nóstra navis sólvitur.

Ubi pórtu exiimus, hómines remigió sequi; 55

neque avés neque venti cítiús. Quoniam séntio,

quae rés gereretur: návem extemplo státuimus.

Quoniám vident nos stáre, occeperúnt ratem

turbáre in portu. NL Heu édepol mortalís malos!

Quid dénique agitis? CH. Rúrsus in portum
récipimus. 60

NL Sapiénter factum a vóbis! Quid illi póstea?

CH. Revórsionem ad térram faciunt vésperi.

NL Aurum hércle auferre vóluere! CH. Ei rei
operám dabant!

NL Non mé fefellit; sénsi. Eo exanimatús fui.

CH. Quoniám videmus, aúro insidias fieri: 65
capimús consilium cóntinuo: postrídie

auférimus inde aurum ómne, illis praeséntibus,
palam átque aperte, ut illi id factum scíscerent.

NL Scite hércle! Cedo, quid illi? CH. Tristes
illico,

- 70 quom extemplo à porta ire nos cum aurò vident,
subducunt lembum capítibus quassantibus.
Nos apud Theotimum omne aurum deposuimus,
qui illic sacerdos est in Dianae Ephesiae.
- NI. Qui istic Theotimust? CH. Mégalo-byzi filius,
75 qui nunc in Epheso est Ephesiis carissimus.
- NI. Nae ille hércle mihi sit multo tanto carior,
si me illoc auro tanto circumduxerit!
- CH. Quin ipsa in aede Dianae conditum est;
ibidem publicitus servat. NI. Occidisti me!
- 80 nimio hic privatim servaretur rectius.
Sed vos nilne attulistis inde auri domum?
- CH. Imo etiam. Verum, quantum attulerit, nescio.
- NI. Quid? nescis? CH. Quia Mnesiochus noctu
clanculum
devénit ad Theotimum, nec mihi credere
85 nec quofquam in navi voluit: eo ego nescio,
quantillum attulerit; verum haud permultum
attulit.
- NI. Etiam dimidium censes? CH. Non depol scio;
verum haud opinor. NI. Fertne partem tertiam?
- CH. Non hércle opinor; verum verum nescio.
- 90 Profecto de auro nil scio, nisi nescio.
- Nunc tibi met illuc navi capiendum est iter,
ut illud reportes aurum ab Theotimo domum.
Atque heus tu! NI. Quid vis? CH. Anulum
gnati tui
facito ut memineris ferre. NI. Quid opus anulo?
- 95 CH. Quia id signum est cum Theotimo: qui eum
filii afferet,
et aurum ut reddat. NI. Meminero, et recte mones.
Sed istic Theotimus divesne est? CH. Etiam rogas,
qui sóccis habeat auro suppectum solum?

NL Cur ita fastidit? CH. Tantas divitiis habet:
nescit, quid faciat auro. NL. Mihi dederit velim. 100

Sed qui praesente id aurum Theotimo datum est?

CH. Populo praesente; nullus Ephesi, quin sciat.

NL Istuc sapienter saltem fecit filius,
quom diviti homini id aurum servandum dedit:
ab eo licebit quamvis subito sumere. 105

CH. Imo hem tantisper nunquam te morabitur,
quin habeas illud, quo die illuc veneris.

NL Censebam, me effugisse a vita maritima,
ne navigarem tandem hoc aetatis senex;
id mi haud, utrum velim, dicere intellego: 110
ita bellus hospes fecit Archidemides.

Ubi nunc est ergo meus Mnesilochus filius?

CH. Deos atque amicos sic salutatum ad forum.

NL At ego hinc ad illum, ut conveniam, quantum
potest.

CH. Ille est operatus recte, et plus iuste velit. 115

Exorsa haec tela non male omnino mihi est,
ut amantem herilem copiam facerem filiam.

Ita feci, ut auri quantum vellet sumeret;
quantum autem lubet reddere, ut reddat patri.

Senex in Ephesum hinc ibit aurum accessere; 120

hic nostra agitur aetas in malacum modum:

siquidem hic relinquet neque secum abducet
senex.

med et Mnesilochum. Quas ego hic turbas da-
bo.

Sed quid futurum est, quom hoc senex resciverit?
quom se excurrissse illuc frustra sciverit; 125

nosque aurum abusos? quid mihi fiet postea?

Credo hercle, adveniens nomen mutabit mihi,
facietque extemplo Crucisalum me ex Chrýsalo.

Aufúgero hercle, sí magis usus vénerit;
 130 si eró reprehensus, mácto ego illum infortúnio.
 Si illí sunt virgæ rúri, at mihi tergúm domi est.
 Nunc sbo: herili fílio hanc fabricám dabo
 super aúro, amicaque éius inventa Bácschide.

A C T U S III. S C E N A I.

L Y D U S.

Pándito atque aperíte propere iánuam hanc Orci,
 óbsecro!
 Nam équidem haud aliter ésse duco, quíppe quo
 nemo ádvenit,
 nísi quem spes relíquere omnes, ésse ut frugi
 póssiet.
 Bácschides non Bácschides, sed Bácschæ sunt
 acérrumæ.
 5 Ápage istas a mé sorores, quæ hóminum sorbent
 sánguinem!
 Ómnis ad pernícíem instructa dómus opime at-
 que ópipare.
 Quæ ut adspexi, mé continuo cóntuli protinam
 in pedes.
 Égone ut hæc conclúsa gestem clánculum? ut
 celém patrem,
 Pístoclere, túa flagitia, aut dámma aut desi-
 diábula,
 10 quíbus patrem et me téque amicosque ómnis
 affectás tuos
 ád probrum, damnúm, flagitium adpéllere una
 et pérdere?

Néque mei neque té tui intus púditum est factis,
 quæ facis,
 quibus tuum patrém, meque una, amicos, affinis
 tuos,
 tua infamiâ fecisti géruisignulos flágitii!
 Nunc priusquam malum istoc addis, cértum est,
 iam dicám pátri. 15
 Dé me culpam hanc démolibor iam, ét seni fa-
 ciám palam:
 ut eum éx intulénto coeno própere hinc eliciát
 foras.

ACTUS III. SCENA II.

MNESILOCHUS.

Múltimodis meditátus egomet mécum sum, et ita
 esse árbitor:
 hómini amico, qui ést amicus ita uti nomen póa-
 sidet,
 nisi deos, ei níl præstare, Id ópera expertus sum
 ésse ita:
 nám ut in Ephesum hinc ábii (hoc factum est fér-
 me abhinc biénnum):
 ex Epheso huc ad Pístoclerum méum sodalem lít-
 teras
 misi, amicam ut mi inveniret Bâcchidem; illum
 intéllego
 invenisse, ut sérvos meus mihi nuntiávit Chrýsalus.
 Cóndigne is quant téchnam de auro advérsum
 meum fecit patrem,

15

5

ut mihi amanti copia esset! [Sed ecce video in-
cedere.

10 Nam pol., meo quidem animo, ingrato homine ni-
hil impensius;

malefactorem amitti satius, quam relinqui bene-
ficum.

Praestat nimio impendiosum te, quam ingratum
dicier:

illum laudabunt boni; hunc etiam ipsi culpabunt
mali.

Qua me causa magis cum cura esse atque obvigi-
lato est opus.

15 Nunc, Mnesiloche, specimen specitur, nunc cer-
tamen cernitur,

sisne, necne, ut esse oportet, malus, bonus, cuius-
modi;

iustus, iniustus; malignus, largus; commodus,
incommodus.

Cave, sis, te superare servom sis faciendo bene!

Utut eris, moneo, haud celabis. — Sed eccos vi-
deo incedere.

20 patrem sodalis et magistrum. Hinc auscultabo,
quam rem agant.

ACTUS III. SCENA III.

LYDUS. PHILOXENUS. MNESILOCHUS.

LY. Nunc experiar, sisne acetum tibi cor acre in
pectore.

Sequere. PHI. Quo sequar? quo ducis nunc me?

LY. Ad illam, quae tuum.

pérdidit, persuádedit tibi filium uni únicum.

PHI. Héia, Lyde, léniter qui saéviunt, sapiúnt magis.

Mínus mirandum est, illac: aetas: sí quid illoꝝum facit,

5

quám si non faciát. Feci ego istac itidem in adulescência.

LY. Hei mihi, hei mihi, istac illum pérdidit ad-
sentatio!

Nam ábsque te esset, égo illum haberem réctum
ad ingeníum bonum;

nunc propter tetuámque pravo factus est fidúciám
Pistoletus. MAE. Di immortales, méum soda-
lem hic nóminat!

10

Quid hoc negoti est, Pistolettum Lédus quod
herum tám ciet?

PHI. Paulisper, Lyde, est libido hómini suo ani-
mo óbsequi;

iam áderit tempus, quóm sese etiam ipse óderit.
Morém geras.

Dúm caveatur, praéter aequom né quid delin-
quát: sine.

LY. Nón sino, neque équidem illum me vívo cor-
rumpí sinam.

15

Séd tu, qui tam pró corrupto dícis causam filio,
eademne erat hac disciplina tibi, quom tu adu-
lesoens eras?

Négo, tibi hoc annis viginti fuisse primis cópiae,
dígitum longe a paédagogo pédem ut efferres
aédibus.

Id quod obtigerat, hoc etiam ad malum áccesseba-
túr malum:

20

et discipulus et magister perhibebantur improbi.

Ánte solem éxorientem ní ín palaestram véneras,
gýmnasii praefécto haud medióces poenas pén-
deres.

25 Íbi cursu, luctádo, hasta, díscó, pugilatú, pila,
sáliendo, sese éxercebant mágis, quam scorto aut
sávis;

Íbi suam aetatem éxtendebant, nón in latebrosís
locis.

Índe de hippodromo ét palaestra úbi revenissés
domum:

cínticulo praecíntus in sella ápud magistrum
adsíderes;

túm librum legerés. Si unam péccavisses sýlla-
bam,

30 fíeret corium tám maculosum, quam ést nutricis
pállium.

MNE. Própter me haec nunc méo sodali díci,
discruciór miser:

ínnocens suspícionem hanc sústinet causá mea.

PHI. Álii, Lyde, núnc sunt móres. LY. Íd equi-
dem certó scio:

nam ólim populi príus honorem cápébat suffrágio,
35 quám magistri désinebat ésse dicto obédiens;

át nunc priusquam séptuennis ést, si attingas éum
manu:

éxtemplo puer paédagogo tábula dírumpít caput.

Quóm patrem adeas póstulatum, púero sic díct
pater:

„nóster esto, dúm te poteris défensare iniúria.“

40 Próvocatur paédagogus: „Ého, senex minimí preti,
ne áttigas puerum ístac causa, quándo fecit stré-
nue.“

Ít magister, quási luerna, úncto expletus línteo;

itur illinc iure dicto. Hóccine hic pactó potest
inhibere imperiúm magister, si ípsus primus vá-
pulet?

MNE. Ácris postulátio haec est, quom huius dicta
intéllego.

45

Míra sunt, ni Pístoclerus Lýdum pugnis cóntudit.

PHL. Séd quis hic est, quem adstántem video ante
óstium? LY. O Philóxene . . .

MNE. Déos propitios mé videre quam illunc ma-
vellém mihi.

PHL. Quís illic est? LY. Mnesílochus, gnati túi
sodalis Pístocleri,

haúd consimili ingénio atque ille est, qui in lupa-
nari ádcubat.

50

Fórtunatum Nícobulum, qui illunc produxít sibi!

PHL. Sálvos sis, Mnesíloche; salvom te ádvenire,
gaúdeo.

MNE. Dí te ament, Philóxene. LY. Hic enim ríte
productúst patri:

in mare it; rem fámiiliarem cúrat; custodít domum;
óbsequens obédiensque est móri atque imperíis
patris.

55

Híc sodalis Pístoclero iám puer pueró fuit;
tríduom non ínterest aetátis, uter maiór siet:
vérum ingenium plús triginta ánnis malust, quam
áleri.

PHL. Cáve malo, et compésce in illum dícere in-
iusté! LY. Tace:

stúltus es, qui illí male aegre pátere dici, quí facit. 60
Nám illum meum malúm promptare málim, quam
pecúlium.

PHL. Quídam? LY. Quia, malúm si promptet, in-
dies faciát minus.

MNE. Quid sodalem meum castigas, Lýde, discipulum tuum?

LY. Périt tibi sodalis! MNE. Ne di sírint! LY. Sic est, ~~ut~~ loquor.

65 Quin ego, quom peribat, vidi; non ex audito arguo.

MNE. Quid factum est? LY. Meretricem indigne déperit . . . MNE. Non tú taces?

LY. At quae acerrume, aestuosa absorbet, ubi quemque attigit.

MNE. Ubi ea mulier hábitat? LY. Min. MNE. Unde eam esse aiunt? LY. Ex Samo.

MNE. Quae vocatur? LY. Bácschis. MNE. Erras, Lýde. Ego omnem rem scio,

70 quemadmodum est; tu Píntoclerum falso atque insontem arguis:

nám ille amico et benevolenti suo sodali, sedulo rem mandatam exséquitur; ipse neque amat, nec tu créduas.

LY. Itane oportet rem mandatam gerere amici sedulo,

ut ipsa in gremio ósculantem mulierem teneat sedens?

75 Núllon' pacto res mandata pótest agi, nisi idéntidem.

ad papillas manus ferat, labra ab labris nusquam auferat?

Nám alia memoráre, quae illum fácere vidi, dispudet:

quem manum sub véstimenta ad corpus tetulit Bácschidi

me praesente, neque pudere quédquam, Quid verbis opus?

80 Míhi discipulus, tíbi sodalis pérñt, huic filius:

nám ego illunc periísse duco, quói quidem periít pudor.

Quíd opust verbis? si ópperiri véllem paulispér modo,

út opino, illius ínspectandi mi ésset maior cópia:

plús vidissem, quám deceret, quám me atque illo aequóm foret.

MNE. Pérdidisti mé, sodalis! Égone illanc má-
liera

85

cápitis non perdám? Perire mé malis malím
modis!

Sátin' ut, quem tu habeás fidelem tibi, aut quói credas, néscias?

LY. Víden', ut aegre pátitur, gnatum ésse cor-
ruptúm tuum,

súom sodalem? ut ípsa sese crúciat aegritú-
dine?

PHL. Mnésiloche, hoc tecum éro, ut illius ánimum
atque ingeniúm regas:

90

sérva tibi sodálem, et mihi filium! MNE. Factúm volo.

PHL. Ín te ergo hoc onus ómne impone. Lýde,
sequere hac mé. LY. Sequor.

Mélim caset, mé quoque una sí cum illos relín-
queres.

PHL. Ádfatim est. Mnesíloche, cura et cónea-
stiga hominém, probe,

quí dedecorat té, me, amicos, álios flagitiis suis. 95

=====

ACTUS III. SCENA IV.

MNESILOCHUS.

Amíciozem nunc utrum credám magis,
sodálemne esse, an Bácschidem, incertum ádmó-
dum est.

Ilum éxoptavit pótius? hábeat! óptume est!
Nae illa illud hercle cúm malo fecít — meo:
5 nam míhi divini núnquam quisquam créduat,
ni ego illam exemplis plúrimis planéque — amo!
Ego fáxo hand dicet náctam, quem derídeat:
nam iám domum ibo atque — áliquíd subripiám
patri;

id istí dabo. Ego istanc múltis ulciscár modis
10 adeo égo illam cogam usque, út — mendicet méus
pater.

Sed sátin' ego animum ménte sincerá gero,
qui ad hunc modum haec hic, quae futura, fábulor?
Amo hércle, opino, utpóte quod pro certó sciam;
verúm quam illa unquam dé mea pecúnia
15 raménta fiat plúmea propénsior,
mendícum malim méndicando víncere.
Nunquam édepol viva me írridebit: nám míhi
decrétum est, renumeráre iam omne aurúm patri.
Igitúr mi inani atque ínopi subblandíbitur
20 tum, quóm mea illud nshilo pluris réferet,
quam si ád sepulcrum mórtuo dicát iocum.
[Sed antequam illa unquam meis opulentiis
ramenta fiat gravior aut propénsior,
mori me mavelim excruciatum inopia.]
25 Profécto stabile est, mé patri aurúm réddere.

Eadem éxorabo, Chrýsalo causá mea
 patér ne noceat, neú quid ei suscénseat,
 mea causá de auro quód eum ludificátus est:
 nam illi aéquom est me consúlere, qui causá mea
 mendácium dixít. Nunc vos me séquimini. 30

ACTUS III. SCENA V.

PISTOCLERUS.

Rébus aliis ántevortar, Bácsis, quae mandás mihi:
 Mnésilochum ut requíram, atque ut eum mécum
 ad te adducám simul.
 Nám illud animus méus miratur, si á me tetigit
 núnctius,
 quíd remoratur. Ibo et visam huc ád eum, si forte
 ést domi.

ACTUS III. SCENA VI.

MNESILOCHUS. PISTOCLERUS.

MNE. Réddidi patríd omne aurum. Nunc ego
 illam mé velim
 cónvenire, póstquam inanis súm, contemtricém
 meam.
 Séd veniam mihi quám gravate páter dedit de
 Chrýsalo!
 Vérum postremo ímpetravi, ut né quid ei suscén-
 seat.

- 5 PHL. Éstne hic meus sodális? MNE. Estne hic hó-
stis, quem adspició, meus?
PL. Certe is est. MNE. Is ést. PL. Adibo cóntra,
et contollám gradum.
Sálvos sis, Mnesíloche. MNE. Salve. PL. Sál-
vos quom peregre ádvenis,
coéna detur. MNE. Nón placet mihi coéna, quae
bilém movet.
PL. Núm quae advenienti aégritudo obiécta est?
MNE. Atque acérruma.
- 10 PL. Únde? MNE. Ab homine, quém mihi amicum
esse árbitratus sum ántidhac.
PL. Múlti more isto átque exemplo vívunt, quos
quom oénseas
éssé amicos, róperiuntur fálsi falsimóniis,
língua factiósi, inertes ópera, sublestá fide.
Núllus est, qui nón invideat rém secundam obtín-
gere;
- 15 síbi ne invideátur, ipsi ignavi recté cavent.
MNE. Édepol nae tu illórum mores pérquam me-
ditaté tenes.
Séd etiam unum hoc éx ingenio málo malum in-
veniúnt suo:
núlli amici súnť, inimicos ipsi in sese omnes habent;
átque il se quum frústrant, frustrare álios stolidi
existumant:
- 20 sícut est hic, quem éssé amicum rátus sum, atque
ípus rém mihi:
ille, quod in se fúit, adcuratum hábuit, quod pos-
sét mali
fácere, et in me incónciliare cópias omnes meas.
PL. Ímprobum istanc éssé oportet hóminem. MNE.
Ego ita esse árbitor.

PL. Obsecro hêrcle, loquere, quis is est. MNE. Bénévolens vivit tibi:

nâm mi ita esset, tectum orarem, ut ei, quod posses mali

25

fâcere, faceres. PL. Díc modo hominem, quí sit. Si non févero

ei male aliquo pácto, me esse dícito ignavíssimum.

MNE. Néquam homo est; verum hêrcle amicus ést tibi. PL. Tantó magis

díc quis est: nequám hominis ego párví pendo grátiam.

MNE. Vídeo, non potésses, quin tibi éius nomen éloquar:

30

Pístoclitre, pérdidisti mé sodalem fúnditus!

PL. Quíl istac est? MNE. Quid ést? Misine ego ad te ex Epheso epístolam

súper amica, ut mi invenires? PL. Fâteor factum, et réperi.

MNE. Quid? tibi non erat meretricum aliárum Athenis cópia,

quibuscum haberés rem, nisi cum illa, quam ego mandassém tibi,

35

occíperis tu amâre, et me íres consultum mále?

PL. Sânn' es? MNE. Rem réperi omnem ex tuo magistro: né nega.

Pérdidisti me! PL. Étiámne ultro tuis me prolectás probris?

MNE. Quíl? amas Bacchidém? PL. Duas ergo híc íntus eccas Bâcchides . . .

MNE. Quídduæ? PL. atque ambás sorores. MNE. Loqueris nunc nugás sciens.

40

PL. Póstreño, parúm si pergis mihí fidem arbitrier,

tóllam ego ted in cóllum atque intro hinc aúe-
ram. MNE. Imo ibó: mane.
PI. Nón maneo, neque tú me habebis fálsó in-
spectúm. MNE. Sequor.

ACTUS IV. SCENA I

PARASITUS. PUER. PISTOCLERUS.

PA. Parasítus ego sum hóminis nequam atque im-
probi,

militis, qui amicam secum avexit ex Sam.

Nunc me ire iussit ad eam et percontárier
utrum aurum reddat, ane eat secum simul.

5 Tu puer, qui dudum cum illac usque istissimul,
quae harum sunt aedes, pulta! adi actatum ad
fores! —

Recéde hinc diirecte! En ut pultat própndium!

Comésse panem trís pedes latúm potes,
forés pultare néscis! Ecquis in aédibust?

10 heus, écquis hic est? écquis hoc aperit óstium?
ecquis éxit? PI. Quid istuc? quae istaec est pul-
tatio?

quae té mala crux ágitat, ad istunc qui nodum
aliéno vires túas extentes óstio?

Forés paene effregisti! Quid nunc vis tibi?

15 PA. Aduléscens, salve. PI. Sálve. Sed quem
quaéritas?

PA. Bacchídem. PI. Utram ergo? PA. Nihil scio,
nisi Bácschídem.

Paucis me misit miles ad eam Cléomachus:

vel út ducentos Philíppos reddat aúreos,
vel ut hínc in Elatiam hódie eat secúm simul.

PL. Non ít; negat esse itúram. Abi et renúntia! 20

Alium illa amat, non illum. Duc te ab aédibus!

PA. Nimis íracunde! PL. At scín', quam iracundús
siem?

Nae tibi hércle haud longe est ós ab infortúnio:
ita déntifrangibula haéc meis manibus géstiunt!

PA. Quom ego húius verba intérpretor, mihi cau-
tio est, 25

ne núcifrangibula excússit ex malís meis. —

Tuo ego ístaec igitur dícam illi perículo.

PL. Quid áis tu? PA. Ego istuc illi dicam. PL. Díc
mihi,

quis tu és? PA. Illius sum íntegumentum cór-
poris.

PL. Nequam ésse oportet, quóí tu íntegumentum
ímprobis es. 30

PA. Sufflátus ille huc véniet. PL. Diruptúm velim!

PA. Numquíd vis? PL. Abeas céleriter, facto ést
opus.

PA. Vale, déntifrangibule. PL. Ét tu, íntegumen-
túm, vale.

In eum haéc revenit rés locum, ut, quid cónsilii
dem méo sodali súper amica, nésciam, 35

qui irátus renumerávit omne aurúm patri,
neque númus ullust, quí reddatur míliti.

Sed húc concedam: nám concrepuerúnt fores:

Mnesílochus eccum moéstus progreditúr foras.

ACTUS IV. SCENA II.

MNESILOCHUS. PISTOCLERUS.

MNE. Pétulans, protervo, iracundo ánimo, indomito, incógitato,
 sine modo et modéstia sum, sine bono iure atque honore;
 incredibilis, impos animi, inamabilis, illépidus vivo,
 málevolente ingénio natus. Póstre mo id mihi est,
 quód nolo aúis.

5 Credibile hoc est? Nequior nemo est,
 neque indígnior, quói di benefaciant,
 neque quem hómo quisquam aut amet aut adeat.
 Inimícos quam amícos æquúm'st me habére;
 malós, quam bonós, par magís me iuváre.

10 Omnibus próbris,
 quæ improbis víris
 dígna sunt, dígnior nállus'st hómo, quí patri
 réddidi omne aúrum amans, quód fuit præ manu.
 Næ ego, hómo miser, pérdidi me atque operam

15 Chrysali!

PI. Cónsolandus hic mi est. Ibo ad eum.

Mnésiloche, quíd fít? MNE. Perfi!

PI. Dí melius faciánt! MNE. Perfi!

PI. Nón taces, insipiéns? MNE. Taceam?

20 PI. Sánus satis nón és. MNE. Perfi!

Múlta mala mi in péctore nunc
 ácria atque acerba éveniunt.

Críminin' me habúisse fidem?

Immérito tibi iratús fui.

Hæsa, bonum habe animum! MNE. Unde ha-
 beam? 25
 Fortuus pluris preti est,
 iam ego sum. PL. Militis parastitus
 modo vénerat aurum pétere hinc;
 iam ego meis dictis malis
 is foribus atque hac répuli, 30
 neci hominem. MNE. Quid mihi prodest?
 Quid faciam? Nil habeo miser.
 Ille quidem hanc abducet, scio.
 I. Si mihi sit, non pol pollicear.
 MNE. Scio, dederis, novi; sed ni ames, 35
 non habeam tibi fidem tantam.
 Iunc agitas sat tu tuarum rerum.
 Igone ut opem mihi ferre putem
 posse inopem te? PL. Tace: deus respiciet nos
 aliquando.
 MNE. Nugas. PL. Mane. MNE. Quid est? PL. Tuam
 copiam ecceam video Chrysalum. 40

ACTUS IV. SCENA III.

CHRYSALUS. MNESILOCUS. PISTO-
 CLERUS.

CH. Hunc hominem deest vitro expendi, hunc de-
 cet statuum statui ex auro:
 Nam duplex hodie facinus feci, dupli-
 bus affectus:
 herum maiorem meum ut ego hodie lusi lepide!
 ut ludificatus!

- Cállidum sénem
 5 cállidis dólis
 cómpuli et pérpuli, mi ómnia ut créderet.
 Núnc amanti héro,
 filio sénis,
 quícum ego bíbo,
 10 quícum edo et ámo,
 régias cópias aúreasque óbtuli,
 út domo súmeret, neú foris quaéreret.
 Nón mihi plácent
 Pármenonés, Syri, quí duas aut trís minas
 15 aúferunt héris.
 Nequís nihil est, quam cónsilii egens
 servós, ni habet multipoténs pectus.
 Ubicúnque usus siet, éxpromat.
 Nullús frugi esse potést homo,
 20 nisi qui ét hene et male facére tenet.
 Ímprobis cum ímprobis
 hárpaget fúribus,
 fúretur, quód queat.
 Vórsipellem cónvenit ess' frugi hóminem, pectu
 quóí sapit.
 25 Bonus sít bonis, malus sít malis;
 utcúnque res 'st, ita ánimum habeat.
 Séd lubet scíre, quantum aúrum herus sibi
 démsit, et quíd suo réddidit pátri.
 Frúgi si est, Hérculem fécit ex pátre:
 30 décumam partem ei dedit, sibi novem abstúlit.
 Séd, quem quaero, óptime ecce óbviám míhi est
 Núm qui numi éxciderunt, hére, tibi, quod tén
 ram sic
 óbtuere? Quid vos moestos tám tristesque cón
 spicor?

Nón placet, nec témere est etiam. Quín respon-
detís mihi?

MNE. Chrýsale, occidí! CH. Fortassis tu auri
demsistí parum. 35

MNE. Quí, malum, parum? Ímo vero nímio mi-
nus multó parum.

CH. Quid tu igitur, stúlte, quoniam occasio ad
eam rém fuit

méa virtute páta, ut, quantum vélles, tantum
súmeres,

sic hoc digitulís duobus súdebas primóribus?

Án nescibas, quam éiusmodi homini raro tem-
pus sé daret? 40

MNE. Erras. CH. At quidem túte errasti, quóm
parum immersti ámpliter.

MNE. Pól tu, quam nunc, méá accuses mágis, si
magis rem nóveris.

Óccidí! CH. Ánimus iam ístoc dicto plús praesa-
gitúr mali.

MNE. Péríi! CH. Quid ita? MNE. Quía patri
omne cúp ramento réddidi.

CH. Réddidisti? MNE. Réddidi. CH. Omnene?
MNE. Óppido. CH. Occisí sumus! 45

Qui in mentem venít tibi, istuc fácinus facere tám
malum?

MNE. Báochidem atque hunc súspicabar própter
crimen, Chrýsale,

mé male consulísse: ob sam rem omne aurum
iratus réddidi

méo patri. CH. Quid, úbi reddebas aurum, di-
xistí patri?

MNE. Mé id aurum accepísse extemplo ab hóspite
Archidéme, CH. Hem! 50

istoc dicto dedisti hodie in cruciatum Chrysalum
nam ubi me adspiciet, ad carnificem rapiet cor
tinuó senex.

MNE. Égo patrem exorávi. CH. Nempe ergo hó
ut faceret, quód loquor?

MNE. Ímo tibi ne nóceat, nem quid ób eam res
suscénseat;

55 átque aegre impetrávi. Nunc hoc tibi curandum
est, Chrysale....

CH. Quid vis cures? MNE. Ut ad senem etiam
áalteram faciás viam.

Cómpara, fabricáre, finge, quód lubet, conglú
tina:

ut senem hodie dóctum docte fállas, aurumqu
aúferas.

CH. Vix videtur fieri posse. MNE. Pérge, a
facile ecféceris.

60 CH. Quám, malum, facile, quém mendacii prén
dit manifestó modo?

quém si orem, ut mñhi nihil credat, id non ausi
crédere?

MNE. Ímo si audiás, quae dicta dixit me advor
sum tibi!

CH. Quid dixit? MNE. Si tu illum, solem, sibi so
lem esse dixeris,

se illum lunam crédere esse, et nóctem, qui nunc
ést dies.

65 CH. Émungam. hercle hominém probe hodie: ne
id nequidquam dixerit..

MNE. Nunc quid nos vis facere? CH. Enim nil,
nisi ut ametis, impero.

céterum quantum lubet me póscitote aurum: égo
dabo.

Quid mihi refert Chrýsalo esse nómen, nisi factis
probo?

sed nunc quantillum úsus auri tibi, Maesilo-
che? dic mihi.

MNE. Militi numis ducentis iam úsus est pro
Bácchide.

70

CH. Ego dabo. PL. Tum nobis opus est summa...

CH. Ah, placidé volo
innumquidque agamus! Hoc ubi égero, tum istuc
agam.

Dé ducentis numis, primum inténdam balistam in
senem;

ea balista sí pervortam túrrim et propugnacula,
récta porta invadam extemplo in oppidum anti-
quom ét vetus;

75

si id capio, geritote amicis vóstris aurum córbibus,
si id quod animus sperat. PL. Apud te est ánimus
noster, Chrýsale.

CH. Nunc tu abi intro, Pistoclere, ad Bácii-
dem, atque effér cito...

PL. Quid? CH. stílum, cerám, tabellas, línium.

PL. Iam faxo híc erunt.

MNE. Quid nunc es facturus? id mihi díce. CH.
Coctum prándium;

80

vós duo eritis atque amica túa erit tecum tértia.

MNE. Sicut dicis. CH. Pistocléro nullo amica
est? MNE. Imo adest:

alteram, ille amat sororem, ego alteram, ambas
Bácchides.

CH. Quid tu loquere? MNE. Hoc, ut futuri sí-
mus. CH. Ubi est hielínium

vóbis stratum? MNE. Quid id exquiris? CH. Rés
ita est: dicí volo.

85

Néscis, quid ego actúrus sim, neque, fácinus
quantum exórdiar.

MNE. Cédo manum ac subséquere propius me ád
foris! intro inspice!

CH. Eúax! nimis bellus átque, ut esse máxume
optabám, locus!

PL. Quae ímperavisti, ímperatum béne bonis fa-
ctum íllico est.

90 CH. Quid parasti? PL. Quae parari tú iussisti,
ómnia.

CH. Cápe stilum propere ét tabellas tu háas tibi.
MNE. Quid póstea?

CH. Quód iubebo, scríbito ístic: nám propterea
té volo

scríbere, ut patér cognoscat lítteras, quandó legat.
Scríbe. MNE. Quid scribám? CH. Salutem túo
patrí verbís tuis.

95 PL. Quid, si potius mórbum et mortem scríbat?
id erit réctius.

MNE. Ne ínterturba. Íam ímperatum in cêra ínest.
CH. Dic, quem ád modum?

MNE. „Mnésilochus salútem dícit súo patrí.“
CH. Adscribe hóc cito:

„Chrýsalus mihi úsque quaque lóquitur nec re-
cté, pater,

„quía tibi aurum réddidi et quia nóñ te defrau-
dáverim.“

100 PL. Máne, dum scribit. CH. Célerem oportet ésse
amatorís manum.

PL. Átque ídem hercle ád perdundum mágis, quam
ad scribendúm, citus.

MNE. Lóquere: hoc scriptum est. CH. „Núñc, pa-
ter mi (proín tu ab eo ut caveás tibi),

„Sýcophantiás componit, aúrum ut abs ted aúferat;

„ét profecto se áblaturum díxit.“ Plane adscríbito.

MNE. Díc modo. CH. „Atque id póllicetur sé daturum aurúm mihi, 105

„quód dem scortis, quódque in lustris cómedim et congraecém, pater.

„Séd, pater mi, né tibi hodie vérba det, quaesó cave.“

MNE. Lóquere porro. CH. Adscríbedum etiam.

MNE. Lóquere, quid scribám, modo.

CH. „Séd, pater, quod prómisisti míhi, te quaeso, ut mémineris:

„né illum verberés; verum apud te víntum adservató domi.“ 110

Cédo tu ceram ac línum actutum. Age, óbliga, obsigná cito.

MNE. Óbsecro, quid istís ad istunc úsust conscriptís modum?

út tibi ne quid crédat atque ut víntum te adservét domi?

CH. Quía mi ita lubet! Pótin', ut cures te átque ut ne parcás mihi?

Méa fiducia ópus conduxí, et méo periclo rém gero. 115

MNE. Aéquom dicis. CH. Cédo tabellas. MNE.

Áccipe. CH. Animum advórtite,

Mnésiloche, et tu, Pístoclere. Iám facite in biclínio

cúm amica sua utérque adcubitum eátis; ita negótium est;

átque ibidem, ubi núnc sunt lecti stráti, potetís cito.

128 PI. Nūmquid aliud? CH. Hęc; atque etiam, ubi
erit ad cubitū semel,
né quoquam exurgatis, donec á me erit signū
datum.

PI. O ímperatorem probum! CH. Iam bís bibisse
opórtuit.

MNE. Fúgiamus! CH. Vostrū curate officium,
ego efficiam meum. —

ACTUS IV. SCENA IV.

CHRYSALUS.

Insánum magnum mólior negótium,
metuóque, ut hodie póssiem emolírier.
Sed nūnc truculento mi átque saevo usús sene est
nam nón conducit hūic sycophántiae,
5 seném tranquillum ésse, ubi me adspéxerit.
Vorsábo ego illunc hódie, si vivó, probe!
tam fríctum ego illum réddam, quam frictum és
cicer!

Adámbulabo ad óstium: ut, quando éxeat,
extémplo advenienti eí tabellas dem in manum.

ACTUS IV. SCENA V.

NICOBULUS. CHRYSALUS.

NI. Nimio illaec res est mágnæ dividiaé mihi,
subtérfugisse síc mihi hodie Chrýsalum.

CH. Salvós sum: iratus ést senex. Nunc ést mihi
adeúndi ad hominem témpus. NL Quis loquitúr
prope?

Atque híc quidem, opinor, Chrýsalust. CH. Ac-
cèssero.

5

NL Bone sêrve, salve. Quíd fit? quam mox
návigo

in Éphesum, ut aurum répetam ab Theotimó
domum? —

Tacés? Per omnis déos adiuro, ut, ní meum
gnatúm tam amem atque ei fácta cupiam, quae
ís velit,

ut túa iam virgis látera lacerentúr probe, 10
ferrátusque in pistríno aetatem cónteras.

Omnía rescivi scélera ex Mnesilochó tua.

CH. Men' críminatust? Óptame est! ego súm
malus!

ego súm sacer, sceléstus! Specta rém modo.

Ego véro verbum fáciam? NL. Etiam, cárnufex, 15
minítare? CH. Nosces tu illum actutum, quá-

lis sit.

Nunc hásce tabellas férre me iussít tibi;

orábat, ut, quod istíc est scriptum, fieret.

NL. Cedo. CH. Nósce signum. NL. Nóvi. Ubi
ipse est? CH. Nescio.

Nil iám me oportet scíre; oblitus sum ómnia; 20
scio, me ésse servom: nesciò etiam id, quód
scio. —

Nunc áb transenna híc túrdus lumbricúm petit.

Pendébit hodie púlcre: ita intendí tenus.

NL. Manedúm parumper: iam éxéo ad te, Chrý-
sale.

CH. Ut vérba mihi dat! út nescio, quam rém gerat! 25

Servós arcessit íntus, qui me v́nciant.

Bene návis agitatur! púlcre haec confertúr ratis

Sed cónticiscam: nam aúdio aperirí foris.

ACTUS IV SCENA VI.

NICOBULUS. CHRYSALUS.

NI. Constrínge tu illi, Ártamo, actutúm manus.

CH. Quid féci? NI. Impinge púgnum, si mut-
tíverit! —

Quid haé loquuntur lítterae? CH. Quid mé rogas?

Ut ab illo accepi, ad te óbsignatas áttuli.

5 NI. Eho tú, loquitatusne és gnato meó male
per sérmonem, quia míhi id aurum réddidit?
et té dixisti id aúrum ablaturúm tamen
per sýcophantiás? CH. Egone istuc díxi? NI. Ita.
CH. Quis homo ést, qui dicat, mé dixisse istúc?

NI. Tace;

10 nullús homo dicit: haé tabellae te árguunt,
quas tu áttulisti. Hem, haé te vincirí iubent.

CH. Aha! Béllerophontem túus me fecit fílius:
egomét tabellas tétuli, ut vincirér! — Sine!

NI. Proptérea hoc facio, ut suádeas gnató meo,
15 ut pérgraecetur técum, tervenéfice!

CH. O stúlte, stulte, néscis nunc vaeníre te;
atque ín eo ipso adstas lápide, ubi praeco praé-
dicat.

NI. Respónde: quis me véndit? CH. Quem dí-
diligunt,

aduléscens moritur, dúm valet, sentíť, sapit.

Hunc si ullus deus amáret, plus annís decem, 20
plus iám viginti, mórtuom esse opórtuit;

qui térrai odium inámbulat, et iam níl sapit,
nec séntit. Tanti est, quánti est fungus pútids.

NL. Tun' térrae me odium esse aútumas? Abdú-
cite hunc

Intro átque adstringite ád columnam fórtiter! 25

Nunquam aúferes hinc aúrum! CH. Atqui ultro
iám dabis.

NL. Dabo? CH. Átque orabis mé quidem ultro,
ut aúferam.

Quum illúnc rescisces, críminatorém meum,
quanto in periclo et quánta in pernicié siet:
tum libertatem Chrýsalo largíbere; 30

ego ádeo nunquam accípíam. NL. Dic, scele-
rúm caput,

dic, quo in periclo est méus Mnesilochus fílius?

CH. Sequere hác me: faxo iám scies. NL. Quo
géntium?

CH. Tres únos passus. NL. Vél decem. CH. Age-
dum, tu Ártamo,

forem hanc pauxillulum áperi placide, né cre-
pet. — 35

Sat ést. Accede huc tú! viden' convívium?

NL. Video éxadvorsum Pístoclerum et BÁCchi-
dem.

CH. Qui súnť in lecto illo áltero? NL. Interí
miser!

CH. Novístine hominem? NL. Nóvi. CH. Dic,
sodés, mihi:

bellán' videtur spécie mulier? NL. Ádmodum. 40

CH. Quid? illánc meretricemne ésse censes? NL.
Quíppini?

CH. Frustra és. NI. Quis igitur, óbsecro, est?

CH. Invéneris:

ex mé quidem hodie núnquam fies cértior.

ACTUS IV. SCENA VII.

CLEOMACHUS. NICOBULUS. CHRYSALUS.

CLE. Meamne híc Mnesilochus, Nícobuli fílius,
per vim út retíneat múlierem? quae haec fáctio
est?

NI. Quis ille ést? CH. Per tempus híc venit mi-
lés mihi.

CLE. Non me árbitratur mífítem, sed múlierem,
5 qui mé meosque nón queam deféndere.
Nam néque Bellóna mihi únquam neque Mars
créduat,

ni illum éxanimalem fáxo, si convénero,
nive éxheredem févero vítae suae.

NI. Chrysále, quis ille est, quí minitatur fílio?

10 CH. Vir híc ést illius múlieris, quacum ádcubat.

NI. Quid? vír? CH. Vir, ínquam. NI. Núpta
est illan', óbsecro?

CH. Scies haúd multo post. NI. Óppido interí miser!

CH. Quid? núnce scelestus tibi videtur Chrýsalus?
Age núnce, vincito me! aúscultato fílio!

15 Dixin' tibi égo illum invénturum te, quális sit?

NI. Quid núnce ego faciam? CH. Iúbe, sis, me
exsolví cito:

nam nísi ego exsolvor, iám manifesto hominem
ópprimet.

CLE. Nihil ést lueri, quod me hódie facere má-
velim,
quam illúm cubantem cum illa opprimere, ambo
út necem.

CH. Andín' quae loquitur? Quia tu me exsolvi
iubes?

20

NL. Exsolvite istam! — Périt, pertimui miser!

CLE. Tum illánc, quae corpus públicat volgó
suam,

faxó se haud dicat náctam, quem derideat!

CH. Pacisci cum illo paúlula pecúnia

potés. NL. Pacisce ergo, óbsecro, quid tibi lubet: 25
dum né manifesto hominem ópprimat, neve
émicet.

CLE. Nunc nísi ducenti Philíppi redduntúr mihi,
iam illórum ego animam ambórum exsorbebo
óppido!

NL. Hem, illóc pacisce, sí potes! perge óbsecro!
pacisce quidvis! CH. Ibo et faciam sédulo. — 30

Quid clámas? CLE. Ubi herus túus est? CH.
Nusquam; néscio.

Vis tibi ducentos númos iam promíttier,
ut né clamorem hic fácias neu convícium?

CLE. Nihil ést, quod malim. CH. Atque út tibi
mala multa ingeram?

CLE. Tao árbitratu. NL. Ut súbblanditur cár-
nufex! 35

CH. Pater híe Mnesilochi est: séquere: is pro-
mittét tibi;

tu aurúm rogato. Céterum verbúm sat est. —

NL. Quid fit? CH. Ducentis Philíppis rem pepigi.

NL. Váh, salus

mea, sérvavisti mé! Quam mox dicó: Dabo?

40 CH. Roga hunc tu. — Tu promitte huic. NI.
Promittó: roga.

CLE. Ducéntos numos aúreos Philippós probos
dabín? CH. Dabuntur, inque. Respondé. NI.
Dabo.

CH. Quid núnc, impure? númquid debetúr tibi?
quid illí molestus? quíd illum morte térritas?

45 Et egó te et ille mactámus infortúnio!
Si tibi ést machaera, et nóbis vervína ést domi,
qua quídem te faciam, sí tu me irritáveris,
confóssiozem sóricina nénia!

Iamdúdum hercle equidem séntio, suspício
50 quae té sollicitet: eum ésse cum illa múlhere.

CLE. Imo ést quoque. CH. Ita me Iúpiter, Iunó,
Ceres,

Minérva, Latoná, Spes, Ops, Virtús, Venus,
Castór, Polluces, Márs, Mercurius, Hércules,
Submánus, Sol, Sátúrnus dique omnés ament,

55 ut ille cum illa néque cubat, neque ámbulat,
neque ósculatur, néque illud, quod dicí solet . . .

NI. Ut iúrat! Servat me ille suis periúriis.

CLE. Ubi núnc Mnesilochus érgo est? CH. Rus
misít pater;

illa aútem in arcem abívit, aedem víseré

60 Minérvae. Nunc apérta est: i, vise, éstne ibi.

CLE. Abeo ád forum igitur. CH. Vél hercle in
malám crucem!

CLE. Hodie éxigam aurum hoc. CH. Éxige, ac
suspende te:

ne súpplicare cénseas, nihilí homo! —

Ille ést amotus! Síne me (per te, here, óbsecro

65 deos immortális!) íre huc intro ad fílium.

NI. Quid eo íntroibis? CH. Út eum dictis plúrimis

castígem, quom haec sic fácta ad hunc faciát modum.

NL Imo óro, ut facias, Chrýsale, et ted óbsecro, cave pársis in eum dícere! CH. Etiam mé mones? Satin' ést, si plura ex me aúdiet hodié mala, 70
quam audívit unquam Clínia ex Demétrio? —

NL Lippi illic oculi sérvos est simíllumus: si nón est, nolis ésse neque desíderes; si est, ábstinere, quín attingas, nón queas. 75

Nam ní illic hodie fórte fortuna híc foret, milés Mnesilochum cum úxore opprimerét sua, atque óbtruncaret moéchum manifestárium. 75

Nunc quási ducentis Philíppis emi fílium, quos dáre promisi míliti; quos nón dabo temere étiam, priusquam fílium convénero. 80

Nunquam édepol quidquam témere credam Chrýsalo.

Verúm lubet etiam mi hás perlegere dénuo: aequom ést, tabellis cósignatis crédere.

ACTUS IV. SCENA VIII.

CHRYSAEUS. NICOBULUS.

CH. Atrídae duo fratrés cluent fecísse facinus máximum, quom Príami patriam Pérgamum, divína moenitúm manu, armís, equis, exércitu atque exímis bellatóribus millénium numero návim decumo áño post subégerunt.

- 5 Non Pelídes termentó fuit, praet égo herum ex-
pugnabó meum.
Sine clásse, sineque exercitu et tánto numero
mílitum
cepi, expugnavi amanti herili filio aurum ab suo
patre.
Nunc priúsqvam huc senéx venit, lubet lámén-
tari, dum éxeat.
- O Tróia! o patria! o Pérgamum! o Príame,
periistí, senex,
- 10 qui misere male mulcábere quadringéntis Phi-
lippiis aúreis!
- Nam, ego ház tabellas óbsignatas, cónsignatas
quás fero,
non súnz tabellae, séd equus, quem misere Achivi
lígneum;
- Epíus est Pistoclérus; ab eo haec súnzta: Mnesi-
lochús Sinon
relictus. Ellum, nón in busto Achílli, sed in lecto
ádcubat.
- 15 Bacchídem habet secum. Ille ólim habuit ígnem,
qui signúm daret;
- haec ípsum exurit. Égo sum Ulixes, quóius con-
silio haéc gerunt.
- Tum quae híc sunt scriptae lítterae, hoc in equo
insunt mílites
armáti atque animatí probe: ita rés successit mi
úsque adhuc.
- Atque híc equus non in árcem, verum in árcam,
faciet ímpetum:
- 20 excídium, exitium, exlécebra fiet híc equus hodie
auró senis.

Nostró seni huic stolido, ei profecto nómen
facio ego Ílio;

milés Menelaust; égo Agamemnon, ídem Ulixes
Lártius;

Mnesílochus est Alexándēr, qui erit exítium rei
patriæ suæ:

is Hélenam abduxit, quóia causa nunc facio ob-
sidium Ílio.

Nam illic ítidem audiui Ulíxem, ut ego sum, fuis-
se et audacem ét malum.

25

Dolis égo deprensus sum; ille mendicans péne
inventus interfít,

dum ibi éxquirít fata Íliorum. Adsímiliter mi
hodie óbtigit.

Vinctús sum, sed dolís me exemi; item se ille
servavít dolis.

Ílio tria fuisse audiui fáta, quæ illi fórent exitio;
sígnum ex arce sí perisset; álterum etiam est

Tróíli mors;

30

tértium, quom pórtæ Scaæae límen superum scín-
deretur.

Pária item tria eis tribus sunt fáta nostro huic
Ílio:

nam dúdum primo ut díxeram nostró seni men-
dácium

et de hóspite et de auro ét de lembo: ibi sígnum
ex arce iam ábstuli.

Iam dúo restabant fáta tum; nec mágis id ce-
peram óppidum.

35

Post úbi tabellas ád senem detuli: fbi occidi
Tróílum.

Quom cénsuit Mnesílochum cum uxore ésse du-
dum mílitis:

ibi vix me exsolvi; atque id periculum adsimulo,
 Ulixem ut praedicant
 cognitum ab Helena esse proditum Hécubae. Sed
 ut olim ille se

40 blánditiis exémit et persuásit, se ut amíttet:
 item égo dolis me illo éxpulí períclo et decepí
 senem.

Postílla cum magnífico milite, úrbes verbis quí
 capit,
 confíxi atque hominem répulí. Dein púgnam
 conseruí seni;
 eum ego ádeo uno mendácio devíci, uno ictu ex-
 témpulo

45 cépi spolia. Is núnc ducentos númos Philippos
 míliti,

quos dáre se promisít, dabit.

Nunc álteris etiám ducentis úsus est, qui díspen-
 sentur

Íllo capto, út sit mulsum, quí triumphant mílites.
 Sed Príamus hic multo ílli praestat: nón quin-
 quagintá modo,

50 quadringéntos filiós habet; atque equidem ómnis
 lectos síne probro.

Eos égo hodie omnis cóntruncabo duóbus solis
 íctibus.

Nunc Príamo nostro si ést quis emtor: coémtio-
 nalém senem

vendam égo, venalem quem hábeo, extemplo, ubi
 óppidum expugnávero.

Sed Príamum adstantem eccum ánte portam ví-
 deo: adibo atque ádloquar.

55 NI. Cúianam vox prope mé sonat? CH. Eho, Ní-
 cobule! NI. Quíd fit?

Quid? quód te misi, ecquid égisti? CH. Rogas?

Cóngredere. NL. Congrédior.

CH. Óptamus sum orátor: ad lacrumás coegi hominem cástigando

máleque dictis, quae quidem quivi cómminisci.

NL. Quíd ait? CH. Verbum

núllum fecit; lácrumans tacitus ánscultabat, quae égo loquebar;

tácitus conscripsit tabellas; óbsignatas mi has dedit;

60

tibi me iussit dáre. Sed metuo, né idem cantent, quód priores.

Nósce signum. Estne éius? NL. Novi. Lúbet perlegere has. CH. Pérlege.

— Nunc súperum limen scínditur! nunc ádest exitium Ílio!

turbát equus lepide lígneus. NL. Chrysále, ades, dum ego has pérlego.

[CH. Quid me tibi adesse opus est? NL. Volo, ut, quód iubeo, facias;

65

ut scias, quae hic scripta sient. CH. Nihil moror, neque scire volo.

NL. Tamen ades. CH. Quid opus est? NL. Taceas. Quod iubeo, id facias! CH. Adero.

NL. Euge, litteras minutas! CH. Qui quidem videat parum;

Verum qui satis videat, grandes satis sunt. NL. Animum advortito igitur.

c. Nolo, inquam. N. At volo, inquam. c. Quid opust?

NL. At enim id, quod te iubeo, facias. 70

CH. Iustum est, tuus tibi servus tuo arbitratu serviat.

NI. Hoc age, sis, iam nunc. CH. Ubi libet, recita:
aurium operam tibi dico.

NI. Cerae quidem haud parsit neque stilo; sed,
quidquid est, perlegere certum est.]

„Pater, ducentos Philippos, quaeso, Chrysallo

75 „Da, si esse salvom vis me aut vitalém tibi.“

CH. Malum quidem hercle magnum! tibi, dicó.

NI. Quid est?

CH. Non prius salutem scripsit? NI. Nusquam
séntio.

CH. Inde á principio iam impudens epístola est!

80 Non dabis, si sapiēs; verum si das maxime,
nae ille alium gerulum quaerat, si sapiét, sibi:
nam ego non laturus sum, si iubeas maxime:
sat sic suspectus sum, quum careo noxia.

NI. Ausculta porro, dum hoc, quod scriptum est,
perlego.

„Pudet prodire me ad te in conspectum, pater:

85 „tantum flagitium te scire audivi meum,
„quod cum peregrini cubui uxore militis.“

Pol haud derides: nam ducentis aureis
Philippis redemi vitam ex flagitio tuam.

CH. Nihil est illorum, quin ego illi dixerim.

90 NI. „Stulte fecisse fateor; sed quaeso, pater,
„ne me, in stultitia si deliqui, deseras.

„ego animo cupido atque oculis indomitis fui:

„persuasum est facere, quoniam nunc me facti
pudet.“

Prius te cavisse ergo, quam pudere, aequom fuit.

95 CH. Eadem istaec verba dudum illi dixi omnia.

NI. „Quaeso, ut sat habeas id, pater, quod Chry-
salus

„med obiurgavit plurimis verbis malis,

„et me mulierem fecit proceptis suis,

„ut te ei habere gratiam aequom sit bonam.“

CH. Estne istuc istic scriptum? NI. Hem, specta:
tūm scies. 100

CH. Ut, qui deliquit, supplex est ultro omnibus!

NI. „Nunc, si me fas est obsecrare abs te, pater,
„da mihi ducentos numos Philippos, te obsecro!“

CH. Ne unum quidem hercle, si sapias. NI. Sine
perlegam.

„Ego iusiurandum verbis conceptis dedi, 105

„datum id me hodie mulieri ante vesperum,

„priusquam a me abiret: nunc, pater, ne peierem,

„cura atque abduce me hinc ab hac, quantum
potest,

„quam propter tantum damni feci et flagitii.

„Cave tibi ducenti numi dividuae fuant: 110

„sexcenta tanta reddam, si vivo, tibi.

„Vale atque haec cura.“ Quid nunc censes,
Chrýsale?

CH. Nihil ego tibi hodie consili quidquam dabo,
neque ego haud committam, ut, si quid peccatum
siet,

fecisse dicas de mea sententia; 115

verum ut ego opinor, si ego in istoc sim loco,

dem potius aurum, quam illum corrumpi sinam.

Duae conditiones sunt; utram tu accipias, vide:

vel ut aurum perdas, vel ut amator peieret.

Ego neque te iubeo, neque veto, neque suadeo. 120

NI. Miscret me illius. CH. Tuus est: non mirum
facis.

Si plus perdendum sit, periesse suavinus,

quam illud flagitium vulgo dispalescere.

NI. Nae ille edepol Ephesi multo mavellem foret,

- 125 dum sálvos esset, quám revenissét domum! —
 Quin égo, istic quod perdúndum est, properem
 pérdere.
 Binós ducentos Philíppos iam intus éfferam,
 et míliti quos dúdum promisi miser,
 et istos. Mane istic: iam éxéo ad te, Chrýsale. —
- 130 CH. Fitvásta Troia! scíndunt proceres Pérgamum!
 Scivi égo iamdúdum, fóre me exitium Pérgamo.
 Edepól qui me esse dícat cruciatú malo
 dignúm, nae ego cum illo pígnus haud ausím dare:
 tantás turbelas fácio. Sed crepuít foris:
- 135 effértur praeda ex Tróia. Taceam núnc iam.
 NL. Cape hóc tibi aurum, Chrýsale: i, fer fílio.
 Ego ad forum autem hinc íbo, ut solvam míliti.
 CH. Non équidem accipiam: proín tu quaeras,
 quí ferat.
 Nolo égo mihi credi. NL. Cápe vero: odiosé facis.
- 140 CH. Non équidem capiam. NL. At quaéso. CH.
 Dico, ut rés se habet.
 NL. Moráre. CH. Nolo, inquam, aúrum con-
 credí mihi.
 Vel da áliquem, qui me sérvet. NL. Ohe odiosé
 facis.
 CH. Cedo, sí necesse est! NL. Cúra hóc. . Iam
 ego huc revénero. —
- CH. Curátum est, te esse senem ómnium misér-
 rumum.
- 145 Hoc ést incepta effícere pulcre, véluti mihi
 evénit, ut ovans praéda onustus incéderem.
 Salúte nostra atque úrbe capta pér dolum
 domúm reduco íntegrum omnem exércitum.
 Sed, spéctatores, vós nunc ne mirémini,
 quod nón triumpho: pérvolgatum est, nílil moror;

verúm tamen accipiéntur mulso milites.
Nunc hanc praedam omnem iam ad quaestorem
déferam.

ACTUS IV. SCENA IX.

PHILOXENUS.

Quám magis in pectóre meo foveo, quás meus
filius túrbas turbet,
quám se ad vitam et quós ad mores praecipitem
inscítus capessat:
mágis curae est, magisque áfformido, ne ís pereat
neu córrumpatur.

[Néc placitant morés, quibus video vólgo gnatis
éssé parentes.]

Scío, ego fui illa aetáte, et feci illa ómnia; sed
móre módesto:

dúxi, habui scortúm, potavi, dédi, donavi; séd
enim id raro.

Érgo dare me lúdum meo gnato ístitivi, ut áni-
mo obsequium

súmere possit: aéquum esse puto; séd nimis noló
desidiae

ei dare ludum. Núnc autem ad Mnesílochum,
quod mandávi, viso,

écquid eum ad virtútem aut ad frúgem operá súa
compulerit,

sicut eum, si cónvenit, scio fécissee: eo est ingé-
nio natus.

ACTUS V. SCENA I.

NICOBULUS. PHILOXENUS.

NI. Quicumque ubique sunt, qui fuere, quique futuri sunt posthac

stulti, stolidi, fatui, fungi, bardii, blenni, buccones, solus ego omnis longe antea stultitia et moribus indoctis.

Perii, pudet! hocce me aetatis ludos bis factum esse indigne?

5 Magis quam id reputo: tam magis uror, quae meus filius turbavit.

Périditus atque etiam éradicatus sum: omnibus exemplis crucior:

Omnia me mala cónsectantur: omnibus exitiis interii!

Chrýsalus me hodié laceravit, Chrýsalus me miserum spoliavit!

Is me scelus auro usque attondit dólis doctis indoctum, ut lubitum est:

10 ita miles memorávit: meretricem esse, quam ille uxorem esse aiebat;

omniaque, ut quidque áctum est, memorávit: eam sibi hunc annum conductam:

reliquom id auri factum, quod ego ei stultissimus homo promissem.

Hóc, hoc est, quod me peraccescit; hoc est demum, quód percrucior,

me hoc aetatis ludificari; imo edepol sic ludos factum,

15 cáno capite atque álba barba, miserum me auro esse emunctum!

Perii, hoc servom méam non nauci fácere esse ausum. Átque ego, si alibi

plús perdiderim, mínus aègre habeam, mínus quoque id mihi dāno ducam.

PHL. Cërto hic prope me mihi nescio quis lóquier visus est. Séd quēm video?

hic quidem pater Mnesiochi. NL Euge, sócium aerumnae et mei mali video!

Phloxene, salve. PHL. Ét tu. Unde agis? NL. Unde hómo miser atque infórtunatus. 20

PHL. Át pol ego ibi sum, ésse ubi miserum hominém decet atque infórtunatam.

NL. Ígitur pari fortúna, aetate út sumus, utimur.

PHL. Sic est; sed tu,

quid tibi est? NL. Pól mihi pár idem est, quód tibi.

PHL. Númquidnam ad fílium haec aégritudo áttinet?

NL. Ádmódum. PHL. Idem mihi mórbus in pectore est. 25

NL. Át mihi Chrýsalus, óptimus hómo, pérdidit fílium, me atque rem omném meam.

PHL. Quid tibi ex filio nam, óbsecro, aegre ést?

NL. Scies.

Is perit cùm tuo; ambo aèque amicás habent.

PHL. Qui scís? NL. Vídi. PHL. Hei mihi, díspérii! 30

NL. Quid dubitamus púltare atque huc évocare ambós foras?

PHL. Haúd moror. NL. Hens, hetus, Bácehis, iube, sis, áctutum aperiri foris,

nisi mávoltis fóres et postes cómminui secúribus!

ACTUS V. SCENA II.

BACCHIDES SORORES. NICOBULUS.

PHILOXENUS.

BA. Quis sonitu de tumultu
táto, nómine nóminat

me, átque púltat aedis?

NL. Ego átque hic. BA. Quid hóc est negóti nam,
amábo?

5 quis hás oves adégit?

NL. Ovés nos vocánt pessumáe. s o. Pastor hárum
Dormít, quom haec eúnt a pecú palitántes.

BA. At haé pol nitént; sordidae ámbae haud vi-
déntur.

s o. Attónsae hae quidem ámbae usque súnt. NL
Ut vidéntur

10 derídere nós! PHL. Sine suo úsque arbitrátu.

BA. Rerín', ter in áнно tu hás tonsitári?

s o. Pol hódie alterá iam bis détonsa certo est.

Vetulae sunt thymiámae. BA. At bonás fuisse crédo.

s o. Vidén', limulís, obsecró, ut intuéntur?

15 BA. Ecástor sine ómni arbitrór malitia ésse.

NL. Merito hóc nobis fít, qui quidem húc venerí-
mus.

BA. Cogántur quidem íntro. s o. Haud sció, quid
eo opús sit,

quae néc lacte néc lanam habént. Sicsine ádstent.
Exóluere, quánti fuére. Omnis frúctus

20 iam illís decidít. Non vidés, ut palántes
grasséntur? Quin aétate crédo esse mútas:

ne bálant quidém, quom a pecú cetero ábsunt.

BA. Stultae, haúd malae vidéntur. s o. Revór-
tamur íntro,

sorór. NL. Illico ámbae manéte: hae oves vo-
lúnt vos.

25 BA. Pródigium hoc quidem ést: humana nós voce
appellánt oves.

PHL. Haé oves vobís malam rem mágnam, quam
debént, dabunt.

BA. Sí quam debes, té condono; tibi habe: nunquam abs té petam.

Séd quid est, quaprópter nobis vós malum minitámini?

PHI. Quia nostros agnós conclusos ístic esse aiunt duos.

NL. Ét praeter eos ágnos meus est ístic clam mordáx canis;

30

quí nisi nobis próducuntur iam átque emittuntúr foras,

árietes trucés nos erimus: in vos incursábimus.

BA. Sórór, est, quod te vólo secreto. so. Ého, amabo! NL. Quó illaec abeunt?

BA. Sénem illum tibi dedo últiorem, sórór, lepide ut lenítum reddas;

égo ad hunc irátum adgrediar. Póssumus nos hos íntro ílicere huc.

35

so. Méum pensum ego lepide ádcurabo, quámquam odiosum est mórtem amplectí.

BA. Fácito, ut facias. so. Táceas. Tu tuum fácito; ego, quod dixi, haúd mutabo.

NL. Quid illaec illic in cónsilio duae sécreto consúltant?

PHI. Quid ais tu, homo? NL. Quid tú me vis?

PHI. Pudet dícere me tibi quíddam.

NL. Quid est, quód pudeat? PHI. Sed amíco homíni tibi quód volo credere, cértum est:

40

nihilí sum! NL. Istuc iamprídem scio. Sed, quíd nihilí sis, mémora.

PHI. Tactús sum vehementér visco.

Cor stímulo foditur. NL. Pól tibi

multo aéquiús est coxéndicem.

Sed quíd istuc est? etsí iam ego ipse, quíd sít, prope scire putó me;

verum aādire etiam ex tē studeo. PHL Viden' hānc?

NL Videq. PH. Haud malā mūlier!

NL Pol véro ista mala, et tū nihili. PHL Quid multa?

ego amo. NI. An amas? PHL *Nai yāq.*

NL Tūn', hōmo putide, amatōr istae fieri aetate audes? PHL Quī non?

NL Quia flāgitium est. PHL Quid opūst verbis?

Meo filio non sum irātus;

50 neque tē tuo est aequum esse iratum; si amānt, sapienter faciunt.

BA. Sequere hāc. NI. Ecce tandem! Proברי

perlocebrae et persuastrices,

quid nūnc? etiam redditis nobis et filios et ser-

vum? PHL Abin' hinc?

Non hōmo tu quidem es, qui istōc pacto tam lepī-
dam illepide appelles.

BA. Senex optime, quantum est in terra, sine hoc,
obsecro, exorare āb tē:

55 ut istūc delictum desistas tantōpere ire oppugnā-
tum.

NL Ni abeās, quamquam tu bellā es, malum tibi
māgnū dabo iam. BA. *Pātīar.*

Mon metuo, ne quid mihi doleat, quod fērias.

PHL Ut blandiloqua est!

BA. Hei mihi metuo. SO. Hic magis tranquillust.

BA. I hac mecum intro, atque ibi, si quid vis,
filiūm concastigato.

60 NL Abin' ā me, scelus? BA. Sine, mea pietas, exo-
rem. NL Exores tū me?

SO. Ego quidem ab hoc certe exorabo. PHL Imo
ego te oro, ut me intro abducas.

SO. Lepidūm te! PHL At scin, quo pacto me ad
te intro abducas? SO. Mecum ut sis.

PHL. Omnia, quae cupio, commemoras. NI. Vidi
ego nequam homines, verum
te deteriore neminem.

BA. I hac mecum intro, ubi tibi sit lepide victi-
bus, vino, atque unguentis. 65

NI. Satis iam, satis vestri est convivii: nihil poe-
nitet, ut sum acceptus.

Quadringentis Philippis filius me et Chrysalus
circumduxerunt;

quem quidem ego ut non excreciem, alterum tan-
tum auri non meream.

BA. Quid tandem, si dimidium auri redditur, isne
tu hac mecum intro?

NI. Minimé! nolo! nihil moror! sine sic! malo
flos ulcisci ambo. 70

PHL. Etiam tu, homo nihili, quod di dant boni,
cave culpa tua amissis!

Dimidium auri datur: accipias, potesque et scor-
tum accumbas!

NI. Egon', ubi filius corrumpatur meus, ibi potem?
PHI. Potandum est.

NI. Age iam si id, ut ut est, etsi est dedecorum, fa-
cere inducam

animum: egone, quum haec cum illo accumbet,
inspectem? BA. Imo equidem tecum 75

accumbam, te amabo et te amplexabor. NI. Ca-
put prurit! perii!

Vix nego. BA. Non venit in mentem tibi, ama-
bo, si, dum vivas,

tibi bene facias, tamen iam pol id quidem esse
haud perlonginquum,

neque, si hoc hodie amissis, post id eventurum
esse unquam?

- 80 NL Quid agó? PHI. Quid agas, rogítas etiam?
 NL Libet ét metuo. BA. Quid métuis?
 NL Ne obnóxius filio sim ét servo. BA. Mel méum
 amabo, istaec fíunt.
 Tuus 'st. Únde illum censes súmer, nisi quód
 tute illi déderis?
 Hanc véniam illi sine te éxorem. NL. Ut tere-
 brát! Satin', offirmátum
 quod mi érat, id me exorát? Tua sum opera ét
 propter te impróbior.
 85 BA. Nusquám me a te avellés. Satin' ego istúc
 habeo offirmátum?
 NL. Quod sémel dixi, haud mútabo. BA. It díes:
 ite intro accúbitum.
 Filií vos exspectánt intus. NL. Quam nós quidem
 actutum emórimur?
 BA. Vespér hic est: sequiminí. PHI. Ducite nos,
 quó lubet, tamquam addíctos.
 BA. Lepide ípsi hi sunt captí, suis qui filiís fecere
 insídias. [Ite.]

G R E X.

- Hí senes nisi fuíssent nihili iam índé ab adu-
 lescéntia:
 nón hodie hoc tantúm flagitium fácerent canis
 cápítibus;
 néque adeo haec facerémus, ni antehac vídisse-
 mus fíeri,
 út apud lenonés rivales fíliis fierént patres.
 5 Spéctatores, vós valere et vólumus clare appláu-
 dere.



C A P T I V E I.



DRAMATIS PERSONAE.

ERGASILUS, parasitus.

HEGIO, senex.

LORARIUS.

PHILOCRATES, nobilis captivus Alius.

TYNDARUS, eius servus.

ARISTOPHONTES, captivus Alius.

PUER HEGIONIS.

PHILOPOLEMUS, filius Hegionis.

STALAGMUS, servus fugitivus.

GREX.


S U M M A R I U M.

Bellum habebant Aetoli cum Eliensibus, (qui Plauto Alii vocantur). Hegio autem Aetolus duces habet filios, quorum alter (Philopolemus) in bello captus est ab Eliensibus emptusque de praeda a medico quodam Menarcho; alter (Tyndarus) olim quadrimulus ab servo fugitivo ablatas ad eosdem Elienses venditusque Theodoromedi cuidam, et ab hoc tamquam peculiaris filiofamilias eius (Philocrati) datus. Hi uterque (Philocrates et Tyndarus servus) in eodem bello ab Aetolis sunt capti. Hegio, ut captivum filium suum Philopolemum recuperet, consilium capit coemendi captivos Elienses, quibus illum mutet, et inter hos emit ipsos Philocratem et Tyndarum, quem suum filium esse nescit. Hi duo astute personas inter se commutant, quo facilius Philocrates tamquam servus liberetur. Eum ergo Hegio Elidem ablegat (Tyndarum esse ratus), ut is inde suum filium Philopolemum liberatum apportet. Quo iam profecto, comperit ex alio quodam captivo, se deceptum, et pro Philocrate Tyndarum servum retentum. Iratus igitur Tyndarum in lapicidinas mittit. Mox redit Philocrates cum Philopolemo, adducens simul et servum Stalagmum, qui quadrimum illum filium abstulerat. Per quem demum Hegio comperit, Tyndarum suum esse filium. Hunc ergo accersit, Philocratem ad suos remittit; Stalagmum punit. — Per omnia haec Gelanimus parasitus apposite suas partes agit.

Scena est in Aetolia.

R A

ERG
HEG
LOR
PHI
TYN
ARIS
PUER
PHIL
STAI
GREX



PROLOGUS.

Los quós videtis stáre hic captívós duos,
í qui astant, hí stant ambo, nón sedent.
os, vós mihi testes éstis me verúm loqui.
enex qui hic habitat, Hégio, est huiús pater.
dís quo pacto sérvíat suo síbi patri, 5
ego híc apud vos próloquar, si operám datís.
ni huíc fuerunt filii natí duo;
iúma quadrimum púerum servos súrrípit,
amque hínc profugiens véndidit in Álide
atríd huiusce. Iam hóc tenetis? — Óptimum
est! — 10
egat hércle ille últimus. — Accédito! —
i nón, ubi sedeas, lócus est, est, ubi ámbules:
uando hístrionem cógis mendicárier.
go mé tua causa, ne érres, non ruptúrus sum.
os, quí potestis ópe vostra censériet, 15
accípíte reliquiom: álieno utí níhil moror.
ugitívus illé, ut díxeram ante, huiús patri,
lomo quém profugiens dóminum abstulerat, vén-
didit.
fic póstquam hunc emit, dédit eum huicgnató suo
eculiarem, quía quasi una aetás erat. 20
fic núnc domi servit suo patri, nec scít pater.
Enimvéro di nos quási pilas hominés habent.
laciónem habetis, quómođo unum amiserit.

- Postquám belligerant Aétoli cum Áliis:
 25 ut fít in bello, cápitur alter fílius.
 Medicús Menarchus émit ibidem in Álide.
 Coepít captivos cómmercari hic Álios,
 si quém reperire pódset, qui mitteret suum
 illum captivom; hunc suum esse nescit, qui domi
 est.
- 30 Et quóniam heri inde audívit de summó loco
 summóque genere eáptum esse equitem Álium,
 nihil pretío parsit, fílio dum párceret:
 reconciliare ut fácilius possét domum,
 emit hósce de praeda ámbó de quaestóribus.
- 35 Híce autém inter sese hunc confínxerunt dolum,
 quo pácto hic servos suum herum hinc ámittát
 domum.
- Itaque inter se commútant vestem et nómina;
 illíc vocatur Phílocrates, hic Týndarus:
 huius illic, hic illius hódie fert imáginem.
- 40 Et hic hódie expediet hanc docte falláciam
 et suum herum faciet libertatis cómpotem,
 eodémque pacto frátre servabít suom,
 reducémque faciet liberum in patriam ad patrem
 imprúdens, itidem ut saepe iam in multis locis
- 45 plus insciens quis fécit, quam prudéns, boni.
 Sed inscientes sua sibi fallácia
 ita cómpararunt et confínxerunt dolum,
 itaque hí commenti de sua senténtia,
 ut in sérvitute hic ad suum maneát patrem.
- 50 Ita núno ignorans suo sibi servít patri.
 Homínculi quantí sunt, quum recógito!
 Haec rés agetur nobis, vobis fábulá.
 Sed étiam est, paucis vós quod monitos vóluerim.
 Profécto expediet, fábulae huic operám dare.

Non pértractato fácta est, neque ítem ut céterae; 55
 neque spúrpidici insunt vérsus immemorábiles:
 hic néque periurus léno est, nec meretríx mala,
 neque míles gloriósus. Ne vereámini,
 quia béllum Aetolis ésse dixi cum Áliis:
 foris íllic extra scénam fient proélia: 60
 nam hoc péne iniquom est cómico chorágio,
 conári desubíto ágere nos trageédiam.
 Proin, sí quis pugnam exspéctat, litis cótrahat:
 valéntiorem náctus advorsárium
 si erít, ego faciam, ut púgnam inspectet nón bo-
 nam, 65
 adeo út spectare póstea omneis óderit.
 Abeó. Valeté, iúdices instíssimi
 domí, bellique duéllatores óptumi.

~~-----~~

ACTUS I. SCENA I.

ENGASILUS.

Iuvéntus nomen índidit scortó mihi,
 eo quia ínvocatus sóleo esse in convívio.
 Scio, absúrde dictum hoc dérisiones dícere;
 at ego áio, recte: nam in convivió sibi
 amátor, tales quóm iácít, scortum ínvocat: 5
 estne ínvocatum, an nón est? Est planíssume.
 Verum hércle: verum nós parasiti plánius,
 quos núnquam quíquam néque vocat neque ín-
 vocat;
 quasi múres semper édimus alienúm cibum.
 Ubi rés prolatae súnť, quom rus homínés eunt, 10

- simúl prolatae rés sunt nostris déntibus.
 Quasi, quúm caletur, cóchleae in occultó latent,
 suó sibi succo vívunt, ros si nón cadit:
 itém parasiti rébus prolátis latent
 15 in occulto, miseri víctitant succó suo,
 dum rúri rurant hómines, quos ligúrriant.
 Prolátis rebus párasiti venátici
 sumus; quándo rure rédierunt, Molóssici
 odiósicique et múltum incommodístici.
 20 Et híc quidem, hercle, nísi qui colaphos pérpeti
 potís parasitus, frángique aulas ín caput,
 vel ire éxtra portam Trígeminam ad saccúm licet.
 Quod míhi ne eveniat, nónnullum pérículum est.
 Nam póstquam meus rex ést potitus hóstium, —
 25 ita núnc belligerant Aétoli cum Áliis:
 nam Aetólia haec est: illic captus 'st in Álide
 Philopólemus, huius Hégionis fílius,
 senís, qui hic habitat; quae aédes lamentáariae
 mihi súnť, quas quotienscúnque conspició, fleo.
 30 Nunc híc occoepit quaéstum hunc filii grátia
 inhonéstum et maxume álienum ingenió suo:
 hominés captivos cómmercatur, sí queat
 aliquem ínvenire, súom qui mutet fílium.
 Quod égo quidem nimís quam cupio ut ímpetret.
 35 Nam ni íllum recipit, níhil est, quo me récipiam.
 Nullá iuventutis ést spes: sese omnés amant.
 Ille démum antiquis ést adulescens móribus,
 quoius núnquam voltum tránquillavi grátiis.
 Condígne est pater éius moratus móribus.
 40 Nunc ád eum pergam. Séd aperitur óstium,
 unde sáturitate saépe ego exii ébrius.
-

ACTUS I. SCENA II.

HEGIO. LORARIUS. ERGASILUS.

HE. Advórte animum, sis, tu. Ístos captivós duos,
herí quos emi dé praeda a quaestóribus,
his índito caténas singulárias;
istás maiores, quibus sunt vincti, démito.
Simáto ámbulare, sí foris, si intús volent; 5
sed uti ádserventur mágna diligéntia.

Libér captivos ávis ferae consímilis est:
semél fugiendi sí data est occásio,
satis ést; nunquam postílla possis préndere.

LO. Omnes profecto líberi libéntius 10
sumus, quám servimus. HE. Nón videre ita tú
quidem.

LO. Si nón est, quod dem, méne vis dem ipse ín
pedes?

HE. Si déderis: erit extémplo mihi, quod dém tibi.

LO. Avis mé ferae consímilem faciam, ut praédicas.

HE. Ita ut dícis: nam si fáxis, te in caveám dabo. 15

Sed sátis verborum est. Cúra, quae iussi, átque abi.

Ego íbo ad fratrem ad álios captivós meos;

visám, ne nocte hac quídpíam turbáverint;

inde mé continuo récipiam rursús domum.

ER. Aegre ést mi, hunc facere quaestum carcérá-
rium 20

proptér sui gnati míseriam miserúm senem;

sed si úllo pacto ille húc conciliari potest,

vel cárnificinam hunc fácere possum pérpeti.

HE. Quis hic lóquitur? ER Ego, qui tuó moerore
máceror,

25 macésco, consenésco, et tabescó miser.

Ossa átque pellis súm miser macritúdine,
neque únquam quidquam mé iuvat, quod edó domi
foris áliquantillum étiam, quod gusto, id beat.

HE. Ergásile, salve. ER. Dí te bene ament, Hégio.

30 HE Ne fle. ER. Égon' illum aen fléam? egone
non défleam

talem ádulescentem? HE. Sémper sensi filio
meo te ésse amicum, et illum intellexí tibi.

ER. Tum dénique homines nóstra intellegimús
bona,

quum, quae in potestate hábuimus, ea amísimus.

35 Ego, póstquam gnátus túus potitust hóstium,
expértus, quanti fúerit, nunc desidéro.

HE. Aliénus quom eius incómodum tam aegre
feras:

quid mé patrém par fácere est, quoi ille est únicus?

ER. Aliénus ego? aliénus illi? Ah, Hégio,

40 nunquam istuc dixis, néque animum induxístu om
Tibi ille únicus; mi étiam único magis únicus.

HE. Laudó, malum quom amícituum ducís malum.

Nunc hábe bonum animum. ER. Éheu! HE. Huic
illúd dolet,

quia núnc remissus ést edundi exércitus.

45 Nullúnne interea náctus, qui possét tibi
remíssum, quém duxti, ímperare exércitum?

ER. Quid crédis? Fugitant ómnes hanc provínciam,
posteaquam captus ést Philopolemús tuos.

HE. Non pól mirandum est, fúgitare hanc provín-
ciam:

50 multis et multigénoribus opus ést tibi
mílitibus. Primumdum ópus est pistoriénsibus:
eorúm sunt aliquot génera pistoriénsium;

opus paniceis; opus placentinis quoque;
opus turdetanis; opus est ficedulensibus;
iam maritumi omnes milites opus sunt tibi. 55

ER. Ut saepe summa ingenia in occulto latent!
hic qualis imperator nunc privatus est!

HE. Habe modo bonum animum: nam illum con-
fido domum

in his diebus me reconciliassere:
nam eccum hic captivum adolescentem Alium, 60
prognatum genere summo et summis divitiis:
hoc illum me mutare confido fore.

ER. Ita di deaeque faxint! HE. Sed num quo foras
vocatus ad coenam? ER. Nusquam, quod sciam.
Sed quid tu id quaeris? HE. Quia mi est natalis
dies: 65

propterea te vocari ad coenam volo.

ER. Facete dictum! HE. Sed si pauxillum potes
contentus esse. ER. Ne perpauxillum modo:
nam istoc me adsiduo victu delecto domi.

Age, sis, roga! HE. Emtum? ER. Nisi qui melio-
rem afferet, 70

quae mi atque amicis placeat conditio magis,
quasi fundum vendam, meis me addicam legibus.

HE. Profundum vendis tu quidem, haud fundum,
mihi.

Sed si venturus, tempori. ER. Hem vel iam otium
est.

HE. I modo, venare leporem; nunc erim tenes: 75
nam meus scruposam victus commeat viam.

ER. Nunquam istoc vinces me, Hégio: ne postules;
cum calceatis dentibus veniam tamen.

HE. Asper meus victus sane est. ER. Sentisne
esitas?

- 80 HE. Terréstris coena est . . . ER. Sús terrestria
béstia est.
HE. Multis oleribus . . . ER. Cúrato aegrotós
domi.
Numquíd vis? HE. Venias témpori. ER. Memo-
rém mones.
HE. Ibo íntro atque íntus súbducam ratiúnculam,
quantíllum argenti mihi ápuđ trapezitám siet.
85 Ad frátrem, quo ire díxeram, móx ívero.
-

ACTUS II. SCENA I.

LORARI. PHILOCRATES. TYNDARUS.

- LO. Si dí immortales íd voluere, vós hanc ae-
rumnam éxsequi,
deceť íd pati animo aéquo. Si íd faciétis, levior
lábos erit.
Domi fuístis, credo, líberi;
nunc sérvitus si evénit, ei vós mórigerari mós
bonust,
5 eámque herili império ingenis vóstris lenem réd-
dere.
Indígna digna habénda sunt, herus quae facit.
PH. Oh, oh, oh!
LO. Éiulatióne haud opus est. Óculis multam mí-
seriae
ádicitis. In ré mala animo sí bono utare, ádiuvat.
10 TY. At nós pudet, quia cúm catenis súmus. LO.
At pigeat póstea
nóstrum herum, si éximat, aút solutós sinat,

quós argento émerit.

TY. Quid ille a nobis méruit? Scimus nós, nostrum officiúm quod est, si solutós sinat.

LO. Át fugam fúgitis: sentio, quam rem agitis. 15

TY. Nós fugiamus? qué fugiamus? LO. In patriam. TY. Apage! haud nós id deceat, fúgitivos imitari. LO. Imo edepol, si érit occasio, haud dehortor.

TY. Únum exorare vos, sinite nos. LO. Quidnam id est?

TY. Út sine hisce árbítris atque vobis, nobis, 20 detis loquendí locum.

LO. Fíat. Abscéдите hinc! nós concedámus huc. Séd brevem orationem incípesse. TY. Hém, mi istuc

cértum erat — Concede huc! LO. Ábite istim. PH. Obnoxii

ámbo vobis sumus própter hanc rem, quom, 25 quam

volumus nos cóplam esse, fácitis nos cómpotes.

Sécede huc núnc iam, si videtúr, procul, ne árbítri dicta nostra árbítrari queant, neú permanét palam haec nóstra fallácia: 30 nám doli nón doli sùnt, nisi astú colas,

séd malum máximum, si id palam próvenit.

Nám si heras tú mihi es, atque ego me tuom sérvom esse adsímulo:

tamen yíso opus, cauto ést opus, ut hoc sóbrie sineque árbítris 35

adcúrate agátur docte ét diligénter:

tanta íncepta rés est; haud sómniculóse hoc

agendum est. TY. Ero, ut me volēs esse. PH.
Spero.

TY. Nam tū nunc vidēs, pro tuō caro cāpite
40 carum offerre meū me caput vilitati.

PH. Scio. TY. At scire tūm memento, quādo id,
quod volēs, habebis.

Nam fere mājima pars
mōrem hunc hominēs habent: quōd volunt, dum
impetrant,
sunt boni; sed id ubi iam penes sese habent,
45 ex bonis pessimi et fraudulentissimi
sunt. Nunc, ut te mihi esse volo, esse auctimo.

Quōd tibi suādeo, suādeam meō patri.

PH. Pōl ego te, si audeam, meū patrem nōminem:
nam secundū patrem tu es pater proximus.

50 TY. Audio. PH. Et propterea saepius te moneo,
ut meminēris:

nōn ego heri tibi, sed servus sum. Nunc te hoc
unum obsecro.

Quōniam nobis di immortales animū ostende-
runt suū,

ut qui herum me tibi fuisse atque esse nunc con-
servōm velint,

quōd antehac pro iure imperitabam meo, nunc te
oro per precem,

55 per fortunam incertam et per mei te erga bonita-
tē patris,

per conservitiū commune, quōd hostica evenit
manu:

ne me secus honore honestes, quam ego, quom
servibās mihi,

atque ut, qui fueris et qui nunc sis, meminisse ut
meminēris.

TY. Scio quidem, me te esse nunc et te esse me.

PH. Hem, istuc si potes
memoriter meminisse, inest spes nobis in hac
astutia.

60

ACTUS II. SCENA II.

REGIO. PHILOCRATES. TYNDARUS.

HE. Iam ego revortar intro, si ex his, quae volo,
exquisivero.

Ubi sunt isti, quos ante aedis iussi huc produci
foras?

PH. Edepol tibi ne quaestioni essemus, cautum
intelligo:

ita vinclis custodiisque circummoeniti sumus.

HE. Qui cavet, ne decipiat, vix cavet, quom
etiam cavet:

5

etiam quom cavisse ratus est, saepe is cantor ca-
ptus est.

An vero non iusta causa est, ut vos servem sedulo,
quos tam grandi sum mercatus praesenti pecunia?

PH. Neque pol tibi nos, quia nos servas, aequom
est vitio vortere,

neque te nobis, si abeamus hinc, si fiat occasio. 10

HE. Ut vos hic, itidem illic apud vos meus ser-
vatur filius.

PH. Captus est? HE. Ita. PH. Non igitur nos
soli ignavi fuimus.

HE. Secede huc: nam sunt, ex te quae solo sci-
tari volo;

quárum rerum té falsiloquum mi ésse nolo. PH.

Nón ero,

15 quód sciam; si quíd nescivi, id néscinm trá-
dám tibi.

TY. Núnc senex est ín tonstrina! núnc iam cul-
tros áttinet!

Ne íd quidem, involúcre iniicere, vóluit, vestem
ut ne ínquinet.

Séd utrum strictimne áttonstrum dícam esse, an
per péctinem,
néscio; verúm si frugí est, úsque admutilabít
probe.

20 HE. Quid tu? servosne ésse an líber mávelis?
memorá mihi.

PH. Próximum quod sít bono, quodque á malo
longíssume,

íd volo; quamquám non multum fúit molesta
sérvitus,

néc mihi secus erát, quam si essem fámiliaris
fílius.

25 TY. Eúge, pol Thalém talento nón emam Milésium:
nam ad sapientiam húius ille nímius nugatór fuit.
Út facete orátionem ad sérvitutem cóntulit!

HE. Quó de genere nátust illic Philocrates? PH.
Polyplúsio,

quód genus illic únum est pollens átque honora-
tíssimum.

HE. Quid ipse hic? quo honóre est illic? PH.
Súmmo atque ab summís viris.

30 HE. Tum igitur, ei quom in Ális tanta grátia est,
ut praédicas,

quíd divitiae? súnthne opimae? PH. Unde exco-
quat sevóm senex.

HE. Quid pater? vivitne? PH. Vivom, quom inde abiimus, liquimus;
nunc vivatne, nec ne, id Orcum scire oportet scilicet.

TY. Salva res est: philosophatur quoque iam, non mendax modo est.

HE. Quod erat ei nomen? PH. Thesaurochrysonicochrysides.

35

HE. Videlicet propter divitias inditum id nomen quasi est.

PH. Imo edepol propter avaritiam ipsius ac tenaciam,

[Nam ille quidem Theodóromedes fuit germano nomine.]

HE. Quid tu ais? tenaxne pater est eius? PH. Imo edepol pertenax.

Quin etiam, ut magis noscas, Genio suo ubi quando sacrificat,

40

ad rem divinam quibus est opus, Samiis vasis utitur,

ne ipse Genius subripiat. Proinde, aliis ut credat, vide.

HE. Séquere hac me igitur: eadem ego ex hoc, quae volo, exquaesivero.

Philocrates, hic fecit, hominem frugi ut facere oportuit:

Nam ego ex hoc, quo genere gnatus sis, scio: hic fassus est mihi.

45

Haec tu eadem si confiteri vis, tua e re feceris; quae tamen scito scire me ex hoc.

TY. Fecit officium hic suum, quom tibi est confessus verum; quamquam volui sedulo

- méam nobilitatem occultare et g nus et diviti s
 meas,
 50 H gio; nunc, qu ndo patriam et libertatem
 p rdidi,
 n n ego istunc me p tius quam te m tuere,  e-
 quom c nseo:
 vis hostilis cum istoc fecit m as opes  qu bilis.
 M mini, quom dicto haud audebat, f cto nunc
 laed t licet.
 S d viden'? Fort na humana fingit artatque,  t
 lubet:
 55 m , qui liber f eram, servom f cit, e summo
 infumum;
 qui  perare insu ram, nunc alt rius imperio
  bsequor;
  t quidem si pro nde, ut ipse fui imperator f -
 miliae,
 h beam dominum, haud v rear, ne iniuste aut
 graviter mi  peret.
 H gio, hoc te m nitum, nisi forte ipse non vis,
 v lueram.
 60 H . L quere audacter. T . Tam  go fui ante
 liber, quam gnat s tuos;
 t m mihi, quam illi, libertatem hostilis eripuit
 manus;
 t m ille apud nos s vit, quam ego nunc h c apud
 te s vio.
  st profecto d us, qui, qu e nos g rimus, au-
 ditque  t videt;
 is, uti tu med h c habueris, pro nde illum illic
 cur verit:
 65 b ne merenti b ne profuerit, m le merenti p r
 erit.

Quám tu filiúm tuom, tam páter me meus desiderat.

HE. Mémini ego istoc. Séd faterin' eádem, quae
hic passúst mihi?

TY. Égo patri meo ésse fateor súnimas divitiás
domi,

meque summo genere gnátum; séd te obtestor,
Hégio,

né tuom animum avárfiorem fáxint divitiáe meae: 70

né, patri tametsi únicus sum, decére videatúr
magis,

mé saturum servíre apud te súnitu et vestitú tuo
pótius, quam illic, ubi mínime honestum est,
méndicantem vívere.

HE. Égo virtute deum ét maiorum nóstrum dives
súm satis:

nón ego omninó lucrum omne esse útile homini
existumo. 75

Scio ego: multos iám lucrum luculéntos homines
réddidit;

ést etiam, ubi profécto damnum praestet facere,
quám lucrum.

Ódi ego aurum: múlta multis saepe suasit pér-
peram.

Núnc hoc animum advórte: ut ea, quae séntio,
paritér scias.

Fílius meus illic apud vos sérvit captus Álide; 80
eum si réddis mihi, praeterea únum numum né dvis,
ét te et hunc amíttam hinc. Alio pácto abire
nón potes.

TY. Óptimum atque aequíssimum oras, óptu-
musque hominum és homo.

Séd is privatam sérvitatem sérvit illi, an públi-
cam?

85 НХ. Prívatam medicí Menarchi. РН. Pól hic qui
dem huius ést cliens.

Tam hóc quidem tibi ín proclivi, quam ímber est,
quandó pluit.

НХ. Fác, is homo ut redimátur. ТУ. Faciam.
Séd te id oro, Hégio. . . .

НХ. Quid vis, dum ab re né quid ores, fáciam.
ТУ. Auscultadúm: scies.

Égo me amitti, dónicum ille huc redierit, non
póstulo;

90 vérum quaeso, ut aéstumatum hunc míhi des,
quem mittam ad patrem:

út is homo redimátur illi. НХ. Imo álium potius
mísero

híno, ubi erunt indúciae, illuc, tuóm qui con-
veniát patrem:

quí tua, quae tu míseris, mandáta, ita, ut velis,
pérferat.

ТУ. Át nihil est, ignótum ad illum mittere: ope-
ram lúseris;

95 hunc mitte: hic reddét transactum ómne, si illuc
vénerit;

néc quemquam fidéliorem, néque quoi plus cre-
dát, potes

mittere ad eum, néc qui magis sit sérvos ex sen-
téntia,

néque adeo, quoi tuóm concedat fílium hodie
audácius.

Né vereare: méo periculo huius ego experiár fidem,
100 frétus ingenio éius, quod me esse scít erga se
bénevolum.

НХ. Míttam equidem istunc aéstumatum tuá fide,
si vis. ТУ. Volo;

quám citissimé potest, tam hoc cedere ad factum volo.

HE. Nám quae causa est, quín, si ille huc non rédeat, vigintí minas

míhi des pro illoc? TY. Óptime imo, HE. Sól- vite istum núnc iam,

átque utrumque. TY. Dí tibi omnes ómnia optata áfferant,

105

quóm me tanto honóre honestas, quónique ex vinclis éximis.

Hóc quidem hand moléstum est, iam quod cóllus collarí caret.

HE. Quód bonis benefít beneficium, grátia ea grávida ést bonis.

Núnc tu, illunc si illo és missurus, díce, monstra, praécipe,

quae ád patrem vis núntriari. Vín vocem huc ad té? TY. Voca,

110

ACTUS II. SCENA III.

REGIO. PHILOCRATES. TYNDARUS.

HE. Quae rés bene vortat míhi, meoque fílio, vobísque: vult te nóvus herus operám dare tuo vétéri domino, quód is velit, fidéliter.

Nam ego te aestumatum huíc dedi vigintí minis; hic autem te ait mittere hinc velle ád patrem; meum ut illic redimat fílium: mutatio inter me atque illum ut nóstris fiat fíliis.

6

PH. Utróque vorsum réctum est ingeníum meum,

- ad te atque ad illum; pro rota uti me licet:
 10 vel ego huc vel illuc vortar, quo imperabitis.
 PH. Tuté tibi ea tuopte ingenio prodes plurimum,
 quom servitutem ita fers, ut ferri decet.
 Sequere. — Hém tibi hominem! TY. Grátiam
 habeo tibi,
 quom cópiam istam mi ét potestatem facis,
 15 ut ego ad parentes hunc remittam nuntium,
 qui me quid rerum hic agitem et quid fieri velim,
 patri meo ordine omnem rem illuc perferat.
 Nunc ita convenit inter me atque hunc, Týndare,
 ut te aestumatum in Alidem mittam ad patrem:
 20 si non rebitas huc, ut viginti minas
 dem pro te. PH. Recte convenisse sentio:
 nam pater expectat aut me, aut aliquem nuntium,
 qui hinc ad se veniat. TY. Ergo animum advor-
 tas volo,
 quae nuntiare hinc te volo in patriam ad patrem.
 25 PH. Philocrates, ut adhuc locorum feci, faciam
 sedulo,
 ut potissimum, quod in rem recte conducát tuam,
 id petam, id persequarque corde atque animo et
 viribus.
 TY. Facis ita, ut te facere oportet. Nunc ani-
 mum advortas volo.
 Omnium primúm salutem dicito matri ét patri,
 30 Et cognatis, ét si quem alium benevolentem
 videris:
 me hic valere et servitutem servire huic homini
 optumo,
 qui me honore honestiorem semper fecit ét facit.
 PH. Istuc ne praecipias, facili memoria memini
 tamen.

TY. Nam équidem, nisi quod cústodem habeo,
liberum me esse árbitor.

Dícito patrí, quo pacto mihi cum hoc convé-
nerit

35

de huius filiό . . . PH. Quae memini, móra mera
est monérier.

TY. út eum redimat ét remittat nóstrum huc am-
borúm vicem.

PH. Méminero. HE. At quamprimum poterit, tam
in rem utrique est máxime.

PH. Nón tuom tu mágis videre, quam ille suom
gnatúm cupit.

HE. Méus mihi, suos quoéque est carus. PH.
Númquid aliud vís patri

40

núntiari? TY. Me híc valere; et tâte audacter
dícito,

Týndare, inter nós fuisse ingénio haud discor-
dábili:

néque te commeruisse culpam, néque me advor-
satúm tibi;

béneque hero gessisse morem, in tántis aerumnis
tamen;

néque meo unquam déservisse té neque factis né-
que fide

45

rébus in dubiis, egenis. Haéc pater quandó sciet,
Týndare, ut fueris animatus érga suom gnatum
átque se:

núquam erit tam avárus, quin te grátis emittát
manu.

Ét mea opera, si hanc rebíto, fáciam ut faciat
fácilius:

nám tua opera et cómitate et vírtute et sapiéntia 50
fécisti, ut redíre liceat ad parentes dénuo;

quom apud hunc confessus es et genus et divitiás
meas:

quó pacto exemisti e vinclis tuom herum tua sa-
piéntia.

PH. Féci ego ita, ut commémoras, et, te mémi-
nisse id, gratum ést mihi.

55 Mérito tibi ea évenerunt á me: nam nunc, Phílo-
crates,

si égo item memorem, quae meé erga málta
fecisti bene,

nóx diem adimat: nám servos meus si ésses, ni-
hilo sécius

óbsequiosus mihi fuisti sémper. HÆ. Dì, vo-
strám fidem,

hóminum ingenium liberale! ut lácrumas excu-
tiunt mihi!

60 Vídeas, corde amáre inter se: quántis suum he-
rum laúdibus

sérvos collaudávit. PH. Me pol istic háud cen-
tésimam

pártem laudat, quam ípse meritust út laudetur
laúdibus.

HÆ. Érgo quom optumé fecisti, núnc adest occasio
bénefacta cumuláre: ut erga hunc rém geras fidé-
liter.

65 PH. Máge non factum póssum velle, quam ópera
experiar pérsequi.

Íd ut scias; Iovém supremum téstem laudo,
Hégio,

me infidelem nón futurum Phílocrati . . . HÆ.
Probus és homo.

PH. néc me secus unquam éi facturum quídquam,
quam memét mihi.

TY. Istaec dicta te experiri et operis et factis volo;
et quod minus dixi, quam volui, de te, animum 70
advortas volo.

Atque horum verborum causa caveto, mihi iratus
tuas;

sed, te quaeso, cogitato, hinc mea fide mitti
domum

te aestumatum et meam esse vitam hic pro te po-
sitam pignori:

ne tu me ignores, quom ex templo meo e con-
spectu abscesseris,

quom me servom in servitute pro te hic reli-
queris; 75

tunque te pro libero esse ducas, pignus dederas,
neque des operam, pro me ut huius reducem fa-
cias filium.

Scito, te hinc minis viginti aestumatum mittier.

Fac fidelis sis fidei: cave fidem fluxam geras.

Nam pater, scio, faciet, quae illum facere oportet,
omnia. 80

Serva tibi in perpetuum amicum me, atque hunc
inventum inveni.

Haec per dexteram tuam te dextera retinens manu
obsecro: infidelior mihi ne fuas, quam ego sum
tibi.

Tu hoc age! tu mihi herus nunc es, tu patronus,
tu pater:

tibi commendo spes opesque meas. PH. Manda-
vistis satis. 85

Satin' habes, mandata quae sunt, facta mi refero?
TY. Satis.

PH. Et tua et tua huc ornatus reveniam ex sen-
tentia.

Númquid aliud? TY. Út, quamprimum pössis,
redeas. PH. Rés monet.

HE. Séquere me: viaticum ut dem á trapezitá tibi.
90 Eádem opera a praetóre sumam sýngraphum.

TY. Quem sýngraphum?

HE. Quem híc ferat secum ád legionem: hinc íre
huic ut liceát domum.

Tu íntro abi. TY. Bene ámbulate. PH. Bene vale.

HE. Edepol rém meam
cónstabilivi, quom illos emi dé praeda a quae-
stóribus!

Éxpedivi ex sérvitute fílium, si dís placet.

95 Át etiam dubitávi, hos homines émerem, an non
emerém, diu.

Sérvate ístum, súltis, íntus, sérví, ne quoquám
pedem

éfferat sine cústodela. Iám ego apparebó domi:
ád fratrem modó capteivos álios ínvisó meos;
eádem percontábor, ecquis hunc ádulescentem
nóverit.

100 Séquere, te ut amíttam: ei rei prímum prae-
vortí volo.

ACTUS III. SCENA I.

ERGASILUS.

Miser homo est, qui ípsé sibi, quod edit, quaérit,
et id aegre ínvenit;

séd ille est. miseríór, qui et aegre quaérit, et nihil
ínvenit:

ille miserum est, qui, quem cupit esse, quod
edit, non habet.

Nam hércle ego huic diéi, si liceat, óculos effo-
diám iubens:

ita malignitáte oneravit ómnes mortales mihi; 5
néque ieiuniosorem néque magis effertum fame
vidi, nec quoi minus procedat, quidquid facere
occeperit:

ita venter guttúrque resident écuriales férias.
Ílicet parasíticæ arti in máxumam malám cru-
cem:

ita iuventus iám ridiculos ínopesque ab se sé-
gregat. 10

Níl morantur iám Laconas, ími subsellí viros,
plágipatidas, quibus sunt verba sine pena et
pecúnia;

eós requirunt, quí, lubenter quem éderint, red-
dánt domi.

Ípsi obsonant, quæ parasitorum ánte erat pro-
víncia;

ípsi de foró tam aperto cápite ad leonés eunt, 15
in tribu quam aperto capite sántis condemnánt
reos;

néque ridiculos iám terunci faciunt; sese omnes
amant.

Nam út dudum hinc abívi, accessi ad ádulescen-
tes in foro;

sálvete, inquam: quo íurus una ad prándium? —
Atque illí tacent. —

Quís ait „Huc,“ aut quís profitetur? inquam. — 20
Quasi mutí silent,

néque me rident. Úbi coenamus? inquam. At-
que illi ábnuunt.

Díco unum ridículum dictum dé dictis melióribus,
quibus solebam ménstruales épulas ante adi-
píscier.

Némo ridet. Scívi extemplo, rém de compactó
geri.

25 Né canem quidem irritatam vóluit quisquam imi-
tárier,

sáltem, si non árriderent, déntis ut restríngerent.
Ábeo ab illis, póstquam video mé sic ludificá-
rier;

pérgo ad alios; vénio ad alios, déinde ad alios:
úna res;

ómnes compactó rem agunt, quasi in Velabro
oleárii.

30 Núnc redeo inde, quóniam me ibi vídeo ludifi-
cárier.

Ítem alii parasíti frustra obámbulabant in foro.
Núnc barbarica lége certum est iús meum omne
pérsequi:

quí concilium iniére, quo nos víctu et vita pró-
hibeant,

hís diem dicám; írrogabo múltam, ut mihi coe-
nás decem

35 meo árbitratu dént, quom cara annóna sit. Sic
égero.

Núnc ibo ad portum hínc: est illic mi úna spes
coenática;

si éa decollabít, redibo huc ád senem ad coenam
ásperam.

ACTUS III. SCENA II.

HEGIO.

Quid est suávius, quam béne rem gerere público
 bonó, sicut ego féci heri,
 quom emi hósce homines? Ubi quísqúe vident,
 eúnt obviám, gratulánturque eám rem.
 Ita núnc me miserúm restitándó, retinéndó 5
 lassúm reddidérunt:
 vix éx gratulándó misér iam eminébam.
 Tandem ábii ad praetórem; ibí vix requiévi;
 rogó syngraphúm;
 datúr mihi; illicó 10
 dedí Tyndaró:
 ille abiit démum. Inde illico praevoúrtor
 domúm. Postquam id áctum est,
 eo prótinus ad fratrem, álii mei ubi sunt Álii
 captívi;
 rogó, Philocratem ex Álide ecquis hóminum no-
 verít. Iam hic 15
 exclámat, eum sibi ésse sodalem; díco eum esse
 apúd me;
 hic éxtemplo orat óbsecratque, eum síbi videre ut
 líceat.
 Iussi illico hunc exsólvi. Nunc tu séquere me,
 ut, quód me oravisti, ímpetres, eum hóminem uti
 convénias.



ACTUS III. SCENA III.

TYNDARUS.

Nunc illud est, quom mé fuisse, quam ésse, nimio
mávelim;

nunc spés, opes auxiliæque a me ségregant sper-
núntque se.

Hic ille ést dies, quom nùlla vitæ méæ salus
sperábilis,

neque exítium exitio est, néque adeo spes, quæ
mi hunc aspellát metum:

5 nec súbdolis mendáciis mihi úsquam integumen-
tum ést meis,

nec sýcophantiis nec fucis úllum mantellum ób-
viam est,

neque déprecatió perfidiis méis, nec malefactis
fuga est,

nec cófidentiae úsquam hospitium est, néc de-
verticulúm dolis.

Opérta quæ fuére, apertæ sùnt; patent præstígiæ.

10 Ómnis res palam ést, neque ullum hác de re ne-
gótium est,

quín male occidam, óppetamque péstem heri vi-
cém mei.

Pérdidit me Aristophontes híc, qui intro venit
modo:

is me novit; is sodalis Phlócrati et cognátus est;
neque iám Salus serváre, si volt, mé potest;

15 nec cópia est, nisi si áliquam corde máchinor
astútiam. —

Quám, malum? quid máchiner? quid cómmi-
niscar? Máxumas

nugás ineptiásque incepso. Haéreo.

ACTUS III. SCENA IV.

REGIO. TYNDARUS. ARISTOPHONTES.
LORARIUS.

HE. Quo illum nunc hominem próripuisse fóras
se dicam ex aédibus?

TY. Núnc enimvero ego óccidi! eúnt ad te hostes,
Týndare!

Quíd loquar? quíd fábulabor? quíd negabo, aut
quíd fatebor?

Mihi rés in incertó sita est. Quid rébus confi-
dám meis?

Utinám te di prius pérderent, quam périlisti e pa-
triá tua,

5

Aristophontes, qui éx parata re ímparatam
omném facis!

Occísa est haec res, nísi reperio atrócem mi ali-
quam astútiam.

H. Sequere. Hémt tibi hominem! adiátque alloquere.
T. Quís homo est me hominum míserior?

AR. Quíd istuc est, quód méos te dicam fúgitare
oculos, Týndare,

próque ignoto me ádspernari, quási me nunquam
nóveris?

10

Équidem tam sum sérvos, quam tu, etsi égo domi
libér fui;

tu úsque a puero sérvitutem sérvivisti in Álide.

HE. Édepol mínime míror, si te fúgitat aut ocu-
lós tuos,

aut si te odit, qui ístam appelles Týndarum pro
Philocrate.

- 15 TY. Hégio, hic homó rabiosus hábitus est in Álide:
né tu, quod istic fábuletur, aúris immittás tuas:
nám istic hastis insectatus ést domi matrem ét
patrem,
ét illic isti, quí sputatur, mórbus interdúm venit.
Proín tu ab istoc prócul recedas! HE. Últro istum
a me! AR. Ain', vérbero,
- 20 mé rabiosum, atque insectatum esse hástis meum
memorás patrem,
ét eum morbum mi ésse, ut qui me ópus sit inspu-
tárier?
- HE. Né verere: múltos istic mórbus homines má-
cerat,
quíbus insputarí saluti fúit, atque aliis prófuit.
- AR. Quid tu autem? etiam huic crédis? HE. Quid
ego crédam huic? AR. Insánum ésse me.
- 25 TY. Víden' tu hunc quam inimíco voltu intuétur?
Concedi óptimum est,
Hégio: fit, quód ego dixi: glíscit rabies: cáve tibi!
- HE. Crédidi esse insánum extemplo, ubi te áppel-
lavit Týndarum.
- TY. Quín suom ipse intérdum ignorat nómen, ne-
que scit, quí siet.
- HE. Át etiam te suóm sodalem esse aibat. TY.
Haud vidí magis!
- 30 Ét quidem Alcmaeon, átque Orestes, ét Lycurgus
póstea
úna opera mihi súnť sodales, qua íste. AR. At
etiam, fúrcifer,
mále loqui mi audés? non ego te nóvi? HE. Pol
planum íd quidem est,
nón novisse, qui ístum appelles Týndarum pro
Phílocrate.

Quém vides, eum ignóras; illum nóminas, quem
nón vides.

AR. Ímo iste eum sese áit, qui non est, ésse; et,
qui vero ést, negat. 35

TY. Tu énim repertus's, Phílocratem qui súperes
verivérbio!

AR. Pól, ego ut rem videó, tu inventus's, véra va-
nitúidine

quí convincas! Séd quaeso hercle, agedum, ád-
spice ad me! TY. Hem! AR. Díe modo:

té negas Tyndarum ésse? TY. Nego, inquam. AR.
Tún' te Philocratem ésse ais?

TY. Áio ego, inquam. AR. Túne huic credis? HE.
Plús quidem, quam tibi aut mihi: 40

nam ille quidem, quem tu hunc memoras esse,
hódie hinc abiit Álidem

ád patrem huius. AR. Quém patrem, qui sérvos
est? TY. Et tú quidem

sérvos, et libér fuisti; et égo me confidó fore,
si huius huc recónciliasso in líbertatem fílium.

AR. Quid ais, furcifér? tun' te gnatum ésse me-
moras líberum? 45

TY. Nón equidem me Líberum, sed Phílocratem
esse aió. AR. Quid est?

Út scelestus, Hégio, nunc ís te ludos híc facit!

Nám ís est servos ípse, neque praetér se unquam
ei servós fuit.

TY. Quía tute ípse egés in patria, néc tibi, qui
vivás, domi est:

ómnis inveníri símiles tibi vis. Non mirum
facis: 50

ést miserorum, ut málevolentes sánt atque invi-
deánt bonis.

AR. Hégio, vide sis, ne quid tu huic témere instas credere!

Atque, ut perspicio, profecto iam aliquid pugnae édedit:

filium tuum quod redimere se ait, id neutiquam mihi placet.

55 TY. Scio, te id nolle fieri; efficiam tamen ego id, si di adiuvant:

illam restituam huic, hic autem in Alidem me meo patri.

Propterea ad patrem hinc amisi Týndarum. AR. Quin túte is es,

neque praeter te in Alide ullus servos istoo nomine est.

TY. Périgin' servom me éxprobrare esse, id, quod vi hostili obtigit?

60 AR. Énim iam nequeo contémari! TY. Hens, audin', quod ait? quín fugis?

Iám illic hic nos insectabit lapidibus, nisi illum iubes

cómprehendi. AR. Crúciór. TY. Ardent óculi: fune opus, Hégio!

Viden' tu, illi maculári corpus tótum maculis húridis?

Átra bilis ágitat hominem! AR. At pól te, si hic sapiát senex,

65 átra pix agitet ápud carnificem, tuoque capiti illúceat.

TY. Iám delíraménta loquitur: lárúae stimulánt virum.

HE. Quid hercle, quid; si hunc cómprehendí iúserim? TY. Sapiás magis.

AR. Crúciór, lapidem nón habere mé, ut illi ma-
stígiae

cérebrum exentiam, qui me insanum verbis con-
cinnát suis!

TY. Aúdin', lapidem quaeritare? AR. Sólus te so-
lúm volo,

70

Hégio. HE. Istinc loquere, si quid vis, procul
tamen aúdiam.

TY. Námque edepol si adbites propius, ós dena-
sabít tibi

mórdicus. AR. Neque pól me insanum; Hégio,
esse créduis,

néque fuisse unquám, neque esse mórbam, quem
istic aúumat;

vérum si quid métais a me; iábe me vinciri. Volo, 75
dum ístic ítidem vínciatur. TY. Ímo enimvero,

Hégio,

ístic, qui volt, vínciatur. AR. Táce modo! ego
te, Phílocrates

fálse, faciam, ut vérus hodie réperiare Týnda-
rus!

Quíd mi abnutas? TY. Týbi ego abnuto? Quíd
agat, si absis lóngius?

HE. Quíd ais? quid, si adeam hunc insanum? TY.
Núgas! ludificábiter;

80

gárriet, quod néque pès unquam néque caput
compáreat.

Órnaménta abíunt: Aíacem, hunc quóm vides,
ipsúm vides.

HE. Níhili facio; támen adibo. TY. Núnc ego
omnino óccidi!

núnc ego ínter sacrúm saxumque stó, neo, quid
faciám, scio!

85 HÆ. Dó tibi operam, Aristophontes, sí quid est
quod mé velis.

AR. Éx me audibis véra, quae nunc fálsa opinare
Hégio.

Séd hoc primum me éxpurgare tíbi volo, me in-
sániam

néque tenere, néque mi esse ullum mórbum, nisi
quod sérvio.

Át ita me rex deórum atque hominum fáxit pa-
triae cómpotem,

90 út istic Philocratés non magis est, quam aut ego
aut tu. HÆ. Eho, díe mihi:

quís illic igitur ést? AR. Quem dudum díxi a prin-
cipió tibi.

Hóc si secus repéries, nullam caúsam díco, quám
mihi

ét parentum et líbertatis ápuđ te deliquió siet.

HÆ. Quíd tu ais? TY. Me tuom.éssé servom et té
meum herum. HÆ. Haud istúc rogo.

95 Fuístin' liber? TY. Fúi. AR. Enimvero nón fuit;
nugás agit.

TY. Quí tu scis? An tú fortasse fuísti meae matri
óbstetrix,

qui íd tam audacter dícere audes? AR. Púerum
te vidí puer.

TY. Át ego te videó maior maiórem. Hem rur-
súm tibi!

Méam rem non curés, si recte fácias. Num ego
curó tuam?

100 HÆ. Fúvitne huic patér Thesaurochrysonicochry-
sides?

AR. Nón fuit; neque ego ístuc nomen únquam au-
divi ante hunc diem;

Philocrati Theodóromedes fuit pater. ΤΥ. Percó probe!

Quín quiescis? dírectum, cor méum, i ac suspénde te!

tú subsultas; égo miser vix ádsto prae formídine.

ΗΕ. Sátin' istuc mihi éxquisitum est, fuisse hunc servom in Álide,

105

néque esse hunc Philocratém? ΑΡ. Tam satis, quam núnquam hoc inveníes secus.

Séd ubi is nunc est? ΗΕ. Úbi ego minume atque ípsus se volt máxume.

Tum igitur ego derúncinatus, deártuatus súm miser

húius scelesti téchnis, qui me, ut lúbitum est, ductavít dolis.

Séd vide, sis! ΑΡ. Quin éxploratum díco et provisum hóc tibi.

110

ΗΕ. Cértón'? ΑΡ. Quín nihil, ínquam, invenies mágis hoc certo cértius.

Philocrates iam inde úsque amicus fuit mihi a pueró puer.

ΗΕ. Séd qua facie est túos sodalis Philocrates?

ΑΡ. Dicám tibi:

máclento ore, náso acuto, córpore albo, oculís nigris,

súbrufus aliquántum, crispus, cíncinnatus. ΗΕ.

Cónvenit.

115

ΤΥ. út quidem hercle in médium ego hodie pés-sume procésserim.

Vae illis virgis míseris, quae hodie in térgo morientúr meo!

ΗΕ. Vérba mihi data ésse video. ΤΥ. Quid cessatis, cómpedes,

cúrrere ad me méaque amplecti crúra, ut vos cu-
stódiam?

120 HE. Sátin' med illi hodié scelesti cápti ceperún-
dolo?

Íllíc servom se ádsimulabat, híc sésé autem líbe-
rum;

núculeum amisí; reliquit pígnéri putámina:

íta mi stólido súrsum vorsum os súblevere offúciis

Híc quidem me nunquam írridebit. Cólaphe, Cor-
dalió, Corax,

125 íte istinc atque efférte lora! LO. Núm lignatum
míttimur?

ACTUS III. SCENA V.

HEGÍO. TYNDARUS. ARISTOPHONTES.

HE. Iníscite actutum mánicas huic mastígiae!

TY. Quid hoc ést negoti? Quid ego deliquí? HE.

Rogas,

satór sartorque scélerum et messor máxume?

TY. Non óccatorem dícere audebás prius?

5 nam sémper occant prius, quam sarriunt, rústici.

HE. At út confidentér mihi contra ádstítit!

TY. Decet innocentem sérvom atque innóxiúm
confidentem esse sáom apud herum potíssimum.

HE. Adstríngite isti, sáltis, vehementér manus!

10 TY. Tuús sum: tuas quidém vel praecidí iube.

Sed quíd negoti est, quámobrem succensés mihi?

HE. Quia mé meamque rém, quod in te uné fuit,
tuís scelestis fálsidicis falláciis

deláceravisti, deártuavistíque opes.
 Confécisti omnis rés ac rationés meas: 15
 ita mi éxemisti Phílocratem falláciis.
 Illum ésse servom crédidi, te líberum:
 ita vósmet aiebátis, itaque nómina
 inter vós permutavístis. TY. Fateor, ómnia
 facta ésse ita, ut tu dícis, et falláciis 20
 abiísse eum abs te méa opera atque astútia.
 An, óbsecro hercle te, íd nunc succensés mihi?
 HE. At cúm cruciatu máximo íd factum ést tuo.
 TY. Dum ne ób malefacta péream, parvi aéstumo.
 Si ego híc peribo, ast ille, ut dixit, nón redit: 25
 at érit mi hoc factum mórtuo memorábile,
 meum herúm captivum ex sérvitute atque hóstibus
 reducém fecisse líberum in patriam ád patrem,
 meúmque potius mé caput perículo
 praeóptavísse, quam ís periret, pónere. 30
 HE. Facíto érgo, ut Acherúnti clueas glórial
 TY. Qui pér virtutem péritat, ís non íterit.
 HE. Quando égo te exemplis éxcruciaro péssumis
 atque ób sutelas túas te mórti mísero,
 vel te ínterísse vél perísse praédicent? 35
 Dum péreas, níhil intérduo, dicant vívere.
 TY. Pol sí ístuc faxis, haúd sine poena féceris,
 sí ille húc redíbit, sícut confído ádfore.
 AR. Proh dí ímmortales, núnc ego teneo, núnc
 scio,
 quid ést hoc negoti: méus sodalis Phílocrates 40
 in líbertate ést ád patrem in patriá. Bene ést,
 nec ést quisquam mihi, aéque melius quóí velim.
 Sed hoc mihi aegre ést, me húc dedísse operám
 malam,
 qui núnc propter me méaque verba vinctus ést.

- 45 HE. Vetuín' te quidquam mi hódie falsum próloqui?
 TY. Vetuísti. HE. Cur es aúsus mentirí mihi?
 TY. Quia véra obessent illi, quoi operám dabam;
 nunc fálsa prosunt. HE. Át tibi oberunt. TY.

Óptume est.

- At hérum servavi, quém servatum gaúdeo,
 50 quoi mé custodem addíderat herus maiór meus.
 Sed málene id arbitráre factum? HE. Péssume.
 TY. At ego áio recte, qui ábs te seorsum séntio.
 Nam cógitato: sí quis hoc gnató tuo
 tuus sérvus faxit, quálem haberes grátiam?
 55 emítteresne, nécne, eum servóm manu?
 essétne apud te is sérvus acceptíssimus?
 Respónde. HE. Opinor. TY. Cúr ergo iratús
 mihi es?

HE. Quia illí fuisti, quám mihi, fidélior.

- TY. Quid? tu úna nocte póstulavisti ét die
 60 recéns captum hominem, núperum et novítium,
 te pérdocere, ut mélius consulerém tibi,
 quam illí, quicum una a púero aetatem exégeram?
 HE. Ergo áb eo petito grátiam istam! — Dúcite,
 ubi pónderosas crássas capiat cómpedes!
 65 Inde íbis porro in látomias lapidárias;
 ibi, quom álii octonos lápidés effodiúnt, nisi
 cotídiano sésquiopus conféceris,
 Sexcéntoplago nómen indetúr tibi.

- AR. Per deós atque homines égo te obtestor, Hégio,
 70 ne tu ístunc hominem pérduis! HE. Curábitur;
 nam nóctu nervo víncus custodíbitur;
 intérdius sub térra lapides éximet.

Diu ego húnccruciabo; nón uno absolvám díe.

AR. Certúmne est tibi istuc? HE. Nón moriri cér-
 tiust.

Abducite istum actutum ad Hippolytū fabrum: 75
iubete huic crassas cōmpedes impingier.

Inde extra portam ad meū libertum Cōrdalum
in lapidinas facite deductus siet;

atque hūc me ita velle dicite curarier,
ne quī deterius huic sit, quam quōi pessume est. 80

TY. Cur ego te invito me esse salvom postulem?
Periculum vitae meae stat tuo periculo.

Post mortem in morte nihil est, quod metuam,
mali;

etsi pervivo usque ad summam aetatem, tamen
breve spatium est perferendi, quae minitas mihi. 85

Vale atque salve; etsi, aliter ut dicam, meres.

Tu Aristophontes, de me ut meruisti, ita vale:
nam mihi propter te hoc obtigit. HE. Ohe, ab-
ducite!

TY. At unum hoc quaeso, si huc rebitet Phlo-
crates,

ut mi eius facias conveniendi copiam. 90

HE. Peristis, nisi hunc iam e conspectu abducitis!

TY. Vis haec quidem hercle est, et trahi et trudi
simul.

HE. Illic est abductus recta in phylacam, ut
dignus est.

Ego illis capteivis aliis documentum dabo,
ne tale quisquam facinus incipere audeat: 95

quod absque hoc esset, qui mihi hoc fecit palam,
usque obfrenatum suis me ductarent dolis.

Nunc certum est nulli post haec quidquam cre-
dere:

satis sum semel decēptus. Speravi miser,
ex servitute me exemisse filium; 100

ea spes elapsa est. Perdidici unum filium

puerum quadrimum, quem mihi servos surpuit,
 neque eum servom tuquam reperi, neque filium
 maior potitus hostium est. Quod hoc est scelus
 105 quasi in orbitatem liberos produxerim!
 Sequere hac; reducam te, ubi fuisti. Neminis
 misereri certum est, quia mei miseret neminem.
 AB. Exauspicavi ex vinculis; nunc intellego
 redauspiciandum esse in catenas denuo.

ACTUS IV. SCENA I.

ERGASILUS.

Iupiter supreme, servas me measque auges opes
 maximas opimitates opiparasque offers mihi:
 laudem, lucrum, ludum, iocum, festivitatem,
 ferias,
 pompam, penum, potationes, satietatem, gau-
 dium;
 5 nec quoquam homini supplicare me nunc est cer-
 tum mihi:
 nam vel prodesse amico possum, vel inimicum
 perdere:
 ita hic me amoenitate amoena amoenus oneravit
 dies!
 Sine sacris hereditatem sum aptus effertissi-
 mam.
 Nunc cursum ad senem capessam hunc Hegionem,
 quod boni
 10 tantum afferro, quantum ipse a diis optat, atque
 etiam amplius.

Nunc certa res est: eodem pacto, ut cômici servi
solent,
coniciam in collum pallium: primo ex me hanc
rem ut audiat;
speroque, me ob hunc nuntium aeternum adeptu-
rum cibum.

ACTUS IV. SCENA II.

REGIO. ERGASILUS.

HE. Quanto in pectore hanc rem meo magis vo-
luto,

tantò mi aegritudo auctior est in animo,
ad illunc modum sublitum os esse mi hodie;
neque id perspicere quivi.

Quod quom scibitur,
per urbem irridébor.

5

Quom extemplo ad forum advenero, omnes lo-
quéntur:

hic ille est senex ductus, quos verba data sunt!

Sed Ergasilus éstne hic, procúl quem video?

Collécto quidem ést palliò. Quidnam actúrust? 10

ER. [Move ábs te moram [ómnem] atque, Érga-
sile, age hanc rem!]

Mínor interminórque, ne quis míhi obstiterit ób-
viam,

nísi qui sat diu vixisse sése homo arbitrábitur:

nám qui obstiterit, ore sistet. HE. Híc homo pu-
gilatum incipit.

ER. Fácere certum est. Proinde ut omnes ítnera
insistánt sua,

**né quis in hac plateá negoti cónferat quidquám
sui:**

**nám meus est balísta pugnus, cúbitus catapulta
ést mihi,**

**húmerus avies; tùm genu ut quemque ícero, ad
terrám dabo;**

**déntilegos omnis mortalis fáciam, quemque of-
féndero!**

20 **H.E. Quae illaec eminátio est? nam néqueo mirarí
satis.**

**ER. Fáciam, ut eius diéi locique meíque semper
méminerit.**

**Quí mi in cursu obstiterit, faxo vítae is obstiterít
suae.**

**HE. Quid híc homo tantum incipissit fácere cum
tantís minis?**

**ER. Prius edico, né quis propter cúlpani capiatúr
suam:**

25 **cóntinete vós domi! prohibéte a vobis vím meam!**

**HE. Míra edepol sunt, ní híc in ventrem súmsit
confidéntiam.**

Vae misero illi, cúius cibo iste fáctus imperiósior!

**ER. Tùm pistores scróphipasci, quí alunt furfurí
sues,**

quárum odore praéterire némo pistrinúm potest,

30 **eórum si quoiúsquam scropham in público con-
spéxero,**

éx ipsis dominís meis pugnis éxculcabo fúrfures.

**HE. Básilicas edíctiones átque imperiosás habet:
sátur homo est; habét profecto in ventre confi-
déntiam.**

**ER. Tùm piscatorés, qui praebent pópulo piscis
foétidos,**

qui advehuntur quádrupedanti crúciánti canthé-
rio; 35

quórum odos subbásilicanos ómnis abigit in fo-
rum:

eís ego ora vérberabo sírpículis piscáriis,
út sciant, aliéno naso quam éxhibeant moléstiam.
Túm lanii autem, qui concinnant líberis orbás
oves,

qui locant caedúndos agnos, ét duplam agninám
danunt, 40

qui petroni nómen indunt vérveci sectário;
éum ego si in viá petronem pública conspéxero,
ét petronem et dómínium reddam mórtales misér-
rumos.

HE. Eúgepae! edíctíones aédilitias híc quidem
habet;

mírumque adeo est, nī hūnc fecere sibi Aetoli ago-
ránomum. 45

ER. Nón ego nunc parasítus sum, sēd régum rex
regálior:

tántus ventri cómmeatus méo adest in portú cibús.
Séd ego cesso hunc Hégíonem oneráre laetitíá
senem,

qui homine hominum adaéque nemo vívit fortu-
nátior?

HE. Quae illaec est laetítia, quam illic laétus lar-
gitúr mihi? 50

ER. Heús, ubi estis vós? [aperite!] écquis hoc
aperit óstium?

HE. Híc homo ad coenam récipit se ad me. ER.
Áperite hasce ambás foris,
priúsquam pultando ássulatim fóribus exitium
áfferó!

- Н.Е. *Perhabet hanc hominem colloqui. Ergasile!*
 Е.Е. *Ergasilum qui vocat?*
- 55 Н.Е. *Réspice ad me.* Е.Е. *Quód fortuna tibi nec faciet, nec facit, mé iubes. Séd quis est?* Н.Е. *Hégio sum.* Е.Е. *Óh mihi, quántum est hominum óptumorum óptume, in tempore ádvenis.*
- Н.Е. *Néscio quem ad pórtum nactus és, ubi coe- nes: éo fastidis.*
- Е.Е. *Cédo manum!* Н.Е. *Manúm?* Е.Е. *Manum, in- quam, cédo tuam actutúm!* Н.Е. *Tene.*
- 60 Е.Е. *Gáude!* Н.Е. *Quid ego gaúdeam?* Е.Е. *Quia ego ímpero. Age, gaudé modo!*
- Н.Е. *Pólmoeiores miántovertunt gáudia.* Е.Е. *Noli iráscier.*
- Iám ego ex corpore éxigam omnes máculas moe- rorúm tibi.*
- Gáude audacter!* Н.Е. *Gáudeo, etai níl scio, quod gaúdeam.*
- Е.Е. *Béne facis. Iubé . . .* Н.Е. *Quid iubeam?* Е.Е. *Ígnem ingentem fieri.*
- 65 Н.Е. *Ígnem ingentem?* Е.Е. *Ita díco: magnus út sit.* Н.Е. *Quid? me, vólturi, túan' causa aedis incensurum cónses?* Е.Е. *Noli iráscier.*
- Iúben', an non iubés, adstitui aúlas? patinas élui?*
- Iáridum atque epulás foveri fóculis fervéntibus? álium písces praéstinatúm abíre?* Н.Е. *Hic vigi- lans sómniat.*
- 70 Е.Е. *Álium porcinam átque aguinam et púllos gal- lináceos?*

HE. Scis bene esse, si sit, unde. ER. Pernam atque ophthalmiam, hóræum, scombrum, ét trugonem, et cétum, et mollem cáseum?

HE. Nominandi istorum tibi erit máge quam edundi cópia

híc apud me, Ergásile. ER. Mean' me eaúsa hoc censes dícere?

HE. Néc nil hodie néc multo plus tu híc edes (ne frústra sis):

75

proín' tu tui quotidiani victi ventrem ad me áfferas.

ER. Quín ita faciam, ut túte cupias fácere sumtum, etsi égo vetem.

HE. Égone? ER. Tu nae. HE. Túm tu mi igitur hérus es. ER. Imo bènevolens.

Vín' te faciam fórtunatum? HE. Málim, quam miserúm quidem.

ER. Cédo manum! HE. Hem manúm! ER. Di te omnes ádiuvant! HE. Nil sentio.

80

ER. Nón enim es in senticeto: éo non sentis. Séd iube

vása tibi pura ápparari ad rem divinám cito, atque agnum áfferri proprium, pínguem. HE. Cur? ER. Ut sácrifices.

HE. Quoi deorum? ER. Mi hércle: nam ego nunc tibi sum summus Iúpiter;

ídem ego sum Salús, Fortuna, Lúx, Laetitia, Gáudium.

85

Proín tu deum hunc sáturitate fácias tranquillúm tibi.

HE. Ésurire míhi videre. ER. Míhi esurio, nón tibi.

HE. Tuo árbitratu fácele patior. ER. Crédo consuetús puer.

- HE. Iúpiter te díque perdant! ER. Te hércle mi
aequom est grátias
- 90 ágere oh nuntiúm: tantum ego nunc pórtō a portu
tíbi boni.
- HE. Núnc tu mihi placés. Abi, stultus: séro post
tempús venis.
- ER. Ígitur olim si ádvenissem, mégis tu tum istuc
díceres.
- Núnc hanc laetitiam áccipe a me, quám fero: nam
fílium
tuom modo in portú Philopoleum vívom, salvom
et sóspitem
- 95 Vídī in publicá celoce, ibidémque illum adulescén-
tulum
álium una et tuom Stalagmum sérvom, qui aufu-
gít domo,
quí tibi subripuít quadrimum púerum filiolum
tuom.
- HE. Ábi in malam rem! lúdis me. ER. Ita me
amábit sancta Sáturitas,
Hégio, itaque suó me semper cóndeoret cognó-
mine,
- 100 út ego vidi . . . HE. Méumne gnatum? ER. túom
gnatum et geniúm meum.
- HE. Ét captivom illum Álidensem? ER. Μὰ τὸν
Ἀπόλλω! HE. Et sérvolum
méum Stalagmum, méum qui gnatum súrripuit . . .
ER. Νῆ τὰν Κόραν!
- HE. íám diu? ER. Νῆ τὰν Πραωίστην; HE. Vé-
nit? ER. Νῆ τὰν Σιγνίαν!
- HE. Cérton'? ER. Νῆ τὰν Φρουανῶνα. HE. Víde,
sis! ER. Νῆ τὰν Ἀλάτριον!

Quíd tu per barbáricas urbis iúras? ER. Quia
enim item ásperae 105
sunt, ut tuom victum autumabas esse. HE. Vae
aetati tuae!

ER. Quíppe quando mihi nil credis, quód ego dico
sédulo.

Séd Stalagmus quóius erat tunc nátionis, quom
hínc abit?

HE. Sículus. ER. At nunc Sículus non est: Bóius
est; boiám terit:

líberorum quaérundorum caúsa ei, credo, uxór
data est. 110

HE. Díc: bonan' fidé tu mi istaec vérba dixistí?
ER. Bona.

HE. Di ímmortales, íterum gnatus vídeor, si vera
autumas!

ER. Án tu dubium habébis, etiam sáncte quom
ego iurém tibi?

Póstremo, Hegió, si parva iúriiurando ést fides,
víse ad portum. HE. Fácere certum est. Tu ín-
tus cura, quód opus est. 115

Súme, posce, próme quidvis! té facio cellárium.

ER. Nam hérele, nisi mantíscinatus próbe ero,
fusti péctito.

HE. Aéternam tibi dápinato víctum, si vera autu-
mas!

ER. Únde id? HE. A me meóque gnato. ER. Spón-
den' tu istud? HE. Spóndeo.

ER. Át ego, tuom tibi ádvenisse fílium, respóndeo. 120

HE. Cúra, quam optumé potes! ER. Bene ámbula
et redámbula!



ACTUS IV. SCENA III.

ERGASILUS.

Illic hinc abiit; mihi rem summam credidit cibariam.

Di immortales, iam ut ego collos praetruncabo tégoribus!

quanta pernis péstis veniet! quanta labes lárido!
 quanta sumini ábsumedo! quanta callo cálamitas!
 5 quanta laniis lássitudo! quanta porcináriis!

Nam ália si memorém, quae ad ventris víctum conducunt, mora est.

Núnc ibo ad meam praefecturam: ut ius dicam lárido,

et, quae pendent indemnatae pérnae, eis auxiliúm feram.

ACTUS IV. SCENA IV.

PUER HEGIONIS.

Diéspiter te díque, Ergasile, pérdant et ventrém tuom,

parasítosque omnes, et qui posthac coénam parasítis dabit!

Cladés, calamitasque, íntemperies módo in nostram advenít domum.

Quasi lúpus esuriens métui ne illic in me faceret ímpetum;

dimisque hércle ego illum mále formidabam: ita
frendebat déntibus.

5

Advéniens deturbávit totum cúm earni carnárium;
arrípuit gladium, praétruncavit tríbus tergoribus
glándia;

culás calicesque omnis confregit, nísi quae mo-
dialés erant;

locum pércontabátur, possentne sériae fervéscere;
cellás refregit ómnis intus, récluseritque armárium.

10

Adservate istanc, súltis, servi! ego ibo, ut conve-
niám senem:

licam, ut sibi penum áliud ornet, síquidem sese
utí volet:

iam hóc, ut hic quidem adórnat, aut iam níhil
est, aut iam níhil erit.

ACTUS V. SCENA I.

REGIO. PHILOPOLEMUS. PHILOCRATES.

PH. Ioví disque agó gratiás merito mágnas,
quom té reducém tuo patrí reddidérunt,
quomque éx miseríis plurimís me exemérunt,
quae adhúc, te caréns dum hic fuí, sustentábam;
quomque hunc conspició in potéstate nóstra;

5

PHILOP. Sátis iam dolui ex ánimo, et cura méd
et lacrumis máceravi;

sátis iam audiwi téas aerumnas, ád portum mihi
quás memorasti.

Hóc agamus. PH. Quid nunc, quoniam técum
servaví fidem,

10 tibi hunc reducem in libertatem feci? HE. Fe-
cisti, ut tibi,
Philocrates, nunquam referre gratiam possis
satis,
proinde ut tu promeritus de me et filio meo
PHILOP. Imo potes,
pater, et poteris, et ego potero, et di eam pote-
statem dabunt,
ut beneficium benemerenti nostro merito muneres.
15 sicut tu huic potes, pater mi, facere merito ma-
xime.

HE. Quid opus verbis? lingua nulla est, qua ne-
gem, quidquid roges.

PH. Postulo abs te, ut mi illunc reddas servom,
quem hic reliqueram
pignus pro me, qui mihi melior, quam sibi, sem-
per fuit:

pro benefactis eius uti ei pretium possim reddere.

20 HE. Quod benefecisti, referetur gratia: id, quod
postulas,
et id et aliud, quod me orabis, impetrabis; at-
que te

nolim succensere, quod ego iratus ei feci male.

PH. Quid fecisti? HE. In lapicidinas compeditum
condidi,

ubi rescivi, mihi data esse verba. PH. Vae mi-
sero mihi!

25 propter meum caput labores homini evenisse
optumo!

HE. At ob eam rem mihi libellam pro eo argenti
né duis:

gratias ut sit liber, a me abducito. PH. Edepol,
Hegio,

fácis benigne! Séd quaeso, hominem ut iúbeas
arcessí. HE. Licet.

Úbi estis vos? Íte actutum: Týndaram huc ar-
césseite.

Vós ite intro. Intéribi ego ex hac státua verbe-
reá volo

30

érogitare, méo minore quíd sit factum filio.

Vós lavate intéribi. PHILOP. Sequere hac, Phí-
locrates, me intró. PH. Sequor.

ACTUS V. SCENA II.

HEGIO, STALAGMUS.

HE. Áge, tu illuc procéde, bone vtr, lépidum man-
cupiúm meum!

ST. Quíd me oportet fácere, ubi tu, tális vir, fal-
sum aútumas?

Fuí ego bellus, lépidus, bonus vir, núnquam, ne-
que frugí bonae;

néque ero unquam. Nae tú spem ponas, mé
bonae frugí fore.

HE. Própemodum, ubi locí fortunae túae sint, fa-
cile intéllegis;

5

[sí eris verax, rém tuam facies éx mala meliú,
sculam.]

Récta et vera lóquere. Séd neque tú vere neque
récte adhuc

fécisti unquam. ST. Quód ego fatear, crédin'
pudeat, quom aútumes?

HE. Át ego faciam ut púdeat; nam in rubórem
te totúm dabo.

10 ST. Héia, credo ego, ímpérito plágas mīitaríū
mihi!

Tándem ista aufer. Díce, quid fers: út feras
hinc, quód petis.

HE. Sátis facundus's: séd iam fieri díctis com-
pendiúm volo.

ST. Út vis, fiat. HE. Béne morigerus fúit puer;
nunc nón decet.

Hóc agamus. Iam ánimum advorte ac mīhi, quae
dicam, edíssere.

15 SÍ eris verax, é tuis rebus féceris meliúsculas.

ST. Núgae istaec sunt: nón me censes scíre, qui
dignús siem?

HE. Át ea subterfúgere potis es paúca, si non
ómnia.

ST. Paúca effugiam, seío: nam multa evénient,
et meritó meo,
quía et fugi et tibi subripui fílium et eum vén-
didi.

20 HE. Quoi homini? ST. Theodóromedi in Álide
Πολυπλουσίῳ

séx minis. HE. Proh di ímmortales, ís quidem
huius ést pater

Phílocratis! ST. Quin mélius novi, quám te, et
vidi saépius.

HE. Sérva, Iupitér supreme, et me ét meum gna-
túm mihi!

Phílocrates, per túom te genium óbsecro, exi! té
volo!

ACTUS V. SCENA III.

PHILOCRATES. HEGIO. STALAGMUS.

PH. Hégio, adsum: si quid me vis, impera. HE.

Hic gnatum meum

tuo patri ait se vendidisse sex minis in Álide.

PH. Quam diu id factum est? ST. Hic annus incipit vicésimus.

PH. Falsa memorat. ST. Aut ego aut tu: nam tibi quadrimum

tius pater pecuniarem parvulum puero dedit. 5

PH. Quid erat ei nomen? si vera dicis, memora- dum mihi.

ST. Paegnium vocitatus; post vos indidistis Týndaro.

PH. Cui ego te non novi? ST. Quia mos est obli- visci hominibus,

neque novisse, quous nihil sit faciunda gratia.

PH. Dic mihi! isne istic fuit, quem vendidisti meo patri, 10

qui mihi pecuniaris datus est, huius filius?

HE. Vivitne is homo? ST. Argentum accepi; nihil curavi ceterum.

HE. Quid tu ais? PH. Quin istic ipsus Týndarus tuos filius,

ut quidem hic argumenta loquitur: nam is me- cum a puero puer

bene pudiceque educatus usque ad adulescén- tiam. 15

HE. Et miser sum et fortunatus, si vos vera di- citis:

éo miser sum, quía male illi féci, si gnatús meust.
Éheu, cur ego plús minusve féci, quam aequóm
fuit!

Quód male feci, crúciór modo, si inféctum fieri
pósslet.

20 Séd ecoum incedit húc, ornatus haúd ex suis vir-
tútibus!

ACTUS V. SCENA IV.

TYNDARUS. HEGIO. PHILOCRAATES.
STALAGMUS.

TY. Vídi ego multa saépe picta, quae Ácherunti
fierent

crúciaménta; vérum enimvero núlla adaeque est
Ácheruns,

átque ubi ego fui in lápicidinís. Íllíc ibi demum
ést locus,

úbí labore lássitudo est éxigunda ex córpore.

5 Nam úbí illo adveni: quási patriciis púeris aut
monédulae

aút anates aut cóturnices dántur, quicum lúsitent,
ítidem haec mihi advénienti upupa, quí me de-
lectém, data est

Séd herus eecum ante óstium, et herus álter ec-
cum ex Álide

rédiit! HE. Salve, éxoptate gnáte mi! TY. Hem,
quid? „Gnáte mi?“

10 Áttat, scio, cur té patrem adsimulés esse et me
fílium:

causa mihi, item ut parentes, lucis das tuendae
copiam.

PH. Sálve, Tyndare! TY. Ét tu, quoniam causa
hanc aerumnam éxigo!

PH. At nunc liber in divitias fáxo venies: nám tibi
páter hic est; hic sérvos, qui te huic hinc quadri-
mum súrpuit,

rendiditque pátri meo te sex minis; is té mihi 15
párvolum pecúliarem párvolo puero dedit.
Illic indicium fécit: nam hunc ex Álide huc re-
ducimus.

TY. Quid? huius filium? PH. Intus eccum frátrem
germanum tuum!

TY. Quid tu ais? addúxtin' illunc huius captivum
filium?

PH. Quin, inquam, intus hic est. TY. Fecisti 20
édepol et recte et bene!

PH. Nunc tibi pater hic est; hic fur est tuos, qui
parvum hinc te abstulit.

TY. At ego nunc hunc grándis grandem [natu] ob
fúrtum ad carnificem dabo.

PH. Méritus est. TY. Ergo édepol merito méri-
tam mercedem dabo.

Séd dic, oro: páter meus tunc és? HE. Ego sum,
gnáte mi.

TY. Nunc edepol demum in memoriam régregior,
quem cógito, 25
quási per nebulam, Hégionem pátre[m] meum vo-
cárier.

HE. Égo is sum. PH. Compédibus quaeso ut tibi
sit levior filius

atque hic gravior sérvos. HE. Certum est, prin-
cipium id praevórtier.

Eamus intro, ut accersatur fáber, ut istas cón-
 pedes
 30 tibi adimam, huic dem. st. Quói peculi ní-
 est, recte féceris.

C A T E R V A.

Spéctatores, ád pudicos móres facta haec f-
 bula est:
 néque in hac subagitátiones súnť neque ull-
 amátio,
 néc pueri suppositio neque argénti circumductio
 néque ubi amans aduléscens scortum líberet clau-
 suóm patrem.
 5 Húiusmodi paucás poëtae réperiunt comoédias,
 úbi boni melióres fiant. Núnc vos, si vobis
 placet,
 ét si placuimús neque odio fuimús, signum hoc
 míttite.
 Quí pudicitiae ésse voltis praémium, plausum
 date!



NOTAE

AD AMPHITRUONEM.

Prol. 12. *mentiis* ut. Sic V. C. Lege igitur: *mentis* contracto. — v. 35. *autem* correptim legendum, ut Mil. 3, 1. 83. Stich. 2, 1, 60. et al. — *petere* non elidendum, ut nec vs. 152. *facere*. — v. 38. *iam* leg. *iamd*, ut saepe *d* paragogicum addatur. — v. 51. *huius* monosyllabum. — v. 54. *faciam* plene legendum. — v. 65. *conquistores* et hic et v. 82. et Mere. III, 4, 30. contracta forma pronunciandum pro *conquisitores*. Similiter contrahuntur interdum *amicitia*, *pudicitia*, *modestia*, *cubiculum*, al. etai non pariter scribuntur. — v. 74. *quam* si e coni. Nam vulg. *quasi*, id quod versui non sufficit, aliquidem *magistratum* ab init. contrahitur. — *sibi* totum eliditur. — v. 81. Et non legitur in libris, addendum versus causa ex Poen. prol. 10. — v. 84. *quive* monosyllabum. — v. 90. *lorem* monosyllabum. — v. 102. *exercitum* prima brevi, ut 125. 140. I, 1, 248. I, 3, 6. II, 2, 109. V, 2, 7. — v. 114. Libri: *Dum* illa, quibus addidimus praepositionem. — v. 141. *fero* ne elidatur. — v. 151. *Adest*. — *Erit op.* e coni. Vulg. *Adest*, *ferit*. *Op.* cet. —

I, 1, 4. *inde* monosyllabum. — v. 5. *mihi* lege *mi*, et neque tamquam *ne*. — v. 9. *coegit* disyll. et *immodestia* ut quadrisyll. pronunciandum. — v. 12. *servitus* primis contractis. Cf. Trin. 5, 1, 6. Mil. 3, 1, 148. — v. 22. Lege *Satiust*. — v. 30. *bene*. Sic habet V. C. — v. 39. pronunciato *agrod*, uti et v. 54. — v. 57. *ordine* ne in fine elidatur, imo producat, uti As. 2, 4, 48. Pers. 1, 1, 43. — v. 68. Sustulimus *item*, quod habet vulg. ante *hostes*. — v. 69. *imperator* in fine producendum. — v. 73. Enunciato: *actumst*. — v. 90. *intruere*. Versus est imminutus, miurus quasi, tribrachy pro cretico posito. Item v. 92. *alacri* brevis pro longa ponitur, quasi spondaeus pro cretico. — v. 96. *illie*

monosyllabum. — v. 101. *quia* totum eliditur. — v. 109 *exsequi* ne elidatur in fine. — v. 131. *esse* monosyllabum. — v. 139. *hic est*. Sic vulg. — v. 143. *pugneo* e coni. cf. Rud 3, 4, 58. Vulg. *pugni*.

I, 2, 1. *prosper* et alibi mediam e in scansione omittit. Cf. Pers. 2, 3, 14. Pseud. 2, 1, 1. — v. 13. Sic vulg. atque *concordiam* trisyllabum.

I, 3, 25. in *abii* ne elidatur. — v. 52. V. C. *Et dies nocte acc.* Nostr. e. coni. uti in fine *sequar* pro *subsequar*.

II, 2, 2. Inclusa videntur spuria. — v. 14. *abitu* et hi et v. 20. media producta legendum. — v. 17. *vicit* ultim producta, uti saepe. — v. 36. *Nam quid* i. q. *Quidnam*. — v. 50. *rei* totum elidas. — v. 51. *meum* plene legatur. — v. 65. *revortimini* per licentiam producta prima. — v. 94 *tibi* quasi monosyllabum, ut et *sibi* saepe. — v. 109. *peden* quasi monosyllabum. — v. 112. ex Nonio accessit. — v. 121 *illic* monosyllabum. — v. 130. *Dedis* contractum quasi disyllabum: *d'disse*. — v. 158. *ea* integrum eliditur. — v. 170 nisi lege *ni*. — v. 185. Sic vulg., addito tamen *tu* post *Ubi* — v. 202. Versus inclusi desunt in codd. illati ex Nonio ab edd.

III, 1, 12. *innocenti* plene legatur.

III, 2, 36. *Vel* elidendum, quasi sit *ve*. Cf. Capt. 1, 1 22. II, 3, 10. Curc. 4, 1, 22. V. 2, 13. Most. 2, 1, 62. Stich 4, 2, 39. Poen. 4, 2, 5. Mil. 1, 1, 59. — v. 49. *pudicitiam* quasi *puditiam*, quatuor brevibus syllabis legendum, ut e Cist. 1, 1, 89. Epid. 3, 3, 24. IV, 1, 18. — v. 66. *apud* corruptum, quasi monosyllabum. —

III, 3, 18. Accessit versus ex Nonio, nec legitur in libris. —

III, 4, 5. *Ille* monosyllabum. —

IV, 3, 15. *Tertium* sive quasi *sex* aut *si* legendum et elid. —

V, 1, 9. *sibi* eliditur totum. — Atque sic et v. 14 *meo*. — et v. 39. *tibi*. — v. 73. *cubilibus* quasi contractum l. *c'bilibus*.

V, 2, 1. *tibi* totum absorbetur elisione. — v. 7. *quon* plene legatur, *exercitum* autem correpta prima.

AD ASINARIAM.

Prol. 3. *Gregi* quasi pyrrhichius aut monosyllabum legitur. — v. 10. Legito *dicam*, addito *d* paragogico. —

I, 1, 8. Restitui vulgatam, adiecto *quae* ex vett. — v. 51. vulg. *obsequelam*; nostr. ex con. Scaligeri. — v. 52. *Quippe* monosyllabum. — v. 86. Legito *isculod*. — Similiter versa 89. *Perficitor*. —

I, 8, 16. Restitui vulg. — v. 22. Sic habet versum Pal. III. — Et v. 52. et 55. *mibi* totum eliditur. — v. 65. *Aves* contractim ut monosyllabum legito; *necesse* autem dissyllabum, ut alibi *decem*, *decet*, *decere* al. — v. 88. *similinae* ab in. contrahito.

II, 2, 7. Praetuli vulg. *observavit*. — v. 92. *argento*. Sic V. C. — v. 105. *caveto* contractim tamquam dissyllabum legendum.

II, 3, 2. *puere*. Sic edd. antt. — v. 11. *videt* in fine productio. — v. 25. *cedit* ex emend. pro vulg. *incedit*. Cf. Men. 5, 7, 31. Pseud. 4, 1, 54.

II, 4, 85. Legito: *méd Athenist*.

III, 1, 13. Sic fore vulg., *quae* tamen addit *ana* ante *pars*.

III, 3, 135. *minas*, quasi *m'nas*, monosyllabum.

IV, 1, 7. *dedit* contracte l. — v. 42. l. *c'biculo*. — v. 49. *Forts* monosyllabum, ut *neque*, *inde*, al.

V, 1, 1. 2. Versus duo priores suppositos esse, et metrum prodit, et hoc quod in praecedentibus miles iam accumbentes oppresserat. Nimirum aperitur paries in scena, et conspiciuntur convivantes. Orditur autem scena ex abrupto a versu tertio. Qua re forte postea minus recte observata, quum in hac scena, satis quidem inepte, prodirent histriones in proscenium et ibi accumberent, adiecti sunt duo illi versus, a vere Plauto longe alieni. — v. 10 esse monosyllabon.

V, 2, 5. esse monosyllabon. — v. 57. Non dubium, inclusa esse spuria, vel ob scansionem vel ob sensum. Ceterum leguntur in omnibus edd. Quibus omissis, et sensus et versus optime constat.

AD AULULARIAM.

Prol. 5. *avoque* correptis primis tamquam dissyllabum enunciantum. — v. 31. *sibi* totum eliditur.

I, 1, 16. Postremum *etiam* legito: *etiamd*.

I, 8, 27. *Quis* totum eliditur.

II, 1. Versus sunt ab in. bacchiaci, dein Sotadei. Loci inclasi, utut in omnibus libris legantur, tamen spurios se et rhythmico et sensu produnt.

A D B A C C H I D E S.

Quae in edd. ab initio leguntur supposita, in nullo reperiuntur codice, et abiicienda fuerunt, sicut illata sunt medio aevo a malis poetis. Vide quae modo supra animadvertimus ad Aulul. V, 1.

I, 1. Sed et haec scena non a Plauto profecta, sed serius adiecta videtur, quo Bacchides non in fine tantum sed et ab initio fabulae in scena comparerent. Drama enim genuinum a secunda demum scena exorsum esse videtur. — v. 1. *si*, ut centies, et ut v. 12, (Cf. et III, 3, 29.) non elidendum. Dedimus autem codicum lectionem. — v. 17. *alas* additiciu videtur; quo omisso et aequè bonus sensus et melior versus apparet. — v. 31. Interloquentem feci sororem. — v. 32. Sic vulg., nisi quod: *rogitas*. — v. 64—66. Personarum nomina mutavimus.

I, 2, 13. Dedi lect. vett. et Pall. — v. 34. Vulg. et edd. *Praesentibus illis paedagogus una ut siet*. De constructione *praesente illis* v. Donat. ad Ter. Eun. IV, 3, 7. Cf. Amph. II, 2, 202. —

II, 2, 11. *nempe* monosyllabum. — v. 27. *proximae*. Cf. Mil. 2, 3, 2. — v. 52. *Philippos* quasi una syllaba hic pronuntiato.

II, 3, 21. *Luna* in fine producenda, uti haud raro nominativus primae. — v. 63. *rei* totum elidatur. — Et sic eo v. 64.

III, 2, 9. *Sed ecc. v. inc.* Sic edd., pro quibus Meursius e conj. *Sed aequum est, id ei reddere*. Verum locus inclusus omnis sine dubio suppositus.

III, 4, 22—24. Patet, hos versus non una cum vv. 14—16, eadem scena admitti posse, quamvis in omnibus libris legantur. Ergo seclusimus cum Bothio.

IV, 3, 50. Vulg. *Id acrum* omisso *me*, quod addidit Bothius. — v. 59. *ecfeceris* ex emend. Meurs. Nam vulg. *haec feceris*.

IV, 6, 12. Vulg. *iam* ante *tuus*.

IV, 7, 80. Restituimus vulg. *etiam*.

IV, 8, 13. *Sinon relictus. Elham* ex vulg. Nam saepe *ecciam, eccillum* et similia de absentibus. — v. 25. *itidem* addit vulg.: atque *illic* monosyllabum. — v. 50. *equidem* addit vulg. atque verbum sane *quadringentos*, uti V, 2, 68, in hac fabula videtur quasi trisyllabum esse pronuncian- dum. — v. 65—73. Hi versus etiam in omnibus legantur,

tamen et forma et sententia sese spurios produunt. — v. 107. *pater, ne peierem.* Sic vulg. et V. C. Cf. 119. —

IV, 9, 5. *more modesto* Pall.

V, 1, 1. *ubique* habet V. C.

V, 2, 36. *amplecti* ex emend. pro vulg. *amplexari*. — v. 52. Vulg. post *servum*? addit: *an ego experior tecum vim maiorem?* quae esse abiicienda et sensus et versus clamat. — v. 65. Vulg. add. PHL. *Ita sum.* — v. 67. Vulg. *me nihil poenitet.* At illo *me* facile caremus. *Poenitet* autem est: non satis habeo, non satis factum est mihi. *Nihil poenitet* ergo erit: satis mihi factum est, satis habeo, non plura cupio. Cf. Trin. 2, 2, 43. — Post v, 70. adduntur: *atque ut eis delicta ignoscas?* PHL. *Faciet.* — v. 91. *Ite* postremum abiiciendum videtur.

AD CAPTIVOS.

I, 1, 22. *Vel ira.* *Vel* elidendum aut ut *oe* legendum saepe venire in Plauto, supra iam animadvertimus. Cf. ad Amph. 3, 2, 36. — v. 26. *illic* monosyllabum. — v. 37. *Ille* item. — v. 39. *Condigne* ne elidatur in fine. — v. 41. *Unde* monosyllabum.

I, 2, 76. Praetuli vulg. *Nam.* Al. *Non.*

II, 1, 8. *Oculis* etc. h. e. adiicitis miseriae vestrae multam, quam infertis oculis vestris. Dativus *oculis* loco genitivi est, ut saepe pro genitivo dativus ponitur. Cf. Bacch. 4, 1, 24. et infra 2, 3, 7. al.

II, 2, 38. Versus genuinus esse nequit, ideo quia III, 4, 101. Hegio Theodoromedis nomen ignorat.

III, 2, 1. Iambicum esse senarium nunc reor versus primum, ut *quid est* correptim legantur, uti persaepe.

III, 4, 87. *Sed* producitur, uti Pseud. 2, 1, 21. IV, 1, 7.

IV, 2, 11. *Omnem* deest in libris, additum ab recc., sine quo versus non sit integer. Qui versus integer sane spurius videtur, quia videtur verisimilius, Ergasilum statim ab trochaicis ordiri. — 12. Vulg. *Eminor.* Verum illud *E* ex Ergasili nomine ortum, quod ipsum quoque argumento est, eius orationem hinc demum ordiri.

IV, 2, 100. Addidi *ne* ad *Meum.*

V, 3, 18. Legendum: *quand aequum fuit.*



M. ACCII PLAUTI

QUAE SUPERSUNT

C O M M O E D I A E

CUM

FRAGMENTIS PRIORUM EDITORUM

ET NOVIS ANGELI MAIL.

NOVA EDITIO STEREOTYPA.

ICTIBUS VERSUUM NOTATIS

EX RECENSIONE

C. H. WEISII.

TOMUS III.

**MILES GLORIOSUS. MOSTELLARIA. PERSA.
POENULUS. PSEUDOLUS.**

L I P S I A E

SUMTIBUS ET TYPIS CAROLI TAUCHNITII

1842.

J. N. S.

MILES GLORIOSUS.



DRAMATIS PERSONAE.

PYRGOPOLINICES, miles.

ARTOTROGUS, eius parasitus.

PALAESTRIO, servus Pleusidis, Pyrgopolinici dono datus.

PERIPLECTOMENES, senex.

SCELEDRUS, servus Pyrgopolinici.

PHILOCOMASium, meretrix.

PLEUSIDES, adolescens.

LUCRIO, puer conservus Sceledri.

ACROTELEUTIUM, meretrix.

MILPHIDIPPA, eius ancilla.

PUER.

CARIO, cocus.

S U M M A R I U M.

Amabat quidam adolescens, Pleusides nomine, Atheniensis, puellam a lenone, nomine Philocomasium. Is Pleusides quum ab re publica legatus Naupactum profectus esset, interim miles Pyrgopolinices illam puellam invitam Athenis abripit, secumque Ephesum abducit. Quam rem quum servus (Palaestrio) hero suo nunciare vellet, ipse capitur, et Ephesum deducitur, et eidem militi Pyrgopolinici dono datur. Scribit tamen inde rem omnem Pleusidi; isque statim navi vectus Ephesum venit, et apud vicinum militis, Periplectomenem, habitat. Ubi quo convenire amantes possint, Palaestrio clanculum parietem perforat; qua re primum Sceledrus deluditur, custos puellae, qui, simiam sectatus, osculantes de tecto conspexerat. Deinde dolum struunt ipsi militi. Fingunt, puellam aliquam esse uxorem Periplectomenis; ea autem se fingit amare militem et velle abduci a viro. Deceptus ea re miles, Philocomasinum cum Pleuside navigare iubet. Ipse autem, tamquam moechus, Periplectomeni poenas dat.

Res geritur Ephesi.

ARGUMENTUM.

Meretrícem ingenuam déperibat mútuo
Athéniensis iúvenis. Naupactum is domo
legátus abiit; míles in eandem incidit,
depórtat Ephesum invítam. Servos A'ttici,
ut núntiaret dómino factum, návigat;
capitúr, donatur illi captus míliti.
Ad herum, út veniret Ephesum, scribit. Advolat
adoléscens atque in próxumo devórtitur
apud hóspitem patérnum. Medium párietem
perfódit servos, cómmeatus clánculum
qua fóret amantum; géminam fingit múlteris
sorórem adesse. Móx ei dominus aédium
suám clientam sóllicitandum ad mílitem
subórnat. Capitur ille: sperat núptias,
dimíttit concubínam, et moechus vápulat.

ACROSTICHUM.

Meretrícem Athenis Éphesum miles ávehit.
Id heró dum amanti sérvos nuntiáre volt,
Legáto peregre, cáptus ipse in mari,
Et illi eidem míliti donó datust.
Suum árcessit herum Athénis; atque pérforat
Geminis cómmunem clám parietem in aédibus,
Licére ut quiret cónvenire amántibus.
Obhaérentes custós hos videt de tégulis;
Ridículus autem, quási sit alia, lúditur.
Itémque impellit mílitem Palaéstrio,
Omissam faciat cóncubinam, quándo ei
Senís vicini cúpiat uxor núbere.
Ultro, ábeat, orat; dónat multa; ipse in domo
Senís prehensus poénas pro moechó luit.

ACTUS I. SCENA I.

PYRGOPOLINICES. ARTOTROGUS.

Curáte, ut splendor meó sit clypeo clárior,
quam sólis radii esse ólim, quum sudúm 'st, solent:
ut, ubi úsus veniat, cóntra consertá manu,
praestríngat oculorum áciem in acie hóstibus.
Nam ego hánc machaeram míhi consolarí volo, 5
ne lámentetur, néve animum despóndeat,
quia sé iampridem fériatam géstitem,
quae mísera gestit fárcitum facere ex hóstibus.
Sed ubi Ártotrogus? AR. Híc est; stat proptér
virum
fortem átque fortunátum, et forma régia; 10
tum béllatorem. Márs haud ausit dícere
neque aéquiparare súas virtutes ad tuas.
PY. Quemne égo servavi in cámpis Gurgustidóniis,
ubi Bómbomachides Clúinstaridysárchides
erat ímperator súmmus, Neptuní nepos? 15
AR. Memíní: nempe illum dícis cum armis aúreis,
quoius tú legiones dífflavisti spírítu,
quasi véntus folia aut pániculam tectóriam.
PY. Istúc quidem edepol níhil est. AR. Nihil
hercle hóc quidem,
praent ália dicam, — tú quae nunquam féceris. 20
— Periúriorem hoc hóminem si quis víderit,
aut glóriarum pléniorém, quam íllic est,
me síbi habeto, et ego me illí mancupió dabo.

- si unum épityrum apud illum ésurians insáne edam.
- 25 PY. Ubi tu és? AR. Eccum: edepol, vél elephanto
in Índia
quo pácto pugno praéfregisti bráchium.
PY. Quid? bráchium? AR. Illud dícere voluí, femur.
PY. At indíligenter íceram. AR. Pol sí quidem
conníxus esses, pér corium, per víscera,
30 perque ós elephanti bráchium tramítteres.
PY. Nolo ístaec hic nunc. AR. Ne hércle operae
pretiúm quidem,
mihi te énarrare: tuás qui virtutés sciam.
— Ventér creat omnis hás aerumnas: aúribus
peraúrienda súnt, ne dentes déntiant,
35 et ádsentandum est, quídquid hic mentíbitur.
PY. Quid illúd, quod dico? AR. Hem, scío iam,
quid vis dícere.
Factum hércle; memini fieri. PY. Quid id est?
AR. Quídquid est.
PY. Habés tabellas? AR. Vís rogare? Habeo,
ét stilum.
PY. Facéte advortis ánimum tuum ad animúm
meum.
40 AR. Novísse mores mé tuos meditaté decet,
curámque adhibere, ut praévelim, quod tú velis.
PY. Ecquíd meministi AR. Mémini. Cen-
tum in Cílicia
et quínquaginta, céntum Sycolatrónidae,
trigínta Sardi, séxaginta Mácedones,
45 sunt hómínes, tu quos óccidisti unó die.
PY. Quanta ístaec hominum súmma est? AR. Se-
ptem míllia.
PY. Tantum ésse oportet; récte rationém tenes.
AR. At núllos habeo scríptos; sic meminí tamen.

PY. Edepól memoria est óptuma. · AR. Offa mé
monet.

PY. Dum tálem facies, quálem adhuc, adsíduo edes: 50
commúnicabo té semper mensá mea.

AR. Quid in Cáppadocia, úbi tu quingentós simul,
ni hebés machaera fóret, uno ictu occíderes?

PY. At péditatus relíquiae erant, si víverent.

AR. Quid tíbi ego dicam, quód omnes mortalés
sciunt, 55

Pyrgópolinice te únum in terra vivere
virtúte et forma et fáctis invictíssumis?

Amánt te omnes mulíeres, neque hercle iniúria,
qui sís tam pulcer; út vel illae, quae here pállio
me réprehenderunt. PY. Quid here dixerúnt tíbi? 60

AR. Rogitábant: Hiccine Áchilles est, inquít,
tíbi? —

Imo éius frater, inquam. — Innuit áltera:

ergó mecastor púlcer est, inquít mihi,
et líberalis. Víde, caesaries quám decet!

Nae illaé sunt fortunátae, quae cum istó cubant! 65

PY. Itane asbat tandem? AR. Quae me ambae
obsecráverint,

ut te hódie quasi pompam íllac praeterdúcerem.

PY. Nimia ést miseria, púlcrum esse hominém
nimis.

AR. Moléstae sunt mihi: órant, ambiunt, óbse-
crant,

vidére ut liceat; ád sese arcessí iubent: 70

ut tuó non liceat óperam dare negótio.

PY. Vidétur tempus ésse, ut eamus ád forum,

ut, ín tabellis quós consignavi híc heri

latrónes, íbus dínumerem stipéndiúm.

Nam réx Seleucus me ópere oravit máxumo, 75

ut sibi latrones cógerem et conscriberem.

Regi hunc diem mihi óperam decretum est dare.

AR. Age, eamus ergo. PY. Séquimini, satéllites.

ACTUS II. SCENA I.

PALAESTRIO.

Mihi ad énarrandum hoc árgumentum est cómitas,
si ad aúscultandum vóstra erit benígnitas.

Qui autem aúscultare nólet, exurgát foras:
ut sít, ubi sedeat ille, qui auscultáre volt.

5 Nunc, qua ádsedistis caúsa in festívó loco,
comoédiai, quám modo acturí sumus,
et árgumentum et nómen vobis éloquar.
Alázon graece huic nómen est comoédiae;
id nós latine Glóriosum dícimur.

10 Hoc óppidum Ephesust; índé miles, méus herus,
qui hinc ád forum abiit, glóriosus, ímpudens,
stercóreus, plenus périurí atque adúlteri:
ait sése ultro omnis múlieres sectárier:
is dérídículo est, quáqua incedit, ómnibus;

15 itaque híc meretrices, lábiis dum ductánt eum,
maiórem partem vídeas valgis sáviis.

Nam ego haúd diu apud hunc sérvitutum sérvio.
Id vólo vos scire, quómodo ad hunc devénerim
in sérvitutum ab eó, quói serviví prius.

20 Date óperam: nam nunc árgumentum exórdiar.
Erat hérus Athenis míhi adulescens óptumus;
is amábat meretricem, aéque Athenis Átticis,
et illa illum contra: qui ést amor cultu óptumus.

Is públice legátus Naupactúm fuit,
 magnái rei públicai grátia. 25
 Intéribi hic miles fórte Athenas ádvenit;
 insínuat sese ad íllam amicam héri mei;
 occépit eius mátri suppalpárier
 vino, órnementis, ópiparisque obsóniis.
 Itaque íntimum ibi sè mīles apud lenám facit. 30
 Ubi prímum evenit mīliti huic occásio,
 sublínit os illi lénæ, matri múlueris,
 quam herus méus amabat: nám is illius fíliam
 coníicit in navem mīles clam matrém suam,
 eámque invitam huc múluerem in Ephesum ádvehit. 35
 Ut amícam herilem Athénis apectám scio:
 ego, quántum citius pōssum, mihi navém paro,
 inscéndo, ut eam rem Naúpactum ad herum
 nūntíem.
 Ubi sūmus provecti in áltum, fit, quod dí volunt:
 capiúnt praedones návem íllam, ubi vectús fui; 40
 prius péríi, quam ad herum véní, quo ire occéperam.
 Ille, mé qui cepit, dát me huic dono mīliti.
 hic póstquam in aedis me ád se deduxít domum,
 video íllam amicam herílem, Athenis quaé fuit.
 Ubi cónta adspexit me, óculis mihi signúm dedit, 45
 ne se áppellarem; deínde, postquam occásio est,
 conquéritur mecum múluer fortunás suas;
 ait, sése Athenas fúgere cupere ex hác domu;
 sese íllum amare méum herum, Athenis qui fuit,
 neque péius quemquam odísse, quam istunc mī-
 litem. 50
 Ego quóniam inspexi múlueris senténtiam,
 cepí tabellas, cónsignavi clánculum,
 dedi mércatori cuídám, qui ad illum déferat
 meum herúm, qui Athenis fúerat, qui hanc amáverat:

- 55 ut is hūc veniret. Ís non spreuit nūntium :
nam et vénit, et is in próxumo hic devórtitur
apud súum paternum hóspitem, lepidúm senem.
Itaque ílle amanti suo hóspiti morém gerit,
nosque ópera consilióque adhortatúr, iuvat;
60 itaque égo paravi hic íntus magnas máchinas,
qui amántis una inté se facerem cónvenas :
nam unúm conclave, cóncubinae quód dedit
milés, quo nemo nísi eapse inferret pedem,
in éo conclavi égo perfodi párietem,
65 qua cómmeatus clam éssét hinc huc múlieri.
Et sene sciente hoc féci: is consiliúm dedit.
Nam méus conservos ést homo haud magní preti,
quem cóncubinae míles custodem áddidit;
ei nós facetis fábricis et doctís dolis
70 glaucómam ob oculos óbiiciemus; eúmque ita
faciémus, ut, quod víderit, non víderit;
et móx, ne erretis, haéc duarum hodié vicem,
et híc et illic, múlíer feret imáginem,
atque éadem erit, verum ália esse adsimulábitur.
75 Ita súblinitum est ós custodi múlíeris.
Sed fóris concrepuit hínc a vicinó sene.
Ipse éxit: hic ille est lépidus, quem dixí, senex.

ACTUS II. SCENA II.

PERIPLECTOMENES. PALAESTRIO.

PE. Nisi hércle defregéritis talos, pósthac quem-
que in tégulis
víderitis aliénum: ego vostra faciám latera lórea.

Mihí quidem iam arbitrí vicini súnť, meae quid
fiát domi:

íta per impluvium íntro spectant. Núnc adeo
edico ómnibus:

quémque a milite hóc videritis hóminem in nostris
tégulis

5

éxtra unum Palaéstrionem, hunc déturbatote ín
viam.

Quód ille gallinam aut columbam sé sectari aut
símiam

dícat: disperístis, ni usque ad mórtem male mul-
cássitis.

Átque adeo, ut ne légi fraudem fécerint taláriae,
áccuratote, út sine talis dómi agitent convívium. 10

PA. Nécio quid malefáctum a nostra huic fámilia
est, quantum aúdio:

íta hic senex talós elidi iússit conservís meis.

Séd me excepít; níhili facio, quíd illis faciat céteris.

Ággrediar hominem. Éstne advorsum? Est,
quási [collaturús pedem.]

Quíd agis, Periplectómene? PE. Haud multos
hómines, si optandúm foret,

15

núnc videre et cónvenire, quám te, mavellém.

PA. Quid est?

quíd tumultuás cum nostra fámilia? PE. Occisí
sumus!

PA. Quíd negoti est? PE. Rés palam est. PA. Quae
rés palam est? PE. De tégulis

módo nescio quis ínspectavit vóstrum familiárium
pér nostrum impluvium íntus apud nos Phíloco-
masium atque hóspitem

20

ósculantes. PA. Quís homo vidit? PE. Túus
conservos. PA. Quís is homo est?

PE. Nésco: ita abripuít repente sése subito.

PA. Súspicor

mé periisse. PE. Ubi abít, conclamo: Heus, quíd agis tu, inquam, in tégulis?

Ílle mihi abiens íta respondit, sé sectari símiam.

25 PA. Vaé mihi misero, quóí pereundum est própter nihili béstiam!

Séd Philosomasium híccine etiam núnc est? PE. Quum exhibam, híc erat.

PA. Si ést, sis, iube transíre huc, quantum póssit, se ut videánt domi

fámiliares, nísi quidem illa nós volt, qui servi sumus,

própter amorem suum ómnis crucibus cóntubernalés dari.

30 PE. Díxi ego istuc, nísi quid aliud vís. PA. Volo. Hoc dícito,

prófecto ut ne quóquam ingenio dégređiatur múliebri;

earum ártem et disciplínam obtineat ét colorem.

PE. Quem ád modum?

PA. Út eum, qui hic se vídit, verbis víncat ne se víderit;

síquidem centiés hic visa sít, tamen inficiás eat.

35 Ós habet, linguám, perfidíam, málitiam átque audáciam,

cónfidentiám, confirmitátem, frauduléntiam:

qui árguat se, eum cónta víncat iúreiurandó suo.

Dómi habet animum fálsiloquom, falsíficum, falsiúrimum;

dómi dolos, domi délenifica fácta, domi fallácias.

40 Nám mulier olitóri nunquam súpplicat, si qua ést mala:

dómi habet hortum, et cóndimenta ad ómnes moles mélifica.

PE. Égo istaec, si erit hic, núntiabo. Séd quid est, Palaéstrio,

quód volutas túte tecum in córde? PA. Paulispér tace,

dum égo mihi consília in animum cónvoco, et dum cónsulo,

quíd agam, quem dolúm doloso cóntra conservó parem,

45

qui íllam hic vidit ósculantem, id vísum ut ne vísum siet.

PE. Quaére; ego hinc abscéssero abs te huc ínterim. — Illuc, síis, vide,

quem ád modum abstítit, severa frónte curas cógitans!

péctus digitis púltat: cor, credo, évocaturúst foras.

Ecce autótem avortit; nísus laevo in fémine habet laevám manum,

50

déxtera digitís rationem cómputat, feriéns femur déxterum: ita veheménter, quod facto ópus est, aegre súppetit.

Cóncrepuit digitís: laborat. Crébro commutát status.

Éccere autem cápite nutat! Nón placet, quod réperit.

Quídduid est, incóctum non exprómet; bene coctúm dabit.

55

Écce autem aedificát: columnam ménto subfulsít suo.

Ápage! non placét profecto mi ílla inaedicátio: nam ós columnatúm poetæ esse índauidi bárbaro, quóí bini custódes semper tótis horis áccubant.

- 60 **Eúge, euge euscheme ádstitit hercle, et dúlice et
comoédice!**
**Núnquam hodie quiéscet, priusquam id, quód pe-
tit, perfecerit.**
**Hábet opinor. Áge, si quid agis! vígila! ne so-
mnó stude,**
nísi quidem híc agitári mavis várius virgis * * *.
Tíbi ego dico! an, fériatusné sis! Heus, Palaéstrio,
65 **vígila, inquam! expergíscere, inquam! lúcet hoc,
inquam! P. A. Aúdio.**
**P. E. Viden' hostes tibi adésse tuoque térgo obsi-
dium? Cónsule!**
**árripe opem auxiliúmque ad hanc rem! Própere
hoc, non placidé, decet.**
**Ántevenito aliqua áliquos: aut tu cícumduce
exércitum!**
**Cúrre in obsidiúm perduelles; nóstris praesidiúm
para!**
70 **Ínterclade inimícis commeátum; tibi muní viam,
quá cibatus cómmeatusque ád te et legionés tuas
túto possit pέρvenire. Hanc rém age: res subi-
tária est.**
**Réperi! comminíscere! cedo cálidum consiliúm
cito:**
**quae híc sunt visa, ut vísa ne sint; fácta infecta
utí sient.**
75 **Mágnam illic homo rem íncipissis; mágna munis
moénia!**
**Tute únus si recípere hoc ad te dícis, confidéntia
est,**
nós inimicos prófligare pósse. P. A. Dico et récipio.
P. E. Ét ego impetráturum dico id, quód petis.
P. A. At te Iúpiter

béne amet! PÆ. At tu impárti, amice, mé, quod
commentús's. PÆ. Tace,
dum ín regionem astútíarum meárum teinduco, út
scias

80

lúxta mecum méa consilia. PÆ. Sálva sumes ín-
didem.

PÆ. Hérus meus elephánti corio círcumtentust,
nón suo,
néque habet plus sapiéntiae, quam lápis. PÆ. Ego-
met istúc scio.

PÆ. Nunc sic rationem íncipissam, hanc instituam
astútiam,
út Philocomasio hanc sororem géminam germa-
nam álteram

85

dícam Athenis ádvenisse cúm amatore aliquó suo,
tám similem, quam lácte lacti est; ápud te eos hic
devórtier

dícam hospitio PÆ. Euge, eúge lepide! laúdo
commentúm tuum!

PÆ. út, si illic concríminatus siet advorsum mí-
litem

méus conservus éam vidisse cum álieno osculárier, 90
eam árguam vidísse apud te cónta conservóm
meum

cúm suo amatore ámplexantem atque ósculantem.

PÆ. Imo [ut] óptume!

Ídem ego dícam, sí me exquiret míles. PÆ. Sed
simíllumas

dícito esse; et Phílocomasio id praéciplendum
est, út sciat:

né titubet, si quaéret ex ea míles. PÆ. Nimis
doctúm dolum!

95

Séd si ambas vidére in uno míles concilió volet,

quíd agimus? PA. Facile ést: trecentae póssunt
causae cólligi:

„Nón domi est; abiit ámbulatum: dórmit; orna-
túr; lavat;

„Prándet; potat; óccupata est; óperae non est;
nón potest;“

100 quántum vis prolátionum, dúm modo nunc primá
via

índucamus, verá ut esse crédat, quae mentíbimur.

PE. Plácet, ut dicis. PA. Íntro abi ergo, et, si
ístic est muliér, iube

éam cito domúm transire, atque haéc ei monstra,
et praécipe,

út teneat consília nostra, quémadmodum exorsí
sumus,

105 dé gemina soróre. PE. Docte tíbi illam perdo-
ctám dabo.

Númquid aliud? PA. Íntro ut abeas. PE. Ábeo.

PA. Et quidem ego ibó domum,

átque hominem investigando operam súmam;
hinc dissimulávero;

quí fuerit consérvos, qui hodie sít sectatus símiam.

Nam ílle non potuit, quín sermone suo áliquem
familiárium

110 párticipaverít de amica héri, vidisse sése eam
híc in proxumo ósculantem cum álieno adulescén-
tulo.

Nóvi morem ego, ét tacere nóstrorum solús scio.

Si ínvenio, qui vídit, ad eum víneas pluteósque
agam.

Rés parata est: ví pugnandoque hómínem capere
cértá res 'st.

Si ita non reperio, sbo odorans, quási canis ven-
náticus, 115
úsque donec pérsecutus vólpem ero vestígíis.
Séd fores concrepuérunt nostrae: ego vóci mo-
derabó meae:
nam illic est Philocomásio custos, méus conser-
vos; atque ít foras.

ACTUS II. SCENA III.

SCELEDRUS. PALAESTRIO.

sc. Nísi quidem ego hodie ámbulavi dórmíens
in tégulis:
cértó edepol scio, mé vidisse hic próxumae vicíniae
Phílocomasium herílem amicam síbi alienum
quaérere.
PA. Híc illam vidit ósculantem, quántum hunc
audiví loqui.
sc. Quís hic est? PA. Tuos consérvos. Quid
agis, Scéledre? sc. Te, Palaéstrio, 5
vólupé est convenísse. PA. Quid iam, aut quíd
negoti? fác sciam.
sc. Métuo. PA. Quid metuís? sc. Né hercle ho-
die, quántum hic familiárium est,
máximum in malúm cruciatumque ínsiliamus.
PA. Tú sali
sólus: nam ego istam ínsulturam et désulturam
níhil moror.
sc. Néscis tu fortásse, apud nos fácínus quod na-
túm est novom. 10

- PA. Quód id est facinus? sc. Impudicum. PA.
Túte sci solí tibi;
míhi ne dixis: scíre nolo. sc. Nón enim faciam,
quín scias.
Símiam hodie súm sectatus nóstram in horum
tégulis.
- PA. Édepol, Sceledre, homó sectatus's níhili ne-
quam béstiam.
- 15 sc. Dí te perdant! PA. Té istuc aequom: quó-
niam occepisti éloquí.
sc. Fórté fortuná per impluvium húc despexi in
próximum:
átque ego illi adspicio ósculantem Phílocoma-
sium cum áltero
néscio quo adulescénte. PA. Quód ego, Scéledre,
scelus ex te aúdio?
- sc. Prófecto vidí. PA. Tute? sc. Egomet duó-
bus his oculís meis.
- 20 PA. Ábi! non verisímile dicis, néque vidisti. sc.
Núm tibi
lúppus videor? PA. Médicum istuc tibi mélius
percontárier.
- Vérum enim tu istanc, sí te di ament, témere haud
tollas fábulam:
túis nunc cruribús capitique fraúdem hinc capi-
talém creas:
nám tibi iam, ut pereás, paratum est dúpliciter,
nisi súpprimis
- 25 túum stultiloquiúm. sc. Qui vero dúpliciter?
PA. Dicám tibi.
Prímum dum, si fálsó insimulas Phílocomasium
hoc pérrieris;

Iterum, si id verum ést, tu, custos ádditus ei,
périeris.

sc. Quid fuat me, néscio; haec me vídisse, ego
certó scio.

PA. Périgin', infelíx? sc. Quid tibi vis dícam,
nisi quod víderim?

Quín etiam nunc íntus hic in próxumo est. PA.
Eho, an nón domi est?

30

sc. Víse, abi intro túte: nam ego míhi nil credi
póstulo.

PA. Cértum est facere id. sc. Híc te opperiar;
eádem illi insidiás dabo,
quám mox horsum ad stábulum iuníx récipiat se
e pábulo.

Quíd ego nunc faciám? Custodem me filii miles
trádídít.

Núnc, si indicium fácio, interíi; sí taceo, interíi
tamen,

35

si hóc palam fuerít. Quid peius múliere aut an-
dácins?

Dúm ego in tegulis súm, illac haec sé hospitio
edít foras.

Édepol facinus fécit audax! Hóccine si milés
sciat,

crédo hercle, has sustóllat aedes tótas, atque hinc
ín crucem.

Quídquid hercle est, mússitabo pótius, quam in-
tereám male.

40

Nón ego possum, quae ípsa sese vénditat, tutárier.

PA. Scéledre, Sceledre! sc. Quís homo intermi-
nat? PA. Ést alter te audácior?

Quís magis dis inimícis natus, quam tu, atque
iratis? sc. Quid est?

- PA. Iúben' tibi oculos éffodiri, quibus id, quod
nusquam ést, vides?
- 45 sc. Quíd? nusquam? PA. Non égo nunc vitam
túam emam vitiosá nuce.
- sc. Quíd negoti est? PA. Quíd negoti sít, rogas?
sc. Cur nón rogem?
- PA. Nónne tibi istanc praétruncari línguam lar
giloquám iubes?
- sc. Quámobrem iubeam? PA. Phlócomasionem
eccám domi, quám in próxumo
vídisse aibas te ósculantem atque ámplexantem
cum áltero.
- 50 sc. Mírum est, lolio víctitare té, tam vili trí
tico.
- PA. Quíd iam? sc. Quia luscítiosus. PA. Vér
bero, edepol tú quidem
coécus, non luscítiosus: nám illam quidem eccám
domi.
- sc. Quíd? domi? PA. Domi hércle vero. sc.
Abi: lúdis me, Palaéstrio.
- PA. Túm mihi sunt manus ínquinatae. sc. Quíd
dum? PA. Quia ludó luto.
- 55 sc. Vaé capítí tuó! PA. Tuo istuc, Scéledre
promittó fore,
nísi oculos orátionemque áliam commutás tibi.
Séd fores concrepuérunt nostrae. sc. At égo illas
observó fores:
nám nihil est, qua hinc húc transire ea póssit, ní
recto óstio.
- PA. Quín domi eccam: néscio, quae te, Scéledre
scelera súscitant.
- 60 sc. Míhi ego video, míhi ego sapio, míhi ego cre
do plúrimum:

mé homo nemo déterruerit, quín ea sit in his aédibus.

Híc obsistam, ne imprudenti huc éa se surrepsít mihi.

PA. Méus illic homo est: déturbabo iam égo illum de pugnáculis. —

Vín' iam faciam, út stultividum té fatearis ... sc. Áge, face.

PA. néque te quidquam sápere corde, néque oculis utí? sc. Volo.

65

PA. Némpe tu istic ais ésse herilem cóncubinam? sc. Atque árguo

éam me vidisse ósculantem hic íntus cum alienó viro.

PA. Scín' tu, nullum cómmeatum hinc ésse, et a nobís? sc. Scio.

PA. Néque solariúm neque hortum, nísi per impluviúm? sc. Scio.

PA. Quid nunc, si ea domi ést, si faciam, ut eam éxire hinc videás demo:

70

dígnus es verbéribus multis? sc. Dígnus. PA. Serva istás foris;

né tibi clam se súbterducat ístinc, atque huc tránseat.

sc. Cónsílíum est ita fácere. PA. Pedes ego iam illam huc tibi sistam ín viam.

sc. Ágedum ergo face! — Vólo scire, utrum ego íd, quod vidi, víderim,

án illic faciat, quód facturum dícit, ut ea sít domi. Nam égo quidem meos óculos habeo, néc rogo utendós foris;

75

séd hic illi suppárasitatur sémper; hic ei próxumust;

primus ad cibum vocatur; primo pulmentum
datur.

Nam illic noster est fortasse circiter triennium,
80 neque cuiquam, quam illi, in nostra melius famu-
lo familia.

Sed ego hoc, quod ago, id me agere oportet: hoc
observare ostium.

Hac obsistam; sic quidem certo verba mihi nun-
quam dabunt.

ACTUS II. SCENA IV.

PALAESTRIO. PHILOCOMASII. SCE-
LEDROS.

PA. Praecepta facito ut memineris. PH. Toties
monere mirum est.

PA. At metuo, ut satis sis subdola. PH. Cedo vel
doctam, edocebo.

Memini malas, ut sint malae: mihi pol e quo su-
perfit.

PA. Age, iam nunc insiste in dolos! ego abs te
procul recedam. —

5 Quid adstas, Sceledre? sc. Hanc rem gero. Ha-
beo auris: loquere, quid vis.

PA. Credo ego istoc exemplo tibi esse eundum
actutum extra portam,
dispensis manibus patibulum quom habebis. sc.
Quamnam ob rem?

PA. Respicedum ad laevam! Quis illaec est mu-
lier? sc. Proh di immortales,

Heri concubina haec est quidem. PA. Mihi quo-
que pol ita videtur.

Age, nunc iam, quando lubet, — sc. Quid agam?

PA. peri, peri propere!

10

PH. Ubi istic bonus servos, qui propudii me maxime innocentem

falso insimulavit? PA. Hem tibi! hic mihi id dixit. sc. Tibi. PH. Quem dixti

tu te vidisse in proximo hic, sceleste, me osculantem?

PA. Et cum alieno adulescentulo dixit. sc. Dixi hercle vero.

PH. Tun' me vidisti? sc. Atque his quidem oculis. PH. Carebis, credo,

15

qui plus vident, quam quod vident. sc. Nunquam hercle deterrabor,

quin viderim id, quod viderim. PH. Ego stulta et mora multum,

quae cum hoc insano fabulem, quem pol ego capitis perdam.

sc. Noli minitari: scio crucem futuram mihi sepulcrum:

ibi mei maiores sunt siti, pater, avos, proavos, abavos.

20

Non possunt mihi minaciis tuis hinc oculi fodiri. Sed paucis verbis te volo, Palaestrio. — Obsecro, unde haec

exit huc? PA. Unde, nisi domo? sc. Domo? PA. Te vidente. sc. Video;

nisi mirum est facinus, quomodo haec hinc potuerit transire:

nam certo neque solarium est apud nos, neque hortus ullus,

25

nec fenestra, nisi clatrata. — Nam certo ego te hic intus vidi.

P.A. Pergín', sceleste, inténdere et hanc argúere!

PH. Ecastor érgo

mi hand fálsum evenit sómnum, quod nóctu hac
somniavi.

P.A. Quid sómniasti? PH. Ego éloquar. Sed,
amábo, advortito ánimum.

30 Hac nócte in somnis méa soror geminá germana
vísa

venísse Athenis in Ephesum cum súo amatore
quódam;

hi ambo hóspitio huc in próximum mihi dévorti
sunt vísi.

P.A. Palaéstrionis sómnum narrátur. — Perge
pórro.

PH. Ego laéta visa, quía soror venísset; propter
eándem

35 suspícionem máxumam sum vísa sustinére:

nam argúere in somnis mé familiarís meus mihi
vísust,

me cum álieno adulescéntulo, quasi núnc, esse
osculátam,

quom illa ósculata méa soror gemina éset suum-
pte amícum.

Ita me insimulatam pérperam fálsum ésse so-
mniavi.

40 P.A. Satin' éadem vigilanti éxpetunt, quae in só-
mnis visa mémoras?

Heus hércle quam praeséntia omnia! Abi íntro et
comprecáre.

Narrándum ego istuc mfliti censébo. PH. Facere
cértum;

neque mé quidem patiár probri falso ímpune in-
simulátam.

sc. Timeó, quid rerum gesserim: ita dorsus totus prurit.

PA. Scin', té periisse? sc. Nunc quidem est domi certo. Certa res est,

45

nunc nostrum observare ostium, ubiubi sit. PA.

At, Sceledre, quaeso,

ut ad id exemplum somnium quam simile somniavit, atque ut tu suspicatus 's eam vidisse te osculantem!

sc. Me eam non vidisse arbitraris? PA. Naé tu hercle, opinor,

resipisce. Si ad herum haec res pervenerit, peristi pulcre!

50

sc. Nunc demum experior, mi ob oculos caliginem obstitisse.

PA. Dudum edepol hoc planum quidem: quae hic usque fuerit intus.

sc. Nihil habeo certi, quid loquar. Non vidi eam, etsi vidi.

PA. Naé tu edepol stultitia tua nos paene perdidisti. Dum té fidelem facere hero voluisti, absumtus 's paene.

55

Sed fores vicini proximi crepuerunt; conticiscam.

ACTUS II. SCENA V.

PHILOCOMASIIUM. PALAESTRIO.
SCELEDRUS.

PH. Inde ignem in aram, ut Ephesiae Dianae lauta laudes.

gratisque agam, eique ut Arabico fumificem odore amoene,

quae me in locis Neptúniis templisque turbuléntiis
servávit, saevis flúctibus ubi sum ádflictata múl-
tum.

5 sc. Palaéstrio! o Palaéstrio! P.A. O Scéledre,
Sceledre, quíd vis?

sc. Haec múlter, quae hinc exít modo, estne herí-
lis concubína

Philocómashum, an non ést ea? P.A. Hercle opí-
nor; ea vidétur.

Sed fácinus mirum est, quómodo haec hinc nunc
pótuerit transíre,

si quídem ea est. sc. An dubiúm tibi est, eam
ésse hanc? P.A. Ea vidétur.

10 Adeámus, appellémus. sc. Heus, quid istúc est,
Philocomásium?

quid tíbi istic hisce in aédibus debétur? quid ne-
góti est?

Quid núnc taces? tecúm loquor. P.A. Imo éde-
pol tute técum:

nam haec níl respondet. sc. Te álloquor, vití
probrique pléna,

quae círcum vicinós vages. P.H. Quicúm tu fabu-
láre?

15 sc. Quicúm, nisi tecum? P.H. Quís tu homo es,
aut mécum quid negóti est?

sc. Mén' rogas, hem, quí sim? P.H. Quin ego hóc
rogem, quod nésciam?

P.A. Quís ego sum igitur, si hunc ignoras? P.H. Mí-
hi odiosus, quískuís es,

ét tu, et hic. sc. Nos nón novisti? P.H. Neútrum.
sc. Metuo máxume

P.A. Quíd metuis? sc. Ením ne nosmet pérdide-
rimus úspiam:

nám neque te neque mé novisse ait haec. PA. Per-
scrutari hoc volo, 20

Scéledre, nos nostri án alieni símus: ne clam
quíspiam

nós vicinorum imprudentis áliquis immutáverit.

sc. Certe equidem noster sum. PA. Et pol ego.
Quaéris tu, muliér, malum.

Tíbi ego dico: heus, Philocomasium! PH. Quaé
te intemperiaé tenent,

quí me perperám perplexo nómine appellés?
PA. Eho, 25

quís igitur vocáre? PH. Glyceræ nómen est.
sc. Iniúria est.

Fálsun nomen pössidere, Philocomasium, póstu-
las.

PA. Át híc testis nón dicat ei? et meo héro non
facis iniúriam?

PH. Égone PA. Tute. PH. quaé heri Athe-
nis Éphesum adveni vésperi

cúm meo amatore, ádulescente Athénienti? PA.
Díc mihi, 30

quíd híc tibi in Epheso ést negoti? PH. Géminam
germanám meam

híc sororem esse indauidi: eam véni quaesitúm.
sc. Mala es.

PH. Ímo ceastor stúlta multum, quaé vobiscum
fábuler.

Ábeo. sc. Abire nón sinam te. PH. Mítte!
sc. Manifestária

rés est: non mitto. PH. Át mihi iam crepábunt
manus, malaé tibi, 35

nísi me omittis! sc. Quíd malum, adstas? quám
retines altrínsecus?

PA. Níl moror, negótiosum mi ésse tergum.
 scio,
 an ista non sit Phflocomasium, atque ália eius
 milís siet?

PH. Míttis me, an non míttis? sc. Imo vi, átku
 invitam ingrátis,

40 nísí voluntate íbis, rapiam té domum. PH. Ho
 sticum hóc mihi
 dómicilium est, Athénis domus est ac genus. Ego
 istanc domum

néque moror, neque vós, qui homines sítis, nov
 néque scio.

sc. Lége agito: te núsquam mittam, nísí das fir
 matám fidem,

te húc, si omisero, íntro ituram. PH. Ví me co
 gis, quísqvis es.

45 Dó fidem, si omíttis, istuc me íntro ituram, qu
 iubes.

sc. Écce mitto. PH. At ego ábeq missa. sc. Mu
 liébri fecistí fide.

PA. Scéledre, manibus ámisisti praédam: tam ea
 est, quám potis,
 nóstra herilis cóncubina. Vín'tu facere hoc strénue!

sc. Quid faciam? PA. Effer míhi machaeram huc
 íntus. sc. Quid faciés ea?

50 PA. Íntrorumpam récta in aedis: quémque hic
 íntus vídero

cúm Philocomasio ósculantem, eum ego óbtrun
 cabo extémpulo!

sc. Vísane est ea ésse? PA. Imo edepol pláne ea
 est. Sed quómodo

díssimulabat! Ábi, machaeram huc éffer! sc. Iam
 faxo híc erit.

PA. Néque eques, neque pedés profecto quísqum
tanta audácia,
quí aéque faciat cónfidenter quídquam, quam,
quae múlieres

55

fáciunt! Ut utrobíque oratióem docte édedit!
út sublinitur ós custodi caúto, conservó meo!
Nímis beat, quod cómmeatus tránstinet trans pá-
rietem!

sc. Heús, Palaestrió, machaera níhil opus. **PA.**
Quid iam? aut quid est?

sc. Dómi eccam herilem cóncubinam. **PA.** Quíd?
domi? **sc.** In lectó cubat,

60

PA. Édepol nae tu tñbi malam rem réperisti, ut
praédicas.

sc. Quíd iam? **PA.** Quia hanc attingere ausus
múlierem hinc in próxumo.

sc. Mágis hercle metuó. Sed nunquam quísqum
faciet quín soror

Ísta sit germána huius. **PA.** Eam pol tu ósculan-
tem hic víderas.

Ét quidem palam ést, eam esse, ut dícis. **sc.** Quid
propiús fuit,

65

quam út perirem, sí locutus fuíssem hero! **PA.** Er-
go, sí sapis,

mússitabis. Plús oportet scíre servom, quám
loqui.

Égo abeo a te, né quid tecum cónsili commísceam;
átque apud hunc eo vicinum: tuaé mihi turbae
nón placent.

Hérus si veniet, sí me quaerit, híc ero: hinc me
arcéssito.

70



ACTUS II. SCENA VI.

SCELEDRUS. PERIPLECTOMENES.

sc. Satin' ábiit ille, neque hercle plus negótium curát, quam si non sérvitatem sérviat?

Certó quidem illaec nostra íntus est in aédibus: nam egomet cubantem eám modo offendí domi.

5 Certum ést nunc observátióni operám dare.

PE. Non hércle hico homines mé marem, sed fé-
minam,

vicíni rentur ésse servi mílitis:

ita mé ludificant. Meámne hic in via hóspitam, quae heri húc Athenis cum hóspite advenít meo,

10 tractátam et ludificátam, ingenuam et liberam?

sc. Perii hércle: hic ad me récta habet rectám
viam.

Metuo, illaec mihi res né malo magnó fuit:

quantum hunc audivi fácere verborám senem.

PE. Accédam ad hominem. Tún' Sceledre, hic,
scelerúm caput,

15 meám ludificasti hóspitam ante aedís modo?

sc. Vicíne, ausculta, quaéso. PE. Ego auscultém
tibi?

50 PA.^{us} Volo me éxpurgare. PE. Túne te expurgés
mihi,

cúm Philocóntum támque indignum féceris?

ca-inámini, arbitrámini,

sc. Vísane esq̃cere vobis, vérbero?

est.? PE. At ita me dí deaeque omnés

díssimulabat!

faxcium vírgarum de té datur

longum diutinumque a mane ad vesperum :
quod meas confregisti imbrices et tegulas,
ibi dum condignam te sectatus simiam; 25
quodque inde inspectavisti meum apud me hospitem,

amplexum amicam quom osculabatur suam;
quodque concubinam herilem insimulare ausus es
probrum, pudicam, meque summi flagiti;
tum, quod tractavisti hospitam ante aedis meas; 30
nisi mihi supplicium stimuleum de te datur:
dedecoris pleniorum herum faciam tuum,
quam magno vento plenum est undarum mare.

sc. Ita sum coactus, Periplectomene, ut nesciam,
utrum me postulare tecum aequum est prius, 35
an me expurgare hoc tibi videtur aequius,
nisi istaec non est haec, neque ista est mei heri.
Sicut etiam nunc nescio, quid viderim:
ita istaec huius similis est nostrae tua,
siquidem non eadem est. PE. Vise ad me intro:
iam scies. 40

sc. Licetne? PE. Quin te iubeo; placide noscitur.

sc. Ita facere certum est. PE. Heus, Philocomasium, cito

transcurre curriculo ad nos: ita negotium est:
post, quando exierit Sceledrus a nobis, cito
transcurre ad vos rursus curriculo domum. 45

Nunc pol ego metuo, ne quid infuscaverit;
si hic non videbit mulierem, aperitur dolus.

sc. Proh di immortales, similiorem mulierem
magisque eandem, utpote quae non sit eadem,
non reor

deos facere posse. PE. Quid nunc? sc. Comme-
rui malum. 50

PE. Quid igitur? ean' est? sc. Étsi ea est, non
ést ea.

PE. Vidístin' istam? sc. Vídi et illam, et hóspitem
compléxam atque osculántem. PE. Ean' est?
sc. Néscio.

PE. Vin' scíre plane? sc. Cúpio. PE. Abi intro
ad vós domum

55 continuo: vide, sitae istaec vostraintús. sc. Licet.
Pulcre ádmouisti. lám ego ad te exhibó foras.

PE. Nunquam édepol hominem quémquam ludifi-
cárier

magis facete vídi et magis mirís modis.

Sed éccum egreditur. sc. Périplectomene, te ób-
secro

60 per deós atque homines, pérque stultitiám meam,
perqué tua genna PE. Quid obsecras me?

sc. Inscítiae

meae ét stultitiae ignóscas. Nunc demúm scio
me fuisse excordem, coécum, incogitábilem:

nam Phílocomasium eccam íntus. PE. Quid nunc,
fúrcifer?

65 vidístin' ambas? sc. Vídi. PE. Herum exhibeás
volo.

sc. Meruísse equidem me máximum fateór ma-
lum,

et tuaé fecisse me hóspitae aio iniúriam;

sed meam ésse herilem cóncubinam cénsui,

quoi mé custodem herus áddidit Milés meus:

70 nam ex súmmo puteo símilior nunquám potis
aqua aquái sumi, quam haéc estatque ista hóspita.

Et mé despexe ad té per impluviúm tuum

fateór. PE. Quidní fateáre, ego quod víderim?

sc. Sed Phílocomasium mé vídisse cénsui.

PE. Rátúsne me sic hóminem esse minumí preti, 75
si ego mé sciente páterer, vicinó meo
eam fíeri apud me tam insignite iniúriam?

sc. Nunc démum a me insipiénter factum esse
árbitror,

quum rém cognosco; at nón malitiosé tamen
feci. PE. Ímo indigne: námque hominem servóm
suos 80

domitós habere opórtet oculos ét manus
orátionemque. sc. Égo nae si post hunc diem
muttívero, etiam quód egomet certó sciam:
dato éxcruciatum méd: ego me dedám tibi.

Nunc hóc mi ignoscas, quaéso. PE. Vincam ani-
múm meum, 85

ne málitiose fáctum id esse abs te árbitrer.

Ignóscam tibi istnc. sc. Át di tibi faciánt bene!

PE. Nae tu hércle, si te dí amant, linguam cóm-
primes

posthác; etiam illud, quód scies, nescíveris;
ne víderis, quod víderis! sc. Bene mé mones. 90

Ita fácere certum est. Séd satine oratús's? PE.

Abi. —

sc. Numquíd nunc aliud mé vis? PE. Ne me nó-
veris. —

sc. Dedit híc mihi verba! Quám benigne grátiam
fecít, ne iratus éset! Scio, quam rém gerat:
ut míles, quom extemplo á foro adveniát domum, 95

domi cómprehendat. Úna hic et Palaéstrio

me habént venalem; sénsi, et iamdudúm scio.

Nunquam hércle ex ista nássa ego hodie escám
petam:

nam iam áliquo aufugiam et me óccultabo ali-
quót dies,

100 dum hae cónsilescent turbæ atque iræ léniant.
 Nam iám nunc satis et nímio plus meruí mali. —
 Verúm tamen, de me quídquid est, ibo hínc do-
 mum. —

PE. Illic hínc abscessit. Sát edepol certó scio,
 occísam saepe sápere plus multó suem,
 105 quum mánducatur, ne íd, quod vidit, víderit.
 Nam illíus oculi atque aúres atque opínio
 transfúgere adnos. Úsque adhuc actum ést probe.
 Nimiúm festívam múlter operam præbuit.
 Redeo ín senatum rúrsus: nam Palaéstrio
 110 domí nunc apud me, Scéledrus nunc autém foras:
 frequéns senatus póterit nunc habérter.
 Ibo íntro: ne, dum ábsum, illis sortitó fuam.

A C T U S III. S C E N A I.

PALAESTRIO. PLEUSIDES. PERIPLECTOMENES.

PA. Cóhibete intra límen etiam vós parumper,
 Pleúsides:
 sínite me prius próspectare, ne úspiam insidiaé
 sient
 cóncilium quod habére volumus: nam ópus est
 nunc tutó loco,
 únde inimicus né quis nostraspólia capiat aúribus.
 5 [Nám bene consultúm consilium súrripitur sae-
 píssume,
 sí minus cum cúra aut caute lócus loquendi lé-
 ctus est.]

Nám bene consultum inconsultum est, si inimicis
sit úsui,
néque potest, quin, si id inimicis úsui est, obsít
mihi:

quíppe si rescíverint inimíci consiliúm tuum,
tuópte tibi consílio occludunt língnam, et con-
stringúnt manus, 10
átque eadem, quae illís voluisti fácere tu, faciúnt
tibi.

Séd speculabor, né quis aut hinc á laeva, aut a
déterta

nóstro consilió venator ádsit cum auritís plagis.
Stérilis hinc prospéctus usque ad últimam pla-
team ést probe:

évocabo. Heus, Péríplectomene et Pleúside, pro-
grédimini! 15

PE. Écce nos tibi obédientis. PA. Fácile est im-
perium ín bonis.

Séd volo scire, eodém consilio, quód intus medi-
tatí sumus,

sí gerimus rem. PE. Mágis ad rem esse nón po-
test utíbilis.

PA. Ímo quid tibi? PL. Quódne vobis pláceat,
displiceát mihi?

Quis homo sit magis méus quam tu es? PE. Ló-
quere lepide et cómmode. 20

PA. Pól ita decet hunc fácere. PL. At hoc me fá-
cinus miserum mácerat,

méumque cor corpúsque cruciat. PE. Quíd id
est, quod cruciát? cedo.

PL. Me tibi istuc aetátis homini fácinora pue-
rília

obícere, neque té decora, néque tuis virtútibus,

25 éaque expetere te ópibus summis méi honoris
grátia,
míhique amanti ire ópitulatum, atque éa te facere
fácínora,
quae ístaec aetas fúgere facta mágis, quam se-
ctarí solet.

Eám pudet me tibi ín senecta obiícere sollicitú-
dinem.

PE. Nóvo modo tu, homo, amás; si quidem te
quídquam, quod faxís, pudet,
30 níhil amas; umbra és amantum mágis, quam
amator, Pleúsides.

PL. Hánccine me aetatem éxercere méi amoris
grátia!

PE. Quíd ais tu? itane tíbi ego videor óppido
Acherúnticus?

tám capularis, támne tibi diu vídeor vitam ví-
vere?

Nam équidem haud sum annos nátus praeter
quínquaginta et quátuor;

35 cláre oculis videó, pernix sum mánibus, sum pe-
des móbilis.

PA. Si álbus capillis híc videtur, neútiquam ibi
ingenio ést senex;

ínest in hoc amússitata súa sibi ingenua índoles.

PL. Pól id quidem experiór ita esse, ut praédicas,
Palaéstrio:

nám benignitás quidem huius óppido ut adule-
scéntuli est.

40 PE. Ímo, hospes, magis quúm periculum fácies,
magis noscés meam

cómitatem ergá te amantem. PL. Quíd opus nota
nóscere?

PE. Út apud te exemplum éxperiundi hábeas, ne
petás foris.

Nám qui ipse haud amávit, aegre amántis inge-
nium inspícit;

át ego amoris áliquantum habeo humórisque
etiam in córpore,

néque dum exarui éx amoenis rébus et volu-
ptáriis. 45

Vél cavillatór facetus, vél conviva cómmodus
item ero, neque ego unquam óblocutor sum álteri
in convívio:

incommoditate ábstinere me ápuđ convivas cóm-
mode

cómmemini, et meae orátionis iústam partem
pérsequi,

ét meam partem itidéŕ tacere, quum áliena est
orátio. 50

Mínime sputatór, screator, sum, ítídem minime
múccidus:

póst Ephesi sum nátus; non enim in Ápulis, non
Ánimulae.

PL. Ó lepidum semísenem, si, quas mémorat, vir-
tutés habet,

átque equidem plane éducatum in nútricatu Vé-
nerio!

PE. Plús dabo, quam praedicabo, ex mé venusta-
tís tibi. 55

Néque ego ad mensam públicas res clámo neque
legés crepo,

néque ego unquam aliénum scortum súbigito in
convívio;

néque praeripio púlpamentum, néque praevorto
póculum,

néque per vinum unquam ex me exoritur díssi-
dium in convívio;

60 sí quis ibi est odiósus, abeo dómum, sermonem
ségrego;

vénere[m], amorem, amoénitatemque áccubans
exérceo.

PL. É[t] quidem edepol ómnes mores ád venusta-
tem iúgiter!

Cédo tris mi homínes aúríchálco có[n]tra cum istis
móribus!

PA. Át quidem, illuc aetátis qui sit, nón invenies
á[lt]erum

65 lépidiorem ad omnes res, nec, qui amíco amicus
sít magis.

PE. Túte me ut fateáre faciam esse ádulescentem
móribus:

íta apud omnes cómparebo tibi res benefactis fre-
quens.

Ópusne erit tibi ádvocato trísti, iracundo? écce
me.

Ópusne leni? lénio[re]m díces, quam mutum ést
mare;

70 líquidiusculúsque ero, quam vénus est favónius.

Vél hilarissumúm convívam hinc índidem expro-
mám tibi,

vél primariúm parasítum atque óbsonatorem
óptumum;

tum ád saltandum nón cinaedus málacus aequ[e]
est á[et]que ego.

PA. Quíd ad illas artís optassis, si óptio eveniát
tibi?

75 PL. Húius pro meritis út referri páriter possit
grátia,

tibi, quibus nunc me esse exsuperior summæ
solicitudini.

At tibi tanto sumtui esse, mihi molestum est. PE.

Morus es:

nam in mala uxore atque inimico si quid sumas,
sumtus est;

in bono hospite atque amico quaestus est, quod
sumitur;

et quod in divinis rebus sumas, sapientis lucro est. 80

Deum virtute transeuntem accipere apud me, est
comes.

Es, bibe, animo obsequere mecum, atque onera
te hilaritudine!

Liberae sunt aedes, liber sum autem ego: uti vo-
lo libere.

Nam mihi, deum virtute dicam, propter divitias
datas

licuit uxorem dotatam genere summo ducere; 85

sed nolo mihi oblatricem in aedis intrmittere.

PL. Cur non vis? nam procreare liberos, lepidum
est opus.

PE. Hercle vero: verum liberum esse, id multo
est lepidius.

PA. Tu homo et alteri sapienter potius es consule-
re, et tibi.

PE. Nam bona uxor (si ea quidem deducta est
usquam gentium:)

ubi ea possit inveniri? Verum egon' eam ducam
domum,

quae mihi nunquam hoc dicat: Eme, mi vir, la-
nam, unde tibi pallium

malacum et calidum conficiatur, tunicaeque hi-
bernae bonae,

- ne álgeas hac híeme; hoc nunquam vérbum ex
uxore aúdias;
- 95 vérum, priusquam gállici cantent, quae me somno
súscitet;
- dícat: Da, mi vír, Calendis méam quod matrem
iúverit;
- dá, qui farcit; dá, qui condit; dá, quod dem
Quinquátribus
praécantrici, cóniectrici, háriolae atque harú-
spicae:
- flágitium est, si níhil mittetur, quó supercilió
spicit.
- 100 Tím piatricém clementer nón potest quin mú-
nerem.
- Iámpridem, quia níhil abstulerit, súccenset cerária.
Tum óbstetrix expóstulavit mecum, sibi missúm
parum.
- Quíd? nutrici nón missurus quídquam, quae ver-
nás alit?
- Haéc atque huius simília alia dámna multa mú-
lierum
- 105 me úxore prohibént, mihi quae huius símilis
sermonés serat.
- PA. Dí tibi propitií sunt hercle: nám si semel
amíseris
líbertatem, haud fácilé te in eum rúrsum restitués
locum.
- PL. Át illa laus est, mágno in genere et ín divitiis
máxumis
- líberos hominem éducare, géneri monumentum,
ét sibi.
- 110 PE. Quándo habeo multós cognatos, quíd opus
sit mihi líberis?

Núnc bene vivo et fórtunate, atque út volo, atque
animo út lubet;

meá bona morte meá cognatis dícam, inter eos
pártiam.

Ílli apud me edúnt; me curant; vísunt, quid
agam, ecquíd velim.

Priusquam lucet, ádsunt; rogitant, nóctu ut
somnum céperim.

Eós pro liberís habebo. Quím mihi mittunt múnera. 115
Sácrificant? dant inde partem míhi maiorem,
quám sibi;

áducunt ad éxta; me ad se, ad prándium, ad
coenám vocant.

Ílle miserrumúm se retur, mínimum qui misít mihi.
Ílli inter se cértant donis; égo haec mecum mús-
sito:

bóna mea inhiánt, certatim míttunt dona et múnera. 120

PA. Nímis bona ratióne, nimiumque ád te et tua
multúm vides:

ét tibi sunt gemini ét trigemini, sí te bene habes,
fílii.

PE. Pól, si habuissem, sátis cepissem míseriarum
líberis.

Cóntinuo excrucíarer animi. Sín forte fuissét
febris,

cénserem emorí; cecidissetne ébrius aut de equo
úsquam,

125

métuerem, ne ibi défregisset crúra aut cervicés sibi.
[Túm ne uxor mihi insignitos púeros pariat póstea,
aút varum, aut valgum, aút compernem, aut paé-
tum, aut broncum fílium.]

PA. Huíc homini dignum ést divítias ésse et diu
vitám dari,

qui ét rem servat, ét qui bene habet, suisque amicis ét volup.

PL. Ó lepidum caput! Ita me di deaque ament, aequóm fuit,

130 deós paravisse, úno exemplo ne ómnes vitam víverent.

Sicut merci prétium statui, pró virtute ut véneat, quae improba est, pro mércis vitio dóminum pretio paúperet:

ítidem divos díspertisse vítam humanam aequóm fuit;

quí lepide ingeniátus esset, vítam longinquám darent:

135 qui improbi essent ét scelesti, iis ádimerent animám cito.

Si hóc paravissént, et homines éssent minus multi mali,

ét minus audactér scelesta fácerent facta; et póstea,

quí probi homines éssent, esset hís annona vílior.

PE. Quí deúm consília culpet, stúltus inscitúsque sit,

140 quísque eos vituperét. Nunc iam istis rébus desistí decet:

núnc volo obsonáre, ut, hospes, túa te ex virtute ét mea

méae domi accipiám benigne, lépide et lepidis víctibus.

PL. Níl me poenitét, iam quanto súmtui fuerím tibi.

Nam hóspes nullus tám in amici hospítium devortí potest,

145 quín ubi triduum íbi continuom fúerit, iam odiosús siet;

verum ubi dies decem continuos illius iterasti domum:

támetsi dominus nón invitus pátitur, servi mûr-
murant.

PE. Sérvientis sérvitutem ego sérvos introduxí mihi,
hóspes, non qui mi ímperarent, quíbus ego essem
obnóxius.

Sí illis aegre est, míhi quod volupe est: méo re-
migio rém gero; 150

támen id, quod odio ést, faciundum est cúm malo
atque ingrátis.

Núnc, quod occepi, óbsonatum pérgam. PL. Si
certum ést tibi:

cómmodum obsoná, ne magno súmtu: mihi quid-
vis sat est.

PE. Quín tu istanc orátionem hinc vétorem atque
antiquam ámoves?

Nám proletarió sermone núnc quidem, hospes,
útere: 155

nam sí solent, quando áccubuere, ubi coéna appo-
sita est, dícere:

„Quíd opus fuit hoc, hóspes, sumtu tánte nostra
grátia?

„Ínsanivisti hércle: nam idem hoc hóminibus sat
erát decem.“

Quód eorum causa óbsonatum est, cúlpanť, et co-
medúnt tamen.

PL. Fít pol illud ad illud exemplum. PA. Ut dócte
et perspecté sapit! 160

PE. Séd iidem homines núncquam dicunt, quám-
quam appositum est ámpliter:

„Iúbe illud demi! tólle hanc patínam! rémove
pernam: níhil moror.

„Aúfer illam offám penitam! próbus hic conger frígidus:

„rémove! abi, aufer!“ Néminem eorum haec ádseverare aúdias;

165 séd percellunt se, ét procumbunt dímidíati, dum áppetunt.

P.A. Bónus bene ut malós descripsit móres! P.E.

Haud centésimam

pártem dixi, atque ótium nunc sí sit, possim expromere.

P.A. Ígitur id, quod ágitur hic, ei prímum prae-vortí decet:

núnc huc animum advórtite ambo. Míhi opus est operá tua,

170 Péríplectomene: nám ego inveni lépidam syco-phántiam,

qui ádmutiletur míles usque caésariatus, átque uti huíc amanti ac Phílocomasio hanc éfficiamus cópiam,

út hic eam abducát, abeatque. P.E. Dári istanc rationém volo.

P.A. Át ego mi anulúm dari istum tuúm volo.

P.E. Quam ad rem úsui est?

175 P.A. Quándo habebo, igitúr rationem meárum fabricarúm dabo.

P.E. Útere; accipe. P.A. Áccipe a me rúrsum rationém doli,

quam ínstitui. P.L. Ambo pérpurgatis tibi operam damus aúribus.

P.A. Hérus meus ita mágnus moechus múlíerum est, ut néminem

fuisse adaeque néque futurum crédam; P.E. Credo ego istúc ítem.

PA. itaque Alexandri praestare praedicat formam
suam; 180

itaque omnis se ultró sectari in Épheso memorat
mulieres

PE. Édepol quid te de istoc multa? Scio te non
mentirier;

séd ego, ita esse, ut dicis, teneo pulcre: proin,
Palaestrio,

quam potes, tam verba confer maxime ad com-
pendium.

PA. Écquam tu potés reperire forma lepida mu-
liorem, 185

quoí fallaciárum cor corpúsque sit plenum ét doli?

PE. Ingenuamne, an libertinam? PA. Aequi istuc
facio, dummodo

eam des, quae sit quaestuosa, quae alat corpus
corpore,

quoique sapiat pectus: nam cor non potest; quod
nulla habet.

PE. Lautam vis, an, quae nondum sit lauta? PA.
Siccam, succidam, 190

quam lepidissumam potes, quamque adulescentem
maxime.

PE. Hábeo eccillam meam clientam, méretricem
adulescentulam.

Séd quid ea usus ést? PA. Ut ad te eam iam de-
ducás domum,

utique eam huc ornátam adducas in matronarum
modum:

cápite comto; crínes vittasque hábeat, adsimulet-
que, se. 195

túam esse uxorem. Ita praecipendum est. PE.
Erro, quam insistás viam.

PA. Át scietis. Séd ecqua ancilla est illi? PE. Est primé cata.

PA. Eá quoque opus est: ita praecipito múlieri atque ancíllulae, út simulet, se túam esse uxorem, et déperire hunc mílitem;

200 quásique hunc anulúm faveae suae déderit, ea porró mihi:

mílití ut darém; quasique ego rei sim interpres.

PE. Aúdio:

né me surdum vérbera. PA. Tu si aúdis, ego rectá dabo

mílití; a tuá mi uxore dícam delatum ét datum, út sese ad eum cónciliarem. Ille éiusmodi est: cupiét miser.

205 Quín, nisi adulterió, studiosus rei nullae aliae est, improbus.

PE. Nón potuit reperíre, si ipsi Sóli quaerundás dares,

lépidiores dúas ad hanc rem, quam égo dabo. Habe animúm bonum.

PA. Érgo accurato, ét properato. — Núnc tu ausculta, Pleúsides.

PL. Tíbi sum obediéns. PA. Hoc facito. Míles domum ubi advénerit,

210 mémineris, ne Phílocomasium nómines. PL. Quam nóminem?

PA. Glycéram. PL. Nempe eandém, quae dudum cóstitutata est. PA. Páx! abi.

PL. Méminero. Sed quíd meminisse id réfert hanc ad rem tamen?

PA. Égo enim dicam túm, quando usus póscet: intereá tace.

Út nunc etiam hic ágit, actutum pártis defendás
tuas.

PL. Égo eo intro igitur. PA. I ét, praecepta só-
brie ut curés, face.

215

ACTUS III. SCENA II.

PALAESTRIO. LUCRIO.

PA. Quantás res turbo! quántas moveo máquinas!
Erípiam ego hodie cóncubinam mīliti,
si cénturiati béne sunt manipuláres mei.

Sed illúm vocabo. Heus, Scéledre, nisi negótium,
progrédere ante aedis: té vocat Palaéstrio.

5

LU. Non óperae est Sceledro. PA. Quíd iam?

LU. Sorbet dórmiens.

PA. Quid? sórbet? LU. Illud, stértit, volui dícere;
sed quía consimile est, quód stertas, quasísórbeas.

PA. Eho, an dórmit Sceledrus íntus? LU. Non
nasó quidem:

nam eo mágnus clamat. Tétigit calicem clánculum: 10
demísit nardini ámphoram cellárius.

PA. Eho, tú sceleste, qui ílli suppromús's, eho!

LU. Quid vís? PA. Qui lubitum est ílli condormí-
scere?

LU. Oculís, opinor. PA. Nón te istucrogitó, scelus.
Procéde huc: periistí iam, nisi verúm scio.

15

Promsísti tu illi vínus? LU. Non promsí. PA. Ne-
gas?

LU. Nego hércle vero: nam ílle me vetuit dícere.
Neque équidem heminas ócto expromsi in úrcem,

neque ille hic calidum exhibit in prándium.

- 20 P.A. Neque tú bibisti? LU. Dí me perdant, sí bibi,
si bíbere potui. P.A. Quí iam? LU. Quia enim
obsórbui:

nam nímis calebat, ámburebat gútturem.

P.A. Alii ébrii sunt, álii poscam pótitant!

Bonó suppromo et prómo cellam crédito!

- 25 LU. Tu hercle ídem faceres, sí tibi esset crédito.

Quoniam aémulari nón licet, nunc ínvides.

P.A. Eho an únquam promsit ántehac? respondé,
scelus!

Atque, út tu scire póssis, edicó tibi:

si fálsa dixis, Lúcrio excruciábere?

- 30 LU. Ita véro? ut tu ipse mé dixisse délices,

postea sagina ego éiciar cellária;

ut tibi, si promtes, álium suppromúm pares.

P.A. Non édepol faciam: age, éloquere audactér mihi.

LU. Nunquam édepol vidi prómere; verum hóc erat:

- 35 mihi ímperabat; égo promebam póstea.

P.A. Hui, íllic crebro cápíte sistebánt cadi!

LU. Non hércle tam istic válide casabánt cadi,

sed in célula erat paullúm nimis loculi lúbrici:

ibi erat bilibris aquális, hic proptér cados;

- 40 ea saepe decies cóplebatur dé die.

Eam plénam atque inánem fieri máxumam

vidi; úbi hama bacchabátur, casabánt cadi.

P.A. Abi, abi íntro iam. Vos ín cella vinária

bacchánal facitis: iam hércle ego herum addu-
cam á foro. —

- 45 LU. Perii, éxcruciabit mé herus, domum si vénerit,

quom haec fácta scíbit, quía sibi non díxerim.

Fugiam hércle aliquo, atque hoc ín diem extollám
malum.

Ne díxeritis, óbsecro, huic, vostrám fidem.

PA. Quo té agis? LU. Missus sum álio. Iam
huc revénero.

PA. Quis mísit? LU. Philocomásium. PA. Abi.
Actutúm redi.

50

LU. Quaesó tamen, tu méam partem infortúnii,
si dívidetur, me ábsente accipitó tamen.

PA. Modo íntellexi, quám rem mulier gésset.

Quia Scéledrus dormit, hunc subcustodém suum
foris áblegavit, dum áb se huc transirét. Placet. 55
Sed Péríplectomenes, quam eí mandavi, múlierem
nimis lépida forma dúcit. Di hercle hanc rem
ádiuvant.

Quam dígne ornata incédit, haud meretrície!

Lépide hóc succedit súb manus negótium.

A C T U S III. S C E N A III.

PERIPLECTOMENES. ACROTELEUTIUM.

MILPHIDIPPA. PALAESTRIO.

PE. Rem omnem, Ácroteleutiúm, tibi tibi que úna,
Milphidíppa,

domí demonstravi órđine. Hanc fabricám falla-
ciásque

minus sí tenetis, dénuo volo pérđipiatis pláne.

Satis si íntelligitis, áliud est, quod pótius fabulé-
mur.

AC. Stultítia atque insipiéntia magna, haúd fal-
lacia, haéc sit,

5

ne ire ín opus alienum, aut tibi meam óperam
pollicitári,

si in ea ópificina nésciam aut mala ésse aut fraudulénta.

PE. At mélius est monérier. AC. Meretrícem commonéri,
quam sáne magni réferat, mihi clám est. Quin ego me frústro.

10 Postquam ádbibere aurés meae tuae móram oratiónis,
tibi díxi, miles quémadmodum potis éssét deasciári.

PE. At némo solus sátis sapit: nam ego múlto saepe vídi
regiónem fugere cónsilií prius, quám repertam habére.

AC. Si quíd faciundum est múlteri male átque malitióse,
15 ea sibi ímmortalis mémoria est meminísse et sempitérna;

sin béne quid aut fidéliter faciúndum est: eo devéniunt,
oblíviosae extémplo uti fiánt; meminisse néqueunt.

PE. Ergo ístuc metuo, quód venit vobís faciundum utrúmque:

nam id próderit míhi, míliti male quód facietis ámbae.

20 AC. Dum néscientes, quíd bonum, faciámus: ne formída.

Mala núllo meretrix'st, (né pave), peióres ubi convéniunt.

PE. Ita vós decet. Conséquimini. PA. Cesso égo illis obviam íre.

Veníre salvom gaúdeo. Lepido hércle ornatu incédit.

PE. Bene ópportuneque óbviám is, Palaéstrio.
Hem tibi, ádsunt,
quas mé iussisti addúcere, et quo ornátu. PA.
Eu, noster ésto! 25

Palaéstrio Acroteleútium salútat. AC. Quis híc,
amábo, est,
qui tám pro nota nóminat me? PE. Hic nóster
architéctust.

AC. Salve, árchitecte. PA. Sálva sis. Sed díe
mihi, ecquid híc te

onerávit praeceptís? PE. Probe meditátam utram-
que dúco.

PA. Audíre cupio, quémadmodum: ne quíd pec-
cetis, páveo. 30

PE. Ad túa praecepta: dé meo nihil hís novom
apposívi.

AC. Nempe lúdificari mílitem tuum herúm vis.
PA. Elocúta es.

AC. Lepide ét sapienter, cómmode et facéte res
paráta est.

PA. Atque huius uxorem ésse te volo ádsimula-
re AC. Fíet.

PA. quasi míliti animum adléceris, simuláre
AC. Sic futúrum est. 35

PA. quasique haéc res per me intérpretem et tuam
áncillam gerátur

AC. Bonus vátes poteras ésse: nam, quae súnť
futura, dícis.

PA. quasique ánulum hunc ancíllula tua abs té
detulerit ád me,
quasique éum ego milití darem tuis vérbis. AC.
Vera dícis.

- 40 **PE.** Quid istis nunc memoratis opust, quae cõm-
meminere? **AC.** Méliust:
nam, mí patrone, hoc cógitato: ubi próbus est
architéctus,
bene líneatam sí semel carinam collocávit,
facile ésse navem fácere, ubi fundáta et consti-
túta est.
Nunc haéc carina sátis probe fundáta et bene sta-
túta est;
- 45 adsúnt fabri architéctonesque ad eám rem haud
imperíti;
si nón nos materiárius remorátur, quod opus,
quí det:
novi índolem nostri íngeni; cito erít parata návis.
PA. Nempe tú novisti mílitem, meum herúm?
AC. Rogare mírum est.
Populi ódium quidni nóverim, magnídicum, cin-
cinnátum,
- 50 moechum únguentatum? **PA.** Num ille te nam
nóvit? **AC.** Nunquam vídit:
quí nóverit me, quís ego sim? **PA.** Nimis lépide
fabulare.
Eo pótuerit lepídus pol fierí. **AC.** Potin' est, ut
hóminem
mihi dés, quiescas cétera? Ni lépide ludificáta
ero, cúlpani omnem in me impíngito. **PA.** Agite
ígitur, intro abíte!
- 55 insístite hoc negótium sapiénter! **AC.** Alia cúra.
PA. Age, Péríplectomene, has núnc iam duc íntro;
ego ad forum íllum
convéniam atque illi hunc ánulum dabo, átque
praedicábo,
atúa uxore míhi datum esse, eamque íllum deperíre.

Hanc ad nos, quom' extemplo á foro veniémus,
mittitó tu,

quasi clánculum ad me míssa sit. PE. Faciémus:
alia cúra.

60

PA. Vos módo curate: ego illum probe iam one-
rátum huc accíbo.

PE. Bene ámbula; bene rém gere! At egon' hóc
si efficiam pláne,

ut cóncubinam mílitis meus hóspes habeat hódie
atque hínc Athenas ábeat, si hodie hunc dolum
dolámus,

quid tíbi ego mittam múnaris! AC. Datne eápsé
mulier óperam?

65

PA. Lepidíssume et comíssume. AC. Confído,
confutúrum.

Ubi fácta erit collátio nostrárum malitiárum,
haud véreor, ne nos súbdola perfídia pervincámur.

PE. Abeámus ergo intro, haéc uti meditémur co-
gitáte:

ut áccurate et cómmode hoc, quod agéndum est,
exsequámur:

70

ne quíd, ubi miles vénerit, titubétur. AC. Tu
moráre.

ACTUS IV. SCENA I.

PYRGOPOLINICES. PALAESTRIO.

PY. Vólup est, quod agas, si íd procedit lépide et
ex senténtia.

Nam égo hodie ad Seleúcum regem mísi parasi-
túm meum,

ut latrones, quos conduxī, hinc ad Seleucum duceret,

qui eius regnum tūtarentur, mihi dum fieret otium.

5 PA. Quin tu tuam rem cura potius, quam Seleuci:
quaē tibi
cōditio nova et lūculenta fertur per me inter-

pretem.

PY. Imo omnes res posteriores pono, atque operam dō tibi.

Lōquere: auris meas profecto dēdo in ditionem tuam.

PA. Cūcumspicedum, nē quis nostro hic aūceps sermoni siet:

10 nam hōc negotii clādestino ut āgerem, mandatum est mihi.

PY. Nemo adest. PA. Hunc arrhabonem amoris primum a me accipe.

PY. Quid hic? unde est? PA. A lūculenta atque ā festiva fēmina,

quaē te amat, tuamque expetissit pūlcrā pulcritudinem.

Eius nunc mi anulum ad te ancilla pōro ut deferrem, dedit.

15 PY. Quid? ean' ingenua, an festuca facta e serva libera est?

PA. Vah! ēgone ut ad te ab libertina esse aūderem internūntius,

qui ingenuis satis rēpondere nēqueas, quae cupiunt tui?

PY. Nūpta ea est, an vīdua? PA. Et nupta et vīdua. PY. Quo pactō potis

vīdua et nupta esse eādem? PA. Quia adulēscens nupta est cum sene.

PY. Eúge! PA. Lepida et líberali fórma est. PY.
Cave mendácium.

20

PA. Ád tuam formam illa úna digna est. PY.
Hércle pulcram praédicas.

Séd quis ea est? PA. Senis húius uxor Périple-
ctomeni in próxumo.

Éa demoritur te, átque ab illo cúpit abire: odít
senem;

núnc te orare atque óbsecrare iússit, ut tui cópiam
síbi potestatémque facias. PY. Cúpio hercle equi-
dem, si illa volt.

25

PA. Quae cupit. PY. Quid illá faciemus cóncu-
bina, quae domi est?

PA. Quín tu illam iube ábs te abire, quó lubet:
sicút soror

eius huc gemina vénit Ephesum, et máter, arces-
súntque eam.

PY. Áin' tu? advenit Éphesum mater eius? PA.
Aiunt, quí sciunt.

PY. Hércle occasiónem lepidam, ut múlierem ex-
cludám foras.

30

PA. Ímo vin' tu lépide facere? PY. Lóquere, et
consiliúm cedo.

PA. Vín tu illam actutum ámovere, a te út abeat
per grátiam?

PY. Cúpio. PA. Tum te hoc fácere oportet. Tíbi
divitiarum ádfatim est:

iúbe sis aurum atque órnamaenta, quae illi in-
struxti múlieri,

dóno habere síbi, auferreque ábs te, quo lubeát,
síbi.

35

PY. Plácet, ut dicis. Séd, ne istanc aníttam et
haec mutét fidem,

vide modo. PA. Vah, delicatus! quae te tamquam oculos amet!

PY. Venus me amat. PA. St! [tace]: aperiuntur fores: concede huc clanculum.

Haec celox illius est, quae hic egreditur internuntia.

40 PY. Quae haec celox? PA. Ancillula illius est, quae hic egreditur foras,

quae anulum istunc attulit, quem tibi dedi. PY.

Edepol haec quidem

bellula est. PA. Pithecium haec est prae illa et spinturnicium.

Viden' tu illam oculis venaturam facere, atque aucupium auribus?

ACTUS IV. SCENA II.

MILPHIDIPPA. PYRGOPOLINICES. PALAESTRIO.

MI. Iam est ante aedis circus, ubi sunt ludi faciundi mihi.

Dissimulabo, hos quasi non videam neque esse hic etiamdum sciam.

PY. Tace: subauscultemus, ecqua de me fiat mentio.

MI. Numquis hic prope adest, qui rem alienam potius curet, quam suam,

5 qui aucupet me, quid agam, qui de vesperi vivat suo? Eos nunc homines metuo, mihi ne obsint neve obstant uspiam,

domo si bitet, dum huc transibit, quae huius cupiens corporist,

quae ámat hunc hominem nímium lepidum et nímia pulcritúdine,

mílitem Pyrgópolinicem. PY. Sátin' haec quoque me déperit?

Méam laudat speciem: édepol huius sermónes. cinerem haud quaéritant.

10

PA. Quo árgumento? PY. Quíá enim loquitur laúte et minume sórdide.

PA. Quidquid istaec dé te loquitur, níhil attrectat sórdidum.

PY. Tum autem illa ipsa est nímium lepida nímisque nitida fémina.

Hércle vero iam ádlubescit prímulum, Palaéstrio.

PA. Príusne, quam illanc óculis tuis? PY. Tuis vídeo id, quod credó tibi,

15

quum haéc locutus; illa autem absens súbigit me ut amem. PA. Hercle hanc quidem

níl tu amassis: mi haéc desponsa est. Týbi si illa hodie núpserit,

égo hanc continuo uxórem ducam. PY. Quid ergo hanc dubitas cólloqui?

PA. Sequere hác meé ergo. PY. Pédissequus tibi sum. MI. Útinam, cuius caúsa

forás sum egressa, cóveniundi mihi éveniat potéstas!

20

PA. Erit, ét tibi exoptatum óbtinget. Bonum habe ánimum! ne formída:

homo quídam est, qui scit, quód quaeris, ubi síť. MI. Quem ego hic audívi?

PA. Sociúm tuorum concíliorum et partícipem consiliórum.

MI. Tum pól ego id, quod celo, haúd celo. PA. Imo étiam si, non célas.

- 25 **ML.** Quo argúmento? **PA.** Infidós celas; ego tibi fide sum fírma.
- ML.** Cedo sígnum, si harunc BÁCcharum es. **PA.** Amat múlter quaedam quéndam.
- ML.** Pol istúc quidem multae. **PA.** At nón multae de dígitó donum mítunt.
- ML.** Enim cógnovi nunc: fécisti modo mi éx proclivo plánum.
- Sed hic núnquis adest?** **PA.** Vel adést, vel non.
- ML.** Cedo té mihi solae sólum.
- 30 **PA.** Brevin', án longinquo sérmoni? **ML.** Tribus vérbis. **PA.** Iam ad te rédeo.
- PY.** Quid? ego híc adstabo tántisper cum hac fóрма et factis frústra?
- PA.** Patere átque adsta: tibi hánc ego do operám.
- PY.** Properando excrúciór.
- PA.** Pedeténtim: tu haec scis, tráctari ita solére hasce huiusmodi mérces.
- PY.** Age, age, út tibi maxime cóncinnum est.
- PA.** Nullum ést hoc stolidius sáxum.—
- 35 **Redeo ád te. Quid me vóluiisti?** **ML.** Quo pácto hoc dudum accépi,
- istúc fero ad te cónsilium. **PA.** Quasi hunc depereat **ML.** Teneo istuc.
- PA.** Collaúdato formam ét faciem, et virtútes commemoráto.
- ML.** Ad eám rem habeo omnem áciem, tibi uti dúdum demonstrávi.
- PA.** Tu cétera cura, et cóntempla, et de meis venator vérbis.
- 40 **PY.** Aliquám mihi partem hodie óperae des deníque! Iam tandem ades íllico!

PA. Adsum: impera, si quid vis. **PY.** Quid illaec narrát tibi? **PA.** Lamentári ait illam miseram, crúciari et lacrumántem se afflíctare,

quia tís egeat, quia té careat. Ob eám rem huc ad te míssa est.

PY. Inbe adíre. **PA.** At scin', quid tú facias? Face té fastidii plénium,

quasi nón lubeat. Me inclámato, quia síc te volgo vólgem.

45

PY. Memini ét praeceptis párebo. **PA.** Voco érgo hanc, quae te quaérit?

PY. Adeát, si quid volt. **PA.** Sí quid vis, adi, múlter! **ML.** Pulcer, sálve.

PY. Meum cógnomentum cómmemorat. Di tibi dent, quaecunque óptes.

ML. Tecum aétatem exigere út liceat. **PY.** Ní-
míum óptas. **ML.** Non me díco;

sed herám meam, quae te démoritur. **PY.** Multae áliae idem istuc cúpiunt,

50

quibus cópia non est. **ML.** Écastor haud mírum, si te habes cárum,

hominém tam pulorum et praéclara virtúte et forma et fáctis.

Ecquis dígnior fuit hómo qui esset? **PA.** Non hércle humanust érgo:

nam vólturio plus húmani, credo, ést. **PY.** Magnum me fáciam

nunc, quóniam illaec me cóllaumat. **PA.** Viden' ígnavom, ut sese ínfert? —

55

Quin tu huíc respondes? Haéc illaec est ab illá, quam dudum díxi.

PY. Quanám ab illa? Nam ita mi óccursant multaé: meminisse haud póssum.

MI. Ab illá, quae digitos déspoliat suos, ét tuos digitos décorat:

nam hunc ánulum ab tuí cupiente huc détuli huic, qui pórró.

60 PY. Quid núnc tibi vis, muliér, memora. MI. Ut, quae té cupit, eam ne spérnas, quae pér tuam nunc vitám vivit. Sit, néc sit, spes in te úno est.

PY. Quid núnc volt? MI. Te compéllare et complécti et contrectáre.

Nam nísi tu illi fers súppetias, iam illa ánimum despondébit.

Age, mi Áchilles, fiat, quód te oro! serva íllam pulcrá pulcr!

65 Expróme benignum ex téte ingenium, urbícape, occisor régum!

PY. Heu, hercle ódiosas res! Quóties hoc tibi, vérbero, ego interdíxi,

meam né sic volgo pólliciteris óperam? PA. Audin' tu, múlíer?

dixi hóc tibi dudum et núnc dico: ní huic vérri affertur mérces,

non híc suo seminió quamquam porcéllam impartitúrust.

70 MI. Dabitúr, quantum ipso pretí poscet. PA. Talentúm Philippúm huic opus aúri est: minus áb nemine accípiet. MI. Heu ecastór nímis vilest tándem!

PY. Non míhi avaritía unquam ínnata est: satis hábeo divitiárum:

plus mihi auri mille est módiorum Philippei.

P.A. Praeter thesaurum.

Tum argénti montis, nón massas, habet. Aétna
non aequé áltus.

MI. Hen, ecástor periurum! P.A. Út ludo? MI.
Quid ego? út sublecto os? P.A. Scíte. 75

MI. Sed, amábo, mitte me áctutum. P.A. Quin
tu huíc respondes áliquíd,

aut fácturum, aut non fácturum? quid illám mi-
seram animi excrucías,

quae númquam male de té merita est? P.Y. Iube
eámpse exire huc ad nos:

dic me ómnia, quae volt, fácturum. MI. Facis
núnc, ut te facere aéquom,

quom, quae te volt, eandém tu vis, P.A. Non ín-
sulsum habet ingénium! 80

MI. quomque me óratricem haud sprévisti, sistí-
que exorare ex te.

Quid est? út ludo? P.A. Nequeo hércle equidem
risú med admoderári.

Ob eám causam huc abs te ávorti. P.Y. Non éde-
pol tu scis, múljer,

quantum égo honorem nunc ílli habeo. MI. Scio,
ét istuc illi dícam.

P.A. Contra aúro alii hanc vendére potuit operam.

MI. Ístuc pol tibi crédo. 85

P.A. Meri béllatores gígnuntur, quas híc praegna-
tes fécit;

et púeri annos octíngentos vivónt. MI. Vae tibi,
nugátor!

P.Y. Quin mílle annorum pérpetuo vivónt, ab se-
clo ad séclum. —

PA. Eo mínus dixi, ne haec cénseret me advórsum
se mentíri.

90 ML. Perí, quot hic ipse annós vivet, quoinus fílii
tam diu vívont?

PY. Postríduo natus sum égo, mulier, quam lú-
piter ex Ope nátust.

PA. Si hic prídíe natus fóret, quam ille est: hic
habéret regnum in coélo.

ML. Iam, iám sat, amabo, est: sínite abeam, si
póssum, viva a vóbis!

PA. Quin érgo abis? quando résponsum est.

ML. Ibo átque illam huc addúcam,
95 quam própter mi opera est. Númquid vis? PY. Ne
mágis sim pulcer, quám sum:

ita mé mea forma habet sóllicitum. PA. Quid hic
núnc stas? quin abis? ML. Ábeo.

PA. Atque ádeo, audin' tu? dícito docte et cór-
date. ML. Cura áliud.

PA. Philocómasio dic, sí est hic, domum ut trán-
seat: hunc hic ésse.

ML. Hic ést, cum mea hera; clám nostrum hunc
sermónem sublegérunt.

100 PA. Lepidé factum est, iam ex sérmone hoc gu-
bernábunt doctius pórró.

ML. Remoráre. PA. Abeo; neque té moror, ne-
que te tángo, neque te . . . Táceo.

PY. Iube máture illam éxire huc: iam istí rei
prævortémur.



ACTUS IV. SCENA III.

PYRGOPOLINICES. PALAESTRIO.

Quid mīhi nunc auctor és, ut sciam, Palaéstrio,
de cóncubina? Nám nullo pactó potest
prius haéc in aedes récipi, quam illam amiserim.

PA. Quid mé consultas, quíd agas? Dixi equidém
tibi,

quo pácto id fieri póssit clementíssume.

5

Aurum átque vestem omném muliebrem habeát
sibi,

quae illi ínstruxisti; súmat, habeat, aúferat;
dicásque, tempus máximum esse, ut eát domum:
sorórem geminam adésse et matrem dícto,
quibuscúm comitata récte deveniát domum.

10

PY. Qui tú scis, eas adésse? PA. Quia oculís meis
vidi híc sororem esse éius. PY. Convenítne eam?

PA. Convénit. PY. Ecquid fórtis visa est? PA.

Ómnia

vis óbtinere. PY. Ubi mátre[m] esse aiebát soror?

PA. Cubáre in navi líppam atque oculis túrgidis
nauclérus dixit, qui illas advexít, mihi.

15

Is ad hós nauclerus hóspitio devórtitur.

PY. Quid is? écquid fortis? PA. Ábi, sis, hinc:
nam tú quidem

ad equás fuisses scítus admissáriu[s],
quí cónsectare quá mares, qua féminas.

20

PY. Hoc áge nunc. Istuc quód das consiliúm mihi,
te cum illa verba fácere de ista ré volo:

nam cú[m] illa sane cóngruit sermó tibi.

PA. Qui pótius, quam tute ádeas, tuam rem túte agas?

- 25 dicás, uxorem tibi necessum esse dúcere;
cognátos persuadére; amicos cógere?
PY. Itáne tu censes; PA. Quíd ego ni ita cénseam.
PY. Ibo ígitur intro. Tu híc ante aedis ínterim
speculáre: ut, ubi illaec pródeat, me próvoces.
- 30 PA. Tu módo istuc cura, quód agis. PY. Cura-
tum íd quidem est.
Quin sí voluntate nólet, vi extrudám foras.
PA. Istuc cave faxis; quín potius per grátiam
bonam ábeat abs te; atque illaec, quae dixí, dato:
aurum, órnaménta, quae illi instruxistí, ferat.
- 35 PY. Cupio hércle. PA. Credo, té facile impetrás-
sere.
Sed abi íntro; noli stáre. PY. Tibi sum obédiens.
PA. Numquíd videtur démutare, atque úti ego
dixi ésse vobis dúdum hunc moechum mílitem?
Nunc ád me ut veniat, úsust, Acroteleútium,
40 ancíllula eius, et Pleúsides. Proh Iúpiter,
satin' út commoditas úsquequaque me ádiuvat?
Nam quós videre exóptabam me máxime,
una éxeuntes vídeo hinc e próxumo.

ACTUS IV. SCENA IV.

ACROTELEUTIUM. MILPHIDIPPA.
PLEUSIDES. PALAESTRIO.

AC. Séquimini! simul círcumspicite, né quis adsit
árbitr.

MI Néminem pol videó, nisi hunc, quem vólumus
conventum. PA. Ét ego vos.

MI. Quid agis, noster architecte? PA. Egon' architectus? Váh! MI. Quid est?

PA. Quia enim non sum dignus prae te, ut figam palum in parietem.

AC. Eia vero! PA. Nimis facete, nimisque facundé mala est.

5

Ut lepide derúncinavit mílitem! AC. At etiám parum.

PA. Bóno animo es: negótium omne iám succedit súb manus.

Vós modo porro, ut óceperistis, dáte operam adiutáblem:

nam ípse miles cóncubinam intro ábiit oratúm suam,

áb se ut abeat cúm sorore et mátre Athenas. AC. Eú, probe!

10

PA. Quín etiam aurum atque órnaménta, quae ípse instruxit múlteri,

ómnia dat dono, á se ut abeat: íta ego consilium eí dedi.

PL. Fácile istuc quidem ést, si et illa vólt, et ille autém cupit.

PA. Nón tu scis, quom ex álto puteo súrsum ad summum escénderis,

máximum péríclum inde esse, a súmmo ne rursum cadas?

15

Núnc haec res apud súmum puteum géritur: si praesénserit

míles, nihil hinc férri poterit húius. Nunc quam máxime

Ópus est dolis. PL. Domi ésse ad eam rem vídeo sylvaí satis:

múlieres tres; quártus tute es; quántus ego; sextús senex.

20 P.A. Quót apud nos falláciarum est éxcitum! Certó scio,

óppidum quodvís videtur pósse expugnari dolis: dáte modo operam. AC. Íd nos ad te, sí quid velles, vénimus.

P.A. Lépide facitis. Núnc hanc tibi ego ímpero provínciam.

AC. Ímpetrabis, ímperator, quód ego potero, quód voles.

15 P.A. Mílitem lepide ét facete et laúte ludificárier vólo. AC. Voluptatém mecastor mi ímperas. P.A. Scin', quem ád modum?

AC. Némpe ut adsimulém me amore istíus differri. P.A. Rém tenes.

AC. Quásique istius caúsa amoris éx hoc matrimónio

ábierim, cupiéns istius núptiarum. P.A. Omne órdine.

30 Nísi modo unum hoc: hásce esse aedes dícas dotalés tuas;

hínc senem abs te abiísse, postquam féceris divórtium:

ne ille mox vereátur intro íre in alienám domum.

AC. Béne mones. P.A. Sed ubi ille exierit íntus, ístic té procul

íta volo adsimuláre prae illius fóрма quasi spernás tuam,

35 quásique eius opuléntitatem réverearis; ét simul fórmam amoenitátis illius, fáciem, pulcritúdinem, cóllaudato. Sátin' praeceptum est? AC. Téneo. Sátin' est, sí tibi

réum opus ita dabo éxpolítum, ut ímprobare
nón queas?

A. Sát habeo. Nunc tíbi ausculta quae ímpera-
bo. PL. Dícito.

PA. Quam éxtemplo hoc erit fáctum, ubi intro
haec ábierit: ibi tu íllico 40

ácito ut venias húc ornatus órnatu nauclério:
caúsiam habeas férrugineam: cúlcitam ob oculos
láneam;

pálliolum habeas férrugineum (nam ís colos tha-
lássicust),

íd connexum in húmero laevo éxpapillato bráchio;
praécinctus aliqui, ádsimulato, quási gubernatór
sies. 45

Átque apud hunc senem ómnia haec sunt: nam ís
piscatorés habet.

PL. Quíd, ubi ero exornátus? quin tu dícis, quid
factúrus sim?

PA. Húc venito, et mátris verbis Phlócomasium
arcéssito:

út, si itura iam ést Athenas, éat tecum ad portúm
cito,

átque adiubeat férrí in navim, sí quid imponí velit. 50

Nísi eat, te solúturum esse návim: ventum ope-
rám dare.

PL. Sátis placet pictúra; perge. PA. Ille éxtem-
plo illam hortábitur,

út eat, properet, né morae sit mátri. PL. Multi-
modís sapis.

PA. Égo illi dícam, ut me ádiutorem, qui ónus
feram ad portúm, roget.

Ílle iubebit me íre cum illa ad pórtum. Ego adeo,
ut tú scias, 55

prórsum Athenas prótinam abibo técum. PL.

Atque ubi illo véneris,
tríduom servíre nunquam té, quin liber sís, sinam.
PA. Ábi cito, atque orná te. PL. Numquid áliud ?

PA. Haec ut mémineris.

PL. Ábeo. PA. Et vos abíte hinc intro actútum :
nam illum hinc sát scio

60 iam éxiturum esse íntus. AC. Celebre apúd nos
imperíum tuum est.

PA. Ágite, abscedite érgo. Ecce autem cómmo-
dum aperitúr foris.

Hílarus exit: ímpetravit; ínbiat, quod nusquam
ést, miser.

ACTUS IV. SCENA V.

PYRGOPOLINICES. PALAESTRIO.

PY. Quód volui, ut volo, ímpetravi pér amicitiam
et grátiam

á Philocomasió. PA. Quid tam íntus fuísse te
dicám diu?

PY. Núnquam ego me tam sénsi amari, quám
nunc ab illa múlriere.

PA. Quíd iam? PY. Ut multa vérba fecit! lénta
ut materiés fuit!

5 Vérum postremo ímpetravi, ut vólui; donavíque ei,
quae voluit, quae póstulavit; té quoque ei donó
dedi.

PA. Étiam me? quomódo ego vivam síne te? PY.
Age, es animó bono:

lem ego te liberabo. Nám, si possem ulló modo
 impetrare, abíret nec te abduceret, operám dedi;
 érum oppressit. PA. Deós sperabo, téque po-
 stre mó. Tamen, 10
 etsi istuc mihi acérbum est, quia hero té caren-
 dum est óptimo,
 sáltem id volupe est, quum éx virtute fóрмаi eve-
 nít tibi
 méa opera super hác vicina, quam égo nunc con-
 cilió tibi.
 PY. Quíd opust verbis? líbertatem tíbi ego et di-
 vitiás dabo,
 si ímpetras. PA. Reddam ímpetratum. PY. At
 géstio. PA. At modicé decet. 15
 Móderare animo, né sis cupidus. Séd eccam
 ipsam; egreditúr foras.

ACTUS IV. SCENA VI.

ACROTELEUTIUM. MILPHIDIPPA. PYR-
 GOPOLINICES. PALAESTRIO.

ML. Hera, éccum praesto mílitem! AC. Ubi is est?

ML. Ád laevam, vidéto.

Adspícito limis, ne ílle nos se séntiat vidére.

AC. Video. ML. Édepol, nunc nos témpus est
 malás peiores fíeri.

Tuum ést princípium. AC. Óbsecro, tuté ípsam
 convenísti?

Ne párcé vocí, ut aúdiat. ML. Cum ipsó pol sum
 secúta

placide ipsa, ut libitum est mi, ótiose, meo árbitratu, ut vólui.

PY. Audín', quae loquitur? PA. Aúdio. Quam laéta est, quia adit ád te.

AC. O, fórtunata múluer es! PY. Ut amári videor! PA. Dígnus's.

AC. Permírum ecastor praédicas, te adísse atque exorásse.

10 Per epístolam aut per núnctium, quasi régem, adiri eum áiunt.

MI. Namque édepol vix fuit cópia adeúndi atque impetrándi.

PA. Ut tu ínclutus apud múlieres! PY. Patiár, quando ita Venús volt.

AC. Venerí pol habeo grátiam, tandémque et oro et quaéso

ut éius mihi sit cópia, quem amó quemque expetéssó,

15 benígnusque erga me út siet: quod cúpiam, ne gravétur.

MI. Spero, ita futurum: quámquam illum multaé sibi expetéssunt,

ille sillas spernit ségregatque ab se ómnis, extra te únám.

AC. Ergo íste metus me mácerat, quod ille fasti díósust:

ne óculi éius senténtiam mutént, ubi viderít me,

20 atque éius elegántia meam extémplo speciem spérnat.

MI. Non fáciét: habe animúm bonum! PY. Ut ipsa se contémnit!

AC. Metuó, ne praedicátio tua núnc meam formam exsúperet.

MI. Istuc curavi, ut opínione illius pulcriór sis.

AC. Si pól me nolet dúcere uxórem, genua am-
pléctar

atque óbsecrabo aliquó modo. Si nón quibo im-
petráre,

25

conscíscam letum. Vívère sine illó scio me non
pósse.

PY. Prohibéndam mortem múbieri videó. Adi-
bon? PA. Mínime:

nam tú te vilem féceris, si te últro largiére.

Sine últro veniat, quaéritet, desíderet, expéctet.

Vis súmmovere glóriam istam, quám habes? ca-
ve, sis, fáxis.

30

Nam núlli mortali scio obtigísse hoc, nisi duóbus,
tibi ét Phaoni Lésbio, tam misere ut amaréntur.

AC. Eho, íntro abi tu, illum évocatum fóras, mea
Milphidíppa!

MI. Imo ópperiamur, dum éxeat aliquís. AC.
Durare néqueo,

quin eam íntro. MI. Occlusae súnť fores. AC.

Effríngam. MI. Sana nón es.

35

AC. Si amávit unquam aut sí parem hic sapién-
tiam habet ac fórmam,

per amórem si quid féceró, cleménti animo ignó-
scet.

PA. Ut, quaéso, amore pérđita est haec mísera!
PY. Mutuúm fit.

PA. Tace: ne aúdiat. MI. Quid ástitisti obstú-
pida? cur non púltas?

AC. Quia nón est íntus, quem égo volo. PA. Qui
scís? AC. Scio pol, olfácio.

40

Nam odóre nasum séntiat, si intús sit. PY. Ha-
riolátur.

Quia mé amat, propterea Venus fecit eam ut divináret.

AC. Nescio ubi hic prope adest, quem expeto videre: olet profecto.

PY. Nasó pol iam haec quidém videt plus, quam óculis. PA. Coeca amore est.

45 AC. Tene me, óbsecro! MI. Cur? AC. Né cadam.

MI. Quid itá? AC. Quia stare néqueo: ita ánimus per oculós meos defít. MI. Pol militém tu adspéxti. AC. Ita. MI. Non vídeo, ubi est. AC. Vidéres pol, si amáres.

MI. Non édepol tu illum mágis amas, quam ego-mét, si per te líceat.

PA. Omnés profecto múlieres te amánt, ut quae-cue adspéxit.

50 PY. Nescio, a ex hoc me audíveris, an nón: nepos sum Véneris.

AC. Mea Mílphidippa, adi, óbsecro, et congréde-re! PY. Ut me verétur!

PA. Illa ád nos pergit. MI. Vós volo. PY. Et nós te. MI. Ut iussísti, herám meam eduxí foras. PY. Videó. MI. Iube ergo adíre.

PY. Indúxi animum, ne óderim, item ut álias: quando orásti.

55 MI. Verbum hércle facere nón potis, si accésserit prope ád te.

Dum te óbtuetur, ínterim linguam óculi praeci-dérunt.

PY. Levándum morbum múlieri videó. MI. Vi-den' ut tremit átque

extímuit, postquam te ádspexit? PY. Viri quó-que armati idem istuc faciunt:

ne tú mirere plús mulierem. Séd quid volt med
ágere?

ML. Ad se út eas: tecum vívere volt átque aeta-
tem exígere.

60

PY. Egon' ád illam eam, quae núpta sit? Virum
éius metuere aéquum est.

ML. Quin tuá causa exegít virum a se. PY. Quid?
qui id facere pótnit?

ML. Quia aedés dotales húius sunt. PY. Itane?

ML. Íta pol. PY. Iube domum íre:

iam ego illic ero. ML. Vide, né sies in éxpecta-
tíone:

ne illam ánimi excrucies. PY. Nón ero profécto.

Abite. ML. Abímus.

65

PY. Sed quíd ego video? PA. Quid vides? PY.

Nescío quis, eccum, incédit,
ornátu quidem thalássico. PA. Iam nós volt hic
profécto:

naoclérus hic quidem est. PY. Vídelicet arcéssit
hanc hinc. PA. Crédo.

ACTUS IV. SCENA VII.

PLEUSIDES. PALAESTRIO. PYRGOPO-
LINICES.

PL. Si alium álio pacto própter amorem nésciam

fecísse multa néquiter, vereár magis

me amóris causá istóc ornatu incédere;

verúm quum multos múlta admissé accéperim

inhonéstá, propter amórem, atque aliena á bonis: 5

mittó iam, ut occidi Áchilles civis pássus est . . .
Sed eccúm Palaestriónem, stat cum mīlite:
orátio alio mīhi demutanda ést mea.

- Mulíer profecto náta est ex ipsá mora:
10 nam quaévis alia, quaé mora est aequé, mora
minor éa videtur, quám quae propter mulíe-
rem est.

Hoc ádeo fieri crédo consuetúdine.

Nam ego hanc arcesso Phīlocomasium. — Séd
fores

pultábo. Heus, ecquis híc est? P.A. Adulescéns,
quid est?

- 15 quid tu áis? quid pultas? P.L. Phīlocomasium
quaérito:

a mátre illius vénio. Si itura ést, eat.

Omnés moratur: návim cupimus sólvēre.

- P.Y. Iamdúdum res paráta est. Heus, Palaéstrio,
aurum, órnamēta, véstem pretiosam, ómnia
20 duc ádiutores técum ad navim quí ferant.

Omnía composita sūnt, quae donavi, út ferat.

P.A. Eó. P.L. Quaeso hercle, própēra! P.Y. Non
morábitur.

Quid istuc, quaeso? quíd oculo factúm est tuo?

P.L. Habeó quidem hercle oculum. P.Y. Át lae-
vum dico. P.L. Éloqnar.

- 25 Marís causa hercle istóc ego oculo utór minns:
nam si á mare abstinuíssem, tamquam hoc
úterer.

Sed nímis morantur mé diu. P.Y. Eccos, éxeunt.



ACTUS IV. SCENA VIII.

PALAESTRIO. PHILOCOMASIIUM. PLEU-
SIDES. PYRGOPOLINICES.

PA. Quid modi flendó, quaeso, hodie fácies? PH.
Quid ego ní fleam?

Úbi pulcerrume égi aetatem, inde ábeo. PA. Vi-
den' hominém, tibi

qui á matre et soróre venit? PH. Vídeo. PY. Au-
din', Palaéstrio?

PA. Quid vis? PY. Quin tu iúbes efferri ómnia,
quae istí dedi?

PL. Philocomasium, sálve. PH. Et tu sálve. PL.
Materque ét soror

tíbi salutem mé insserunt dícere. PH. Salvaé
sient.

PL. Órant te, ut eas, vénus operam dùm dat, ut
velum éxplicent.

Nám matri oculi sí valerent, mécum venissét
simul.

PH. Íbo, quamquam invíta facio. Píetas sic cohi-
bét. PL. Sapis.

PY. Sí non mecum aetátem egisset, hódie stulta
viveret.

PH. Ístuc crucior, á viro me táli abalienárier:
nám tu quamvis pótis es facere utí fluat facétiis;
ét quia tecum erám, propterea ánimo eram feró-
cior;

eám nobilitatem ámittundam vídeo. PY. Ne fle.

PH. Nón queo,
quúm te video. PA. Hábe bonum animum. Scío
ego, et quid doleát mihi.

5

10

15

Nám nihil miror, sí lubenter, Phflocomasium,
híc eras:

fórma huius, móres, virtus, ánimum attinuere
híc tuom;

quúm ego servus, quándo adspicio hunc, lácrumem,
quia diiúngimur.

PH. Óbsecro, licét complecti, priúsqvam profiscó? PY. Licet.

20 PH. Ó mei oculi! Ó mi anime! PA. Óbsecro tene
múlierem,

ne áffligatur. PY. Quid istuc? PA. Postquam ábs
te abit, animó male

fáctum est huic repénte miserae. PY. Accúrrite
intro! efférte aquam!

PA. Níhil aquam morór. PY. Cur? PA. Malo —
mérum: ne intervénérís,

quaéso, dum resipíscit. PY. Capita intér se ní-
mis nexa híce habent.

25 Nón placet. Labrá labellis férruminavit ádmodum.

PL. Téntabam, spiráret, an non. PY. Aúrem ad-
motam opórtuit.

PL. Sín magis vis, éam omittam. PY. Nólo; re-
tine. PA. At fléo miser.

PY. Éxite atque efférte huc intus ómnia, isti quae
dedi!

PA. Étiam nunc salúto te, Lar fámiliaris, priús-
quam eo!

30 Cónservi cónservaeque omnes, béne valeté et
vívite!

Béne, quaeso, inter vós dicatis ét mihi absenti
tamen.

PY. Áge, Palaestrió, bono animo es! PA. Éheu,
nequeo, quín fleam,

quum ábs ted abeam. PY. Fér aequo animo.

PA. Scío ego, quid doleát mihi.

PH. Séd quid hoc? [quae res? quid video? Lux, salve!] PL. Iam résipuisti? PH. Óbse-

cro, quem ampléxa sum

hóminem? Perii, súmne ego apud me? PL. Né time, voluptás mea. 35

PY. Quíd istuc est negóti? PA. Animus hánc modo hic relíquerat.

Métuoque et timeó, — ne hoc tandem própalam fiát nimis.

PY. Quíd id est? PA. Nos palám sic ferre núnc per urbem haec ómnia:

né quis tibi hoc vítio vortat. PY. Méa, non aliorúm dedi.

Párvi ego illos fácio. Age, ite cúm dis benevoléntibus! 40

PA. Túa ego hoc causa díco. PY. Credo. PA. Iám vale. PY. Et tu béne vale.

PA. Íte cito. Iam ego ádsequar vos: cúm hero pauca etiám loquar.

Quámquam alios fidéliores sémper habuistí tibi, quám me, tamen tibi hábeo magnam grátiam rerum ómnium;

ét, si ita senténtia esset, tíbi servire mávelim múlto, quam alíí libertus ésse. PY. Habe animum bonum! 45

PA. Haú mihi, quum vénit in mentem, ut móres mutandí sient:

múliebres morés discendi, oblíviscendi stratiótici.

PY. Fác sis frugi. PA. Iám non possum; amísi omnem lubídinem.

- 50 PY. Í, sequere illos! né morere! PA. Béne vale.
 PY. Et tu béne vale.
 PA. Quaéso, ut meminerís: si forte líber fieri oc-
 céperim,
 míttam nuntium ád te: ne me déseras. PY. Non
 ést meum.
 PA. Cógitato idémtidem, tibi quám fidelis fúverim.
 Si íd facies: tum démum scibis, tibi qui bonus
 sit, qui malus.
- 55 PY. Scío et perspexi saépe; verum quum ánte-
 hac, tum hodie máxume.
 PA. Scies: imo hodie vérum factum fáxo post
 dicés magis.
 PY. Vix reprimor, quin té manere iúbeam. PA.
 Cave istuc féceris:
 dícent te mendácem nec verum ésse, fide nulla
 ésse te;
 dícant, servorúm praeter meá ésse fidelem né-
 minem.
- 60 Nám si honeste cénseam te fácere posse, suádeam;
 vérum non potést: cave faxis. PY. Ábi; iam
 patiar, quídquid est.
 PA. Béne vale igitur. PY. Íre meliust strénue.
 PA. Etiam núnc vale.
 PY. Ánte hoc factum hunc sum árbitratus sémper
 servom péssumum;
 éum fidelem mi ésse invenio. Quom égomet me-
 cum cógito:
- 65 stúlte feci, qui hunc amisi. Íbo hinc intro núnc iam
 ád amores meos. Séd quis exit hinc? Sónitum
 fecerúnt fores.
-

ACTUS IV. SCENA IX.

PUER. PYRGOPOLINICES.

PU. Ne mé moneatis: mémini ego officiúm meum.

Ego iám conveniam illunc, ubiubi est géntium;
invéstigabo; óperae non parcám meae.

PY. Me quaérit illic: sbo huic puero óbviám.

PU. Ehém, te quaero. Sálve, vir lepidíssume, 5
cumuláte commoditáte praeter céteros;
duo dí quem curant! PY. Quí duo? PU. Mars
ét Venus.

PY. Facétum puerum! PU. Íntro te uteas óbsecrat:
te vólt, te quaerit, téque exspectans déperit.

Amánti fer opem! Quid stas? quin intro ís? PY.
Eo. — 10

PU. Ipsús illic sese iam ímpedivit ín plagas!

Parátas insidiae súnt; stat in statú senex,
ut ádoriatur moéchum, qui forma ést ferox,
qui omnés se amare crédit, quaeque adspéxerit
mulier; eum odere quá viri, qua múlieres. 15
Nunc ín tumultum ibo: íntus clamorem aúdio.

ACTUS V.

PERIPLECTOMENES. PYRGOPOLINICES.

CARIO. SCELEDRUS.

PE. Dúcite istum! Sí non sequitur, rápite subli-
mém foras!

Íacite inter terram átque coelum ut médius sit!
discúndite!

- PY. Óbsecro hercle, Péríplectomene, té! PE. Ne-
quidquam hercle óbsecras.
- Víde, ut istic tibi sít acutus, Cário, cultér probe.
- 5 CA. Quín iamdudum géstit, moecho hóc abdomen
ádimere:
út faciam quasi púero in collo péndeanť cre-
púndia.
- PY. Périi! CA. Haud etiam; número hoc dicis.
— Iámne in hominem ínvolo?
- PE. Ímo etiam prius vérberetur fústibus. CA. Mul-
túm quidem.
- PE. Cúr es ausus súbigitare álienam uxorem, ím-
pudens?
- 10 PY. Íta me di ament, últro ventum est ád me. PE.
Mentitúr: feri!
- PY. Máne, dum narro. PE. Quíd cessatis? PY.
Nón licet mihi dícere?
- PE. Díc. PY. Oratus súm venire ad te húc. PE.
Quare ausus? Hém tibi!
- PY. Oíei, sum satis vérberatus! Óbsecro! CA.
Quam móx seco?
- PE. Úbi lubet. Disténdite hominem dívorsum et
dispénnite!
- 15 PY. Óbsecro hercle té, mea verba ut aúdias, prius-
quám secer!
- PE. Lóquere, nondum níhili factus. PY. Víduam
esse cénsui;
ítaque ancilla, cónciliatrix quaé erat, dicebát
mihi.
- PE. Iúra, te non nóciturum esse hóminem de hac
re néminem,
quód tu hodie hic es vérberatus, aút quod verbe-
rábere,

si te salvom hinc ámitteremus, Vénerium nepótulum. 20

PY. Iúro per Diónam et Martem, mé nociturum
néminem,

quód ego hic hodie vápularim; iúreque id factum
árbitror;

ét, si intestatús non abeo hinc, béne agitur pro
nóxia.

PE. Quíd, si id non faxís? PY. Ut vivam sémper
intestábilis.

CA. Vérberetur étiam; post tibi ámittundum cénseo. 25

PY. Dí tibi benefácient sémper, quum ádvocatus
míhi bene es!

CA. Érgo des minam aúri nobis. PY. Quám-
obrem? CA. Salvis téstibus

út ted hodie hinc ámittamus, Vénerium nepótulum.

Áliter hinc a nóbis, ne sis frústra PY. Dabi-
tur. CA. Mágis sapis.

Dé tunica et chlamyde ét machaera (né quid spe-
res): nón feres. 30

Vérberone etiam, án im amittis? PY. Mítis sum
equidem fústibus.

Óbsecro vos! PE. Sólvite istum. PY. Grátiam
habeó tibi.

PE. Sí posthac prehéndero ego ted híc, arcebo
téstibus.

PY. Caúsam haud dico. PE. Eámus intro, Cário.
PY. Servós meos

éccos video. Phíslocomasium iám profecta est?
díc mihi. 35

sc. Iámdudum. PY. Hei mihí! sc. Magis dicas,
sí scias, quod egó scio:

námque ille, qui lánam ob oculum habébat, nauta
nón erat.

PY. Quis erat igitur? sc. Philocomasio amátor.

PY. Qui tu scís? sc. Scio:

nám postquam exiérunt porta, nihil cessarunt illico
40 ósculari atque ámplexari intér se. PY. Vae mi-
seró mihi!

vérba mihi data ésse video. Scélus viri, Palaéstrio,
ís me in hanc illéxit fraudem. Iúre factum iúdico.
Sí sic aliis moéchis fiat, mínus hic moechorúm siet;
mágis metuant, minus hás res studeant. Eánius
ad me. Plaúдите.

M O S T E L L A R I A.



D R A M A T I S P E R S O N A E.

TRANIO, servus Philolachis.

GRUMIO, coquus.

PHILOLACHES, adol., filius Theurepidis.

PHILEMATIUM, puella.

SCAPHA, eius ancilla.

CALLIDAMATES, Philolachis familiaris.

DELPHIUM, amica Callidamatis.

THEUROPIDES senex, pater Philol.

SIMO, eius vicinus.

DANISTA.

PHANISCUS, servus Philolachis

SERVOS ALIUS.

PUER.

S U M M A R I U M.

Absente domo Theuropide, eius interim filius Philolaches decoquit domi cum familiari Callidamate et servo Tranione. Aere quoque mutuo ab danista sumto, liberat Philematium. Accumulentibus igitur in convivio apud Philolachem cum amoribus suis, ex insperato redit pater Philolachis, Theuropides. Consternati aufugere cupiunt. Sed impedimento est Callidamatis crapula. Igitur expedit rem Tranio. Hortatur, ut quieti maneant, neque se moveant quoquam. Obviam it seni. Fabulam fingit, monstra videri in aedibus. Accedit autem danista, foenus petitus. Unde quaerenti Theuropidi, cuiusnam rei causa mutuum filius sumserit, Tranio aedes emisse dicit; porroque sciscitanti, quas? pergit mentiri, vicini, Simonis; a quo etiam praesente impetrat, ut liceat eas Theuropidi inspicere. Is introit cum Tranione, et contemplatur. Egressus ablegat Tranionem rus, ut filium arcessat. Interim ad aedes Theuropidis accesserant servi Callidamatis, quos ille iusserat sibi adversum venire. A quibus comperit Theuropides se esse deceptum; edoctusque porro a Simone, Tranionem acriter punire parat. Ille audacter prodit, suspicatusque periculum, in aram confugit. Accedente deinde Callidamate et pro omnibus deprecante, cedit senex precibus, et condonat.

(Mostellaria dicitur a mostris, h. e. monstris. — Scena est Athenis. Cf. V, 1, 24.)

ARGUMENTUM.

Manumísit emtos súos amores Philolaches,
Omnémque absente rém suo absumít patre.
Senem, út revenit, lúdificatur Tránio:
Terrífica monstra áit videri in aédibus,
Et inde primum [esse] émigratum. Intérvenit
Lucrípetá foenus foénerator póstulans,
Ludúsque rursum fit senex: nam mútuum
Accéptum dicit pígnus emtis aédibus.
Requírit, quae sint. Áit, vicini próxumi.
Inspéctat illas; póst se derisúm dolet;
Ah suí sodale gnáti exoratúr tamen.

ACTUS I. SCENA I.

GRUMIO. TRANIO.

Exi é culina, sí, foras, mastígia,
qui mi ínter patinas éxhibes argútias.
Egrédere, herilis pérniciēs, ex aédibus.
Ego pól te ruri, sí vivam, ulciscár probe.
Exi, ínquam, nidor, é culina. Quid lates? 5
TR. Quid tñbi, malum, hic ante aédīs clamitátio est?
An rúri censes te ésse? Abscede ab aédibus!
abi rús! abi dierécte! abscede ab iánua!
Hem, hoccíne volebas? GR. Périi! cur me vérberas?
TR. Quia tú vis. GR. Patiar. Síne modo adve-
niát senex: 10
síne módo venire sálvom, quem absentém comes.
TR. Nec vérisimile lóquere nec verúm, frutex,
comésse quemquam ut quísquam absentem póssiet.
TR. Tu urbánus vero scúrra, deliciaé poplì,
us míhi tu obiectas? Sáne credo, Tránio, 15
quod te ín pistrinum scís actutum trádier.
Dis hércle paucas témpestates, Tránio,
ingébis ruri número genus ferrátile.
Dum tñbi lubet licétque, pota, pérde rem,
corrúmpe herilem fílium, adolescentem óptimum: 20
liés noctesque bíbite, pergraecámini;
mícas emite, líberate: páscite
parasítos: obsonáte pollucíbiliter!
Iaeccíne mandavit tñbi, quom peregre hinc iít,
senex?

- 25 hoccíne modo hic rem cúratam offendét suam?
 hoccíne boni esse offícium servi exístumas,
 ut héri sui corrúmpat et rem et fílium?
 Nam ego illum corruptum dúco, quom his factís
 studet.

- Quo némo adaeque iúventute ex omni Áttica
 30 antehác est habitus párcus nec magis cóntinens,
 is núnc in aliam pártē palmam póssidet.

Virtúte id factum túa et magisteriό tuo.

TR. Quid tíbi, malum, me, aut quíd ego agam,
 curátio est?

An rúri, quaeso, nón sunt, quos curés, boves?

- 35 Lubét potare, amáre, scorta dúcere:
 mei térgi facio haec, nón tui, fidúcia.

GR. Quam cónfidenter lóquitur! fue! TR. At te
 Iúpiter

- dique ómnes perdant: óboluisti állium,
 germána illuvies, rústicus, hircus, hára suis,
 40 canés capra commísta! GR. Quid vis fíeri?
 Non ómnes possunt ólere unguenta exótica,
 si tú oles; neque supérior quam herus accúmberē,
 neque tám facetis, quám tu vivis, víctibus.

- Tu tíbi istos habeas túrtures, piscés, aves;
 45 sine me álliato fúngi fortunás meas.

Tu fórtunatus; égo miser. Patiúnda sunt.

Meúm bonum me, té tuum maneát malum.

TR. Quasi ínvidere mihi hóc videre, Grúmio,
 quia míhi bene est, et tíbi male est. Digníssu-
 mum est.

- 50 Decét me amare, et té bubulcítarier;
 me víctitare púlcre, te miserís modis.

GR. O cárnufícium críbrum, quod credó fore:
 ita té forabunt pátibulatum pér vias

stimulís, si huc revéniat quamprimúm senex.

FR. Qui scís, an tibi istuc príuseveniat, quám mihi? 55

GR. Quia núnquam merui: tú meruisti, et núnc meres.

FR. Orátionis óperam compendíface,
nisi té mala re mágna mactarí cupis.

GR. Erwóm daturin' éstis, bubus quód feram?
Date aés, si ne estis. Ágite, porro pérgrite, 60
quo óccepistis! bíbite! pergraecámini!
este! éffercite vós! saginam caédite!

FR. Tace átque abi rus: ego íre in Piraeúm volo
in vésperum paráre piscatúm mihi.

Ervóm tibi aliquis crás faxo ad villam áfferat. 65

Quid est? quíd tu me nunc óbtuere, fúrcifer?

GR. Pol tibi istuc credo nómen actutúm fore.

FR. Dum intérea sic sit, ístuc „actutúm“ sino.

GR. Ita ést; sed unum hoc scíto, nimio célerius
veníre, quod moléstum est, quam illud, quód petas. 70

FR. Moléstus ne sis: núnc iam i rus, teque ámove.

Ne tu érres, praeterhác mihi non faciés moram.

GR. Satin' ábiit, neque, quod díxi, flocci exístumat?
Proh di ímmortales, óbsecro vostrám fidem,
facite, húc ut redeat nóster quam primúm senex, 75

triénnum qui iam hínc abest, priusquam ómnia

periére, et aedes ét ager. Qui nisi húc redit,
paucórum mensum súnť relictæ réliquiae.

Nunc rús abibo: nam éccum herilem fílium
videó corruptum éx adolescente óptumo. 80



ACTUS I. SCENA II.

PHILOLACHES.

- Recórdatus múltum et diú cogitávi,
 argúmentaque ín pectus multa institívi
 ego, átque in meó corde, (si ést quod mihí cor,) volútavi eám rem et diú disputávi,
 5 hominém quoius réii, quandó natus ést,
 similem ésse arbitrárer simulácrumque habére.
 Id réperi iam exémplum.
 Novárum aedium ésse arbitrór similem ego hómi-
 nem,
 quando híc natus ést. Ei rei argúmenta dícam.
 10 Átque hóc haud vidétur verí simile vóbis?
 [At ego id faciam esse ita ut credatis.]
 Profécto, esse, ita út praedicó, vera, víncam.
 Átque hóc vosmetípsi, sció, proinde utí nunc
 ego ésse autumó, quando dícta audiétis
 15 mea, haud áliter id dicétis.
 Auscúltate, argúmenta dúm dico ad hanc rem:
 simúl gnarurés vos volo ésse hanc rem mécum.
 Aedés quom extempló sunt parátae, expolítae,
 factaé probe, examússim:
 20 laudánt fabrum atque aedís probant; sibi quísque
 inde exemplum éxpetunt.
 [sibi quísque simile, suo úsque sumtu; óperae ne
 parcúnt suae.]
 Átque ubi illo ímmigrat néquam homo indíligens
 cúm pigra fámilia, immúndus, instrénuus:
 hic iam aédibus vitium ádditur, bonaé quum cu-
 rantúr male.

atque illud saepe fit: tempestas venit, 25
 onfringit tegulas imbricesque: ibi
 ominus indiligens reddere alias nevolt.
 tentat imber, lavit parietes: perpluunt
 igna; putrefacit aer operam fabri:
 equior factus iam usus est aedium; 30
 atque ea haud est fabri culpa. Sed magna pars
 noxam hanc induxerunt: si quid numo sarciri
 potest,
 isque dum mantant, neque id * * * * * faciunt, do-
 nicum
 uont parietes: aedificantur aedes totae denuo.
 haec argumenta ego aedificiis dixi; nunc etiam 35
 volo
 locere, ut homines aedium esse similes arbitrentur.
 Primum dum parentes fabri liberum sunt
 et fundamentum substruunt liberorum;
 extollunt, parant, sedulo in firmitatem, et
 ut in usum boni sint et in speciem populo. 40
 sibi que aut materiae ne parcunt, nec sumtus
 bi sumtui esse ducunt:
 xpoliunt, docent literas, iura, leges;
 umtu suo et labore
 ituntur, ut alii sibi esse illorum similes expetant. 45
 ad legionem
 uomitum, adminiculum eis danunt tum iam ali-
 quem cognatum suum.
 atenus abeunt a fabris. Unum emeritum est
 stipendium:
 gitur tum specimen cernitur, quo eveniat aedifi-
 catio.
 am ego ad id frugi usque et probus fui, in fa-
 brum potestate dum fui. 50

- Pósteaquam ímmigravi ín ingeniúm meum,
pérdidi operám fabrorum íllico óppido.
Vénit ignávia : ea míhi tempestás fuit ;
éa mi adventú suo grándinem, imbrem, áttulit ;
55 Haéc verecúndiam mi ét virtutís modum
déturbavít detexítque a med íllico.
Póst illam obtéxere néglegens fúi :
cóntinuo pro ímbre amor advénit ín cór meum ;
is úsque ín pectus pérmanavit, pérmadefecit cór
meum.
- 60 Núnc simul rés, fides, fáma, virtús, decus,
déseruerunt : égo sum ín usum fáctus nimio né-
quior,
átque edepol (ita tígna haec humide pútent) non
videór mihi
sarcíre posse aedés meas, quin tótæ perpetuæ
ruant,
quin [cum] fúndamento pérrierint, nec quísqum
esse auxilió queat.
- 65 Cór dolet, quúm scio, núnc ut sum, atque út fui,
quó neque indústrior dé iuventúte erat,
árte gymnástica, díscó, hastís, pila,
cúrsu, armís, equo ; víctitabám volup ;
pársimoniá ét duritiá dísciplinae aliís eram :
- 70 óptumi quique éxpétebant á me doctrinám sibi.
Núnc postquam nihilí sum, id vero meópte inge-
nio réperi.
-

ACTUS I. SCENA III.

PHILEMATIUM. SCAPHA. PHILOLACHES.

PH. Iamprídem ecastor frígida non lávi magis lú-
bénter;

nec, quóm me melius, méa Scapha, rear ésse de-
faecátam.

sc. Evéntus rebus ómnibus velut hórna messis
mágna

fuat. PH. Quid ea messis áttinet ad méam lava-
tiónem?

sc. Nihiló plus, quam lavátio tua ad méssim.

PHIL. O Venus venústa,
haec illa est tempestás mea, mihi quae modestiam
ómnem

detéxit, tectus quá fui, quam mñhi Amor et Cupído
in péctus perpluít meum; neque iam únquam
obtegere póssum.

Madént iam in corde párietes: períere haec oppi-
do aédes.

PH. Contémpla, amabo, méa Scapha, satin' haec
me vestis déceat.

Volo mé placere Phílolachi, meo ocello, meo pa-
tróno.

sc. Quin túte exornas móribus lepidís, quom le-
pida túte es.

Non véstem amator múlteris amát, sed vestis fár-
tum.

PHIL. Ita mé di ament, lepida ést Scapha: sapít
scelesta múltum.

Ut lépide res omnéstenet, senténtiasque amántum! 15

PH. Quid nunc? sc. Quid est? PH. Quin me adspice et contémpla, ut haec decét me.

sc. Virtúte formae id évenit, te ut déceat, quidquid hábeas.

PHIL. Ergo hóc ob verbum té, Scapha, donábo ego hóc die áliqui, neque pátiar, te isthanc grátiis laudásse, quae placét mi.

20 PH. Nolo égo, te assentarí mihi. sc. Nimis tú quidem stulta es múlter.

Eho mávis vituperárier falsó, quam vero extólli? Equidém pol vel falsó tamen laudári multo málo, quam véro culpári aút meam speciem álios irridére.

PH. Ego vérum amo; verúm volo mihi díci; mendacem ódi.

25 sc. Ita tú me ames, ita Philolaches tuus té amet, ut venústa es.

PHIL. Quid áis, scelestá? quómodo adiurásti? „ita ego istam amárim?“

Quid „ita haéc me?“ id cur non ádditum est? Infécta dona fácio.

Periút, quod iam promíseram tibi; dóna perdidísti.

sc. Equidém pol miror, tám catam, tam dóctam te et bene edúctam

30 non scíre stulte fácere. PH. Quin mone, quaéso, si quid érro.

sc. Tu ecástor erras, quaé quidem illum expéctes unum, atque illi

morém praecipue síc geras, atque álios adspernéria. Matrónae, non meretrícium, est, unum ínservire amántem.

PHIL. Proh Iúpiter, nam quód malum vorsátur meae domi illud?

Di deaéque omnes me péssumis extrémis interfí-
ciant,

35

nisi ego illam anum interfécero sití, fameque, at-
que álgu.

PH. Nolo égo mihi male té, Scapha, praecípere.

sc. Stulta es pláne,

quae illúm tibi aeternúm putes fore amícum et
benevoléntem.

Moneo égo te: te ille déseret aetáte et satietáte.

PH. Non spéro. sc. Insperata áccidunt magis
saépe, quam, quae spéres.

40

Postrémo, si dictís nequis perdúci, ut vera haec
crédas,

mea dícta ex factis nósce; rem vide, quae sim et
quae fui ánte.

Nihilo égo quam nunc tu, amáta sum, atque uní
modo gessi mórem,

qui pól me, ubi aetate hóc caput colórem commu-
távit,

relíquit deseruítque me. Tibi idém futurum créde. 45

PHIL. Vix cómpri-mor, quin ínvolem illi in óculos
stimulatríci.

PH. Solam ílli me soli cénseo esse opórtere obse-
quéntem,

solam ílle me solí sibi suó quom liberávit.

PHIL. Proh di ímmortales, múlierem lepidam ét
pudico ingénio!

Bene hércle factum, et gaúdeo, mihi níhil esse
huius caúsa.

50

sc. Inscíta ecastor tú quidem es. PH. Quapró-
pter? sc. Quae istuc cúres,

ut te ílle amet. PH. Cur, óbsecro, non cúrem?

sc. Libera és iam.

Tu iám, quod quaerebás, habes: ille té nisi amabit últro,
id, pró tuo capite quód dedit, perdíderit tantum argénti.

55 PHIL. Perii hércle, ní ego illam péssumis exémp-
lis enicásso.

Illa hánc corrumpit múlIERem malesuáda vitii léna.

PH. Nunquam égo illi possum grátiam reférre, ut meritust dé me,

Scapha: íd tu mihi ne suádeas, ut illúm minoris péndam.

s.c. At hoc únun facito cógites, si illum ínservibis sólum,

60 dum tíbi nunc haec aetátula est, in senécta male querére.

PHIL. In ánginam ego nunc mé velim vorti, út veneficae illi

faucésprehendam, atque énicem sceléstam stimulátricem.

PH. Eundem ánimum oportet núnc mihi esse grátum, ut impetrávi,

atque ólim, priusquam id éxtudi, quom illí subblandiébar.

65 PHIL. Diví me faciant, quód volunt, ní ob ístam oratiónem

te líberasso dénuo, et ní Scapham enicásso.

s.c. Si tíbi sat acceptúm est, fore tibi víctum sempitérnum,

atque illum amatorém tibi propriúm futurum in víta:

solí gerundum cénseo morem, ét capiundos crínes.

70 PH. Ut fáma est homini, exín solet pecúniam inveníre;

ego sí bonam famám mihi serváссо, sat ero díves.

PHIL. Siquidem hércle vendundúm est, pater ven-
síbít multo pótius,

quam té me vivo unquám sinam egére aut men-
dicáre.

s.c. Quid illis futurum est céteris, qui té amant?

PH. Magis amábunt,

quom mévidebunt grátiam referéntem rem ferénti. 75

PHIL. Utinám meus nunc mórtuus pater ad me
nuntiétur,

ut ego éxheredem méis bonis me fáciam, atque
haec sit héres.

s.c. Iam istá quidem absumta rés erit: dies nó-
ctisque estur, bíbitur,

nec quísqum parsimóniam adhibét; sagina plá-
ne est.

PHIL. In te hércle certum est príncipe, ut sím pár-
cus, experíri: 80

nam néque edes quidquam, néque bibes apud me
hís decem diébus.

PH. Si quíd tu in illum béne voles loqui, íd loqui
licébit;

nec récte si illi díxeris, iam ecástor vapulábis.

PHIL. Edepól si summo egó Iovi illoc argento
sacrificássem,

pro illíus capite quód dedi: nunquam aéque id
bene locássem. 85

Ut vídeas, eam medúllitus me amáre! Oh, probus
homó sum:

quae pró me causam díceret, patrónum liberávi.

s.c. Videó, te nihili péndere prae Philolache omnes
hómines:

nunc, ne éius causa vápulem, tibi pótius adsentíbor,

90 si accéptum sat habes, tibi fore illum amicum
sempitérnum.

PH. Cédo mihi speculum et cum órnamētis árculam actutúm, Scapha:

órnata ut siém, quom huc veniat Phílolaches, voluptás mea.

sc. Múlier, quae se suámque aetatem spérnit, speculo ei úsus est:

quíd opust speculo tibi, quae tute spéculo speculum es máximum?

95 PHIL. Ób istuc verbum, né nequidquam, Scápha, tam lepide díxeris, dábo aliquid hodié peculi — tibi, Philematiúm mea.

PH. Súo quique loco víden' capillus sátis composítust cómmode?

sc. Úbí tu comoda és, capillum cómmodum esse crédito.

PHIL. Váh, quid illa pote péius quidquam múlíere memorárier?

100 núnc adsentatríx scelesta est; dúdum advorsatríx erat.

PH. Cédo cerussam. sc. Quíd cerussa opus nám?

PH. Qui malas óblinam.

sc. Úna opera ebur átramento cándefacere póstules.

PHIL. Lépide dictum de átramento atque ébore! Enge, plaudó Scaphae.

PH. Túm tu igitur cedo púrpurissum. sc. Nón do: scita es tú quidem.

105 Nón pictura intémpolare vís opus lepidíssimum? Nón istanc aetátem oportet pígmentum ullum attingere,

néque cerussam, néque melinum, néque ullam
 aliam offúciam.

Cápe igitur speculum. PHIL. Heí mihi misero:
 sávium speculó dedit.

Nímis velim lapidém, qui ego illi spéculo dimi-
 nuám caput.

s.c. Líntheum cape átque exterge tíbi manus. PH.
 Quid ita, óbsecro? 110

s.c. Út speculum tenuísti, metuo, ne óleant argen-
 túm manus:

ne úsquam argentum te áceppisse súspicetur Phí-
 lolaches.

PHIL. Nón videor vidísse lenam cállidiorém ul-
 lam álteram.

Ut lepide atque astúte in mentem vénit de speculó
 malae!

PH. Étiamne unguentís unguendam cénset? s.c.
 Minime féceris. 115

PH. Quápropter? s.c. Quia ecástor mulier récte
 olet, ubi níhil olet.

Nám istae veteres, quae se unguentis únctitant,
 intérpoles,

vétulae, edentulae, quae vitia córporis fuco óccu-
 lunt,

úbi sese sudór cum unguentis cónsociavit, íllico
 ítidem olent, quasi cum úna multa iúra confundít
 cocus: 120

quíd oleant, nesciás, nisi id unum, út male olere
 intéllegas.

PHIL. Út perdocte cúnta callet! níhil hac docta
 dóctius!

Vérum illud est, máxumaque adeo párs vostro-
 rum intéllegit,

quibus anus domi sunt uxores, quae vos dote meruerunt.

125 PH. Ágedum, contempla aurum et pallam, satin' haec me deceat, Scapha.

sc. Nón me curare istuc oportet. PH. Quem, óbsecro, igitur? sc. Éloquar.

Phílolachem: is ne quid emat, nisi, quod tibi placere censeat.

· Nám amator meretrícis mores sibi emit auro et púrpura.

Quíd opus est, quod suum esse nolit, ei ultro ostentárier?

130 Púrpura aetas óccultanda est; aurum turpe mulieri.

Púlcrā muliernúda erit, quam púrpurata, púlcrior. Póstea nequidquam éxornata est bene, si morata ést male:

púlcrum ornatum túrpes mores péius coeno cólinunt.

Nám si pulcra est, nímis ornata est. PHIL. Nímis dñu abstineó manum.

135 Quíd hic vos agitis? PH. Tíbi me exorno ut pláceam. PHIL. Ornata és satis.

Ábi hinc tu intro, atque órnamēta haec áufer.—

Sed, voluptás mea,

méa Philematiúm, potare técum collubitúm est mihi.

PH. Ét edepol mihi técum: nam quod tibi lubet, idem mihi lubet,

méa voluptas. PHIL. Hém, istuc verbum víle est vigintí minis.

140 PH. Cédo, amabo, decém: bene emtum tibi dare hoc verbúm volo.

PHIL. Étiam nunc decém minae apud te súnť: vel
rationém puta:

tríginta mínas pro capite tuó dedi PH. Cur
éxprobras?

PHIL. Égone id exprobrém? Quin mihimet cúpio
id opprobrárier;

néc quidquam argentí locavi iámdiu usquam ae-
qué bene.

PH. Cérte ego, quod te amo, óperam nusquam
mélius potui pónere. 145

PHIL. Béné igitur ratio ácepti atque expénsi in-
ter nos cónvenit:

tú me amas, ego té amo; merito id fieri uterque
exístumat.

Haéc qui gaudent, gaúdeant perpétuo suo sem-
pér bono;

qui invident, ne unquam eórum quisquam inví-
deat prorsus cómmodis.

PH. Áge, accumbe igitur. — Cédo aquam mani-
bus, púer. Appone hic ménsulam. 150

Víde, tali ubi sint. — Vín' unguenta? PHIL.
Quíd opust? cum stacta áccabo.

Séd estne hic meus sodális, qui huc incédit cum
amicá sua?

Ís est: est Callidamátēs: eccum, incédit. Euge,
oculús meus,

cónveniunt manupláres, eccos; praédam partici-
pés petunt.

ACTUS I. SCENA IV.

CALLIDAMATES. DELPHIUM. PHILOLACHES.
PHILEMATIUM.

- CA. Advórsum veníri mihi ád Philolachétem
voló temperi: aúdi: hem, tibi imperátum est.
nam illic, ubi fúi, inde éffugi fóras:
ita me sibi male convívii sermónisque taésus est.
- 5 NÚNC comissátum ibo ád Philolachétem,
úbi nos hilaro ingenio ét lepidè accípiet.
Écquid videór tibi, mámma, madére?
DE. Sémper istóc modo móratús vívere
débebas. CA. Vísne ego te ac túte me amplé-
ctere?
- 10 DE. Sí tibi córdi est fácere, licet. CA. Lépida es.
Dúce me, amábo. DE. Cave né cadas. Ádsta.
CA. Óh! ocellús es meus; túus sum alúm nus, [mel
meum].
- DE. Cáve modo, né prius ín via accúmbas,
quam illic, ubi léctus est strátus, coímus.
- 15 CA. Síne cadere mé. DE. Sino. CA. Séd et hoc,
quod mi ín manu est.
- DE. Sí cades, nón cades, quín cadam técum.
Tóllet iacéntes post nós ambos áliquis.
Mádet homo. CA. 'Tún' me ais, mámma, madére?
DE. Cédo manum: nólo equidem té *** afflígi.
- 20 CA. Hém tene. DE. Age, í simul. CA. Quó ego
eam, án scis?
- DE. Scío. CA. In mentém venit módo: nempe dó-
mum eo
cómissatum. DE. Ímo, istúc quidem iam mémini.

PHIL. Núm non vis óbviám méd his ire, ánime
mi?

Ílli ego ex ómnibus óptume vólo.

Iám revortár. PH. Diu ést Iám id míhi. 25

CA. Écquis hic ést? PH. Is est. CA. Eú, Philo-
láches,

Sálve, amicíssume mihi ómnium hóminum.

PHIL. Dí te ament. Áccuba, Cállidamátes.

Únde agis te? CA. Únde homo ébrius. PHIL.
Próbe.

Quín, amabo, áccubas, Délphium méa? 30

CA. Dáte illi, quód bibat; dórmiam égo [iam].

PHIL. Nón mirum aut novum quídpíam fácit.

Quíd ego hoc fáciam

póstea, méa?

DE. Síc sine eúmpse. 35

PHIL. Áge tu, interim

dá cito ab Délphio

cántharum círcum.

ACTUS II. SCENA I.

TRANIO. PHILOLACHES. CALLIDAMA-
TES. DELPHIUM. PHILEMATIUM. PUER.

TR. Iúpiter suprémus summis ópibus atque indú-
striis

mé perisse et Phílolachetem cúpit, herilem fílium.

Óccidit spes nóstra: nusquam stábulum est con-
fidéntiae,

néc Salus nobís saluti iam ésse, si cupiát, potest:

5 ita mali moeroris montem maximum ad portum
modo
cōspicatus sum: hērus advenit pēgrē: perit
Tranio.

Écquis homo est, qui fácere argenti cúpiat ali-
quantum lucri,
quí hodie sese éxcruciari méam vicem possit pati?
Ubi sunt isti plágipatidae fértribacēs viri,
10 vél isti, qui triūm numorum caúsa subeunt sub
falas,
úbí aliqui quindénis hastis córpustransfigísolent?
Égo dabo ei taléntum, primus qui in crucem ex-
cucúrret;
séd ea lege, ut óffigantur bís pedes, bis bráchia.
Úbi id erit factum, á me argentum pétito praesen-
tárium. —

- 15 Séd ego sumne infélix, qui non cúrro curriculó
domum?

PHIL. Ádest obsonium: éccum Traniónem; a
portu redit.

TR. Phílolaches! PHIL. Quid ést? TR. Et ego
et tu PHIL. Quid „et ego et tu?“
TR. périimus!

PHIL. Quid ita? TR. Pater adést. PHIL. Quid
ego ex ted aúdio? TR. Absumtí sumus.

Páter, inquam, tuus vénit. PH. Ubi is est, óbsecro
te? TR. Adést. PHIL. Ádest?

20 Quís id ait? quis vídit? TR. Egomet, inquam,
vidi. PHIL. Vaé mihi!

quíd ego ago? TR. Nam quíd tu, malum, me ró-
gitas, quid agas? Áccubas.

PHIL. Tún' vidisti? TR. Égomet, inquam. PHIL. Cér-
te? TR. Certe, inquam. PHIL. Óccidi,

si tu vera mémoras. TR. Quid mihi sít boni, si méntiar?

PHIL. Quid ego nunc faciám? **TR.** Iube haec hinc ómnia amolírier.

Quís istic dormit? PHIL. Cállidamates. **TR.** Súscita istunc, Délphium. 25

DE. Cállidamates, Cállidamates, vígila! **CA.** Vigilo: cédo ut bibam.

DE. Vígila: pater advénit peregre Phílolachae. **CA.** Valeát pater.

PHIL. Válet illic quidem; at égo disperii. **CA.** Dísperisti? quí pote'st?

PHIL. Quaéso edepol, exsúrge: pater advénit. **CA.** Tuus venít pater?

Iúbe abire rúrsum. Quid illi réditio huc etiám fuit? 30

PHIL. Quid ego agam? Pater iam híc offendet mísera adveniens ébrium,

aédis plenas cónvivarum et múlierum. Miserum ést opus,

ígitur demum fódere puteum, úbi sitis faucés tenet;

sícut ego adventú patris nunc quaéro, quid faciám miser.

TR. Écce antem, hic deposivit cáput, et dormit. Súscita. 35

PHIL. Étiam vigilas? Páter, inquam, aderit iam híc meus. **CA.** Ain'tú? pater?

Cédo soleas mihi, ut árma capiam! iám pol ego occidám patrem.

PHIL. Pérdis rem: tace. Amábo, abripíte hunc íntro actutum ínter manus.

CA. Iam hércle ego vos pro mátula habebo, nísi mihi matulám datis.

40 PHIL. Périi! TR. Habe bonum ánimum: ego istum lépide medicabór metum.

PHIL. Núllus sum! TR. Taceás: ego, qui istaec sédem, meditabór, tibi.

Sátin' habes, si ego ádvenientem íta patrem faciám tuum,

nón modo ne introeát, verum etiam utfúgiatlonge ab aédibus?

Vós modo hinc abíte intro atque haec hinc propere amolímini.

45 PHIL. Úbi ego ero? TR. Ubi máxume esse vís: cum hac; tu cum istác eris.

DE. Quid igitur? abeamus hinc nos? TR. Nón hoc longe, Délphium.

Námque intus potáte haud tantillo hác quidem causá minus.

PHIL. Heí mihi, quam istaec blánda dicta quo éveniant, madeó metu!

TR. Pótin', animo ut siés quieto et fácias, quod iubeó? PHIL. Potest.

50 TR. Ómnium primúm, Philematium, íntro abi, et tu, Délphium.

DE. Mórigeræ tibi érimus ambae. TR. Ita ille faxit Iúpiter!

Ánimum advortitó nunc tu iam, quae volo accurárier.

Ómnium primúmdum aedes iam fac occlusaé sient. Íntus cave muttíre quemquam síveris, PH. Curábitur.

55 TR. támquam si intus nátus nemo in aédibus habitét; PHIL. Licet.

TR. neú quisquam respónset, quando hasce aedis pultabít senex.

PHIL. Nūmquid aliud? TR. Clāvem mi harunce
aédium Lacónicam

Iám iube efferri íntus: hasce ego aédes occludam
hínc foris.

PHIL. Ín tuam custódiā me et méas spes trado,
Tránio.

TR. Plúma haud interés, patronus án cliens pro-
piór siet

60

homíní quói nulla in péctore est audácia.

Nam quóivis homini, vél optumo vel péssumo,
quamvís desubito fácale est facere néquiter;

verum íd videndum est, íd viri docti ést opus,
quae désignata sánt et facta néquitia,

65

tranquílla cuncta et út proveniant síne malo:

ne quíd patiatúr, quámobrem pigeat vívere:

sicút ego efficiam, quae facta hic turbábimus,

profécto ut liqueant ómnia et tranquílla sint,

nec quídquam nobis páriant ex se incómmodi.

70

Sed quíd tu egrederis? Péríi! o, iamiam óptume
praecéptis paruísti! PU. Iussit máxumo

opere órare, ut patrem áliquo absterrerés modo,

ne introíret aedis. TR. Quín etiam illi hoc dícito,

factúrum, ut ne etiam adspícere aedes aúdeat,

75

capite óbvoluto ut fúgiat summo cúm metu.

Clavím cedo atque abiíntro, atque occlude óstium,

et ego hínc occludam. — lúbe venire núnc iam!

Iudós ego hodie vívo praesenti híc seni

faciám, quod credo mórtuo nunquám fore.

80

Concédam a foribus húc; hinc speculabórprocul,
unde ádvenienti sárcinā imponám seni.



ACTUS II. SCENA II.

THEUROPIDES. TRANIO.

- TH. Habeó, Neptune, grátiam magnám tibi,
 quom me ámisisti víx a te vivúm modo!
 Verúm si posthac mé pedem latúm modo
 scies ímposuisse in úndam: haud causa est, íllico,
 5 quod núnc voluisti fácere, quin faciás mihi.
 Apage, ápage te a me núnc iam post hunc diem;
 quod crédito tibi fui, omne crédito.
- TR. Edepól, Neptune, péccavisti lárgiter,
 qui occasíonem hanc ámisisti tám bonam.
- 10 TH. Triénio post Aégyp̄to adveniό domum.
 Credo, éxpectatus véniam familiáribus.
- TR. Nimio édepol ille pótuít expectátior
 veníre, qui te núntiaret mórtuum.
- TH. Sed quid hóc? occlusa iánua est intérdius?
- 15 Pultábo. Heus, ecquis ístas aperit míhi fores?
- TR. Quis homo ést, qui nostras aédes accessít
 prope?
- TH. Meus sérvos hic quidem est Tránio. TR. O
 Theurópides,
 here, sálve: salvom te ádvenisse gaúdeo.
 Usquén' valuisti? TH. Usque, út vides. TR. Fa-
 ctum óptume.
- 20 TH. Quid vós? insanin' éstis? TR. Quidum?
 TH. Síc: quia
 foris ámbulatis; nátus nemo in aédibus
 servát, neque qui reclúdat, neque qui respóndeat.
 Pultándo pedibus péne confregi ássulas.
- TR. Eho an tú tetigisti has aédes? TH. Cur non
 tángerem?

Quin púltando, inquam, péne confregí fores. 25

TR. Tetigístin'? TH. Tetigi, inquam, ét pultavi.

TR. Váh! TH. Quid est?

TR. Male hércle factum! TH. Quid est negoti?

TR. Nón potest

dicí, quam indignum fácinus fecisti ét malum.

TH. Quid iám? TR. Fuge, obsecro, átque abscede
ab aédibus.

Fuge húc, fuge ad me própius! Tetigístin' fores? 30

TH. Quomódo pultare pótui, si non tángerem?

TR. Occídisti hercle. TH. Quém mortalem? TR.
Omnés tuos.

TH. Di té deaeque omnes pérduint cum isto
ómine.

TR. Metuó, te atque istos éxpiare ut póssies.

TH. Quamobrem, aút quam subito rém mihi ad-
portás novam? 35

TR. Et heús, iube illos illínc, amabo, abscédere.

TH. Abscédite. TR. Aedes ne áttigatis! Tángite
vos quóque terram! TH. Obsecro hércle, quin eló-
quere iam.

TR. Quia séptem menses súnt, quom in hasce ae-
dés pedem

nemo íntro tetulit, sémel nt emigrávimus. 40

TH. Elóquere, quid ita? TR. Círcumspicedum,
núm quis est,

sermónem nostrum qui aúcupet. TH. Tutúm
probe est.

TR. Círcumspice etiam. TH. Nemo est: loquere
núnc iam.

TR. Capitális aedis fácta est. TH. Non intéllego.

TR. Scelus, inquam, factum est iámdiu, antiquom
ét vetus. 45

TH. Antíquom? TR. Id adeo nós nunc factum invénimus.

TH. Quid istíc, sceleste, est, aút quis id fecít? cedo.

TR. Hospés necavit hóspitem captúm manu; iste, út ego opinor, qui hás tibi aedes véndidit.

50 TH. Necávit? TR. Aurumque éi ademit hóspiti, eumque híc defodit hóspitem ibidem in aédibus.

TH. Quaprópter id vos fáctum suspicámini?

TR. Ego dícam, auscultá. Út foris coenáverat tuus gnátus, postqnam rédiit a coená domum:

55 abíimus omnes cúbitum, condormívimus.

Lucérnam forte oblítus fueram extínguere:

atque ille exclamat dérepente máximum.

TH. Quis homo? án gnatus meus? TR. St' tace; auscultá modo.

Ait, vénisse illum in sómnis ad se mórtuum.

60 TH. Nempe érgo in somnis? TR. Íta. Sed auscultá modo.

Ait illum hoc pacto síbi dixisse mórtuum

TH. In sómnis? TR. Mirum, quín vigilantí díceret,

qui abhínc sexaginta ánnis occisús foret.

Intérdu inapte stúltus's. Sed ecce, quae ille ait:

65 „Ego trásmarinus hóspes sum Diapóntius;

hic hábito; haec mihi dédita est habitátio:

nam me Ácheruntem récipere Orcus nóluit,

quia praémature víta careo. Pér fidem

70 decéptus sum: hospes me híc necavit, ísque me

defódit insepúltum clam [ibidem] in hisce aédibus,

sceléstus, auri caúsa. Nunc tu hinc émigra:

scelésta haec aedis, ímpia est habitátio.“

Quae hic mónstra fiunt, áнно vix possum éloqui.

St, st! TH. Quid, obsecro, [hercle,] fáctum est?

TR. Concrepuít foris.

Hicciné percussit? TH. Gúttam haud habeo sanguínis.

75

Vivóm me arcessunt ád Acheruntem mórtui.

TR. Perii! illice hodie hanc cónturbabunt fábulam. Nimis quá́m formido, né manifesto hic me ópprimat.

TH. Quid túte tecum lóquere? TR. Abscede ab iánua.

Fuge, óbsecro hercle! TH. Quó fugiam? Etiam tú fuge.

80

TR. Nil égo formido: páx mihi est cum mórtuis.—

TH. Heus, Tránio! TR. Non me áppellabis, sí sapis:

nihil égo commerui, néque istas percussí foris.

TH. Quaeso, quid aegre est? quae res te agitat, Tránio?

Quicum istaec loquere? TR. An, quaeso, tu appelláveras?

85

Ita mé di amabunt, mórtuum illum crédidi expóstulare, quía percussissés fores.

Sed tu étiamne adstas, néc, quod dico, obtémperas?

TH. Quid fáciam? TR. Cave respéxis: fuge, operí caput!

TH. Cur nón fugis tu? TR. Páx mihi est cum mórtuis.

90

TH. Scio. Quíd? modo igitur cú tantopere extímueras?

TR. Nil mé curassis, ínquam: ego mihi provídero; tu, ut óccepisti, tántum, quantum quís, fuge; atque Hérculem invocábis. TH. Hercules, te ínvocho!

95 TR. Et égo, tibi hodie ut dét, senex, magnúm malum.

Proh di ímmortales, óbsecro vostrám fidem, quid ego hódie [hic] negóti confecí, malum!

ACTUS III. SCENA I.

DANISTA. THEUROPIDES. TRANIO.

DA. Sceléstiore ego ánnum argento foénori nunquam úllum vidi, quam híc mihi annus óbtigit. A máne ad noctem usque ín foro degó diem; locáre argenti némini numúm queo.

5 TR. Nunc pól ego perii pláne in perpetuúm modum:

danísta adest, qui amíca est emta, quí dedit. Manifesta res est, nísi quid occurró prius, ne hoc núnc senex rescíscat. Ibo huic óbviám. Sed quídnám hic sese tám cito recipít domum? 10 Metuó, ne de hac re quídpíam indaudíverit. Accédám atque appellábo. At quam timeó miser! Nihilést miserius, quam ánimus hominis cónscius, sicút me habet. Verúm utut res sese haéc habet, pergám turbare pórro: ita haec res póstulat.

15 Unde ís? TH. Conveni illum, únde hasce aedes émeram.

TR. Numquíd dixisti de íllo, quod dixí tibi?

TH. Dixi hércle vero [illi] ómnia. TR. Vae miseró mihi!

metuó, ne technae méae perpetuo péríerint!

TH. Quid túte tecum? TR. Níhil enim. Sed díe mihi:

dixístin', quaesó? TH. Díxi, inquam, ordine ómnia. 20

TR. Etiám fatetur de hóspite? TH. Imo pérnegat.

TR. Negat? TH. Étiám rogítas? Dícam, si conféssus sit.

Quid núnc faciundum cénseas? TR. Ego quid cénseam?

Cape, óbsecro hercle té, cum eo una iúdicem;
sed éum videto ut cápias, qui credát mihi: 25
tam fáciie vinces, quám pírum volpés comest.

DA. Sed Phílolachetis éccum servom Tránium,
qui míhi neque fœnus néque sortem argentí da-
nunt.

TH. Quo té agís? TR. Nec quoquam ábeo. —
Nae ego súm miser,
sceléstus, natus díis inimicis ómnibus. 30

Iam illó praesente adíbit. Nae ego homo súm
miser:

ita et hínc et illinc mi éxhibent negótium.
Sed óccupabo adíre. DA. Hic ad me it: sálvos
sum:

spes ést de argento: hílarus est. TR. Frustra
ést homo.

Salvére iubeo té, mi Saturidés, bene. 35

DA. Salve ét tu. Quid de argéto? TR. Abi, sis,
bélua!

contínuo adveniēns pílum iniecistí mihi.

DA. Hic homo ést inanis. TR. Híc homo certe
est háriolus.

DA. Quin tu ístas mittis trícas? TR. Quin, quid
vís, cedo.

DA. Ubi Phílolaches est? TR. Núnquam potui-
stí mihi 40

magis ópportunus ádvenire, quam ádvenis.

DA. Quid ést? TR. Concede huc. DA. Quín mi argentum rédditur?

TR. Scio té bona esse vóce: ne clamá nimis.

DA. Ego hércle vero clámo. TR. Ah, gere mórem mihi.

45 DA. Quid tíbi ego morem vís geram? TR. Abi, quaeso, hínc domum.

DA. Abeám? TR. Redito huc círciter merídiem.

DA. Reddéturne igitur foénus? TR. Reddetúr. Abi.

DA. Quid ego húc recursem, aut óperam sumam aut cónteram?

Quid, si híc manebo pótius ad merídiem?

50 TR. Imo ábi domum. Verum hércle dico. Ábi modo!

DA. Quin vós mihi foenus dáte. Quid hic nugámini?

TR. Eu hércle! — Nae tu ábi modo; auscultá mihi.

DA. Iam hercle égo illunc nominábo. TR. Euge strénue!

Beátus vero es núnc, quom clamas. DA. Méum peto.

55 Multós me hoc pacto iám dies frustrámini.

Moléstus si sum, réddite argentum; ábiero.

Respónsiones ómnes hoc verbum éripit.

TR. Sortem áccipe. DA. Imo foénus: id primúm volo.

TR. Quid? tú ted, homo hominum ómnium térrume,

60 venísti huc extentátum? Agas, quod ín manu est.

Non dát: non debet. DA. Nón debet? TR. Ne grý quidem

ferre hinc potes. An mávis, ut abeát foras,
urbem éxul linquat, áctus hinc causá tui?

Quin sórtem potius dáre licet. DA. Quin nón peto.

[TH. Eia, mastigia, ad mé redi. TR. Iam istíc ero. 65

Moléstus ne sis; némo dat; age, quíd lubet.

Tu sólus, credo, foénore argentúm datas?]

DA. Cedo foénus! redde foénus! foenus réddite!

datúrin' estis foénus actutúm mihi?

daté mihi foenus! TR. Foénus illíc, foénus híc! 70

Nescit quidem nisi foénus fabulárier

veterátor; neque ego tétriozem béluam

vidísse me unquam quémquam, quam te, cénseo.

DA. Non édepol nunc me tu ístis verbis térritas.

Calidum hóc est; etsi prócul abest, urít male. 75

TR. Moléstus ne sis: némo dat: age quíd lubet!

Tu sólus, credo, foénore argentúm datas?

TH. Quod illúc est foenus, óbsecro, quod illíc
petit?

[TR. Pater éccum advenit péregre non multó
prius

illíns; is tibi et foénus et sortém dabit: 80

ne incónciliare quíd nos porre póstules.

Vide, núm moratur? DA. Quín feram, si quíd
datur.

TH. Quid áis tu? TR. Quid vis? TH. Quís illíc
est? quid illíc petit?

quid Phílolachetem gnátum compellát ferox

sic, ét praesenti tíbi facit convícium?]

quid illí debetur? TR. Óbsecro, iube óbiici 85

argéntum huic ob ós impurae héluae.

TH. Iubeám? TR. Iube homini argénto os ver-
berárier.

DA. Perfácile ego ictus pérpetior argénteos.

- 90 TH. Quod illud argentum est? TR. Húic debet
Phílolaches
paulúm. TH. Quantillum? TR. Quási quadra-
gintá minas.
DA. Ne sáne id multum cénseas: paulum íd qui-
dem est.
TR. Audín? videturne, óbsecro hercle, idóneus,
danísta qui sit, génus quod improbíssimum est?
- 95 TH. Non núnc ego istuc cúro, qui sit, únde sit:
illúd volo dici míhi, id me scire éxpeto:
ab eo étiam argenti foénus creditum aúdio.
TR. Quatuór quadraginta illi debentúr minae.
Dic té daturum, ut ábeat. TH. Ego dicám dare?
- 100 TR. Dic. TH. Égone? TR. Tu ipsus. Díc mo-
do! auscultá mihi!
Promítte! age inquam: ego iúbeo. TH. Respon-
dé mihi:
quid eo ést argento fáctum? TR. Salvom est. TH.
Sólvite
vosmét igitur, si sálvom est. TR. Aedes fílius
tuus émit. TH. Aedes? TR. Aédes. TH. Euge,
Phílolaches
- 105 patríssat! iam homo in mércatura vórtitur.
Ain' tu? aédes? TR. Aedes, inquam. Sed scin',
quóiusmodi?
TH. Qui scíre possim? TR. Váh! TH. Quid est?
TR. Ne mé roga.
TH. Nam quíd ita? TR. Speculo cláras, clarorém
merum.
TH. Bene hércle factum! Quíd? eas quanti dé-
stinat?
- 110 TR. Taléntis magnistótidem, quot ego et tú sumus:
sed árrhaboni has dédit quadragintá minas.

Hinc sumpsit, quas ei dedimus. Satin' intéllegis?
Nam póstquam haece aedes ita erant, ut dixi tibi,
contínuo est alias aedes mercatús sibi.

TH. Bene hércle factum! DA. Heus, iam ádpetit
merídies. 115

TR. Absólve hunc, quaeso, vómitum, ne hic nos
énicet.

Quatuór quadraginta illi debentúr minae,
et sórs et foenus. DA. Tántum est; nihilo plús
peto.

TR. Velím quidem hercle, ut úno numo plús petas.

TH. Aduléscens, mecum rém habe. DA. Nempe
abs té petam? 120

TH. Petitó cras. DA. Abeo: sát habeo, si crás
fero.

TR. Malúm quod isti dí deaeque omnés duint:
ita méa consilia pérturbat peníssume.

Nullum édepol hodie génus est hominum tétrius
nec mínus bono cum iúre, quam danísticum. 125

TH. Qua in régione istas aedes emit fílius?

TR. Ecce autótem perii! TH. Dícisne hoc, quod té
rogo?

TR. Dicám; sed nomen dómini quaero quód siet.

TH. Age, cómminiscere érgo. TR. Quid ego núnc
agam,

nisi ín vicinum hunc próximum mendácium? 130

Eas émissee aedes húius dicam fílium.

Calidum hércle audiui esse óptimum mendá-
cium;

[calidum hóc est: etsi prócul abest, urít male.]

Quidquíd dei dicunt, id decretum est dícere.

TH. Quid igitur? iam comméntus? TR. Di istum
pérduint! 135

— Imo istum potius! — Dé vicino hoc próxumo tuus émit aedes fílius. TH. Bonán' fide?

TR. Si quidem és argentum rédditurus, túm bona: si rédditurus nó n es, non emít bona.

140 TH. Non ín loco emit pérbono has. TR. Imo óptumo.

TH. Cupio hércle inspicere has aédes: pultadúm foris,

atque évocato aliquem íntus ad te, Tránio.

TR. Ecce aútem iterum nunc, quíd ego dicam, néscio.

Iterúm iam ad unum sáxum me fluctús ferunt.

145 Quid núnc? Non hércle, quíd nunc faciam, réperio;

manifésto teneor. TH. Évocadum aliquém foras:

roga, círcumducat. TR. Heús tu! At hic sunt múlieres:

vidéndum est primum, utrum éae velintne, an nó n velint.

TH. Bonum aéquomque oras: pércontaredum ét roga:

150 ego híc tantisper, dum éxis, te opperiár foris.

TR. Di té deaeque omnes fúnditus perdánt, senex: ita méa consilia úndique oppugnás mala.

Euge, óptume, eccum, aédiúm dominús foras

Simó progreditur ípsus. Huc concéssero,

155 dum míhi senatum cónsili in cor cónvoco.

Igitúr tum accedam hunc, quándo, quíd agam, invénero.



ACTUS III. SCENA II.

SIMO. THEUROPIDES. TRANIO.

I. Mélius anno hoc mihi nón fuit dómi,
éc quando esca úna me méruerit mágis.
rándium uxór mihi pérbonum dédit;
únc dormitúm iubet íre me. Mínume!
Íón mihi fórte visum íllico fúit. 5

Ielins, quam prándium, quód solet, dédit:
óluit in cúbiculum abdúcere me ánus.
Íón bonus sómnus de prándio est: ápage!
lánculum ex aédibus me édidi fóras.
Íóta turgét mihi uxor núnc, scio, dómi. 10

R. Rés parata ést mala in vésperum huic séni:
am ét coenandum ét cubandum íntus est mále.

I. Quóm magis cógito cúm meo ánimó:
í quis dotátam habet, néminem sópor
ílicitat. Íre dormítum mihi ódio est. 15
íxsequi certa res ést, ut ego ábeam
ótius hinc ád forum, quám domi cúbem.
ítque pol néscio, ut móribus síent
ístrae: haec, sát scio, quám me habet mále;
íius posthác fore, quám fuit míhi. 20

R. Si ábitus tuns tíbi, senex, fécerit mále,
íhil erit, quód deorum úllum accúsites;
íipse iure óptumo mérito incusés licet.
émpus núnc ést, senem hunc álloqui, míhi.
óc habet! réperi, quí senem dúcerem, 25
íó dolo a mé dolorém procul péllerem.
ícedam. Dí te ament plúrimum, Símo.

Sálvos sis, Tránio. TR. Út vales? SI. Nón
male.

- Quid agis? TR. Hominem óptimum téneo. SI.
Amicé facis,
- 30 quóm me laudás. TR. Decet certe. SI. Hercle,
at téd ego
téneo servom haúd bonum. TR. Quid ita veró,
Simo?
- TH. Héia, mastígia, ad mé redi! TR. Iam ísti ero.
SI. Quid nunc? quam móx? TR. Quid est? SI.
Quód solet fieri.
- TR. Díc igitur, quód solet fieri, quíd id est?
- 35 SI. Quid facitis vós? Sed ut vérum, Tranió, lo-
quar,
síc decet, út homines súnť, ita morém geras,
víta quam sít brevis, cógitans símitu.
TR. Quid? Ehem, vix tandem
percépi, super his rébus nostris té loqui.
- 40 SI. Músice hercle ágitis aetátem, ita ut vós decet:
víno, victú, piscatú probo, eléctili,
vítam colitís. TR. Imo ita éa quidem antehác
erat;
núnc nobis ómnia haec éxciderúnt simul.
SI. Quidum? TR. Ita óppido occídipus omnés,
Simo.
- 45 SI. Nón taces? Prósperē vóbis cuncta úsque adhuc
prócesserúnt. TR. Ita ut dícis, facta haúd nego:
nós profectó probe, ut vólúimus, víximus;
séd, Simo, ita núnc ventus
návem deseruít SI. Quid est? Quó modo?
TR. Péssumo.
- 50 SI. Quaéne subdúcta erat túto in térra?
TR. Heí! SI. Quid est? TR. Mé miserum! óc-
cidi! SI. Quí? TR. Quia
vénit navis, nóstrae naví quae frangát ratem.

SI. Vélim, ut velles, Tránio. Séd quid est negóti?
Éloquere. TR. Éloquar: hérus [peregre] venit.

SI. Túm tibi

chórda tendétur; inde ín ferritérium: 55

póstea recta ín crucem. TR. Núnc te ego per génua
óbsecro, né hero indícium faciás meo.

SI. Né metuas, níl sciet é me. TR. Patróne,
sálve. SI. Nihil móror mi istiúsmodi cliéntis.

TR. Nunc hóc quod ad te nóster me misít senex.... 60

SI. Hoc míhi responde prímum, quod ego té rogo.

Iam de ístis rebus vóster quid sensít senex?

TR. Nihil quídquam. SI. Numquid íncrepavit fí-
lium?

TR. Tam líquidus est, quam líquida esse tempe-
stás solet.

Nunc te hóc orare iússit opere máximo, 65

ut síbi liceret ínspicere has aedés tuas.

SI. Non súnť venales. TR. Scío equidem istuc;
séd senex

gynaéceum aedificáre volt hic ín snis
et bálineas et ámbulacrum et pórticum.

SI. Quid ille consomniávit? TR. Ego dicám tibi. 70

Dare vólt uxorem fílio, quantúm potest:

ad eám rem facere vólt gynaeceúm novum.

Nam síbi laudasse hásce ait architéctonem

nescío quem, esse aedificátas has sané bene.

Nunc hínc exemplum cápere volt, nisi tú nevis.... 75

SI. Nae illic malo quidem ab ópere síbi exemplúm
petit.

TR. quia híc audivit ésse aestatem pérbonam;

subdú colí has solére perpetuúm diem.

SI. Imo édepol vero, quum úsquequaque umbra
ést, tamen

80 sol sémper hic est úsque a mani ad vésperum;
 quasi flágitator ádstat usque ad óstium;
 nec mihi umbra usquam est, nísi si in puteo quaé-
 piam est.

TR. Quid? Sársinatis écqua est, si Umbram nón
 habes?

SI. Moléstus ne sis. Haéc sunt sicut praédico.

85 TR. Attámen inspicere vólt. SI. Inspiciat, sí lubet.
 Si quíd erit, quod illi pláceat, de exempló meo
 ipse aédificato. TR. Eón'? voco huc hominem?
 SI. Í, voca.

TR. Alexándrum magnum atque Ágathoclem aiunt
 máximas

duo rés gessisse: quíd mihi fiet tértio,
 90 qui sólus facio fácinora immortalia?
 Vehit híc clitellas, véhit hic autem altér senex.
 Novítium mihi quaéstum institui nón malum:
 nam múliones múlos clitellários
 habént; ego homines hábeo clitellários.

95 Magní sunt oneris; quídquid imponás, vehunt.
 Nunc hunc haud scio án colloquár. Congredíbor.
 Heus, Theúropidés! TH. Hem, quis mé nominát?
 TR. Heró servos múltum fidélis suó.

Quo mé miserás, adfero ómne impetrátum.

100 TH. Quid illic, obsecró, tam diú restitísti?

TR. Sení non erát otium: íd sum opperítus.

TH. Antíquom obtinés hoc tuám, tardus út sis.

TR. Heus tú, si volés verbum hóc cogitáre:
 simúl flare sórbereque haúd facile fáctu est:

105 ego híc esse et illic simúl haud potui.

TH. Quid núnc? TR. Vise, spécta, tuó arbitrátu.

TH. Age, í duce mé. TR. Num morór? TH. Sub-
 sequór te.

TR. Senéx ipse te ánte ostium, éccum, opperítur.
Sed ís moestus ést, hasce sé vendidísse.

TH. Quid tándem? TR. Orat, út suadeám Philo-
lachéti, 110

ut ístas remíttat sibi. TH. Haud opínor.

Sibi quisque rúri metít. Si male émtae
forént, nobis hás redhibére haud licéret.

Lucrí quidquid ést, id domúm trahere opórtet.

Miséricordiás iam hominem habére haud opórtet. 115

TR. Moráre herculé, dum facís verba. Séquere.

TH. Fiát. TR. Do tibi ego óperam.

Senéx illic ést. — Hem, addúxi tibi hóminem.

SI. Sálvom te advenísse peregre gaúdeo, Theuró-
pides.

TH. Dí te ament. SI. Inspícere hic aedes te hás
velle aiebát mihi. 120

TH. Nísi tibi est incómodum. SI. Imo cómmo-
dum. Intro atque inspice.

TR. Át enim mulierés. SI. Cave tu ullam flócci-
faxis múlierem.

Quálibet perámbula aedes óppido, tamquám tuas.

TH. Tánquam? TR. Ah, cave tu illi obiectes
núnc in aegritúdine,

te hás emisse. Nón tu vides hunc, vóltu ut tristi
ést senex? 125

TH. Vídeo. TR. Ergo irridére ne videáre et gestire
ádmodum,

nóli facere méntionem, te hás emisse. TH. In-
téllego.

Ét bene monitum dúco atque esse exístumo hu-
mani ingeni.

Quíd nunc? SI. Quin tu is íntro? atque otíose
perspecta, út lubet.

- 130 TH. Béne benigneque árbitor te fácere. SI. Factum edepól volo.
 [Vín', qui perductét? TH. Apage istum pérductorem. Nón placet.
 SI. Quid? quid est? TH. Errábo potius, quám perductet quíspiam.]
 TR. Víden', vestibulum ante aedis hoc, et ámbulacrum, quoíusmodi?
 TH. Lúculentum edepól profecto! TR. Age spécta, postes quoíusmodi,
 135 quá sint firmitáte facti, et quánta crassitúdine!
 TH. Nón videor vidísse postis púlcriores. SI. Pól mihi eó pretio emti fúerant olim. TR. Aúdin' „Fuerant“ dícere?
 Víx videtur cótinere lácrumas. TH. Quanti hosce émeras?
 SI. Trés minas pro istis duobus praéter vecturám dedi.
 140 TH. Hércle quin multum ímprobiores sùnt, quam a primo crédidi.
 TR. Quápropter? TH. Quia édepol ambo ab infumo tarmés secat.
 TR. Íntempestivós excisos crédo; id eis vitíum nocet;
 átque etiam nunc sátis boni sunt, sí sint inductí pice. Nón enim pultíphagus opifex óperam fecit bárbarus.
 145 Víden' coagmenta in fóribus? TH. Video. TR. Spécta, quam arcte dórmiunt.
 TH. Dórmunt? TR. Illúd quidem, ut connívent, volui dícere.
 Sátin' habes? TH. Ut quídquid magis contémplor, tánto mágis placet.

TR. Viden' pictum, ubi ludificat cornix una vol-
turiós duo?

Córnix adstat; éa vulturios dúo vicissim véllicat.
Quaéso, huc ad me spécta, cornicem út conspi-
cere póssies. 150

Iám vides? TH. Profécto nullam equidem illic
cornicem íntuor.

TR. Át tu istac ad vós obtuere, quóniam corni-
cém nequis

cónspicari, sí vulturios fórte possis cóntui.

Iám vides? TH. Non édepol video. TR. Át ego
voluturiós duos.

TH. Ómnino, ut te absólvam, nullam píctam con-
spicio híc avem. 155

TR. Áge, iam mitto. Ignósko: aetate nón quis
obtuériet.

TH. Haéc, quae possum, ea míhi profecto cúncta
vehementér placent.

SI. Látius demum óperae est pretium ivísse.

TH. Recte edepól mones.

SI. Ého, istum, puer, círcumduce hasce aédís et
conclávia.

Nam égomet ductaréem, nisi mi esset ád forum ne-
gótium. 160

TH. Ápage istum a me pérductorem: níhil moror
ductárier.

Quídquid est, errábo potius, quám perductet quís-
píam.

SI. Aédís dico. TH. Érgo introeo síne perducto-
re? SI. Í, licet.

TH. Íbo intro igitur. TR. Máne, sis: videam, né
canis TH. Agedúm, vide.

- 165 TR. Ést. TH. Ubi est? TR. Abí dierecta! st! ábin'
hinc in malám crucem?
At etiam restás? St! abi istinc! sl. Níhil pericli
est. Áge [modo].
Tám placida est, quam foéta. Quavis íre intro
audactér licet.
Éo ego hinc ad forúm. TH. Fecisti cómmode.
Bene ámbula. —
Tránio, age, canem ístam a foribus [íntus] abdu-
cát face,
170 étsi non metuénnda est. TR. Quin tu illam ádspice,
ut placide áccubat!
Nísi molestum vís videri te átque ignavom
TH. Iam, út lubet.
TR. Séquere hac me igitur. TH. Équidem haud
usquam a pédibus abscedám tuis.



ACTUS IV. SCENA I.

PHANISCUS. SERVOS ALIUS.

- Serví, qui quum cúlpa carint,
tamén [malum] metuúnt,
hí solent ésse heris útibilés.
Nam ílli, qui níhil metuúnt,
5 postquám sunt malúm merití,
stúlta sibi éxpetunt cónsiliá:
exércent sese ad cúrsuram:
fugiúnt.
Sed hí, si reprénsi súnť,
10 faciúnt a maló
pecúlium, quód nequeúnt [a bonó]

aúgent ex pauxílo:

[thesaúrum in]de paránt.

Mihi in péctore cónsilií [quod ést,

lubét cavére] malám rem priús,

15

quam út meum [térgum exsincératum fíat.]

Út adhuc fuit, mihi córium esse opórtet,

síncerum, átque uti vérberarí vetem.

Si huíc imperábo, probé tectum habébo.

[Malum] Cum impluit caéteris, nón impluát mihi. 20

Nám, ut serví volunt ésse herum, ita solet.

Bonús cum probís 'st,

malús cum malís.

Nam núnc domi nóstrae tot péssimi vívunt;

pecúli suí prodigí, plagigéruli.

25

Ubi, advórsum ut éánt,

vocántur, heró: [Non eó;]

moléstus ne sís:

scio, quó properás.

Gestís aliquó

30

iam hercle íre [vis, múla,] forás [pastum.]

Béne merens hoc prétium inde ábstuli: ita abií

foras. [Solus]

Núnc eo advórsum heró ex plúrimis sérvis.

Hóc die crástini cúm herus rescíverit,

máne eos castígabit búbulis éxuviis.

35

Póstremo minóris pendo térgum illorum, quám

meum.

Ílli erunt bucaédae multo pótius, quam ego sim

réstio.

SE. Mane tu, átque adsiste íllico: Phanísce!

etiam réspice!

PH. Mihí molestus né sies. SE. Vide, út fastidit

símia!

- 40 PH. Mihi sūm; lubet esse. Quid id curas?
 SE. Manesne illico, impure párasite?
 PH. Qui párasitus sum? SE. Ego ením dicam:
 cibo pérduci poterís quovis.
 Ferócem facís, quia te herús tam amát? PH. Vah,
 45 oculí dolent! SE. Cúr? PH. Quia fúmus moléstus.
 SE. Táce, sis, faber, qui cúdere
 plúmbeos numós soles!
 PH. Nón potes tu cógere me, ut tíbi maledicam.
 Nóvit herus me.
 SE. Súam quidem pol cúlcutillam opórtet. PH. Si
 sis sóbrius,
 50 mále non dicas. SE. Tíbi obtemperém, quom
 mihi tu néqueas?
 PH. Át tu mecum [,pessume,] í advorsus. SE.
 Quaéso hercle, Phanisce, ábstine
 iám sermonem de ístis rebus. PH. Fáciám, et
 pultabó foris.
 Hens, écquis hic est, qui máxumam
 iniúriam his foribus défendat?
 55 Ecquis, ecquis huc éxit atque
 aperít? Nemo hinc quidem fóras exit.
 Ut esse áddecet nequam hominés, ita sunt.
 Séd eo magis cauto ést opus, ne huc exeát, qui
 male me múlcet.

ACTUS IV. SCENA II.

TRANIO. THEUROPIDES.

- TR. Quid tibi visum ést hoc mercimóni? TH. To-
 tus gaúdeo.

TR. Núm nimio emtae tibi videntur? TH. Núnquam edepol ego mé scio

vídisse usquam abiéctas aedes, nísi modo hasce.

TR. Ecquíd placent?

TH. Écquid placeant, mé rogas? Imo hércle vero pérplacent.

TR. Cúiusmodi gynaéceum! quid pórticum?

TH. Insanúm bonam.

5

Nón equidem ullam in público esse máiorem hac exístumo.

TR. Quín ego ipse et Phílolaches in público omnes pórticus

súmus commensi. TH. Quíd igitur? TR. Longe ómnium longíssuma est.

TH. Di ímmortales, mércimoni lépidi! Si hercle núnc ferat

séx talenta mágna argenti pro ístis praesentária, 10
núnquam accipiam. TR. Si hércle accipere cúpias, ego nunquám sinam.

TH. Béne res nostra cóllocata est ístoc mercimónio.

TR. Mé suasore atque ímpulsore id fáctum audacter dícto,

quí subegi, foénore argentum áb danista ut súmeret,
quód isti dedimus árrhaboni. TH. Sérvavisti 15
omném ratem.

Némpe octogintá debentur huíc minae? TR. Haud numo ámplius.

TH. Hódie accipiat. TR. Íta enimvero, né qua causa súbsiet;

él mihi denumeráto; ego illi pórró denumerávero.

TH. Át enim ne quid cáptioni míhi sit, si dederím tibi.

TR. Égone te ioculó modo ausim dícto aut facto fállere?

TH. Égon' abs te ausim nón cavere, né quid committám tibi?

TR. Quían' tibi unquam quídkquam, postquam túus sum, verborúm dedi?

TH. Égo enim cavi recte: éam mihi debeo grátiam, atque animó meo.

Sát sapio, si abs té modo uno cáveo. TR. Tecum séntio.

25 TH. Núnc abi rus: dic, me ádvenisse, filio.
TR. Faciam, út voles.

TH. Cúrriculo i, iube in úrbem veniat iám simul tecúm. TR. Licet.

Núnc ego me illa pér posticum ad cóngerrones cónferam:

dícam, ut hic res sánt quietae, atque, hunc ut hinc amóverim.

ACTUS IV. SCENA III.

PHANISCUS. ALIUS SERVUS.
THEUROPIDES.

PH. Híc quidem neque cónvivarum sónitus, item ut antehác fuit,
néque tibicinám cantantem, néque aliam quemquam aúdio.

TH. Quae illaec res est? quíd illice homines quærunt apud aedés meas?
quíd volunt? quíd íntrospectant? PH. Pérgam pultare óstium.

5 Heús, reclude, heus, Tránio! Etiamne áperis?
TH. Quae haec est fábula?

PH. Étiamne aperis? Cállidamati nóstro advor-
sum vénimus.

TH. Heús vos, pueri, quíd istic agitis? quíd istas
aedes frángitis?

PH. Hérus hic noster pótat. TH. Herus hic vó-
ster potat? PH. Íta loquor.

TH. Púere, nimium es délicatus. PH. Éi advor-
sum vénimus.

TH. Quói homini? PH. Hero nóstro. Quaeso,
quóties dicundúm est tibi? 10

TH. Púer, hic nemo hábitat: nam te esse árbitror
puerúm probum.

PH. Nón hic Philolachés adolescens hábitat hisce
in aédibus?

SE. Híc senex cerebrósus certe est. PH. Érras
pervorsé, pater:

nám nisi hinc hodie émigravit aút heri, certó scio
híc habitare. TH. Quín sex menses iam híc nemo
habitat. SE. Sómnia. 15

TH. Égone? SE. Tu. TH. Tu né molestus. Síne
me cum pueró loqui.

PH. Nemo habitat? Hem! TH. Íta. PH. Pro-
fecto: nám heri et nudiustértius,
quártus, quintus, séxtus, usque, póstquam hinc
peregre eiús pater

ábiit, nunquam hic tríduom unum désitum est
esse ét bibi.

TH. Quíd ais? PH. Triduom únnum haud inter-
míssum est hic esse ét bibi, 20

scórta duci, pérgraecari, fídicinas, tibícinas
dúcere. TH. Quis istaéc faciebat? PH. Phílola-
ches. TH. Qui Phílolaches?

- PH. Cui patrem Theurópide[m] esse opínor. TH
Hei, hei, óccidi,
si haéc hic vera mémorat. Pergam pórro per-
contárier.
- 25 Áin' tu, istic potáre solitum Phílolachem istum,
quísquis est,
cúm hero vostro? PH. Hic, ínquam. TH. Puere,
praéter speciem stúltus es.
Víde, sis, ne forte ad merendam quópiam devórteris,
átque ibi meliúscule, quam sát fuit, biberís.
PH. Quid est?
TH. Íta dico: ne ad álias aedes pérperam devéneris.
- 30 PH. Scío, qua me ire opórtet, et quo vénerim, no-
ví, loci.
Phílolaches hic hábitat, quoius ést pater Theuró-
pides,
quí, postquam pater ad mercatum ábiit, hic tibi-
cinam
líberavit. TH. Phílolaches ergo? PH. Íta: Phi-
lematiúm quidem.
- TH. Quánti? SE. Trigintá talentis. PH. *Μὰ τὸν*
Ἀπόλλω, séd minis.
- 35 TH. Áin', minis trigínta amicam déstinatam Phí-
lolachi?
PH. Áio. TH. Atque eam manu émisisse? PH. Áio.
TH. Et postquam eius hínc pater
sít profectus péregre, perpotásse hic adsiduó tuo
cúm domino? PH. Aió. TH. Quid? aedes émit
hic is próxumas?
PH. Nón aio. TH. Quadráginta etiam dédit huic,
quae essent pígnoři?
- 40 PH. Néque istud aio. TH. Hei, pérdis! PH. Imo
súum patrem illic pérdidit.

TH. Véra cantas! Vána vellem! PH. Pátris amicus videlicet.

TH. Heú, edepol patrém eum miserum praédicas!

PH. Nihil hóc quidem est, tríginta minaé, prae quam alios dápsiles sumtús facit.

Pérdidit patrem. Únus istic sérvos est sacérrumus, Tránio; is vel Hérculi contérere quaestum póssiet. 45
Édepol eius patris me misere míseret; qui quum istaéc sciet

fácta ita, amburét ei misero córculum carbúnculus.

TH. Sí quidem istaéc véra sunt. PH. Quid mérear, quamobrem méntiar?

Heús vos? ecquis hasce áperit? SE. Quid ita púltas, ubi nemo íntus est?

PH. Álio credo cómissatum abísse: abeamus púnc iam. 50

TH. Púere, iamne abís? Libertas paénula est tergó tuo.

PH. Míhi, nisi herum ut métuam et curem, níhil est, qui tergúm tegam.

ACTUS IV. SCENA IV.

THEUROPIDES. SIMO.

TH. Perii hércle! quid opust vrbis? Ut verba aúdio, non équidem in Aegyptum hínc modo vectús fui, sed étiam in terras sólas, orasque últimas sum cócumvectus: ita, ubi nunc sim, néscio. Verúm iam scibo: nam éccum, unde aedes fílius 5

meus émit. Quid agistu? **SL.** Á foro incedó domum.
TH. Numquíd processit ád forum [tibi] hodié novi?
SL. Etiám. **TH.** Quid tandem? **SL.** Vídí efferri
 mórtuum. **TH.** Hem,

novum! **SL.** Únum vídí mórtuum efferí foras.

10 **TH.** Modo eúm vixisse aiébant. **TH.** Vae capítí tuo!
SL. Quid tu ótiosus rés novas requíritas?

TH. Quia hódie adveni péregre. **SL.** Promisí foras
 ad coénam: ne me té vocare cénseas.

TH. Haud póstulo edepol. **SL.** Vérum cras, nisi
 quís prius

15 vocáverit me, vél apud te coenávero.

TH. Ne istúc quidem edepol póstulo. Nisi quíd magis
 es óccupatus, óperam mihi da. **SL.** Máxume.

TH. Minás quadraginta áccepisti, quód sciam,
 a Phílochete. **SL.** Núnquam numum, quód sciam.

20 **TH.** Quid? a Tránione sérvó meo? **SL.** Multo íd minus.

TH. quas árrhaboni tíbi dedit? **SL.** Quid sómnias?

TH. Egone? Át quidem tu, qui ístoc te sperás modo
 potésse dissimuládo infectum hoc réddere.

SL. Quid aútem? **TH.** Quod me absénte tecum
 hic fílius

25 negóti gessit. **SL.** Mécum ut ille hic gésserit,
 dum tu híc abes, negóti? quidnam, aut quó die?

TH. Minás tibi octogínta argenti débeo.

SL. Non míhi quidem hercle; vérum, si debés, cedo.
 Fidés servanda est. Ne íre inficias póstules.


30 **TH.** Profécto non negábo debere, ét dabo.

Tu cáve, quadraginta áccepisse hinc né neges.

SL. Quaeso édepol, huc me adspécta et respondé
 mihi.

Te vélle uxorem aiébat tuo nató dare:
 ideo aédficare hic vélle aiebat ín tuis.

TH. Hic aédificare vólui? SL. Sic dixít mihi. 35
 TH. Hei mihi, disperii! vócis non habeo satis!
 Vicíni, interii, périi! SL. Numquid Tránio
 turbávit? TH. Imo éxturbavit ómnia.
 Delúdificatus ést me hodie indignís modis.
 SL. Quid tú ais? TH. Haec res síc est, ut narró tibi: 40
 delúdificatus est me hódie in perpetuúm modum.
 Nunc te óbsecro, ut me béne iuves, operámque des.
 SL. Quid vís? TH. I mecum hac, óbsecro te, uná
 simul.
 SL. Fiát. TH. Servorumque óperam et lora mihi cedo.
 SL. Sume. TH. Eádem ego opera haéc tibi narrávero, 45
 quis méd exemplis hódie [ille] ludificátus est.



ACTUS V. SCENA I.

TRANIO. THEUROPIDES.

TR. Quí homo timidus érit in rebus dúbiis, nauci
 nóñ erit.
 (Átque equidem, quid id ésse dicam vérbum, nau-
 ci, néscio.)
 Nám herus me postquám rus misit, fílium ut suom
 arcésserem,
 ábii illa per ángiportum ad hórtum nostrum clán-
 culum.
 Óstium quod in ángiportu est hórti, patefecí fores; 5
 éaque eduxi omném legionem, ét mares et féminas.
 Póstquam ex obsidióne in tutum edúxi manipula-
 rés meos:
 cápio consilium, út senatum cóngerronum cón-
 vocem.

Quém quum convocávi, atque illi me é senatu ségregant.

10 Úbi egomet videó, vorti rem in meó foro: quantum potest

fácio idem, quod plúrimi alii, quibus res timida aut túrbida est:

pérgunt turbare úsque, ut ne quid póssit conquiescere.

Nám scio equidem, nullo pacto iam ésse posse clám senem.

Séd quid hoc est, quod fóris concrepuit próxuma vicinia?

15 Hérus meus hic quidem ést. Gustare ego éius sermoném volo.

TR. Íllico intra límen adstate íllic: ut, quum extempló vocem,

cóntinuo exsiliátis. Manicas céleriter connéctite. Égo illum ante aedes praéstolabor lúdicatorém meum,

quóius ego hic lúdificabo córium, si vivó, probe.

20 TR. Rés palam est. Nunc té videre méliust, quid agas, Tránio.

TH. Dócte atque astuté captandum est cum ílloc, ubi huc advénerit.

Nón ego illi extempló meum ostendam sénsum: mittam líneam;

díssimulabo, me hórum quidquam scíre. TR. O mortalém malum!

Álter hoc Athénis nemo dóctior dicí potest.

Vérba dare illi nón magis hodie quísquam, quam lapidí, potest.

25 Ádgrediar hominem; áppellabo. TH. Núnc ego ille huc veniát velim.

TR. Sí quidem pol me quaéris, adsum praésens praesentí tibi.

TH. Eúge, Tranió, quid agitur? TR. Véniunt ruri rústici;

Phílolaches iam hic áderit. TH. Edepol míhi opportune ádvenit.

Nóstrum ego hunc vicínium opinor ésse hominem audacem ét malum.

30

TR. Quídam? TH. Qui negát novisse vós. TR. Negat? TH. Nec vós sibi

núnum unquam argentí dedisse. TR. Abi, lúdis me, credo: haúd negat.

[TH. Quíd iam? TR. Scio, iocáris nunc tu: nám ille quidem haúd negat.]

TH. Ímo edepol negát profecto; néque se has aedis Phílolachi

véndidisse. TR. Eho, án negavit, síbi datum argentum, óbsecro?

35

TH. Quín iusiurandúm pollicitus ést dare, si velém, míhi,

néque se hasce aedis véndidisse, néque sibi esse argentúm datum.

Díxi ego istuc idem ílli. TR. Quid ait? TH. Sérvos pollicitúst dare

súos míhi omnes quaéstioni. TR. Núgas! nunquam edepól dabit.

TH. Dát profecto. TR. Quín et illum in iús iube ire. TH. Íám mane:

40

éxperiar, ut opínor; certum est míhi. TR. Míhi huc hominém cedo!

TH. Quíd, si igitur ego arcéssam homines? TR. Fáctum iam esse opórtuit.

Vél hominem iube máncupio aedes pósci. TH.

Imo hoc primúm volo:

quaéstioni accípere servos. TR. Fáciundum edepol cénseo.

45 Égo interim aram hanc óccupabo. TH. Quíd ita?

TR. Nullam rém sapis:

né enim illi huc confúgere possint, quaéstioni quós dabit,

híc ego tibi praésidebo: ne ínterbitat quaéstio.

TH. Súрге. TR. Minime. TH. Ne óccupassis,

óbsecro, aram. TR. Cúr? TH. Scies:

quía enim id maxumé volo, ut illi ístoc confugiárt. Sine

50 tánto apud iudicem hunc argenti cóndemnabo fácilius.

TR. Quód agis, id agas. Quíd tu porro sérere vis negótium?

Néscis tu, quam méticulosa rés sit, ire ad iúdicem.

TH. Súrgedum huc: est cónsulere igitur quíddam quod tecúm volo.

TR. Síc tamen hinc consílium dedero: nímio plus sapió sedens.

55 Túm consilia fírmiora súnť de divínis locis.

TH. Súрге! ne nugáre! adspicedum cóntra me:

TR. Adspexí. TH. Vides?

TR. Vídeo, huc si quis íntercedat tértius, pereát fame.

TH. Quíddum? TR. Quía nihíl quaesti sit: quía mali hercle ambó sumus.

TH. Périi! TR. Quíd tibi ést? TH. Dedisti vérba.

TR. Qui tandém? TH. Probe

60 méd emunxti. TR. Víde sis, satine récte: num muccí fluont?

TH. Ímo etiam cerebrum quoque omnem e capite
emunxisti meum.

Nam omnia malefacta vestra reperi radicatus;
non radicitus quidem hercle, verum etiam eradí-
citus.

Nunquam edepol hoc hodie inultus destinaveris.
Tibi

iam iubebo ignem et sarmenta, carnufex, circúm-
dari.

65

TR. Né faxis: nam elixus esse, quam assus, soleo
suavior.

TH. Éxempla edepol faciam ego in te. TR. Quia
placeo, exemplum expetis.

TH. Lóquere: quomodo reliqui, quom hinc
abibam, filium?

TR. Cum pedibus, manibus, cum digitis, auribus,
oculis, labris.

TH. Aliud te rogo. TR. Aliud ergo nunc tibi re-
spondeo.

70

Sed eccum tui gnatí sodalem videod huc incédere,
Cállidamatem: illó praesente mecum agito, si
quid voles.

ACTUS V. SCENA II.

CALLIDAMATES. THEUROPIDES. TRANIO.

CA. Úbi somnum sepelívi omnem, atque édor-
mivi crápulam,

Phílolaches venísse mihi narrávit suum peregre
huc patrem,

quóque modo hominem advenientem sérvos ludi-
ficátus sit;

ait, sese metúere in conspectum illius occédere.

- 5 Nunc ego de sodalitate solus sum orator datus,
qui a patre eius conciliarem pacem. Atque eccum
optume.

Iubeo te salvére, et, salvus quom advenis, Theu-
ropides,

péregre, gaudeo. Hic apud nos hodie coenes.
Sic face.

TH. Callidamate, di te ament. De coena facio
gratiam.

- 10 CA. Quin venis? TR. Promitte: ego ibo pro te,
si tibi non libet.

TH. Verbero, etiam irrides? TR. Quian' me pro
te ire ad coenam autumo?

TH. Non enim ibis: ego ferare faxo, ut meruisti,
in crucem.

TR. Age, mitte istaec, et me ad coenam dic itu-
rum. Quid taces?

CA. Sed tu istuc quid confugisti in aram, insci-
tissimus?

- 15 TR. Adveniens perterruit me. — Loquere nunc,
quid fecerim.

Nunc utrisque disceptator, eccum, adest: age,
disputa.

TH. Filium corrupisse aio te meum. TR. Auscul-
ta modo.

Fateor peccavisse; amicam liberasse; absente te
foenori argentum sumpsisse; id esse absumtum
praedico.

- 20 Numquid aliud fecit, nisi quod [faciunt] summis
gnati generibus?

TH. Hercle mihi tecum cavendum est: nimis quam
es orator catus.

CA. Sine me dum istuc iudicare. Surge: ego isti
adsedero.

TH. Máxime. Accípi to hanc ad te lítem. TR.
Enim istaec cáptio est.

Fác, ego ne metuam, igitur, et tu út meam timeás
vicem.

TH. Iám minoris ómnia fació, prae quam quibus
mé modis

25

lúdicatus ést. TR. Bene hercle fáctum, et fa-
ctum gaúdeo.

Sápere istac aetáte oportet, quí sunt capite cándido.

TH. Quíd ego nunc faciám, si amicus Démipho
aut Philónides . . . ,

TR. Dícito iis, quo pácto tuos te sérvos ludificáverit:
óptimas frustrátiones déderis in comoédiis.

30

CA. Táce parumper: sine vicissim mé loqui. —
Auscultá. TH. Licet.

C. Ómnium primúm sodalem me éssescis gnató tuo.
Is adiit me: nam illum prodire púdet in conspe-
ctúm tuum

própterea, quae fécit, quia te scíre scit. Nunc te
óbsecro,

stúltitiae adulescéntiaeque éius ignoscás. Tuust; 35

scís, solere illánc aetatem táli ludo lúdere;

quídquid fecit, nóbiscum una fécit; nos delíquimus:

foénus, sortem, súm tumque omnem, quí amica
emta est, ómnia

íós dabimus, nos cónferemus, nóstro sumtu, nón
tuo.

TH. Nón potuit veníre orator mágis ad me impe-
trábilis,

40

quám tu: neque illi súm iam iratus, néque quid-
quam succénseo;

ímo me praesente amato, bibeo, facito quod lubet.
Si hoc pudet, fecisse sumtum: supplicii habeo satis.

CA. Dispudet. TR. Dat istam veniam: quid me
fiet nunc iam?

45 TH. Verberibus, lutum, cadere pendens! TR.
Tamenetsi pudet?

TH. Interimam hercle te ego, si vivo! CA. Fac
istam cunctam gratiam:

Tranioni remitte, quaeso, hanc noxiam causam meam.

TH. Aliud quidvis impetrari a me facilius perferam.
quam ut non ego istum pro suis factis pessum
pessum premam.

50 TR. Mitte istunc, quaeso. TR. Mitte tu me. TH.
Hem, viden', ut restat furcifer?

CA. Tranio, quiesce, si sapis. TH. Tu quiesce
hanc rem modo

petere; ego illum verberibus, ut quietus sit, sub-
égero.

CA. Nihil opus est profecto. Age iam, sine te
exorari.

TH. Nolo ores. CA. Quaeso hercle. TH. Nolo,
inquam, ores. CA. Nequidquam nevis:

55 hanc modo unam noxae veniam, quaeso, fac cau-
sam meam.

TR. Quid gravis? Quasi non cras iam com-
ream aliam noxiam:

sibi utrumque, et hoc et illud, poteris ulcisci probe.

CA. Sine te exorem. TH. Age, habere; abi impune!
Hem, huic habeto gratiam.

Spéctatores, fabula haec est acta: vos plausum
date.



P E R S A .



D R A M A T I S P E R S O N A E.

TOXILUS, servus.

SAGARISTIO, servus alius heri.

SATURIO, parasitus.

SOPHOCLIDISCA, subserva Lemniselenae.

LEMNISELENE, meretrix, amica Toxili.

PAEGNIUM, puer.

VIRGO, filia Saturionis.

DORDALUS, leno.

S U M M A R I U M.

Toxilus servus, absente hero suo, cupit ab lenone Dordalo amicam suam Lemniselenem emere. Petit igitur ab sodali suo Sagaristione, ut ille sibi mutuam praebeat pecuniam. Ipse autem viam invenit lenonis decipiendi. Subornat parasitum Saturionem, ut is filiam suam lenoni, tamquam captivam e Persia adductam, per Sagaristionem vendi patiatur, postea vindicaturus. Idque eo consilio, ut argentum ab lenone recipiat, quod dandum foret pro Lemniselene.

Inter haec Lemniselene subservam suam Sophoclidiscam cum epistola mittit ad Toxilum; isque item Paegnium puerum cum mandatis ad Lemniselenem. Sagaristio autem, pecuniam nactus ab hero, a quo iussus erat boves in mercatu emere, eam pecuniam Toxilo tradit. Is igitur illa redimit amicam ab lenone. Tum vero Sagaristio, tamquam Persa Persico ornatu indutus, adducit Virginem, tamquam captivam e Persia missam. Eam emit leno. Paullo post accedit Saturio, filiamque asserit. Epulantur servi, lenonemque deludunt.

(Metra negligentius in hac fabula a poeta servata
reperiuntur. — Scena Athenis.)

ARGUMENTUM.

Profecto domino suos amores Tóxilus
Emit, atque curat, léno ut emittát manu:
Raptámque ut emeret dé praedone vírginem
Subórnata suadét [sui] parasiti filia,
Atque intricatum lúdit potans Dórdalum.

ACTUS I. SCENA I.

TOXILUS. SAGARISTIO.

O. Qui amáns egens ingrèssus est princéps
amoris ín vias,
iperávit aerumnís suis [omnès] aerumnas Hér-
culis.

am cúm leone et cum éxcetra, cum cérvó, cum
apro Aetólico,
im avibús Stympthalicís, cum Antaeo, déluctari
mávelim,

iam cúm amore. Ita fló miser quaeréndo ar-
gento mútuo;

ec quídam nisi „Non ést“, sciunt mihi ré-
spondere, quós rogo.

A. Qui heró suo servíre volt bene sérvos servi-
tútem,

ae illum édepol multa in péctore suo cóllocare
opórtet,

iae heró placere cénseat praesénti atque ab-
sentí suo.

go néque lubenter sérvio, neque sátis sum hero
ex senténtia;

ed, quási lippo oculo, me hérus meus manum
ábstinere haud quít tamen,

uin mi ímperet, quin mé suis negótiis praefúlciat.

O. Quís illic est, qui cótra me adstat? S.A. Quís
hic est, qui contrá med adstat?

- TO. Símilis est Sagarístionis. SA. Tóxilus hic
quidem méus amicust.
- 15 TO. Is ést profecto. SA. Eum ésse opinor. TO.
Cóngrediar. SA. Aggrédia contra.
- TO. Ó Sagaristió, di ament te. SA. O Tóxile, da-
bunt dí, quae exoptes.
- Út vales? TO. Út queo. SA. Quíd agitur? TO.
Vívitur.
- SA. Sátin' ergo ex senténtia? TO. Si evéniant,
quae exoptó, satis.
- SA. Nimis stúlte amicis útere. TO. Quid iam?
SA. Quia ímperare opórtet.
- 20 TO. Mihi quídem tu iam eras mórtuus, quia té
non visitávi.
- SA. Negótium edepol. ... TO. Férreum fortásse?
SA. Plusculum ánnum
fui praéferratus ápod molas tribúnus vapuláris.
- TO. Vetus iam ístaec militia ést tua. SA. Satin'
tu úsque valuisti? TO. Haúd probe.
- SA. Ergo édepol palles. TO. Saúcius factús sum
in Veneris proélio;
- 25 sagittá Cupido cór meum transfixit. SA. Iam ser-
vi híc amant?
- TO. Quíd ergo [faciam]? disne advórser? quasi
Titáni, cum dis bélligerem,
quíbus sat esse nón queam?
- SA. Víde modo, ulmeaé catapultae túum ne trans-
figánt latus.
- TO. Básilice agito Eleútheria.
- 30 SA. Quid iám?
- TO. Quia herús peregre est. SA. Aint tú? peregre est?
- TO. Si túte tibi bene ésse potes patí: veni: vives
mecum:

ásilico accipiére victu. sA. Váh, iam scapulae
prúriunt,

uia te istaec audiví loqui. tO. Sed hóc med
unum excrúciat . . .

A. Quid [nam id] ést? tO. Haec dies summa
hódie est, mea amíca sitne líbera, 35
n sémpternam sérvitutem sérviat. sA. Quid
núnc vis ergo?

O. Fácere amicum tñbi me potís es sémpternum.
sA. Quémadmodum?

O. Út mihi des numós sexcentos, quós pro capite
flius pendam,
uós continuo tñbi reponam ín hoc triduo aut
quatriduo.

ge, fí benignus, súbveni. 40

A. Qua cónfidentiá rogare tu á med argentúm
tantum andes,

npudens? Quin, si égomet totus véneam, vix ré-
cipi potis est,

uód tu me rogás: nam tu aquam a púmice nunc
póstulas:

ni ípsus sitiát. tO. Sí cine hoc te mihi fÁCERE?

sA. Quid faciám? tO. Rogas?

licúnde exora mútuum. sA. Tu fÁC idem, quod
rogás me. 45

O. Quaesívi; nusquam réperi. sA. Quaeram
équidem, si quis crédat.

O. Nempe hábeo in mundo? sA. Si íd domi
esset mñhi, iam pollicérer.

loc meum ést, ut faciam sédulo. tO. Quidquíd
erit, recipe te ád me.

A. Quaeré tamen: ego item sédulo. Si quíd erit,
faxo iam út scias.

- 50 TO. Obsecró, reseco te, operám da hanc mihi
fidélem! SA. Ah, odio me énicas!
TO. Amóris vitio, nón meo, nunc tibi morologus
fío.
SA. At pól ego abs te concéssero. TO. Iamne
ábis? Bene ambuláto:
Sed récipe te, quantúm potes! cave fúas mihi in
quaestióne:
usque éro domi, dum excóxero lenoní malum.

ACTUS I. SCENA II.

SATURIO.

- Veterem átque antiquom quaéstum maiorúm
meúm
servo átque obtineo et mágna cum curá colo.
Nam núnquam quisquam meórum maiorúm fuit,
quin párasitando páverint ventrés suos;
5 patér, avos, proavos, ábavos, atavos, trítavos,
quasi múres, semper édere alienúm cibum,
neque edácite eos quíscum poterat víncere.
His cógnomentum erát duris Capitónibus.
Unde hunc ego quaestum obtíneo et maiorúm
locum;
10 neque quádruplari mé volo: neque ením decet
sine méo periclo ire áliena ereptúm bona;
neque illí, qui faciunt, míhi placent: plané loquor.
Nam públicae rei caúsa quicumque íd facit
mage, quám sui quaesti, ánimus inducí potest,
15 eum ésse civem ét fidelem ét bonum;

ed légirupam ni dámnet, det in públicum
 limídium. Atque etiam in ea lege adscríbitor:
 ubi quádruplator quémpiam iniexít manum,
 antídem ille illi rúrsus iniiciát manum,
 et aéqua parti pródeant ad Trésviros. 20
 Si id fíat, nae isti fáxim nusquam appáreant,
 qui hic álbo rete áliena oppugnánt bona.
 Sed súmne ego stultus, quí rem curo públicam,
 ubi súnť magistratus, quós curare opórteat?
 Nunc húc introibo: vísam hesternas réliquias, 25
 quíerint recte, nécne; num infuerít febris;
 opértaen' fuerint, né quis obreptáverit.
 Sed áperiuntur aédes: remorandúst gradus.

ACTUS I. SCENA III.

TOXILUS. SATURIO.

TO. Omném rem inveni, ut súa sibi pecúnia
 hodie íllam faciat léno libertám suam.
 Sed eccúm parasitum, quóius mihi auxilio ést opus.
 Simulábo, quasi non vídeam: ita alliciám virum.
 Curáte istic vos, átque appropriate ócius: 5
 ne míhi morae sit quídquam, ubi ego intro ad-
 vénero!
 Commísce mulsum! strúthea coluteaque áppara,
 bene ut in scutris concáleant, et calamum íniice!
 Iam pól ille hic aderit, crédo, congerró meus.
 SA. Me dícit! euge! TO. Laútum credo a bálineis 10
 iam hic ádfuturum. SA. Ut órđine omnem rém tenet!
 TO. Collýrae facite ut mádeant et collíphia:

- ne mīhi incocta dētis. sA. Rem loquitūr meram:
 nihīl sunt crudae, nīsi, quas madidas glūtias.
- 15 Tum nīsi cremore crāso est ius collýricum,
 nihīl ést macrum illud, épicrocum, perlúcidum.
 Quasi iúream esse iús decet collýricum.
 Nolo ín vesicam quód eat, in ventrém volo.
 TO. Prope me híc nescio quis lóquitur. sA. O mi
 Iúpiter
- 20 terréstris, te coepulónus compellát tuus.
 TO. O Sátorio, opportúne advenistí mihí!
 sA. Mendácium edepol dícis, atque haud té decet:
 nam Esúrio venio, nón advenio Sátorio.
 TO. At edés: nam iam intus véntris fumant fócula.
- 25 Calefíeri iussi réliquias. sA. Pernám quidem
 ius ést apponi frígidam postrídie.
 TO. Ita fíeri iussi. sA. Écquid halecis? TO. Váh,
 rogas?
 sA. Sapis múltum ad Genium. TO. Séd ecquid
 meministí, here
 qua dé re ego tecum méntionem féceram?
- 30 sA. Memini: út muraena et cónger ne calefíerent:
 nam nímio melius óppetuntur frígida.
 Sed quíd cessamus proélium commíttere?
 Dum máne est, omnes ésse mortalés decet.
 TO. Nimis péne mane est. sA. Máne quod tu oc-
 céperis
- 35 negótium agere, id tótum procedít diem.
 TO. Quaeso ánimum advorte hoc. Nám here
 narraví tibi
 tecúmque oravi, ut númos sexcentós mihí
 darés utendos mútuos. sA. Memini ét scio,
 et té me orare, et mīhi non esse, quód darem.
- 40 Nihilí parasitus ést, quoi argentúm domi est:

lubido extemplo coépere est convívium,
tubúrcinari dé suo, si quíd domi est.

Cynicum ésse egentem opórtet parasítum probe:
ampúllam, strigilem, scáphium, soccos, pállium,
marsúpium habeat; ínibi paulum praésidii, 45
qui fámiiliarem súam vitam oblectét modo.

TO. Iam nólo argentum: fíliam ntendám tuam
mihi dá. SA. Nunquam edepol quósqum etiam
ntendám dedi.

TO. Non ád istuc, quod tu insímulas. SA. Quid
eam vís? TO. Scies:

quia fórma lepida et liberali est. SA. Rés ita est. 50

TO. Hic léno neque te nóvit neque gnatám tuam.

SA. Me ut quisquam norit, nísi ille, qui praebét
cibum!

TO. Ita ést. Hoc tu mihi réperire argentúm potes.

SA. Cupio hércle. TO. Tum tu mé sine illam
véndere.

SA. Tun' íllam vendas? TO. Ímo alíum allegávero, 55

qui véndat, qui esse sé peregrinum praédicet;

siquidém istic leno nón sex menses Mégaribus
huc ést quum commigrávit. SA. Pereunt réli-
quiae;

postérius istuc támen potest. TO. Scin', quám
potest?

Nunquam hércle hodie hic príus edis, ne frústra sis, 60

quam, te hóc facturum, quód rogo, affírmás mihi;

atqué nisi gnatam técum huc iam, quantúm potest,
addúcis, exigam hércle ego te ex hac décuria.

Quid núnc? quid est? quin dícis, quid factúrus sis?

SA. Quaeso hércle, me quoque étiam vendas, sí
lubet, 65

dum sáturnum vendas. TO. Hóc si facturús, face.

SA. Faciam équidem, quae vis. TO. Béne facis.

Propera, ábi domum:

praemónstra docte, praécipe astu filiae,
quid fábuletur, úbi se natam praédicet,
70 qui síbi parentes fúerint, ut subrépta sit.
Sed lónge ab Athenis ésse se gnatam autumet;
et ut áffleat, quom ea mémoret. SA. Etiam tú
taces?

Ter tánto peior ípsa est, quam illam tu ésse vis.

TO. Lepide hércle dicis. Séd scin', quid faciás?

Cape

75 tunicam átque zonam, et chlámýdem afferto et
caúsiam,

quam ille hábeat, qui hanc lenóni huic vendat

SA. Heú probe!

TO. quasi sít peregrinus. SA. Laúdo. TO. Et tu
guatám tuam

ornátam adduce lépide in peregrinúm modum.

SA. Πόθεν órnamenta? TO. Ábs chorago súmito.

80 Dare débet: praebenda Aédiles locáverunt.

SA. Iam fáxo hic aderunt. Séd ego horum níhil
scio.

TO. Nihil hércle vero. Nam úbi ego argentum
accépero,

contínuo tu illam a lenone adseritó manu.

SA. Sibi hábeat, si non éxtemplo ab eo abdúxero.

85 TO. Abi ét istuc cura. Intéribi ego puerúm volo
mittére ad amicam meam: út habeat animúm
bonum:

med ésse effecturum hódie. Nimis longúm lo-
quor.

ACTUS II. SCENA I.

SOPHOCLIDISCA. LEMNISELENE.

s o. Sátis fuit, indóctae, immemori, ínsipienti dí-
cere toties;

nímis tandem me quídem pro barda et rústica reor
hábitam esse abs te.

Quámquam ego vinum bíbo, at mandata nón con-
suevi simúl bibere una.

Mé quídem iam satis tíbi spectatam cénsueram
esse, ét meos mores:

nam équidem te iam séctor quintum hunc ánnum,
quom interea étiam, credo,

5

cúcus si in ludum irét, potuisset iám fieri ut pro-
be lítteras sciret,

quom ínterim tu méum ingenium fâns non edidi-
císti atque infans.

Pótin' ut taceas? pótin' ne moneas? Mémini, et
scio, ét calleo, ét commemini:

ámas pol, misera; id tuús scatet animus. Égo,
istuc placidum tíbi ut sit, faciam.

I.E. Míser est, qui amat. s o. Certe ís quídem
nihili est, quí nihil amat. Quid ei hó-
mini opus vita est?

10.

Íre decet me, ut herae óbsequens fiam: líbera meá
operá ócius ut sit.

Cónveniam hunc Toxílum: eius aures, quae man-
data súnť, onerabo.



A C T U S II. S C E N A II.

TOXILUS. PAEGNIUM. SOPHOCOLIDISCA.

TO. Sâtin' haec tibi sunt plâna et certa? sâtin'
haec meministi ét tenes?

PA. Mélius, quam qui dócuisti. TO. Aiin' véro,
verbereúm caput?

PA. Áio enimvero. TO. Quid ergo dixi? PA. Ego
récte apud illam díxero.

TO. Nón edepol scis. PA. Da hércle pignus, ní
omnia memini ét scio.

5 TO. Équidem, si scis túte, quot habeas hódie dí-
gitos ín manu,
eó dem pignus técum. PA. Audacter, sí lubido est
pérdere.

TO. Bóna pax sit potiús. PA. Tum tu igitur sine
me ire. TO. Et iubeo ét sino.

Séd ita volo curâre, ut domi sis, quum égo te esse
illi cénseam.

PA. Fâciam. TO. Quo ergo is núnc? PA. Domum :
uti dómi sim, quum illi cénseas.

10 TO. Scélus tu pueri es, átque ob istanc rem ego
áliquíd te pecúliabo.

PA. Scío, fidei hercle heríli ut soleat ímpudicitia
ópprobrari,

néc subigi queántur unquam, ut pro éa fide ha-
beant iúdicem.

TO. Ábi modo. PA. Ego laudâbis faxo. TO. Séd
has tabellas, Paégnum,

ípsi Lemniselénæ fac des ét, quae inssi, nún tiato.

15 SO. Césso ire ego, quo míssa sum?

PA. Éo ego. TO. I sane; égo domum ibo. Fáce
rem hanc cum curá geras!

vóla curriculo! PA. Istúc marinus pásser per Cir-
cúm solet.

Íllic abiit hinc íntro huc. Sed quis haéc est, quae
me advórsum incedit?

SO. Paégnium hic quidem est. PA. Sóphocli-
dis haec ést, peculiáris eius,

quo égo sum missus. SO. Núllus esse hodie péior
hoc perhibétur puero. 20

Cómpellabo. PA. Cómmodandum ést mibi apud
hanc óbiicem.

SO. Paégnium, delíciæ pueri, sálve: quíd agis?
út vales?

PA. Sóphoclidis, dí me amabunt. SO. Quíd me?
utrum? PA. Hercle néscio.

Séd, si, ut digna es, fáciant, odio hercle hábeant
et faciánt male.

SO. Mítte male loquí. PA. Quum, ut digna es,
díco, bene, non mále, loquor. 25

SO. Quíd agis? PA. Feminám scelestam te, ád-
stans contra, cóntuor.

SO. Cérte equidem puerúm peiorem, quám te, no-
vi néminem.

PA. Quíd mali facio, aut crí male dico? SO. Cui
pol cunque occasio est.

PA. Némo homo unquam ita árbitratust. SO. Át
pol multi esse íta sciunt.

PA. Heia! SO. Heia! PA. Tuo éx ingenio móres
alienós probas. 30

SO. Fáteor ego profécto me esse, ut decet lenonis
fámiliae.

- PA. Sátis iam dictum habeo. SO. Sed quid tu?
cónfiteri, ut te autumo?
- PA. Fátear, si ita sim. SO. Iám abi: vicisti. PA.
Ábi nunc iam. SO. Ergo hoc mi expedi,
quó agis? PA. Quo tu? SO. Díc tu. PA. Dic tu.
SO. Prior rogavi. PA. At póst scies.
- 35 SO. Éo ego hinc haud lónge. PA. Et quidem ego
haúd longe. SO. Quo ergó, scelus?
- PA. Ní sciero prius éx te, tu ex me núnquam hoc,
quod rogitás, scies.
- SO. Núnquam ecastor hódie scibis, priusquam ex
ted audívero.
- PA. Ítane est? SO. Itane est? PA. Mála es. SO.
Scelestus. PA. Décet me. SO. Me qui-
dem haúd decet.
- PA. Quíd ais? certumne ést celare, quó iter fa-
cias, péssuma?
- 40 S. Óbfirmastin' óccultare, quó te immittas, péssume?
- PA. Pár pari respóndes dicto: ábi iam, quando
ita certa res 'st.
- Níhili facio scíre. Valeas. SO. Ádsta! PA. At
propero. SO. Et pól ego item.
- PA. Écquid habes? SO. Ecquid tú? PA. Nihil
equidem. SO. Cédo manum ergo. PA.
Estne haéc manus?
- SO. Úbi illa altera est furtífica laeva? PA. Dómi
eccam: huc nullam áttuli.
- 45 SO. Hábes nescio quid. PA. Né me attrécta, súb-
agitatrix! SO. Sín te amo?
- PA. Mále operam locás. SO. Qui? PA. Quia enim
níhil amas, quum ingrátum amas.
- SO. Témperi hanc vigiláre oportet fórmulam at-
que aetátulam:

ne, ubi capillus vérsipellis fiat, foede [semper]
sérvias.

Tú quidem haud etiam es óctoginta pón-do. PA.

At confidéntia

ílla militia mílitatur múlto magis, quam pón-dere. 50

Át ego hanc operam pérdo. SO. Quid iam? PA.

Quía peritis praédico..

Séd ego cesso. SO. Máne. PA. Molesta es. SO.

Érgo ero quoque, nísi scio,

quó agas te. PA. Ad vos. SO. Ét pol ego ad vos.

PA. Quid eo? SO. Quid id ad te áttinet?

PA. Énim non ibis núnc vicissim, nísi scio. SO.

Odiosús's. PA. Lubet.

SO. Núnquam hercle istuc éxterebrabis tu, út sis
peior, quam égo siem. 55

PA. Málitia certáre tecum, míseria est. SO. Merx
tú mala es.

PA. Quid est, quod metuas? SO. Ídem istuc, quod
tu. PA. Díc ergo, quid est? SO. At
vétita sum,

ne hóc cuiquam homini edícerem, omnes múti ut
loquerentúr prius.

PA. Ét edictum est magnópere mibi, ne cúiquam
homini créderem,

ómnes muti út loquerentur prius hoc, quam ego.

SO. At tu hóc face: 60

fíde data credámus. PA. Novi. Omnés sunt lenae
lévisídae,

néque tipullae lévius pondust, quám fides lenónia.

SO. Díc, amabo. PA. Díc, amabo. SO. Nólo

ames. PA. Facile ímpetras.

SO. Técum habetò. PA. Et tu hóc taceto. SO.

Tácitum erit. PA. Celábitur.

65 s o. Tóxilo has feró tabellas, túo hero. P A. Ábi:
eccillúm domi.

Át ego hanc ad Lémniselenem, túam heram, ob-
signatam ábietem.

s o. Quíd istic scriptum? P A. lúxta tecum, sí tu
nescis, néscio,

nísi fortasse blánda verba. s o. Abeo. P A. Át
ego abiero. s o. Ámbula.

A C T U S II. S C E N A III.

SAGARISTIO.

Iovi ópulento, incluto, Ópe gnato, suprémoo, va-
lido, víripotenti,

opés, spes, bonás copíás commodánti,

lubéns meritoque vítulor,

quia méo amico amíciter

5 hanc cómmoditatis cópiam

danúnt argenti mútui,

ut éi egenti opem áfferam.

Quód ego non magís sómniabam, néque opina-
bar, néque censebam,

eám fore mihi occásionem, ea núnc quasi decidít
de coelo.

10 Nám herus meus me Erétríam misít: dómitos
boves ut síbi mercarer,

dédit argentum: nam íbi mercatum díxít esse die
séptimi;

stúltus, qui hoc mihi dáret argentum, cútius inge-
nium nóverat:

nám hoc argentum álibi abutar; bóves quos eme-
rem, nón erant.

Núnc et amico meó prosperabo, et Génio meo
multá bona faciam.

Díu quod bene erit, die úno absolvam. Táy tax
tergo meo érit: non curo.

15

Núnc amico homini bóbus domitis mea éx crume-
na lárgiar:

nam íd demum lepidum ést, triparcos, vétulos,
avidos, áridos,

béne admordere, quí salinum sérvó obsignant
cúm sale.

Vírtus est, ubi occásio admonet, dispícere. Quid
faciét mihi?

Verbéribus caedi iússerit, compedés imponi. Vá-
pulem.

20

Ne síbi me credat súpplicem fore! Vaé illi! mihi
iam nílhil novi

obférri potest, quin sím peritus. Sed Tóxili pue-
rum Paégnium eccum!

ACTUS II. SCENA IV.

PAEGNIUM. SAGARISTIO.

PA. Pensúm meum, quod datúm est, confeci; núnc
propero domum. s. Máne, etsi properas,

Paégnium! ausculta! PA. Émere oportet, quém
tibi obediré velis. SA. Adsta!

PA. Éxhibeas moléstiam, ut opínor, si quid débeam,
quí nunc sic' tam és molestus. SA. Scélerate,
etiam réspicis?

- 5 PA. Scío ego, quid sim aetátis: eo istuc máledictum impune aúferes.
 SA. Úbi Toxilus est, túus herus? PA. Ubi illí libet, neque te cónsulit.
 SA. Etiámne dicis, úbi siet, venéficé? PA. Nescio, inquam, úlmitriba.
 SA. Maledícis maiorí. PA. Prior proméritus perpetiáre.
 Servam óperam, linguam líberam herus méus me iussit habére.
- 10 SA. Dicísne mi, ubi sit Tóxilus? PA. Dico, út perpetuo péreas.
 SA. Caedére hodie tu réstibus. PA. Tua quídem, cucule, caúsa,
 non hércle, si os percíderim tibi, métuam, morticíne.
 SA. Video égo te, iam incubitátus es. PA. Ita súm. Quid id attinet ad te?
 At nón sum ita, ut tu, grátiis. SA. Confídens!
 PA. Sum hercle véro:
- 15 nam ego mé confido líberum fore, tú te nunquam spéras.
 SA. Potin', út molestus né sies. PA. Quod dicis, facere nón quis.
 SA. Abi ín malam rem! PA. At tú domum: nam ibi tíbi parata praésto est.
 SA. Vadátur hic me. PA. Utinám vades desínt, in carcere út sis!
 SA. Quid hóc? PA. Quid est? SA. Etiám, scelus, male lóquere? PA. Tandem ut líceat,
 20 quum sérvos sis, servóm tibi maledícere. SA. Itane? Spécta,
 quid dédero. PA. Nihil: nam níhil habes. SA. Di deaéque me omnes pérđant,

nisi te hódie, si prehéndero, defígam in terram
cólaphis!

PA. Amícus sum: eveníant volo tibi, quae óptas;
atque id fiat:

Tu [ut] mé defigas, té cruci ipsum própeditem alii
affígant.

SA. Quin té di deaeque Scís, quid hinc porró
dicturus fúerim, 25

ni línguae moderarí queam. Potin', ábeas? PA.
Abigis fáciie:

nam [iam] úmbra mea intus vápulat. SA. Ut
istúnc di deaeque pérđant!

Tamquám proserpens béstia, est bilínguis et sce-
léstus.

Hercle illum abiisse gaúdeo. Fores áperite! Ec-
cere autem,

quem cónvenire máxime cupiébam, egreditur
íntus! 30

ACTUS II. SCENA V.

TOXILUS. SAGARISTIO. SOPHOCOLIDISCA.

TO. Parátum iam esse dícito, unde argéntum sit
futúrum.

Iubéto habere animúm bonum: dic me illam ama-
re múltum.

Ubi se ádlevat, ibi me ádlevat. Quae díxi ut nun-
tiáres,

satin' éa tenes? SO. Magis cálleo, quam aprú-
gnum callum cálet.

- 5 T O. Properáto, abi domum. S A. Nunc ego huic
graphice facetus fiam:
subnixis alis me inferam, atque amicis bor glorióse.
T O. Sed quis hic ansatus ámbulat? S A. Magnífice
conscréabor.
- T O. Sagarístio hic quidem est. Quid agitur, Sa-
garístio? ut valétur?
Ecquid, quód mandavi tibi, estne in te spéculae?
S A. Adíto:
- 10 vidébitur: factúm volo. Veníto: promovétó!
T O. Quid hoc hic in collo tibi tumet? S A. Vomi-
ca ést: pressare párce:
nam ubi quí mala tetigit manu, dolóres coori-
úntur.
- T O. Quando ístaec innata ést tibi? S A. Hodié.
T O. Secari iúbeas.
- S A. Metuó, ne immaturám secem: ne exhíbeat
plus negóti.
- 15 T O. Inspícere morbum tuóm lubet. S A. Abi átque
cave tibi, sis,
a córnu. T O. Quid iam? S A. Quía boves bini híc
sunt in cruména.
- T O. Emítte, sodes: neénices famé! sine ire pástum.
S A. Enim métuo, ut possim réicere in bubílem, ne
vagéntur.
- T O. Ego réiciam: habe animúm bonum. S A.
Credétur; commodábo.
- 20 Sequere hác, sis: argentum híc inest, quod dú-
dum me rogásti.
- T O. Quid tú ais? S A. Dominus mé boves mercá-
tum Eretriam mísit;
nunc mi Éretria erit haec túa domus. T O. Nimis
tú facete lóquere;

atque égo omne argentúm tibi actítum incolume
rédigam :

nam iam ómnes sycophántias instrúxi et compa-
rávi,

quo pácto ab lenone aúferam hoc argentum

SA. Tanto mélior.

25

TO. Et múlter ut sit líbera, atque ipse últro det
argentum.

Sed séquere me: ad eam rem úsus est tua mihi
ópera. SA. Utere, út vis.

ACTUS III. SCENA I.

SATURIO. VIRGO.

SA. Quae rés bene vortat mi, ét tibi, et ventrí meo,
perénnitatisque ádeo huic perpetuó cibo :

ut míhi supersit, súppetat, supérstitet.

Sequere hác, mea gnata, mé, cum dis voléntibus.

Quoi rei ópera detur, scís, tenes, intéllegis :

5

commúnicavi técum consilia ómnia.

Ea caúsa ad hoc extrémum te exornávi ego :

vensbis tu hodie, vírgo. VI. Amabo, mí pater,

quamquám libenter éscis alienís studes,

tuin' véntris causa fíliam vendís tuam?

10

SA. Mirúm, quín regis Philíppi causa aut Áttali
te pótius vendam, quám mea, quae síis mea.

VI. Utrum tú pro ancilla mé habes, an pro fília?

SA. Utrum hércle magis in véntris rem vidébitur :
meum, opínor, imperium ín te, non in mé tibi est.

15

VI. Tua istaec potestas ést, pater; verúmtamen,

- quamquám res nostrae súnť, pater, paupérulae,
 modice ét modeste méliust vitam vívere:
 nam ad paúpertatem si ádmigrant infámiae,
 20 graviór paupertas fít, fides subléstior.
 sA. Enimvéro odiosa es. VI. Nón sum neque me
 esse árbítror,
 quum párra natu récte praecipió patri.
 Nam inimíci famam nón ita, ut nata ést, ferunt.
 sA. Feránt, eantque in máxumam malám crucem!
 25 Non égo inimicitias ómnes pluris aestumo,
 quam, ménsa inanis núnc si apponatúr mihi.
 VI. Pater, hóminum immortalis est infámia;
 etiám tum vivit, quum ésse credas mórtuam.
 sA. Quid? métuís, ne te véndam? VI. Non me-
 tuó, pater;
 30 verum ínsimulari nólo. sA. At nequidquám nevis:
 meó modo istuc pótius fiet, quám tuo.
 VI. Fiét! sA. Quae haec res sunt? VI. Cógita
 hoc verbúm, pater.
 Herus sí minatus ést malum servó suo:
 tametsi íd futurum nón est, ubi captúm 'st flágrum,
 35 dum túnicae ponit, quánta afficitur míseria!
 Ego núnc, quod non futúrum est, formidó tamen.
 sA. Virgo átque mulier núlla erít, quin síť mala,
 quae praéter sapiet, quám placet paréntibus.
 VI. Virgo átque mulier núlla erít, quin síť mala,
 40 quae réticet, si quid fíeri pervorsé videt.
 sA. Maló cavere méliust te. VI. At si nón licet
 cavére, quid agam? nám ego tibi cautúm volo.
 sA. Malusne égo sum? VI. Non es, néque me
 dignum est dícere;
 verum éi rei operam do, ne álíi dicant, quíbus
 licet.

SA. Dicát, quod quisque vólt; ego de hac senténtia 45
non démovebor. VI. Át, meo si liceát modo,
sapiénter potius fácias, quam stulté. SA. Lubet.

VI. Lubére per me tñbi licere intéllego;
verúm lubere haud lúbeat, si liceát, mihi.

SA. Futúra es dicto obédiens, an nón, patri? 50

VI. Futúra. SA. Scisnam, tñbi quæ praecepi? VI.
Ómnia.

SA. Et id, út subrepta fúeris? VI. Docte cáleo.

SA. Et quí parentes fúerint? VI. Habeo in mé-
moria.

Necéssitate mé, mala ut fiám, facis;
verúm videto, ubi mé voles nuptúm dare, 55
ne haec fáma faciat répudiosas núptias.

SA. Tace, stúlta: non tu núnc hominnm morés
vides,

quoiúsmodi hic cum fáma facile núbitur?
Dum dós sit, nullum vítium vitio vórtitur.

VI. Ergo ístuc facito ut véniat in mentém tibi, 60
me esse índotatam. SA. Cáve, sis, tu istuc díxeris.

Pol (deúm virtute dícam et maiorúm meum)
ne te índotatam dícas, quói dos sít domi:
librórum eccillum hábeo plenum sóracum.

Si hoc áccurassis lépide, quói rei operám damus: 65
dabúntur dotis tñbi inde sexcentí logi,
atque Áttici omnes, núllum Siculum accéperis.

Cum hac dóte poteris vél mendico núbere.

VI. Quin tú me ducis, sí quo ducturús, pater?
Vel tú me vende, vél, quod tibi lubét, face. 70

SA. Bonum aéquomque oras. Séquere hac. VI.
Dicto sum aúdiens.



ACTUS III. SCENA II.

DORDALUS.

Quidnam esse acturum hunc dícam vicinúm meum,
 qui míhi iurast, sése hodie argentúm dare?
 Quod sí non dederit, átque hic dies praetéríerit,
 ego árgentum, ille iúsiurandum amíserit.
 5 Sed sibi concrepuit fóris. Quisnam egreditúr foras?

ACTUS III. SCENA III.

TOXILUS. DORDALUS.

TO. Curáte istuc intus; iam égo domum me réci-
 piam.
 DO. Toxíle, quid agitur? TO. Ého, lutum lenó-
 nium,
 commíxtum coeno! eho stérquilínium públicum!
 impúre, inhoneste, iniúre, illex, labés popli,
 5 pecúniai accípiter, avide atque ínvide,
 procáx, rapax, traháx (trecentis vérsibus
 tuas ímpuritias tráloqui nemó potest),
 accípin' argentum? accípe, sis, argentum, ímpu-
 dens!
 tene, sí, argentum! étiam tu argentúm tenes?
 10 possúm te facere ut árgentum accipiás, lutum?
 Non míhi censebas tántum argentí fore,
 qui nísi iurato míhi nil ausus crédere?
 DO. Sine réspirare mé, tibi ut respóndeam.

Vir súmme populi, stábulum servitrítium,
scortórum liberátor, subiculúm flagri, 15
compédium tritor, pístrinorum cívitas,
perénniserve, lúrco, edax, furáx, fugax,
cedo, síis, mi argentum! dá mihi argentum, ím-
pudens!

possum á te exigere argéntum? argentum, in-
quám, cedo!

quin tú mi argentum réddis? nilne té pudet? 20
lenó te argentum póscit, solida sérvitus,
pro liberanda amíca, ut omnes aúdiant.

TO. Tace, óbsecro, hercle! naé tua vox validé
valet!

DO. Referúndae ego habeo línguam natam grátiae.
Eodém mihi pretio sál praehibetur, quó tibi. 25

Nisi me haéc defendet, núnquam delingét salem.

TO. Iam omítto iratus ésse. Id tibi succénsui,
quia té negabas crédere argéntum mihi.

DO. Mirúm, quin tibi ego créderem: ut idém mihi
facerés, quod partim fáciunt argentárii! 30

ubi quíd credideris, cítius extemplo á foro
fugiúnt, quam ex porta lúdis quom emissúst lepus.

TO. Cape hóc, sis. DO. Quin das? TO. Númi
sexcenti híc erunt

probí, numerati: fác sit mulier líbera,
atque húc continuo addúce. DO. Iam faxo híc
erit. 35

Non hércle, cui nunc hóc dem spectandúm, scio.

TO. Fortásse metuis ín manum concrédere.

DO. Mirúm, quin. — Citius iam á foro argentárii
abeúnt, quam ín cursu rótula circumvórtitur.

TO. Abi istác travorsis ángiportis ád forum; 40
eádem ístaec facito múlter ad me tránseat

per hórtum. DO. Iam hic faxo áderit. TO. At
ne própalam.

DO. Sapiénter sane. TO. Súpplicatum crás eat.

DO. Ita hércle vero. TO. Dúm stas, reditum
opórtuit.

ACTUS IV. SCENA I.

TOXILUS.

Si quám rem accures sóbrie aut frugáliter,
solet illa recte súb manus succédere.

Atque édepol ferme, ut quisque rem accurát suam,
sic éi procedunt póstrincipia dénique.

5 Si málus aut nequam est, mále res vortunt, quas
agit;

sin aútem frugi est, éveniunt frugáliter.

Hanc égo rem exorsus súm facete et cállide:

igitúr proventurám bene confidó mihi.

10 Nunc égo lenonem ita hódie intricatúm dabo,
ut ípsus sese, quá se expediat, nésciat.

Sagarístio, heus, exi, átque educe vírginem,

et istás tabellas, quas consignaví tibi,

quas tu áttulisti mihi áb hero meo usque e Pérsia.

ACTUS IV. SCENA II.

TOXILUS. SAGARISTIO. VIRGO.

SA. Numquíd moror? TO. Euge, euge, éxornatus
básilice!

Tiára ornatum lépide condecorát tuum.

Tum hanc hóspitam autem crépidula ut graphicé
deces!

Sed sátin' estis meditáti? sA. Tragici et cómici
nunquam aéque sunt meditáti. TO. Lepide hercle
ádiuvas.

5

Age, illúc abscede prócul e conspectu, ét tace.

Ubi cúm lenone mé videbis cólloqui,
id erít adeundi témpus; nunc agite, íte vos.

ACTUS IV. SCENA III.

DORDALUS. TOXILUS.

DO. Cui homini di própítii sunt, áliquid obíiciúnt
lucrí.

Nam égo hodie compéndi feci bínos panes índies;
íta, ancilla mea quæ fuit hodie, súa nunc est: ar-
génto vicit:

íam hodie alienúm coenabit, níl gustabit dé meo.
Súmne probus, sum lépidus civis, qui Átticam ho-
die cívitatem

5

máxumam maiórem feci, atque aúxi civi fémina?
Séd ut ego hodie fúi benignus! út ego multis crédidi,
néc satis a quiquam hómine accepi: ita prórsum
credebam ómnibus;

néc metuo, quibus crédidi hodie, né quis mi in
iure ábiurassit.

Bónus volo iam ex hóc die esse; — quód neque
fiet, néque fuit.

10

TO. Húnc ego hominem hodie ín transennam dó-
ctis inducám dolis;

ítaque huic insidiaé paratae sùnt probe: aggrediár virum.

Quíd agis? DO. Credo. TO. Únde agis te, Dórdale? DO. Credó tibi.

TO. Dí dent, quae vélis! Eho, an iam manu émissisti múlierem?

15 DO. Crédo pol, credo, inquam, tibi. TO. Iam líberta auctus? DO. Énicas.

Quin tibi me dico crédere. TO. Dic bóna fide: iam líbera est?

DO. I, i ád forum ad praetórem: exquire, síquidem crederé mihi non vis.

Líbera, inquam, est. Écquid audis? TO. Át tibi di benefácient omnes!

Núnquam enim posthac tibi nec tuorum, quód nolis, volam. DO. Ábi; ne iura.

20 Satis crédo. TO. Ubi nunc tua líberta est?

DO. Apud téd. TO. Ain? apud me est? DO. Áio, inquam;

apud téd est, inquam. TO. Ita mé di ament, ob instánc rem tibi multá bona instant [a me]: nam est rés quaedam, quam occúltabam

25 tibi dícere; nunc eam nárrabo, unde tú pergrande lucrúm facias.

Faciam, út mei memineris, dúm vitam vivás. DO. Benedictis tuís benefacta aurés meae expóstulant aúxilium.

30 TO. Tuum prómeritum est, merito út faciam.

Et ut mé scias esse fácturum,

tabellás tene has; pellege. DO. Háé quid ad me?

TO. Imo ád te attinent; et túa refert.

Nam e Pérsia ad me adlataé modo sunt

35 a meó domino. DO. Quando? TO. Haúd dudum.

DO. Quid istaec narrant? TO. Percóntare ex
ipsis: ipsae tibi nárrabunt.

DO. Cedo sáne. TO. At clare récitato.

DO. Tace, dúm pellego. TO. Haud verbúm faciam.

DO. „Salútem dicit Tóxilo Timárchides 40

„et fámiliae omni. Sí valetis, gaúdeo;

„ego váleo recte, et rém gero, et faciό lucrum,

„neque istό redire his ócto possum ménsibus;

„itaque híc est, quod me détinet, negótium:

„Chrysópolis Persae cépere urbem in Árabia, 45

„plenám bonarum rerum, atque antiquom óppi-
dum;

„ea cómparatur praéda, ut fiat aúctio

„publícitus: ea res mé domo expertém facit.

„Operam átque hospitium ego ísti praehiberí volo,

„qui tibi tabellas ádfert. Cura, quae ís volet: 50

„nam ís mhi honores súae domi habuit máximos.“

Quíd id ad me aut ad méam rem refert, Pérsae

quid rerum gerant,

aút, quid herus tuns? TO. Táce, stultiloque: né-

scis, quid te instét boni.

Nequídquam tibi Fortúna faculam lucrificam ad-

lucére volt.

DO. Quae istaec lucrifica ést Fortuna? TO. Ístas,

quae norunt, roga; 55

égo tantundem scío, quantum tu, nísi quod per-

legí prior.

Séd, ut occoepisti, éx tabellis nósce rem. DO.

Bene mé mones.

Fác silentiúm. TO. Nunc ad illud vénies, quod

refért tua.

DO. „Iste, qui tabellas ádfert, adduxít simul

,forma éxpetenda líberalem múlierem 60

- „furtívam, advectam ex Árabia penitíssuma;
 „eam té volo adcuráre, ut istie véneat;
 „at súo periclo is émat, qui eam mercábitur:
 „mancípío neque promíttet, neque quisquám dabit.
 65 „Probum ét numeratum argéntum ut accipiát, face.
 „Haec cúra, et hospes cúra ut curetúr. Vale.“
 T O. Quíd igitur? postquám recitasti, quód erat
 cerae créditum,
 iám mihi credis? D O. Úbi nunc ille est hóspes,
 qui hasce áttulit?
 T O. Iam híc, credo, aderit: árecessivit filam a navi.
 D O. Níhil mihi opus est
 70 lítibus neque trícis. Quamobrem ego árgentum
 numerém foras?
 Nísi mancupio accípío, quid eo mihi opus merci-
 mónio?
 T O. Tácen' an non tacés? Nunquam ego te tam
 ésse matulam crédidi.
 Quíd metuis? D O. Metuo hércle vero: sénsi ego
 iam complúries,
 néque mi haud imperíto eveniet, táli ut in luto
 haéream.
 75 T O. Níhil periculí videtur. D O. Scío istuc; sed
 metuó mihi.
 T O. Méa quidem nihil ístuc refert; túa ego re-
 fero grátia,
 út tibi recte cónciliandi prímo facerem cópiam.
 D O. Grátiam habeo; séd te de aliis, quam álios
 de te, suáviust
 fieri doctos. T O. Né quis vero ex Árabia peni-
 tíssuma
 80 pérsequatur! Étiam tu illam déstinas? D O. Vi-
 deám modo

mércimonium. TO. Aéquua dicis. Séd optume,
 eccum, ipse ádvenit
 hóspes ille, qui hást tabellas áttulit. DO. Hicine
 ést? TO. Hic est.
 DO. Haéccine illa est furtíva virgo? TO. Iúxta te-
 cum aequé scio,
 nísi quia adspexi. Équidem edepol líberalist,
 quísqvis est.
 DO. Sát edepol concínna est facie. TO. Út con-
 tentim cárnufex! —
 Táci ti contemplémur formam. DO. Laúdo con-
 siliúm tuum.

85

ACTUS IV. SCENA IV.

SAGARISTIO. VIRGO. TOXILUS.

DORDALUS.

SA. Sátin' Athenae tíbi sunt visae fórtunatae at-
 que ópiparae?
 VL. Úrbis speciem vídi, hominum móres perspexí
 parum.
 TO. Númquid in principiό cessavit vérbum docte
 dícere?
 DO. Haúd potui etiam in prímo verbo pérospicere
 sapiéntiam.
 SA. Quíd id, quod vidisti? út munitum múro tibi
 visum óppidum est?
 VL. Si incolae bene súnť morati, púlcre moenitum
 árbítror;
 Pérfidia et Peculátus ex urbe ét Avaritiasí exulant,
 quártá Invidia, quánta Ambítio, séxta Obtrectátio,

5

séptimum Periúrium . . . TO. Euge! VI. octáva
Indiligéntia,

10 nóna Iniuriá, decimtum, quod péssimum adgressú,
Scelus.

Haéc nisi unde aberunt, céntuplex murus rébus
servandís parum est.

TO. Quíd ais tu? DO. Quíd vís? TO. Tu in illis
és decem sodálibus:

té in exilium ire hínc oportet. DO. Quíd iam?

TO. Quia periúrus es.

DO. Vérba quidem haud indócte fecit. TO. Éx
tuo, inquam, usú est: eme hanc.

15 DO. Édepol qui quum hanc mágis contemplo, má-
gis placet. TO. Si hanc émeris,
di immortales! núllus leno te álter erit opuléntior;
évortes tuo árbitratu hómines fundis, fámiliis;
cum óptumis virís rem habebis; grátiam cupiént
tuam;

vénient ad te cómissatum. DO. Át ego intromitti
haúd sinam.

20 TO. Át enim illi noctu óccentabunt óstium, exu-
rént fores:

proínde tu tibi iúbeás concludi aédés foribus
férreis,

férreas aedés commutes, límina indas férrea,
férream seram átque anellum: né, si ferro párseris,
férreas tuté tibi impingi iúbeas crassas cómpedes.

25 DO. I ín malum cruciátum! TO. I sane! — Hanc
éme, atque auscultá mihi.

DO. Módo ut sciam, quanti índicet. TO. Vín' húc
vocem? DO. Ego illo accéssero.

TO. Quíd agis, hospes? SA. Vénio; adduco hanc,
uti dudum díxeram.

Nám heri in portum nóctu navis vénit; vaenire
hánc volo,
sí potest; si nóñ potest, ire hínc volo, quantúm
potest.

DO. Sálvos sis, aduléscens. SA. Si quidem hanc
véndidero pretió suo. 30

TO. Átqui aut hoc emtóre vendes púlcre, aut alio
nóñ potes.

SA. Ésne tu huic amícus? TO. Tanquam diómnes,
qui coelúm colunt.

DO. Túm tu mi es inimícus certus: nám generi
lenónio,
núnquam ullus deus tám benignus fúit, qui fuerit
 própítius.

SA. Hóc age. Opusne est hác tibi empta? DO. Sí
tibi vaenisse ést opus, 35
míhi quoque empta est; sí tibi subiti níhil est,
tantundem ést mihi.

SA. Índica; fac prétium. DO. Tua merx ést:
tua indicátio est.

TO. Aéquom hic orat. SA. Vín' bene emere?
DO. Vín tu pulcre véndere?

TO. Égo scio hercle, utrúmque velle. DO. Age,
índica prognáriter.

SA. Príus dico: hanc mancúpio nemo tibi dabit.
Iam scís? DO. Scio. 40

Índica, minumó daturus quí sis, qui ducí queat.

TO. Táce, tace: nimis tú quidem hercle homo
stúltus es pueríliter.

DO. Quid ita? TO. Quia enim te éx puella príus
percontarí volo,

quae ád rem referunt. DO. Ét quidem hercle tú
me monuisti haúd male.

- 45 **Víde, sis: ego ille dóctus leno pêne in foveam decídí,**
ni híc adesses. Quántum est, adhibere hóminem
amicum, ubi quíd geras!
TO. Quó genere aut qua in pátria sit nata, aut
quibus paréntibus,
né temere hanc te emísse dicas suásu aut impulsú
meo,
vólo te percontári. DO. Quin laudo, ínquam,
consiliúm tuum. —
- 50 **TO. Nísi molestum est, pércontari hanc paúcis**
híc volt. SA. Máxime;
suo ábitratu. TO. Quíd stas? adi [eum] túte,
atque ipse itidém roga,
út tibi percontári liceat, quae velis; etsí mihi
díxit dare potéstatem eius; séd ego te maló tamen
eum ípsam adire: ut né contemnat te ille. DO. Sa-
tis recté mones.
- 55 **Hóspes, volo ego hanc pércontari. SA. A térra**
ad coelum, quíd lubet.
DO. Iúbedum ea huc accédát ad me. SA. I sáne,
ac morem illí gere. —
Pércontare, exquíre, quíd vis. — Áge, age nunc
tu, i, praépara. —
Víde, ut ingrediare aúspicato. VI. Líquidum est
auspiciúm. TO. Tace;
cóncede huc, sis: iam égo illam adducam.
DO. Áge, út rem esse in nostrám putas.
- 60 **TO. Séquere me. — Adduce hanc, si quíd vis ex**
hac percontárier.
DO. Énim volo te adesse. TO. Hand possum,
quín huic operam dem hóspiti,
quóí herus iussit. Quíd, si híc non volt mé adesse
una? SA. Imo í modo.

TO. De érgo tibi operam. DO. Tibi ibidem das,
úbi tu tuum amicum ádiuvas.

TO. Éxquire. — Heus tu, advígila. VI. Satis est
díctum. Quamquam ego sérvá sum,
scío ego officium méum, ut, quae rogitet, véra, ut
accepi, éloquar. 65

TO. Vírgo, hic homo próbus est. VI. Credo.

TO. Nón diu apud hunc sérvies.

VI. Íta pol spero, sí parentes fácient officiúm suum.

DO. Nólo ego te mirári, si nos éx te percontábitur
aút patriam tuam, aút parentes. VI. Cúr ego id
mirér, mi homo?

Sérvitus mea mi interdixit, né quíd mirer méum
malum. 70

TO. Dí istam perdant! [íta cata est et callida]
hábet cor: [Quam] dicit, quód opust!

DO. Quíd nomén tibi est?

TO. Núnco metuo ne péccet. VI. Lucridi nómen
in patriá fuit.

TO. Nómen atque omén quantivís ést preti. Quin
tu hanc emis? —

Nímis pavebam né peccaret. Éxpedit. DO. Sí
te emam, 75

míhi quoque Lucridém confido fóre te. TO. Tu
si hanc émeris,
núnquam hercle hunc mensém vortentem, crédo,
servibít tibi.

DO. Íta vellam quidem hércle. TO. Optata ut
éveniant, operam áddito. —

Níhil adhuc peccávit etiam. DO. Úbi tu nata es?
VI. Út mihi

máter dixit, in culina, in ángulo ad laevám ma-
num. 80

TO. Haéc erit tibi faústa meretrix: náta est in
calidó loco,
úbi rerum omníum bonarum cópia est saepís-
sime. —

Táctust leno, quí rogarat, úbi nata esset, díceret.
Lépide lusit. DO. Át ego patriam té rogo quae
sít tua.

85 VI. Quaé mihi sit, nisi haéc, ubi nunc sum?
DO. At égo illam quaero, quaé fuit.

VI. Ómne ego pro nihilo ésse ducto, quód fuit,
quandó fuit.

Támquam hominem, quando ánimam efflavit:
quíd eum quaeras, quí fuit?

TO. Íta me di bene amént, sapienter! átkue equi-
dem miserét tamen.

DO. Séd tamen, virgo, quaé patria est tua, áge,
mihi actutum éxpedi. [Quid taces?]

90 VI. Díco equidem patriám. Quandoquidem hic
sérvio, haec patria ést mea.

TO. Iám de istoc rogáre omitte. Nón vides,
nolle éloqui,

né suarum se míseriarum in mémoriam inducás?
DO. Quid est?

Cáptusne est patér? VI. Non captus; séd quod
habuit, pérdidit.

TO. Haéc erit bono génere nata: níl scit, nisi ve-
rúm, loquí.

95 DO. Quís fuit? dic nómen. VI. Quid illum mí-
serum memorem, quí fuit?

Núnc et illum Miserum ét me Miseram aéquom
est nominárier.

DO. Quoínsmodi is in pópulo habitus est? VI. Nè-
mo quisquam accéptior:

sérvi liberique amabant. TO. Hóminem miserum
praédicas,
quúm prope ipsus pérditus est, et benevolentis
pérdidit.

DO. Émam, opinor. TO. Étiam „Opinor?“

DO. Súmmo genere esse árbítror. 100

TO. Dívítias 'tu ex ístac facies. DO. Íta di fa-
xint! TO. Éme modo.

VI. Iam hóc tibi dico: actútum ecastor méus pa-
ter, ubi mé sciet

vénisse, aderit ét me absentem rédimet

TO. Quid [ais] núnc? DO. Quid est?

TO. Aúdin', quid ait? VI. Nám etsi res sunt frá-
ctae, amici súnť tamen.

DO. Né, sis, plora: líbera eris actútum, si — cre-
bró cades. 105

Vín' mea esse? VI. Dúm quidem ne nímis diu tua
sím, volo.

TO. Sátin' ut meminit líbertatis? Dábit haec tibi
grandés bolos.

Áge, si quid agis! Égo ad hunc redeo. — Séque-
re. — Reduco hánc tibi.

DO. Ádulescens, vin' véndere istanc? SA. Mágis
lubet, quam pérdere.

DO. Túm tu pauca in vérba confer: quí datur,
tanti índica. 110

SA. Fáciam ita, ut te vélle video. Hábe tibi cen-
túm minis.

DO. Nímium est. SA. Octogínta. DO. Níminum
est. SA. Númus abesse hinc nónpotest,
quód nunc dicam. DO. Quíd id est ergo? eló-
quere actutum, atque índica.

SA. Túo periculó sexaginta haéc datur argentíminis.

- 115 DO. Tóxile, quid agó? TO. Di deaeque te ágitant
 iratí, scelus,
 qui hánc non properes déstinare! DO. Habéto.
 TO. Eu, praedatús probe!
 [Abi, argentum effer huc.]
 Nón edepol mínis trecentis cára est. Fecistí lucri.
 SA. Heús tu, etiam pro véstimentis húc decem
 accedént minae.
 120 DO. Ábscedent enim, nón accedent. TO. Táce,
 sis: non tu illúm vides
 quaérere ansam, inféctum ut faciat? Ábin', atque
 argentúm petis?
 DO. Heús tu, serva istúnc! Quin tu is intro!
 DO. Ábeo atque argentum ádfero.
-

ACTUS IV. SCENA V.

TOXILUS. VIRGO. SAGARISTIO.

- TO. Edepól dedistí, vírgo, operam adlaudábilem,
 probam ét sapientem et sóbriam. VI. Si quíd bonis
 boní fit, esse idem ét grave et gratúm solet.
 TO. Audín' tu, Persa, ubí árgentum ab hoc accéperis,
 5 simuláto, quasi eas prórsum in navem. SA. Né doce.
 TO. Per ángiportum rúrsum te ad me récipito
 illác per hortum. SA. Quód futurum est, praédicas.
 TO. At, né cum argento prótinam permutés domum,
 moneó te. SA. Quod te dígnum est, me dígnum
 ésse vis?
 10 TO. Tace; párcé voci: praéda progreditúr foras.
-

ACTUS IV. SCENA VI.

DORDALUS. SAGARISTIO. TOXILUS.

DO. Probáti argenti hic súnť sexagintá minae,
duóbus numis mínus. SA. Quid ei numí sciunt?

DO. Cruménam hanc emere, aut fácere ut remi-
grét domum.

SA. Ne nón sat esses léno, id metuebás, miser,
impúre, avare, né crumenam amítteres? 5

TO. Sine, quaéso: quando léno est, nihil mirúm
facit.

DO. Lucró faciundo ego aúspicavi in hunc diem:
nil míhi tam parvi est, quín me id pigeat pérdere.
Age, áccipe hoc, sis. SA. Hunc in collum, nísi
piget,

impóne. DO. Vero fíat. SA. Numquid céterum 10
me vóltis? TO. Quid tam próperas? SA. Ita ne-
gótium est:

mandátæ quæ sunt, vólo deferre epístolas;
geminum autem fratrem sérvire audivi híc meum:
eum ego út requiram átque ut redimam, pérgerere
volo. TO. Átque edepol tu mé commonuisti haúd
male: 15

videór vidisse híc fórma persimilé tui,
eádém staturá. SA. Quíppe qui fráter siet.

DO. Sed scíre velimus, quód tibi nomén siet.

TO. Quid áttinet, nos scíre? SA. Ausculta ergo,
út scias:

Vanfloquidorus, Vírginisvendónides, 20
Nugípolyloquides, Árgentiexterebrónides,
Tedígniloquides, Númmorumexpalpónides,

Quodsémelarrripides, Núnquampostearéddides.

DO. Heu hércle nomen múltis modis scriptúm est tuom.

25 **SA.** Ita súnť Persarum móres: longa nómina contórtuplicata habémus. Numquid céterum voltís? **DO.** Vale. **SA.** Et vos: nam ánimus in navi ést meus.

DO. Cras íres potius, hódie hic coenarés. Vale.

ACTUS IV. SCENA VII.

TOXILUS. DORDALUS. VIRGO. SATURIO.

TO. Postquam íllic abiit, dícere hic quidvís licet. Nae, hic tíbi dies illúxit lucrificábilis: nam nón emisti hanc, vérum fecistí lucrí.

DO. Illé quidem iam scit, quíd negoti gesserit,
5 qui míhi furtivam méo periclo véndidit; argéntum accepit, ábiit. Qui ego núnc scio, an iam ádseratur haéc manu? Quo illúm sequar? In Pérsas? nugas. **TO.** Crédidi gratúm fore benefícium meum apúd te. **DO.** Imo equidem grátiam

10 tibi, Tóxile, habeo: nám sensi te sédulo mihi dáre bonam operam. **TO.** Tíbin' ego? **DO.** Imo sério.

Attát! oblitus sum íntus dudum edícere, quae vólui edicta. Adsérva hanc. **TO.** Salva est haéc quidem.

VI. Patér nunc cessat. **TO.** Quíd, si admoneam?
VI. Témpus est.

TO. Heus, Sáturio, exi! nunc est illa occasio 15
inimicum ulcisci. SA. Ecce me! numquid moror?
TO. Age, illuc abscede procul e conspectu; tace.
Ubi cum lenone me videbis colloqui,
tum turbam facito. SA. Dictum sapienti sat est.

ACTUS IV. SCENA VIII.

DORDALUS. TOXILUS.

DO. Transcidi loris omneis adveniēns domi,
ita mihi supellex squalet atque aedēs meae.
TO. Redīs tu tandem? DO. Rédeo. TO. Nae ego
hodiē tibi
bona multa feci. DO. Fáteor: habeo grátiam.
TO. Num quidpiam aliud me vis? DO. Ut bene
sit tibi. 5
TO. Polistūc quidem omne iām ego usurpabó domi:
nam iam inclinabo me cum libertá tua.
[Tu, quando abiero DO. Quin taces? Scio,
quid velis.]

ACTUS IV. SCENA IX.

SATURIO. DORDALUS. VIRGO.

SA. Nisi ego illum hominem perdo. DO. Perii.
SA. Atque optume
eccum ipsum ante aedes! VI. Salve multum, mi
pater.

SA. Salvé, mea gnata. DO. Pérsa me pessúm-
dedit!

VI. Pater híc meus est. DO. Hem, quíd? pater?
Perii óppido!

5 Quid ego ígitur cesso infélix lamentárier
minás sexaginta? SA. Égo pol te faciám, scelus,
te quóque etiam ipsum ut lámenteris. DO. Óccidi!
SA. Age, ámbula in ius, léno. DO. Quid me in
iús vocas?

SA. Illi ápuđ praetorem dícam. Sed ego in iús
voco.

10 DO. Nonne ántestaris? SA. Tuán' ego causa, cár-
nufex,

quoiquám mortali líbero aures átteram,
qui híc cómmearis cíves homines líberos?

DO. Sine dícam. SA. Nolo. DO. Aúdi. SA. Sur-
dus sum. Ámbula!

sequere hác, scelesta féles virginária!

15 sequere hác, mea nata, me úsque ad praetorém.
VI. Sequor.

ACTUS V. SCENA I.

TOXILUS. SAGARISTIO. LEMNISELENE.

TO. Hóstibus victis, cívibus salvis, ré placida,
pacíbus perfectis,

béllo extincto, ré bene gesta, íntegro exercitu ét
praesidiis,

cúm bene nos, Iupitér, iuvisti, díque alii omnes
coélipotentes,

**ea vobis gratés habeo atque ago: quía probe sum
ultús meum inimicum.**

**Núnc ob eam rem intér participes dívidam prae-
dam et párticipabo.**

5

**Íte foras: hic volo ante óstium et ianuam méos
participes béne accipere.**

Státuite hic lectulos! pónite hic, quae adsolent!

Híc statui volo prímum aquilam mihi;

**únde ego omnes hilarós, lubentis, laétificantis fá-
ciam ut fiant,**

**quórum opera haec mihi fácilia factu fácta sunt,
quae vólui effieri:**

**nam improbus est homo, quí beneficium scít acci-
pere, et réddere nescit.**

10

**LE. Tóxile mi, cur égo sine te sum? Cúr autem
tu sine me és? TO. Agedum ergo,**

**áccede, mea, ad me, áque amplectere, síis. LE.
Ego vero. TO. Oh, níhil magis dulce est!**

**Séd amabo, oculus méus, quin lectis nós actutum
cómmandamus?**

**LE. Ómnia, quae tu vís, ea cupio. TO. Mútua fiunt.
Áge, age, age ergo.**

**Tú, Sagaristio, accúmbe in summo. SA. Ego níl
moror. Cedo parém, quem pepigi!**

15

**TO. Témperi. SA. Mi istuc témperi sero est. TO.
Hóc age: accumbe! húnct diem suavem**

**méum natalem agitémus amoenum! Dáte aquam
manibus! pónite mensam!**

**Do hanc tibi florentem flórenti: tu híc éris dicta-
trix nóbis.**

**Áge, páere, a summo séptenis cyathís committe
hos lúdos!**

- 20 **Move mánus; propera. Paegniúm, tarde cyathó
mihi das: cedo sáne!**
**Bene míhi! bene vobis! béne meae amicaé! bén
omnibus nóbis!**
Optátus hic mihi dies dátus hodie est
ab díis, quia te licet líberam me amplécti. LE
Tua factum ópera.
Hoc méa manus poculum tuaé donat, ut amántem
decet amánti.
- 25 **TO. Cedo! LE. Áccipe. TO. Bene ei, qui ínvidet**
mihi, et éi, qui hoc gaudio gaúdet!

ACTUS V. SCENA II.

**DORDALUS. SAGARISTIO. LEMNISE-
LENE. PAEGNIUM.**

- DO. Quí sunt, quique erúnt, quique fuerúnt, qui-
que futurí sunt posthac,**
**sólus ego omnibús facile antideó, miserrumus hó-
minum ut vivam.**
**Périi, interii! péssumus hic mihi díes hodie illu-
xít: corruptor**
íta me Toxilus pérfabricavit, ítaque meam rem
dívexavit.
- 5 **Vehículum argenti míser eieci, amísi, neque, qua-
mobrem éieci, habeo.**
Quí illum Persam, atque ómnes Persas, átque
etiam omnés personas
mále di omnes pérđant! ita míser Toxilus haec
míhi concivit.

Quia ei fidem non habui argenti, eo mihi eas machinas molitust.

Quem pol ego in cruciatum atque in compedes cogam, si vivam,

siquidem huc unquam herus eius redierit, quod spero. Sed quid ego adspicio?

10

Hoc vide! quae haec fabula est? Pol hic quidem potant. Aggrediár. O bone vir,

salveto, et tu, bona liberta. TO. Dórdalus hic quidem est. SA. Quin iube adire.

TO. Ádi, si lubet. — Agite, áplaudamus. Dórdale, homo lepidissime, salve,

Locus hic tuus est: hic accumbe. — Ferte aquam pedibus! praeben' tu, puer?

DO. Né, sis, me uno digito attigeris, né te ad terram, scelus, affligam.

15

PA. At tibi ego hoc continuo cyatho oculum excutiam tuum.

DO. Quid ais, crux, stimulorum tritor? quomodo me hodie vorsavisti?

ut me in tricas coniecisti? quomodo de Persa manus mi adita est?

TO. Iurgium hinc auferas, si sapias. DO. At, bona liberta, haec scivisti et

ne celavisti. LE. Stultitia est, quod bene esse licet, eum praevorti

20

stibus. Posterius istaec te magis par agere est. DO. Uritur mihi cor.

TO. Da illi cantharum; exingue ignem, si cor uritur, caput ne ardescat.

DO. Ludos me facitis, intellego.

TO. Vin' cinaedum novum tibi dari, Paegnium?

Quin lude, ut solés, quando liber locust hic.

25

Babaé, basilicé te intulísti et facéte!

PA. Decét me facétum esse, et hunc irridére lenónem lubído est, quandó dignus ést.

TO. Perge, út coeperás.

30 PA. Hoc, léno, tibi!

DO. Peris, perculit me prope! PA. Hém, servo rúrsum!

DO. Delúde, ut lubét,
herús dum hinc abést!

PA. Vidén', ut tuís
35 dictís pareó?

Sed quín tu meis contra itém dictis sérvís,
atque hóc, quod tibi suadeó, facis? DO. Quid ést id?

PA. Réstim tu tibi cape crássam, ac suspénde te!

DO. Cave, sis, me attigás, ne tibi hóc scipióne
40 malám magnum dém. PA. Uteré: te condóno.

TO. Iámiam, Paegniúm, da pausam.

DO. Égo pol vos erádicabo.

TO. Át te ille, qui suprá nos habitat,
quí tibi male volt, máleque faciet. Nón hi dicunt,
vérum ego.

45 TO. Áge, circumfer málsum: bíbere da úsque
plenis cántharis!

Iám diu factum est, póstquam bibimus; nimis diu
sicci sumus.

DO. Dí faciant, ut id bíbatis, quód vos nunquam
tránseat!

PA. Néqueo, leno, quín tibi saltem státiculum,
olim quem Hégea

fáciebat. Vide véro, si tibi sátis placet. SA. Me
quóque volo

50 réddere, Diodórus quem olim fáciebat in Iónia.

DO. Málum ego vobis dábo, ní abitis! SA. Étiam muttis, ímpudens?

Iám ego tibi, si me írritassis, Pérsam adducam dénuo.

DO. Iám taceo hercle. At tú Persa es, qui me úsque admutilasti ád cutem!

TO. Táce, stulte: hic eius géminust frater. DO. Hícine est? TO. Ac geminíssumus.

DO. Dí deaeque et te et géminum fratrem excrúcient! SA. Qui te pérdidit:

55

nam égo nil merui. DO. At énim, quod ille mérui, tibi id obsít volo.

TO. Ágite, sultis, hunc lúdificemus, nísi non dignus est. SA. Núnc opust.

LE. Át me haud par est. TO. Eó, credo, quia incónciliavit, quóm te emo.

LE. Át tamen . . . TO. Non támen! Cave ergo, síis, malo, et séquere me.

Fé mihi dicto aúdentem esse áddecet: nam hercle ábsque me

60

óret et meo praesídio, hic faceret té prostibulam própédiem.

Séd ita pars libértinorum est, nísi patrono qui ádvorsatust,

néc satis liber síbi videtur, néc satis frugi, néc sat honestus,

í ei offecit, ní male dixit, ní grato ingrátus repertust.

E. Pól benefacta túa me hortantur, túo ut imperio páream.

65

O. Égo sum tibi patrónus plane, qui huíc pro te argentúm dedi:

pró hisce hunc volo lúdificari. LE. Meo ego in loco seduló curabo.

DO. Céрто illi homines míhi nescio quid máli consulunt quod fáciant. SA. Heus vos.

TO. Quid ais? SA. Hiccine Dórdalus est lenó, qui hic liberás mercatur?

70 híccine est, qui fuit quóndam fortis? DO. Quae haec rest? Hei, cólaphum icit.

Málum vobis dabo. TO. At tíbi nos dedimus, dábi-musque etiam. DO. Hei, nátis pervellit.

PA. Lícet: diu saepe súnť expunctae. DO. Lóque-re tu etiam, frústum pueri?

LE. Pátrone, i intro, amábo, ad coenam. DO. Méa ignavia, tú [nunc] me irrides?

LE. Quíane te voco, béne ut tíbi sit? DO. Nólo mihi bene ésse. LE. Ne sit.

75 TO. Quid igitur? sexcénti numi quíd agunt? quas turbás danunt?

DO. Mále disperii! scíunt referre próbe inimico grátiam.

TO. Sátis sumpsimus supplícii? DO. Fateor; má-nus vobis do. TO. Et póst dabis

súb furcis. Abi íntro. SA. In crucem! DO. Ánne hic parum exércitum

hísce me habent? TO. Cónvenisse Tóxillum te mémineris.

80 Spéctatores, béne valetе. Lénо perit: plaúdite

P O E N U L U S.



DRAMATIS PERSONAE.

AGORASTOCLES, adolescens.

MILPHIO, eius servus.

ADELPHASium, meretrix.

ANTERASTYLIS, meretrix.

LYCUS, leno.

ANTHEMONIDES, miles.

ADVOCATI.

COLLYBISCUS, villicus.

SYNCERASTUS, servus.

HANNO, Carthaginiensis.

GIDDENEME, nutrix.

PUER.

ANCILLA.

S U M M A R I U M.

Carthagine duo fratres vixere; quorum alteri, Hannoni nomine, surreptae sunt geminae filiae, Adelphasium et Anterastylis, Calydonemque devectae, et a Lyco lenone emtae. Ibidem dudum vixerat alterius fratris filius, Agorastocles, item surreptus, venditusque seni Antidamanti, qui eum adoptaverat. Is Agorastocles amat Adelphasium; Anterastylum autem Anthe-monides miles. Agorastocles cum servo Milphione consilium init decipiendi lenonis. Subornant villicum Collybiscum, ut is tamquam advena peregrinus, pecunia numerata, apud eum amet. Quo facto, ex composito Agorastocles cum advocatis advenit, lenonemque doli arguit, et servum suum asserit. Interea advenit Hanno, quaerens filias, quum aguntur Aphrodisia. Agnoscit ergo et fratris filium Agorastoclem, et suas ipsius filias, easque ab lenone abducit, et Adelphasium in matrimonium dat Agorastocli.

(Scena est Calydone. Fabula vix videatur Plauti esse.)

ARGUMENTUM.

Puer séptuennis súrripitur Carthágine.
Osór mulierum adóptat hunc emtúm senex
Et fácit heredem. Éius cognataé duae
Nútrixque earum ráptae. Mercatúr Lycus,
Vexátque amantem. At ille cum auro villicum
Lenóni obtrudit; íta eum furto ádligat.
Venit Hánno Poenus, gnátum hunc fratris répperit,
Suásque agnoscit, quás perdiderat, fílias.

P R O L O G U S.

Achilem Áristarchi míhi commentarí lubet:
inde míhi principium cápiam ex ea tragoédia:
„Siléteque et tacéte atque animum advórtite!“
audíre iubet vos ímperator hístricus,
bonóque ut animo sédeant in subsélliis, 5
et qui ésurientes ét qui saturi vénerint.
Qui edístis, multo fécistis sapiéntius;
qui nón edistis, sátori fite fábulis.
Nam cú paratum est, quód edit, nostra grátia
nimia ést stultítia séssum impransum incédere. 10
Exsúrge, praeco: fác populo audiéntiam:
iamdúdum exspecto, sí tuum officiúm scias.
Exérce vocem, quám per vivis ét colis:
nam nísi clamabis, táctum te obrepét fames. —
Age, núnc reside, dúplicem ut mercedém feras. 15
Bonum fáctum est, edícta ut servetís mea.
Scortum éxoletum né quis in proscénio
sedeát, neu lictor vérbum aut virgae múttiant;
neu désignator praéter os obámbulet,
neu séssum ducat, dum hístrío in scená siet. 20
Diu qui domi otiósi dormierúnt, decet
animo aéquo nunc stent, vél dormire témpèrent.
Serví ne obsideant, líberis ut sít locus;
vel aés pro capite dént; si id facere nón queunt,
domum ábeant, vitent áncipiti infortúnio, 25
ne et híc varientur vírgis, et lorís domi,

- si mínus curassint, cùm heri veniánt domum.
 Nutríces pueros ínfantis minútulos
 domi út procurent, neú quae spectatum áfferant:
 30 ne et ípsae sitiant, ét pueri pereánt fame,
 neve ésurientes híc, quasi hoedi, obvágiant.
 Matrónae tacitae spéctent, tacitae rídeant;
 canóra hic voce suá tinnire témpèrent;
 domúm sermones fábulandi cónferant,
 35 ne et híc viris sint ét domi moléstiae.
 Quodque ád ludorum cúratores áttinet,
 ne pálma detur quoíquam artifici iniúria,
 neve ámbitionis caúsa extrudantúr foras,
 quo déteriores ánteponantúr bonis.
 40 Et hóc quoque etiam, quód pene oblitús fui:
 dum lúdi fiunt, ín popinam, pédissequi,
 irrúptionem fácite! nunc, dum occásio est,
 nunc, dúm scriblitae aéstuant, occúrrite.
 Haec, ímperata quae sunt pro imperio hístrico,
 45 bonum hércle factum, pró se quisque ut méminerit.
 Ad árgumentum núnc vicissatím volo
 remígrare, aequé ut mécum sitis gnárures.
 Eius núnc regiones, límities, confínia
 detérminabo: ei rei égo finitor fáctus sum.
 50 Sed, nísi molestum est, nómen dare vobís volo
 comoédiai; sín odio est, dicám tamen,
 siquidém licebit pér eos, quibus est ín manu.
 Carchédonius vocátur haec comoédia;
 Latíne Plautus: Pátruus pultiphagónides.
 55 Nomén iam habetis; núnc rationes céteras
 accípíte: nam arguméntum hoc hic censébitur.
 Locus árgumento est súm sibi proscénium;
 vos iúratores éstis: quaeso, operám date.
 Cartháginenses frátres patrúelés duo

fuére, summo génere et summis dívitiis. 60
 Eorum álter vivit, álter est emórtuus.
 Proptérea apud vos díco confidéntius,
 quia mñhi pollinctor díxit, qui eum pollínxerat.
 Sed ílli seni, qui mórtuus est, ei fílius
 unícus qui fuerat, ábditivus á patre, 65
 puer séptuennis súrripitur Carthágine
 sexénio priús quidem, quam moritúr pater.
 Quoníam perisse sibi videt gnatum únicum,
 coniúctur ipse in mórbum ex aegritúdine;
 facit íllum heredem frátrem patruelém suom; 70
 ipse ábiit ad Acherúntem sine viático.
 Ille, quí subripuit púerum, Calydonem ávehit;
 vendít eum domino hic díviti cuidám seni,
 cupiénti liberórum, osori múlierum.
 Emit hóspitalem is fílium imprudéns senex 75
 puerum íllum, eumque adóptat sibi pro fílio,
 eúmque heredem fécit, quum ipse obiít diem.
 Is illíc adulescens hábitat in illisce aédibus.
 Revórtor rursus dénuo Cartháginem.
 Si quíd mandare vóltis aut curárier: 80
 argéntum nisi qui déderit, nugas égerit;
 verúm qui dederit, mágis maiores égerit.
 Sed ílli patruo húius, qui vivít senex,
 Cartháginensi, dúae fuere fíliae.
 Altéra quinquennis, áltera quadrímula, 85
 cum nútrice una périere a magálibus.
 Eas quí subripuit, ín Anactorium dévehit
 vendítque has omnes, ét nutricem et vírgines,
 praesénti argento hómini (si leno ést homo),
 quantum hóminum terra sústinet, sacérrumo; 90
 vosmét nunc facite cóniecturam céterum,
 quid íd sit hominis, cui Lyco nomén siet.

- Is ex Anactorio, ubi prius habitáverat,
 huc cómmigravit in Calydonem haúd diu
 95 sui quaésti causa. Is in illis habitat aédibus.
 Earum híc adulescens álteram efflictím perit,
 suam síbi cognatam, imprúdens; neque scit, quae
 éa siet,
 neque eam únquam tetigit (íta eum leno mácerat),
 neque quídquam cum ea fécit etiamnúm stupri,
 100 neque dúxit unquam; néque ille voluit máttere.
 Quia amáre cernit, tángere hominem vólt bolo.
 Illánc minorem in cóncubinatúm sibi
 volt émere miles quídam, qui illam déperit.
 Sed páter illarum Poénus, postquam eas pérdidit,
 105 maríque terraque úsquequaque quaéritat.
 Ubi quámque in urbem ést ingressus, íllico
 omnes meretrices, ubi quisque habitant, ínvenit;
 dat aúrum, ducit nóctem; rogitat póstibi,
 unde sít, quoiatis, cáptane an surrépta sit,
 110 quo génere gnata, quí parentes fúverint.
 Ita dócte atque astu fílias quaerít suas.
 Et is ómnes linguas scít; sed dissimulát sciens
 se scíre: Poenus pláne est; quid verbís opust?
 Is heri húc in portum návi venit véspera.
 115 Pater hárunc, idem huic pátruus adulescéntulo est.
 Iamne hóc tenetis? Sí tenetis, dúcite:
 cave dírumpatis: quaéso, sinite tránsigi.
 Ehem, péne oblitus súm reliquiom dícere!
 Ille, quí adoptavit hunc sibi pro fílio,
 120 is ílli Poeno, huiúsce patri, hospés fuit.
 [Is hódie huc veniet, réperietque hic fílias
 et hunc sui fratris fílium, ut didicí quidem.]
 Hic, qui hódie veniet, réperiet suas fílias
 et hunc sui fratris fílium. Dehinc céterum

[valéte! adeste! Ibo: álius nunc fieri volo.] 125
 Quod réstat, restant álii, qui faciánt palam.
 Ego íbo, ornabor. Vós aequo animo nóscite.
 Valéte atque adiuváte, ut vos servét Salus.

ACTUS I. SCENA I.

AGORASTOCLES. MILPHIO.

AG. Saepe égo res multas tibi mandavi, Mílphio,
 dubiás, egenas, ínopiosas cónsili,
 quas tú sapienter, dócte, et cordate, et cate
 mihi réddidisti ópiparas operá tua;
 quibus pró benefactis fáteor deberí tibi 5
 et líbertatem et múltas gratas grátias.

MI. Scitúm est, per tempus si óbviám is, verbúm
 vetus:

nam tuaé blanditiae míhi sunt, quod dicí solet
 gerraé germanae, átque edepol λῆρον meri.
 Nunc míhi blandidicus és; heri in tergó meo 10
 tris fácite corios cóntrivisti búbulos.

AG. At amáns per amorem sí quid feci, Mílphio,
 ignóscere id te mi aéquom est. MI. Haud vidí
 magis.

Et núnc ego amore péreo: sine te vérberem,
 item út tu mihi fecísti, ob nullam nóxiam; 15
 post íd locorum tú mihi amanti ignóscito.

AG. Si tibi lubido est aút voluptatí, sino:
 suspénde, vinci, vérbera! auctor súm; sino.

MI. Si auctóritatem póstea defúgeris:
 ubi díssolutus tú sies, ego péndeam. 20

AG. Egone istuc ausim fácere, praesertím tibi?
Quin sí feriri vídeo te, extempló dolet.

MI. Mihí quidem hercle. AG. Imó mihi. MI. Istuc mávelim.

Sed quíd nunc tibi vis? AG. Cúr ego apud te méntiar?

25 Amo ímmodeste. MI. Méae istuc scapulae séntiunt.

AG. At ego hánc vicinam díco, Adelphasiúm, meam,

lenónis huius méretricem maiúsculam.

MI. Iamprídem equidem istuc éx te audivi. AG. Dífferor

cupídine eius. Séd lenone istóc Lyco,
30 illíus domino, nón lutum est lutuléntius.

MI. Vin' tu illi nequam dáre nunc? AG. Cupio.
MI. En, mé dato.

AG. Abí diirectus! MI. Díc mihi vero sério:
vin' dáre malum illi? AG. Cúpio. MI. Hem, eundem mé dato:

utrúmque faxo habébit, et nequam ét malum.

35 AG. Iocáre. MI. Vin' tu illam hódie sine damno tuo

tuám libertam fácere? AG. Cupio, Mílphio.

MI. Ego fáciam ut facias. Súnt tibi intus aúrei trecéti numi Philíppei? AG. Sexcentí quoque.

MI. Satis súnt trecenti. AG. Quíd iis facturús?
MI. Tace.

40 Totúm lenonem tíbi cum tota fámilia dabo hódie dono. AG. Quíd facturús? MI. Iám scies.

Tuus Cóllybiscus núnc in urbe est villicus.

Eum híc non novit léno. Satin' intéllegis?

AG. Intéllego hercle; séd, quo evadas, néschio.

ML. Non scís? AG. Non hercle. ML. Át ego iam
faxó scies.

45

Ei dábitur aurum, ut ád lenonem déferat,
dicátque, se peregrínus esse ex alio óppido;
se amáre velle atque óbsequi animó suo;
locúm sibi velle líberum praeberier,
ubi néquam faciat clám, ne quis sit árbitet.

50

Leno ád se accipiet, aúri cupidus, íllico:
celábit hominem et aúrum. AG. Consiliúm placet.

ML. Rogáto, servos véneritne ad eúm tuus.

Ille mé censebit quaéri: continuó tibi
negábit. Quid tu dúbitas, quin extémpulo

55

duplicét tibi aurum, et hómínis fur lenó siet?
Neque, id únde efficiat, hábet. Ubi in ius vénerit,
addícet praetor fámiliam totám tibi.

Ita decípiemus fóvea lenoném Lycum.

AG. Placét consilium. ML. Imo étiam, ubi ex-
polívero,

60

magis hóc tum demum díces; nunc etiám rude est.

AG. Ego in aédem Veneris éo, nisi quid vis, Míl-
phio.

Aphrodísia hodie súnt. ML. Scio. AG. Oculós volo
meos délectare múnditiis meretríciis.

ML. Hoc prímum agamus, quód consilium cépimus.

65

Abeámus intro, ut Cóllybiscum víllicum
hanc pérdoceamus út serat falláciam.

AG. Quamquám Cupido in córde vorsatúr, tamen
tibi aúscultabo. ML. Fáciam, ut facto gaúdeas.—

Inést amoris mácula huic homini in péctore,
sine dámno magno quae élui neutiquám potest;
itaque híc scelestus ést homo lenó Lycus,
quói iam ínfortuni inténta ballista ést probe,

70

- quam ego haud multo post mittam e ballistário.
 75 Sed Adélphasium exit éccam, atque Anterástylis
 Haec ést prior, quae méum herum dementém facit.
 Sed évocabo. Heus, í foras, Agorástocles,
 si vis videre ládos iucundíssimos!
 AG. Quid istúc tumulti est, Mílphio? M. Hem
 amorés tuos,
 80 si vis spectare. AG. O multa tibi di dént bona,
 quom mi óbtulisti hoc tám lepidum spectaculum!

ACTUS I. SCENA II.

ADELPHASIIUM. ANTERASTYLIS. MIL-
 PHIO. AGORASTOCLES. ANCILLA.

- AD. Negóti sibi qui volét vim paráre:
 navem ét mulierém, haec duó comparáto:
 nam nállae magís res duaé plus negóti
 habént, forte si ócceperís exornáre;
 5 neque únquam satís hae duaé res ornántur,
 neque eís ulla ornándi satís satietás est.
 Atque haéc ut loquór, nunc domó docta díco:
 nam nós usque ab aúrore ad hóc quod diéi est
 ex indústria ámbae concéssamus núnquam
 10 lavári, aut fricári, aut tergéri, aut ornári,
 políri, expolíri, pingí, fingí; et úna
 binaé, singulís quae dataé nobis áncillae,
 eaé nos lavándo, eluéndo, operam dedére;
 adgerúndaque aquá sunt virí duo deféssi.
 15 Apagésis, negóti quantum ín muliere úna est!
 Si véro duaé, sat sció, maxumo úni

popló quoilubét plus satis dare potíssunt,
 quae nóctes diésque omni in aétate sémper
 ornántur, lavántur, tergéuntur, poliúntur.
 Postrémo modús muliebrís nullust, neque únquam 20
 lavándo et fricándo [modúm] scimus fácere.
 Nam quae lauta est, nisi pérulta est, meo quídem
 animo quasi inlaúta est.

AN. Mirór quídem, sorór, te istaec síc fabulári,
 quae tám callida ét docta síc et facéta:
 nam quúm seduló munditér nos habémus, 25
 vix aégreque amátorculós invenímus.

AD. Ita ést; verum hoc únun tamén cogitáto:
 modus ómnibus in rébus, sorór, optumum hábitu
 est;
 nimia ómnia nimium éxhibent negótium homini-
 bus éx se.

AN. Sorór, cogita, amábo, itém nos perhibéri, 30
 quasí salsa múriatica ésse autumántur
 sine ómni lepóre et siné süavitáte;
 nisi multa aqua úsque et diú macerántur,
 olént, [salsa sunt,] tangere út non velís. Item su-
 mús nos.

Eiús semínis mulierés sunt insúlcae ad- 35
 modum átque invenústae sine múnđitia et súmtu.

MI. Coqua ést haec quídem, Agorastoclés, ut ego
 opínor:

scit, múriatica út macerét. AG. Quid moléstus?

AD. Sorór, parce, amábo. Sat ést, istuc álios
 dicére nobis, ne nósmet nostra etiám vitia loquá-
 mur. 40

AN. Quiéscó ergo. AD. Amó te. Sed hóc nunc
 respónde [mihi]:

sunt híc omniá, quae ad deúm pacem opórtet

adésse? AN. Omnia áccurávi.

AG. Diem púlcrum et célèbrem et venústatis plénum,

45 dignúm Veneri pól, cui sunt Áphrodisia hódie!

MI. Ecquíd gratiaé, quum huc forás te evocávi?

Non iám me decét

donári cadó

viní [veteris]? Dic dari. [Nil respondes?]

50 Línqua huic excidit, út ego opinor. —

Quíd hic, malum, adstans óbstipuisti? AG. Síne amem! ne obturba, ác tace!

MI. Táceo. AG. Si tacuísse, iam istuc „Táceo“ non natúm foret.

AN. Eámus, mea sorór. AD. Eho, amabo, quíd illo nunc properás? AN. Rogas?

55 quía herus nos apud aédem Veneris mántat. AD. Maneat pól. Mane:

túrba est nunc apud áram. An te ibi vis ínter istas vorsárier

prósedas, pistórum amicas, réliquias alicárias, míseras, schoeno délibutas, sérvolicolas sórdidas, quae tibi olant stabulúm statumque, séllam et sessibulúm merum,

60 quás adeo haud quisquam únquam liber tétigit neque duxít domum,

sérvolorum sórdidulorum scórta diobolária?

MI. I ín malam crucém! tun' audes étiam servos spérnere,

própudium? Quasi bélla sit, quasi cámpse reges dúctitent!

Mónstrum mulierís! tantilla tánta verba fúnditat,

65 quóius ego nebulái cyathó séptem noctes nón emam.

AG. Di immortales omnipotentes, quid est apud vos pulcrus?

Quid habetis, mage qui immortalis vos credam esse, quam ego siem, qui haec tanta oculis bona concipio? Nam Venus non est Venus;

hanc equidem Venerem venerabor: me ut amet, ac sit propitia.

Milphio, heus, Milphio, ubi es? MI. Assum apud te, eccum. AG. At ego elixum volo. 70

MI. Enimvero, here, facis delicias. AG. De te quidem haec didici omnia.

MI. Etiamne, ut ames eam, quam nunquam tetigeris? Nihil illuc quidem est.

AG. Deos quoque edepol et amo et metuo, quibus tamen abstinere manus.

AN. Heu ecastor, quom ornatum adspicio nostrum ambarum, poenitet,

exornatae ut simus. AD. Imo vero sane commode: nam pro herili et nostro quaestu satis bene ornatae sumus. 75

Non enim potest quaestus consistere, si eum sumtus superat, soror:

eo illud satius est, quod satis est, habitu, quam, quod plus sat est.

AG. Ita me di ament, ut illa me amet, malim quam di, Milphio:

nam illa mulier lapidem silicem subigere, ut se amet, potest. 80

MI. Pól id quidem haud mentire: nam tu es lapide silice stultior,

qui hanc ames. AG. At vide, sis: cum illac nunquam limavi caput.

MI. Cúrram igitur aliquo ad piscinam, aut lacum:
limúm petam.

AG. Quíd eo opust? MI. Ego dícam: ut illi ét
tibi limém caput.

85 AG. I ín malam rem! MI. Ibisum équidem. AG. Per-
gis? MI. Táceo. AG. At perpetuó volo.

MI. Énimvero, here, meo mé laccessis lúdo, et de-
liciás facis.

AN. Sátis nunc lepide ornátam credo, sóror, te
tibi vidérier;

séd ubi exempla cóferentur méretricum aliarum:
sbi tibi

érit cordolium, sí quam ornatam mélius forte ad-
spéxeris.

90 AD. Ínvidia in me núnquam innata est, néque ma-
litia, méa soror;

bóno ingenio me ésse ornatam, quam aúro, multo
mávolo:

aúrum fortuná ínvenitur, náturá ingeniúm bonum;
bónam ego, quam beátam, me esse nímio dici
mávolo.

Méretricem pudórem gerere mágis decet, quam
púrpuram:

95 mágisque meretricém pudorem, quam aúrum, ge-
rere cóndecet:

púlcrum ornatum túrpes mores péius coeno cól-
linunt;

lépidi mores túrpem ornatum fácte factis com-
probant.

AG. Ého tu, vin' tu fácinus facere lépidum et fe-
stivúm? MI. Volo.

AG. Pótesne mihi auscultáre? MI. Possum. AG.
Ábi domum, ac suspénde te.

MI. Quámobrem? AG. Quia iam núnquam audibis
vérba tot tam suávia. 100

Quíd tibi opust vixísse? Ausculta míhi modo, ac
suspende te.

MI. Sí quidem tu es mecúm futurus pro úva passa
pénsilis.

AG. Át ego amo hanc. MI. At ego ésse et bibere.

AD. Ého tu, quid ais? AN. Quíd rogas?

AD. Viden' tu? pleni sórdium oculi quí erant, iam
splendént mihi?

AN. Ímo etiam in medio óculo paulum sórdist.

AD. Cedo, sis, dexteram. 105

AG. Út tu quidem huius oculós illotis mánibus
tractes aut teras?

AN. Nímia nos socórdia hodie ténuít. AD. Qua
de re, óbsecro?

AN. Quía iam non dudum ánte lucem ad aédem
Veneris vénimus,

prímae ut inferrémus ignem in áram. AD. Ah,
non factó est opus:

quae habent nocturna óra, noctu sácrificatum ire
óccupant; 110

priúsquam Venus expérgiscatur, prius deprope-
rant sédulo

sácrificare: nám vigilante Vénere si veniánt eae,
íta sunt turpes, crédo ecastor, Vénerem ipsam e
fanó fugent.

AG. Mílphio! MI. Edepol Mílphionem míserum!
Quid nunc vís tibi?

AG. Óbsecro hercle, ut múlta loquitur! MI. Níhil
nisi latérculos, 115
sésamum, papáveremque, tríticum, et frictás
nucs.

- AG. Écquid amare vídeor? MI. Damnum; quód Mercurius mínime amat.
- AG. Nám quidem edepol lúcrum amare nállum amatorem áddecet.
- AN. Eámus, mea germána. AD. Age; sis, út lubet. Sequere hác. AN. Sequor.
- 120 AG. Eúnt hae. Quid, si adeámus? MI. Adeas. AG. Prímum prima sálva sis; ét secunda tú secundo sálve in pretio; tértia sálve extra pretiúm. ANC. Tum pol ego et óleum et operam pérddi.
- AG. Quó te agis? AD. Egone? in aédem Veneris. AG. Quídeo? AD. Ut Venerem própítiem.
- AG. Ého, an irata est? Própítia hercle est. Vél ego pro illa spóndeó.
- 125 AD. Quid tu agis? quid míhi molestus, óbsecro? AG. Ah, tam saéviter?
- AD. Mítte, amabo! AG. Quid festinas? Túrba nunc illi ést. AD. Scio: súnť illi aliae, quás spectare ego ét me spectarí volo.
- AG. Quí lubet spectáre turpes, púlcram spectandám dare?
- AD. Quía apud aedem Vénéris hodie est mércatus meretrícus;
- 130 éo conveniunt mércatores: íbi ego me ostendí volo.
- AG. Ínvendibili mérci oportet últro emtorem ad dúcere:
- próba merx facile emtórem reperit, támetsi in abstrusó sita est.
- Quíd ais? quando illi ápod me mecum cáput et corpus cópulas?
- AD. Quó die Orcus áb Acherunte mórtuos amiserit.

AG. Sūnt mihi intus nescío quot nummi aūrei 135
lymphátici.

AD. Déferto ad me: fáxo actutum cóntiterit
lympháticum.

MI. Béliula hercle! AG. Í diirecte in máxumam
malám crucem!

MI. Quám magis adspectó, tam magis est ním-
bata, et nugaé merae.

AG. Ségrega sermónem: taedet. — Áge, sustolle
hoc ámiculum.

AD. Púra sum: compérce, amabo, me áttrectare,
Agorástocles. 140

AG. Quid agam nunc? AD. Si sápias, curam
hanc fácere compendí potes.

AG. Quid? ego non te cúrem? — Quid agis, Míl-
phio? MI. Ecce odiúm meum! —

Quid me vis? AG. Cur mi haec irata est? MI. Cúr
haec irata ést tibi?

Cúr ego id curém? namque istaec mágis tua est
curátio.

AG. Iam hércle tu perísti, ni illam mñhi tam tran-
quillám facis, 145
quám mare est olim, quúm ibi alcedo púllos edu-
cít suos.

MI. Quid faciam? AG. Exorá, blandire, expálpa!

MI. Faciam sédulo;
séd vide, sis, ne tu óratorem hunc púgnis pectas
póstea.

AG. Nón faciam. AD. Nos eámus nunc. Etiám
morare? Mále facis:

béne promittis múlta ex multis; ómnia incassúm
cadunt. 150

Líberare iúravisti me haúd semel, sed cénties.

Dúm te exspecto, néque usquam aliam mñhi paravi cópiam,
néque istuc usquam appáret. Ita nunc sérvio nihiló minus.

Í, soror. — Abscéde tu a me. AG. Périi! Eho, quid agis, Mílphio?

155 MI. Méa voluptas, méae deliciae, méa vita, mea amoénitas,
méus ocellus, méum labellum, méa salus, meum sávium,
méum mel, meum cor, méa colostra, méus mollículus cáseus

AG. Méne ego illaec patiár praesente díci? Discruciór miser,
nísi ego illum inbeó quadrigis cúrsim ad carnuficém rapi!

160 MI. nóli, amabo, súccensere héro meo causá mea! Égo faxo.... AD. Sine. MI. Nímium irata es! — árgentum pro té dabit

ác te faciet út sis civis Áttica atque líbera.

AD. Quín abire sínis? quid vis tibi? Quí bene volt, bene vís ítem.

MI. Si ánte quidem mentítust, nunc iam dehínc erit veráx tibi.

165 AD. Ábscede hinc, sis, sýcophanta. MI. Páreo. At scin', quómodo?

síne te exorem, síne te prendam aurículis, sine dem sávium!

Iam hércle ego faciam plórantem illum, nísi te facio própítiam;

átque hic me ne vérberet (illud fáciat, nisi te própítio,)

mále formido : nóvi ego huius móres morosí malos.

Quámobrem, amabo, méa voluptas, síne ted 170
exorárier.

AG. Nón ego homo trióboli sum, nísi ego illi ma-
stígiae

éxturbo oculos átque dentes! Hém voluptatém
tibi!

hém mel! hem cor! hém colostram! hém salu-
tem! hem sávium!

MI. Ímpias, here, te! óratorem vérberas. AG. Iam
istóc magis!

ét iam ocellum addam, ét labellum, et língnam!

ML. Ecquid faciés modi? 175

AG. Síccine ego te oráre iussi? ML. Quómodo ergo
orém? AG. Rogas?

Síc enim dicerés, sceleste: Húius voluptas, te ób-
secro,

húius mel, huius cor, húius labellum, húius lin-
gua, huius sávium,

húius colostra, húius dulciculus cáseus, mastígia;
ómnia illa, quae dicebas tua ésse, ea memorarés
mea. 180

ML. Óbsecro hercle té, voluptas húius atque
odiúm meum,

húius amica mámmeata, méa inimica et málevola,
óculus huius, líppitudo méa, mel huius, fél meum,
út tu huic iráta ne sis; aút, si id fieri nón potest,
cápias restim ac té suspendas cúm hero et vostra
fámilia: 185

nám mihi iam vídeó propter te víctitandum sórbilo,
ítaque iam quasi óstreatum térgum ulceribus
géstito,

própter amorem vóstrum. AD. Amabo, mén' pro-
hibere póstulas,

né te verberét, magis quam ne méndax me advor-
súm siet?

190 AN. Áliquíd huic respónde, amabo, cómmode, ne
incómodus

nóbis sit: nam détinet nos dé nostro negótio.

AD. Vérum. — Etiam tibi hánc amittam nóxiam
unam, Agorástocles.

Nón sum irata. AG. Nón es? AD. Non sum.

AG. Da érgo, ut credam, sávium.

AD. Móx dabo, quum ab ré divina rédiero. AG. I
ergo strénue.

195 AD. Séquere me, sorór. AG. Atque audin' ét-
iam? Veneri dícto

múltam meis verbís salutem. AD. Dícam. AG. At-
que hoc audí. AD. Quid est?

AG. Paúcis verbis rém divinam fácito. Atque
audin'? réspice. —

Réspexit. Idém pol Venerem crédo facturám tibi.

ACTUS I. SCENA III.

AGORASTOCLES. MILPHIO.

AG. Quid núnc mi es auctor, Mílphio? ML Ut
me vérberes,

atque aúctionem fácias: nam impuníssume
tibí quidem hercle véndere hasce aedés licet.

AG. Quid iám? ML. Maiorem pártém in ore habi-
tás meo.

5 AG. Supérsede istis vérbis. ML. Quid nunc víst tibi?

AG. Trecéntos Philippos Cóllybisco víllico
dedi dúdum, priusquam me évocavistí foras.

Nunc óbsecro te, Mílphio, hanc per d́xteram,
perque hánc sororem laévam, perque oculós tuos,
perque méos amores, pérque Adelphasiúm meam, 10
perqué tuam libertátem. MI. Hem, nunc nihil
óbsecras.

AG. Mi Mílphidisce, méa commoditas, méa salus,
fac, quód facturum te ésse promisistí mihi,
ut ego h́nc lenonem pérdam. MI. Perfacile íd
quidem est.

I, addúce testes técum; ego intus ínterim 15
iam et órnementis méis et sycophántiis
tuum éxornabo villicum. Propera átque abi!

AG. Fugió. MI. Meum est istuc mágis offícium,
quám tuum.

AG. Egone, égone, si istuc lépide effexis r . . .
MI. Í modo.

AG. ut nón ego te hodie MI. Ábi modo!
AG. emittám manu 20

MI. I módo! AG. non hercle méream — ah!
MI. Vah, ábi modo!

AG. quantum Ácherunte est mórtuorum
MI. Etiámne abis?

AG. neque quántum aquai est ín mari
MI. Abitúrusne es?

AG. neque núbis quantum est. . . . MI. Pergin' vero
pérgere?

AG. neque stéllae in coelo MI. Pérgin' aures
túndere? 25

AG. neque hóc, neque illuc; néque enim vero
sério —

neque hércle vero — Quid opust verbis? — Quíp-
pini? —

quod úno verbo — dícere hic quidvís licet —

Neque hércle vero sério — Scin', quómodo?
 30 Ita mé di amabunt — Vín', bona dicám fide?
 quod híc inter nos líceat — ita me Iúpiter —
 Scin', quám? — Vide tu — Crédin', quod ego fá-
 buler?

MI. Si néqueo facere, ut ábeas, egomet ábiero :
 nam istí quidem hercle orátiōi Oédipo
 35 opus cóniectore est, quí sphingi intérprēs fuit.
 AG. Illic hínc iratus ábiit: nunc mihi caútio est,
 ne méamet culpa méo amorí oblexím moram.
 Ibo átque arcessam téstes: quando amor íubet
 meo obédientem me ésse servo líberum.

A C T U S II.

LYCUS. ANTHEMONIDES.

LY. Di illum ínfelícet ómnes, qui post húnc diem
 leno úllam Veneri unquam ímmolarit hóstiā,
 quive úllum thuris gránū sacrificáverit!
 Nam ego hódie ínfelix díis meis iratíssimis
 5 sex ágnos ímmolávi, nec potuí tamen
 propítiam Venerem fácere uti essét mihi.
 Quoniám litare néqueo, abii illinc íllico
 irátus; vetui éxta prosicárier,
 neque éa adspicere vólui. Quoniam nón bona
 10 harúspex dixit, deam ésse indignam crédidi.
 Eo pácto avarae Veneri pulcre adií manum.
 Quando íd, quod sat erat, sátis habere nóluit,
 ego páusam feci. Síc ago, sic mé decet.
 Ego fáxo posthac dí deaeque céteri
 15 conténtiores máge erunt, atque avidí minus,

quum scibunt, Veneri ut adierit lené manum.

Condigne haruspex, nón homo trióboli,

omnibus in extis asbat portendí mihi

malúm damnumque, et déos esse iratós mihi.

Quid éi divini aut húmani aequum est crédere? 20

Miná mihi argenti dóno postillá data est.

Sed, quaéso, ubinam illic réstitit milés modo,

qui hanc míhi donavit, quem égo vocavi ad prándium?

Sed éccum incedit. AN. Ita, ut occepi dícere,

lenúlle, de illac púgna Pentethrónica, 25

qua séxaginta míllia hominum unó die

voláticorum má nibus occidí meis.

LY. Ehem voláticorum hóminum? AN. Ita dicó quidem.

LY. An, óbsecro, usquam sùnt homines volátici?

AN. Fuére; verum ego interfeci. LY. Quómodo 30

potuísti? AN. Dicam. Viscum legioní dedi

fundásque; eo praesternébant folia fárferei.

LY. Quoi réi? AN. Ne ad fundas viscus adhaerésceret.

LY. Perge: óptume hercle péieras. Quid póstea?

AN. In fúndas visci indébant grandiculós globos; 35

eo illós volantes iússi funditárier.

Quid múlta verba? quémquem visco offénderant,

tam crébri ad terram decidebant, quám pira.

Ut quisque acciderat, eúm necabam sílico

per cérebrum pinna súa sibi, quasi túrturem. 40

LY. Si hercle ístuc unquam fáctum est, tum me

Iúpiter

faciát, ut semper sácrificem, nunquám litem.

AN. An mi haéc non crédis? LY. Crédo, ut mi

aequom est crédier.

- Age, eámus intro, dum éxta referuntúr. AN. Vole
 45 narráre tibi etiam únámpugnam. LY. Níhil moror.
 AN. Auscúta. LY. Non, hercle! AN. Ímo iam
 elidám caput
 tuum, nísi auscultas, aút is in malám crucem!
 LY. Malám crucem ibo pótius. AN. Certumne
 ést tibi?
 LY. Certúm. AN. Tum tu igitur díe bono,
 Aphrodísiis,
 50 addíce tuam mihi méretricem minúsculam.
 LY. Ita rés divina míhi fuit: res sérias
 omnés extollo ex hóc díe in aliúm díem.
 Profécto festos hábeam, decretúm est míhi.
 Nunc hínc eamus íntro. Sequere hac mé. AN. Se-
 quor.
 55 In húncc díem iam tús sum mercenárius.
-

ACTUS III. SCENA I.

ACORASTOCLES. ADVOCATI.

- AG. Íta me di ament, tárdó amico níhil est quid-
 quam iníquiús,
 praésertím homini amánti, qui, quidquíd agit,
 properat ómnia:
 sícut ego hos duco ádvocatos, hómines spissigra-
 díssumos,
 tárdiores quámcórbítae súnť in tranquilló mari.
 5 Átque equidem hercle dédita ópera amícos fugi-
 taví senes:
 scíbam aetate tárdiores: métui meo amorí moram:

néquidquam hos procós mi elegi lóripedes, tardíssumos.

Quín, si ituri hodie éstis, ite, aut íte hinc in malám crucem!

Síccine oportet íre amicos hómini amanti operám datum?

Nam íste quidem gradús succretust críbro polli-
nário:

10

nísi cum pedicis cóndidicistis síc hoc grassari gradu.

AD. Heús tu, quamquam nós videmur tíbi plebei et paúperes:

sí nec recte dícis nobis, díves de summó loco, dívitem audactér solemus máctare infortúnio; néc tíbi obnoxíi sumus istuc, quíd tu ames aut óderis.

15

Quum árgentum pro cápite dedimus, nóstrum dedimus, nón tuum:

líberos nos ésse oportet. Nós te nihili péndimus: né tuo nos amóri servos tu ésse addictos cénseas. Líberos hominés per urbem módico magis par ést gradu

íre; servile ésse duco, féstinantem cúrrere.

20

Praésertim in re pópuli placida, atque ínterfectis hóstibus,

nón decet tumúltuari. Séd si properabás magis, prídíe nos te ádvocatos húc duxisse opórtuit.

Né tu opinere, haúd quisquam hodie nóstrum curret pér vías,

néque nos populus pró cerritis ínsectabit lápidibus.

25

AG. Át si ad prandiúm me in aedem vós dixissem dúcere,

vínceretis cérvom cursu, vél grallatorém gradu.

- Núnc vos quia mihi ádvocatos díxi et testes dúcere,
pódagrosi estis, ác vicistis cóchleam tarditúdine.
- 30 AD. Át vero, non iústa causa est, quó curratur
céleriter,
úbí bibas, edás de alieno, quántum velis, usque
áffatim,
quód tu invitus núnquam reddas dómino, de quo
éderis?
- Séd tamen quomodócumque, inquam, quámquam
sumus paupérculi,
ést domi, quod édimus: ne nos tám contemtim
cónteras.
- 35 Quidquid est pauxíllulum illuc, nóstrum illud
omne íntus est;
néque nos quemquam flágitamus, néque nos
quisquam flágitat.
Tuá causa nemó nostrorum est súos rupturus rá-
mices.
- AG. Nímis iracundi éstis: equidem haec vóbis
dixi pér iocum.
- AD. Pér iocum itidem díctum habeto, quae nos
tibi respóndimus.
- 40 AG. Óbsecro hercle, operám celocem hanc míhi,
ne corbitám date!
Áttrepidate sáltem: nam vos ápproperare haud
póstulo.
- AD. Sí quid tu placide ótioseque ágere vis, ope-
rám damus;
sí properas, cursóres meliust te ádvocatos dúcere.
- AG. Scítis (rem narrávi vobis), quód vostra opera
mi ópus siet
- 45 dé lenone hoc, quí me amantem lúdificatur tám
diu:

ei paratae ut sint insidiae de auro et deservó meo.

AD. Omnia istaec scimus iam nos, si hí spectatores sciant.

Hórunc hic nunc caúsa haec agitur spéctatorum fábula:

hós te satius ést docere, ut, quándo agas, quid agás, sciant.

Nós tu ne curássis: scimus rem ómnem: quippe omnés simul

50

dídicimus tecum úna: ut respondére possimústibi.

AG. Íta profecto est; séd agite, igitur út sciam vos scíre, rem

éxpedite, et míhi, quae dudum vóbis dixi, dícite.

AD. Ítane tentas, án sciamus? Non meminisse nós ratus,

quómodo trecéntos Philippos Cóllybisco víllico déderis, quos deférret huc ad lénonem, inimicúm tuum,

55

isque se ut adsimuláret peregrinum áliunde, ex alio óppido?

Úbi is tetulerit, tu éo quaesitum sérvom adventés tuum

cúm pecuniá. AG. Meministis mémoriter: servástis me.

AD. Ílle negabit: Mílphionem quaéri censebít tuum.

60

Íd duplicabit ómne furtum: léno addicetúr tibi.

Ád eam rem nos ésse testes vís tibi. AG. Tenétis rem.

AD. Vix quidem hercule (íta pauxilla est) dígitulís primóribus.

AG. Hóc cito et cursim ést agendum. Própera iam, quantúm potest!

- 65 AD. Bène vale igitur: te ádvocatos mélius cele-
ris dúcere:
tárdi sumus nos. AG. Óptume itis, péssume
hercle díctis.
Quín etiam decíderint vobis fémina in talós velim.
AD. Át edepol nos tibi in lumbos línguam, atque
oculos in solum.
AG. Héia, haud vostrum est, iracundos ésse, quod
dixí ioco.
70 AD. Néc tuum quidem ést, amicis pér iocum in-
iusté loqui.
AG. Míttite istaec. Quíd velim vos, scítis. AD. Cal-
lemús probe:
lénonem periúrum ut perdas, íd studes. AG. Te-
nétis rem.
Écce opportune égređiuntur Mílphio una et vñlicus.
Básilice exornátus cedit ét fabre ad falláciam.

ACTUS III. SCENA II.

MILPHIO. COLLYBISCUS. AGORASTOCLES.
ADVOCATI.

- MI. Iám tenes praecépta in corde? CO. Púlcre.
MI. Vide, sis, cálleas.
CO. Quíd opust verbis? cállum aprugnum cállere
aeque nón sinam.
MI. Fác modo, ut condócta tibi sint dícta ad hanc
falláciam.
CO. Quín edepol condóctior sum, quám tragoedi
aut cómici.

MI. Próbns homo es. AG. Adeámus propius. —

Ádsunt testes. MI. Tót quidem

5

nón potuisti addúcere homines mágis ad hancrem
idóneos:

nam ístorum nullús nefastu'st; cómitiales súnť
meri;

sibi habitant; ibi éos conspicias, quám praetorem,
saépius.

Hódie iuris cóctiores nón sunt, qui lités creant,
quám sunt híce; quí, si nihil est lítium, lités serunt. 10

AD. Dí te perdant! MI. Vós quidem comméndo,
quom, quiquí, tamen

ét bene et benígne facitis, quóm hero amanti ope-
rám datís.

Séd isti iam sciúnt, negoti quíd sit? AG. Omnem
rem órđine.

MI. Túm vos animum advórtíte igitur. Húnc vos
lenoném Lycum

nóvistis? AD. Facile. CO. Át ego pol eum, quá
sit facie, nésco: 15

éum volo mihi démonstretis hóminem. AD. Nos
curábimus:

sátis praeceptum. AG. Híc trecentos númos nu-
meratós habet.

AD. Érgo nos inspícere oportet ístuc aurum, Ago-
rástocles,

út sciamus, quíd dicamus móx pro testimónio.

AG. Ágite, inspícite. CO. Aurum ést profecto,
spéctatores, cómicum: 20

mácerato hoc píngues fiunt aúro in Barbariá
boves;

vérum ad hanc rem agúndam Philippum est.

AD. Íta nos adsimulábimus.

CO. Séd ita adsimulatôte, quasi ego sîm peregrinus. AD. Scîlicet;

ét quidem, quasi tú nobiscum advéniens hodie oráveris,

25 lîberum ut commônstraremus tîbi locum et voluptárium,

úbi ames, potes, pérgraecere. MI. Heu édepol mortális malos!

AG. Égo enim docui. MI. Quis te porro?

CO. Agite, întro abite, Agorástocles: ne híc vos mecum cónspicetur lénô, neu falláciae praépedimentum óbiciatur. MI. Híc homo sapientér sapit:

30 fácite, quod iubét. AG. Abeamus. Séd, vos! satis dictúm est? CO. Abi.

AG. Ábeo. Quaeso, di ímmortales. CO. Quín abis? AG. Abeó. CO. Sapis. St!

táce! AD. Quid est? CO. Fores háe fecerunt mágnum flagitiúm modo.

AD. Quid id est flagitií? CO. Crepuerunt cláre.

AD. Di te pérduint!

Póne nos recéde. CO. Fiat. AD. Nós priores íbimus.

35 CO. Fáciunt, scurrae quód consuerunt: póne sese hominés locant.

AD. Íllic homo est, qui egréditur, leno. CO. Bónus est: nam similís malo est.

lám nunc ego illi égradienti sánguinem exsugám procul.

ACTUS III. SCENA III.

LYCUS. ADVOCATI. COLLYBISCUS.

LY. Iam istuc revortar, mīles: convivās volo
reperīre nobis cōmmodos, qui unā sient.

Intéribi attulerint éxta; atque eádem múlieres
iam ab ré divina, crédo, apparebúnt domi.

Sed quid húc tantum hominum incédunt? ecquid-
nam áfferunt? 5

et ille chlamydatum quísnam est, qui sequitur
procul?

Aetólus haud est. AD. Té salutamús, Lyce,
quamquam hānc salutem férimus invití tibi, et
quanquām bene volumus leniter lenónibus.

LY. Fortúnati omnes sítis, quod certé scio 10
nec fóre, nec Fortunam íd situram fieri.

AD. Istic ést thesaurus stúltis in linguá situs,
ut quaéstui habeant mále loqui melióribus.

LY. Viám qui nescit, quá-deveniat ad mare,
eum opórtet amnem quaérere comitém sibi. 15

Ego mále loquendi vóbis nesciví viam:
nunc vós mihi amnes éstis: vos certúm est sequi.

Si bénedicetis, vóstra ripa vós sequar;
si máledicetis, vostro gradiar límite.

AD. Maló benefacere tántundem est perículum, 20
quantúm bono malefácere. LY. Qui veró? AD.

Scies.

Maló si quid benefácias, beneficium ínterit;
bonó si quid malefácias, aetatem éxpedit.

LY. Facéte dictum! Séd quid istuc ad me áttinet?

AD. Quia nós honoris tuí causa huc advénimus, 25

quamquám bene volumus leniter lenónibus.

LY. Si quíd boni apportátis, habeo grátiam.

AD. Boní de nostro tibi nec ferimus nec damus,
neque póllicemur, néque adeo volumús datum.

30 LY. Credo hércle vobis: íta vostra est benígnitas.

Sed quíd nunc voltis? AD. Húnc chlamydatum
quém vides,

ei Márs iratust. CO. Cápiti vostro istúc quidem!

AD. Hunc núnc, Lyce, ad te díripiendum addú-
cimus.

CO. Cum praéda hic hodie incédet venatór do-
mum:

35 canés compellunt ín plagas lepidé Lycum.

LY. Quis hic ést? AD. Nescimus nós istum qui-
dem, quí siet,

nisi, dúdum a mane ut ad portum procéssimus,
atque ístunc e navi éxenntem onerária
vidémus. Adiit ad nos extemplo éxiens;

40 salútat; respondémus. CO. Mortalés malos!
ut ingrediuntur dócte in sycophántiam!

LY. Quid deínde? AD. Sermonem íbi nobiscum
cópulat:

ait, sé peregrinum esse, húius ignarum óppidi;
locúm sibi velle líberum praebérier,

45 ubi néquam faciat. Nós hominem ad te addúxi-
mus.

Tu, sí te di amant, ágere tuam rem occasio est.

LY. Itane ílle est cupiens? AD. Aúrum habet. LY.

Praeda haéc mea est!

AD. Potáre, amare vólt. LY. Locum lepidúm
dabo.

AD. At ením clam furtim hic ésse vólt, ne quí
sciant,

neve árbitet sit: nam híc latro in Spartá fuit, 50
ut quidem ípse nobis díxit, apud regem Áttalum;
inde húc anfugit, quóniam capitur óppidum.

co. Nimis lépide de latróne, de Sparta óptume!

LY. Di deaéque vobis múlta bona dent, quúm
mihi

et béne praecipitis, ét bonam praedám datis! 55

AD. Imo, út ipse nobis díxit, quo accurés magis,
trecéntos numos Philíppos portat praésidii.

LY. Rex súm, si ego illum hodie hóminem ad me
alléxero.

AD. Quin híc quidem tuus est. LY. Óbsecro her-
cle, hortámini,

ut dévortatur ad me in hospítium óptimum. 60

AD. Neque nós hortari néque dehortari decet
hominém peregrinum: tuám rem tu ages, sí sapis.
Nos tñbi palumbem ad áream usque addúximus:
nunc te illum melius cápere, si captum ésse vis.

LY. Iamne ítis? co. Quid, quod vóbis mandavi,
hóspites? 65

AD. Cum illóc te melius tuám rem, adulescéns,
loqui:

illic ést ad istas rés probus, quas quaéritas.

co. Vidére equidem vos véllem, quum huic au-
rúm darem.

AD. Illínc procul nos ístuc inspectábimus.

co. Bonám dedistis mihi óperam. LY. It ad mé
lucrum. 70

co. Illúc quidem, quorsum ásinus caedit cál-
cibus.

LY. Blande hóminem compellábo. — Hospes
hóspitem

salútat: salvom te ádvenire gaúdeo.

co. Multá tibi di dent bóna, quum me salvom
esse vis.

75 LY. Hospítium te aiunt quaéritare. co. Quaérito.

LY. Ita illí dixere, qui hínc a me abierúnt modo,
te quaéritare a músdis. co. Minume géntium.

LY. Quid itá? co. Quia, a musdis sí mi hospi-
tium quaérerem, huc

advéniens, irem in cárcerem rectá via.

80 Ego id quaéro hospitium, úbi ego curer móllius,
quam régi Antiocho óculi curarí solent.

LY. Edepól nae tibi possum illum festivúm dare,
siquidém potes pati esse te in lepidó loco,
in lécto lepide stráto, lepidam múlierem

85 compléxum contrectáre te. ... co. Is, lenó, viam.

LY. ubi tú Leucadio, Lésbio, Thasió, Çoo,
vetustáte vino edéntulo aetatem irriges.

Ibi té replebo úsque unguentúm eccheúmatís.

Quid múlta verba? Fáciam, ubi tu láveris,

90 ibi ut bálneator fáciat unguentáriam.

Sed haéc latrocinántur, quae ego dixi, ómnia.

co. Quid itá? LY. Quia aurum póscunt prae-
sentárium.

co. Quin hércle accipere tú non mavis, quam
égo dare.

[LY. Quin sequere me intro. co. Duc ergo me
intro. Addictum tenes.]

95 AD. Quid, si évocemus húc foras Agorástoclem,
ut ípse testis sít sibi certíssimus? —

Heus tú, qui furem cáptas, egredere ócius,
ut túte inspectes aúrum lenoní dare.



ACTUS III. SCENA IV.

AGORASTOCLES. ADVOCATI. COLLY-
BISCUS. LYCUS.

AG. Quid ést? quid voltis, téstes? AD. Specta
ad dexteram:

tuus sérvos aurum ípsi lenoní datat.

CO. Age, áccipe hoc, sis: híc sunt numerati aúrei
trecénti numi, quí vocantur Philíppei.

Hinc mé procura. Própere hosce absumí volo. 5

LY. Edepól fecisti pródigum promúm tibi.

Age, eámus intro. CO. Té sequor. LY. Age,
age, ámbula;

ibique ália reliqúia úna fabulábimur.

CO. Equidém narrabo tibi res Spartiáticas.

LY. Quin séquere me ergo. CO. Abdúc intro: ad-
dictúm tenes. 10

AG. Quid núnc mi auctores éstis? AD. Ut frugí
sies.

AG. Quid, si ánimus esse nón sinit? AD. Esto, út
sinit.

AG. Vidístis, leno quum aúrum accepit? AD. Ví-
dimus.

AG. Eum vós meum esse sérvom scitis? AD. Scí-
vimus.

AG. Rem advórsus populi saépe leges? AD. Scí-
vimus. 15

AG. Hem, istaéc volo ergo vós commeminisse ómnia,
mox quom ád praetorem úsus veniet. AD. Mé-
minimus.

AG. Quid, sí recenti re aédis pultem? AD. Cénseo.

- AG. Si púltem, non reclúdet? AD. Panem frángito.
- 20 AG. Si exíerit leno: cénsen' hominem intérogem,
 meus sérvos si ad eum vénit, nec ne? AD. Quíppini?
- AG. cum auri ducentis númis Philippis? AD.
 Quíppini?
- AG. Ibi extémplo leno errábit. AD. Qua de ré?
- AG. Rogas?
- Quia céntum numis mínus dicetur. AD. Béne putas.
- 25 AG. Aliúm censebit quaéritari. AD. Scílicet.
- AG. Extémplo denegábit. AD. Iuratús quidem.
- AG. Homo fúrti sese adstrínget AD. Hand
 dubium íd quidem est.
- AG. quantúmquantum ad eum érit delatum. AD.
 Quíppini?
- AG. Diéspiter vos pérduít! AD. Te quíppini?
- 30 AG. Ibo ét pultabo iánuam hanc. AD. Ita. Quíppini?
- AG. Tacéndi tempus ést: nam crepuerúnt fores.
 Forás egredier vídeo lenoném Lycum:
 adéste, quaeso! AD. Quíppini? Quin, sí voles,
 operíre capita, né nos leno nóverit;
- 35 qui illí malae rei tántae fuimus ínlices.

ACTUS III. SCENA V.

LYCUS. AGORASTOCLES. ADVOCATI.

LY. Suspéndant omnes núnc iam se harúspices.
 Quid ego illis posthac, quód loquantur, créduam?
 qui in ré divina dúdum dicebánt, mihi

malum damnumque maximum portendier;
is explicavi meam rem postillam lucro.

5

AG. Salvos sis, leno. LY. Di te ament, Agorastocles.

AG. Magis me benigne nunc salutas, quam antidhac.

LY. Tranquillitas evenit, quasi navi in mari.

Utcumque est ventus, exin velum vortitur.

AG. Valeant apud te, quas volo, atque haud te volo.

10

LY. Valent, ut postulatum est; verum non tibi.

AG. Mitte ad me, sodes, hodie Adelphasium tuam die festo celebri nobilique, Aphrodisiis.

LY. Calidum prandisti prandium hodie? dic mihi.

AG. Quid iam? LY. Quia os nunc frigiditas, quum rogas.

15

AG. Hoc age, sis, leno: servom esse audivi meum apud te. LY. Apud me? nunquam factum reperies.

AG. Mentire: nam ad te venit aurumque attulit. Ita mihi renuntiatum est, quibus credo satis.

LY. Malus es: captatum me advenis cum testibus. Tuorum apud me nemo est, nec quidquam tui.

20

AG. Mementote illuc, advocati. AD. Meminimus.

LY. Ha ha he, iam teneo, quid sit; perspexi modo.

Hi, qui illum dudum conciliaverunt mihi peregrinum Spartanum, id nunc his cerebrum uritur,

25

me esse hos trecentos Philippos facturum lucri: nunc, hunc inimicum quia esse sciverunt mihi, eum adlegaverunt, suum qui servom diceret cum auro esse apud me. Composita est fallacia: ut eo me privent atque inter se dividant.

30

Lupo agnum eripere postulant. Nugas agunt.

AG. Negásne, apud te esse aúrum, nec servóm meum?

LY. Nego; ét negando, sí quid refert, rávio.

AD. Perísti, leno: nam íste est huíus villicus,
 35 quem tíbi nos esse Spártiatem díximus,
 qui ad té trecentos módo Philippos détulit;
 idque ádeo in istoc aúrum inest marsúpio.

LY. Vae vóstrae actati! AD. Íd quidem in mun-
 do ést tuae.

AG. Age, omítte actutum, fúrcifer, marsúpium!
 40 Manufésto fur es míhi. — Quaeso hercle, ope-
 ráam date,

dum mé videatis sérvom ab hoc abdúcere.

LY. Nunc pól ego perii cértó, haud arbitrário!
 Consúlto hoc factum est, míhi ut insidiae fíerent.
 Sed quíd ego dubito fúgere hinc in malám crucem,
 45 priúsqvam obtorto cóllo ad praetorém trahor?
 Eheú! quam ego habui áriolos harúspices,
 qui sí quid bene promíttunt, pro spisso évenit;
 id quód mali promíttunt, praesentárium est.
 Nunc íbo; amicos cónsulam, quo mé modo —
 50 suspéndere aequom cénseant potíssimum.

ACTUS III. SCENA VI.

AGORASTOCLES. COLLYBISCUS.

ADVOCATI.

AG. Age tú, progredere, ut téstes videant té [ire
 istinc], foras.

Estne híc servos meus? co. Sum [me] hércle
 vero, Agorástocles.

AG. Quid nunc, scelesté leno? AD. Quicum litigas, abscéssit. AG. Utinam hinc abierit malám crucem!

AD Ita nós velle aequom est. AG. Crás subscribam hominí dicam.

5

CO. Numquid me . . .? AG. Abscedas; súmas ornatúm tuum.

CO. Non súm nequidquam míles factus: paúlulum praedae íntus feci: dúm lenonis fámilia dormítat, extis súm satur factús probe.

Abscédam hinc intro. AG. Fáctum a vobis cómiter. 10

Bonám dedistis, ádvocati, operám mihi.

Cras máne, quaeso, in cómitio estote óbviám.

Tu séquere me intro. Vós valeté. AD. Et tú vale.

Iniúriam illic ínsignite póstulat:

nostró sibi servíre nos censét cibo. 15

Verum íta sunt [omnes] ístí nostri dívites:

si quíd bene facias, lévior pluma est grátia;

si quíd peccatum est, plúmbeas irás gerunt.

Domós abeamus nóstras, sultis, nunc iam:

quando íd, quói rei operam dédimus, impetrávimus, 20

ut pérderemus córruptorem cívium.

ACTUS IV. SCENA I.

MILPHIO.

Expécto, quo pactó meae technae processurae sient.

Studeo hunc lenonem pérdere, velut méum herum miserum mácerat;

is me autem porro vérberat, incúrsat pugnīs, cálibus.

Servíre amanti míseria est, praesértim qui, quod
amat, caret.

- 5 Attát, e fano récipere videó se Syncerástum
lenónis servum. Quíd habeat sermónis, auscultábo.

ACTUS IV. SCENA II.

SYNCERASTUS. MILPHIO.

SY. Sátis spectatum est, déos atque homines efus
neglegere grátiam,
cuí homini herus ést consimilis, vélut ego habeo
hunc huiusmodi.

Néque periuriór neque peior álter usquam est
géntium,
quám herus meus est, néque tam luteus, néque
tam coeno cóllitus.

- 5 Íta me di ament, vél in lautumiis vél in pistrino
mávelim

ágere aetatem, praépeditus látera forti férreo,
quam ápod lenonem hanc sérvitutem cólere. Quid
illuc ést genus!

quaé illic hominum córruptelae fíunt! Di, vo-
strám fidem,

quódvis genus ibi hóminum videas, quási Ache-
runtem véneris,

- 10 équitem, peditem, líbertinum, fúrem an fugiti-
vúm velis,

vérberatum, víntum, addictum. Quí habet, quod
det, útut homo est,

ómnia genera récipiuntur: itaque in totis aédibus
ténébrae, latebrae; bíbitur, estur, quási in popi-
na, haúd secus.

ibi tu videas litératas fictiles epístolas,
píce signatas; nómina insunt cúbitum longis líteris: 15
íta vinariórum habemus nóstrae delectúm domi.

MI. Ómnia edepol míra sunt, nisi hérus hunc he-
redém facit:

nám is quidem illi, út meditatur, vérba facit
emórtuo.

Ét adire lubet hóminem, et autem nímis eum au-
scultó lubens.

SY. Haéc quum hic video fíeri, crucior, prétiis
emtos máxumis 20

ápuđ nos expecúliatos sérvos fieri súis heris.

Séd ad postremum nílil appāret: male partum
male díspérit.

MI. Proínde habet hic orátionem quási ipse sit
frugí bonae,
qui ípsus hercle ignáviozem pótis est facere igná-
viam.

SY. Núnc domum haec ab aéde Veneris réfero
vasa, ubi hóstiis 25

hérus nequivit própitiare Vénerem suo festó die.

MI. Lépidam Venerem! SY. Nám meretrices nó-
strae primis hóstiis

Vénerem placavére extemplo. MI. O lépidam Ve-
nerem dénuo!

SY. Núnc domum ibo. MI. Heus, Sýnceraste!
SY. Sýncerastum quí vocat?

MI. Túus amicus. SY. Haúd amice fácis, qui cum
onere offérs moram. 30

MI. Át ob hanc rem tibi réddam operam, úbi vo-
les, ubi iússeris.

Hábe rem pactam. SY. Sí futurum est, dó tibi
operam hanc. MI. Quó modo?

SY. Út enim, ubi mihi vâpulandum est, túte corium súfferas.

MI. Ápage. SY. Nescio, quíd viri sis. MI. Málus sum. SY. Tibi sis. MI. Té volo.

35 SY. Át onus urget. MI. Át tu appone, et réspice ad me. SY. Féceró, quámquam haud otium ést. MI. Salvos, sis, Sýnceraste. SY. O Mílphio, di ómnes deaeque amént MI. Quemnam hominem? SY. Néc te, nec me, Mílphio: néque herum meum ádeo. MI. Quem ament ígitur? SY. Alium quémlibet: nám nostrorum némo dignust. MI. Lépide loquere. SY. Mé decet.

40 MI. Quíd agis? SY. Facio, quód manifesto moéchi haud fermé solent. MI. Quíd id ést? SY. Refero vása salva. MI. Dí te et tuum herum pérduint!

SY. Mé non perdant; íllum ut perdant, fácere possim, sí velim, méum herum ut perdant, ní mihi metuam, Mílphio. MI. Quid id ést? cedo.

SY. Málus es? MI. Malus sum. SY. Mále mihi ést. MI. Memorádum: esse alitér decet.

45 Quíd est, quod male sit [tíbi], quoi domi ést, quód edis, quod ames, ádfatim? néque triobolum úllum amicae dás, et ductas grátiis.

SY. Diéspiter me síc amabit MI. Út quidem edepol dígnus es.

SY. út ego hanc familiam ínterire cúpio. MI. Adde operam, sí cupis.

SY. Sine pennis volare haud facile est: meae alae
pennas non habent.

MI. Nólito edepol dévellisse: iam his duobus
ménsibus

50

vólucres tibi erunt tuae hircinae. SY. I in malam
rem! MI. I tu atque herus!

SY. Vérum enim qui bene eum norit, cito homo
pervortí potest.

MI. Quid iam? SY. ** Quasi tú tacere quidquam
potis sis. MI. Réctius

tácitas tibi res sistam, quam, quod dictum est
mutae mulieri.

SY. Ánimum inducam fáciie, ut tibi istuc crédam,
ni te nóverim.

55

MI. Créde audacter méo periclo. SY. Mále cre-
dam, et credám tamen.

MI. Scín' tu, herum tuúm meo hero esse inimícum
capitalém SY. Scio.

MI. própter amorem? SY. Omnem óperam perdis.
MI. Quid iam? SY. Quia doctúm doces.

MI. Quid ergo dubitas, quín lubenter túo hero
meus, quod póssiet

fácere, faciat mále, eius merito? Tum áútem, si
quid tu ádiuvás,

60

éo facilius póterit facere. SY. Át ego hoc metuo,
Mílphio

MI. Quid est, quod metuas? SY. dúm hero insi-
dias páritem, ne a te pérduar.

Sí herus meus med ésse locutum quósqum mor-
talí sciat,

cóntinuo is me ex Sýncerasto Crúrifragium fécerit.

MI. Núnquam edepol mortális quisquam fíet e me
cértior:

65

nísi hero meo uni indicasso; atque eí quoque, ut
ne enúntiet,

íd esse facinus éx ted ortum. SY. Mále credam,
et credám tamen.

Séd hoc tu tecum táctum habeto. MI. Fidéi non
melius créditur.

Lóquere (locus occasioque est) líbere: hic soli
sumus.

70 SY. Hérus si tuus volet fácere frugi, méum herum
perdet. MI. Qui íd potest?

SY. Fácile. MI. Fac ergo id fácile noscam, út
ille possit nóscere.

SY. Quía Adelphasium, quám herus deamat túus,
ingenua est. MI. Quó modo?

SY. Eódem modo, quo sóror illius áltera Anterá-
stylis.

MI. Séd qui íd credám? SY. Quía illas emit ín
Anactorio párvolas

75 dé praedone Sículo. MI. Quanti? SY. Duóde-
vigintí minis.

MI. Dúas illas duodéviginti? SY. Et nútricem
earum tértiam.

Ét ille, qui eas vendébat, dixit, sé furtivas véndere:
íngenuas Carthágine aibat ésse. MI. Di, vostrám
fidem,

nímium lepidum mémoras facinus: nam hérus
meus Agorástocles

80 íbidem gnatust; índé surreptus fére sexennis;
póstibi

qui éum surripuit, húc devexit meóque hero eum
hic véndidit;

ís in divítias hómo adoptavit húc, quum diem
obiút suum.

SY. *Omnia memoras, quo id facilius fiat: manu
eas adserat,
suas populares, liberali causa.* **ML.** *Tacitus tace
modo.*

SY. *Profecto ad incitas lenonem rediget, si eas
abduxerit.*

85

ML. *Quin prius disperibit faxo, quam unam cal-
cem civerit:*

ita paratum est. **SY.** *Ita di faxint, ne apud leno-
nem hunc serviam!*

ML. *Quin hercle meus collibertus faxo eris, si di
volent.*

SY. *Ita di faxint! Numquid aliud me morare,
Mílphio?*

ML. *Valeas, beneque ut tibi sit.* **SY.** *Pol istuc tibi
et hero tuo est in manu.*

90

Vale et haec cura clanculum ut sint dicta. **ML.**
Non dictum est. Vale.

SY. *At enim nihil est, nisi, dum calet, hoc agitur:*
ML. *Lepidus, quum mones,*

et ita hoc fiet. **SY.** *Proba materies est, si pro-
bum adhibes fabrum.*

ML. *Potin ut taceas?* **SY.** *Taceo atque abeo.* **ML.**
Míhi commoditatem creas.

*Illic hinc abiit. Di immortales meum herum ser-
vatum volunt*

95

*et hunc disperditum lenonem: tantum eum instat
exitii.*

*Satine, priusquam unum est iniectum telum, tum
instat alterum?*

*Ibo intro, haec ut meo hero memorem: nam huc
si ante aedes evocem,*

quaéque audivístis modo, nunc si éadem hic ite-
rem, inscítia est.

100 Héro uni intus ero ódio potius, quam híc sim vo-
bis ómnibus.

Di ímmortales, quíd malorum, quánta advenit
cálamitas

hódie ad hunc lenónem! Sed ego núnc nil est, cur
mé morer.

Íd negotium ístitutum est: nón datur cessátio:
nám et hoc docte cónsulendum, quód modo con-
créditum est,

105 ét illud autem insérviendum est cónsilium verná-
culum.

Rémora si sit: quí malam rem míhi det, merito
fécerit.

Núnc intro ibo; dum hérus adveniat á foro, op-
periár domi.

A C T U S V. S C E N A I.

H A N N O .

Hyth álonim vuálonuth sicórathi sí macóm sith
chí mlách chunyth mumýs tyal mictíbariim íschí,
lip hó canet hith býnuthi ad aédin bynuthíi.

Birnárob syllo homálonin ubý misyrthóho

5 bythlým mothym noctóthii veléch Antidasmáchon.

Yssídele berím thyfel yth chýlys chon, tem, lýphul
uth býnim ysdibút thínno cuth nú Agorastócles
ythé manet ihý * * chyrseá lycoch sith náso
byúni id chil lúhili gubýlim lasibít thym

10 bodyályth heráyn nyn nuýs lym moncoth lúsím.

[Exálonim volanus succurátim mistim atticum esse

concúbitum a belló cutim beánt lalacant chóna
 nús es huiéc silec panésse Athidamáscon
 Além * * indúberte felóno * * buthúme
 eltúm comucro lúeni, at énim avoso úber 15
 ent byách Aristoclem ét se te aneché nasoctellá
 élícos alemús [in] dubertér mi comps vespíti
 ródeanec líctor bodes iússum limnicólus.]

Deós deasque véneror, qui hanc urbém colunt,
 ut, quód de mea re huc véni, rite vénerim,
 measque híc ut gnatas ét mei fratris fílium
 reperíre me sirítis, dí, vostrám fidem!
 quae míhi subreptae súnť, et fratris fílium. 5
 Sed híc mihi antehac hóspes Antidamás fuit.
 Eum fécissee aiunt, síbi quód faciundúm fuit.
 Eius fílium esse híc praédicant Agorástoclem.
 Ad eum hóspitalem hanc tésseram mecúm fero.
 In híscé habitare mónstratu' st regiónibus. 10
 Hos pércontabor, qui húc egrediuntúr foras.

ACTUS V. SCENA II.

AGORASTOCLES. MILPHIO. HANNO.

AG. Ain' tú, tibi dixé Sýncerastum, Mílphio,
 as ésse ingenuas ámbas, subreptítias
 Cartháginiensis? ML. Áio, et, si frugi ésse vis,
 as líberali iam ádseres causá manu.
 Nam túum flagitium est, tuás populares té pati 5
 ervíre ante oculos, dómi quae fuerint líberae.

- HA. Proh di immortales, óbsecro vostrám fidem,
quam orátionem hanc aúres dulcem dévorant!
Creta ést profecto hórum hominum orátio,
10 ut mi ábsterserunt ómnem sorditúdinem!
AG. Si ad eám rem testis hábeam, faciam, quód
iubes.
- MI. Quid tú mihi testis? quín tu insistis fórtiter?
Aliquá Fortuna fúerit adiutríx tibi.
- AG. Incípere multo est, quam ímpetrare, fácilius.
- 15 MI. Sed quaénam illaec avis est, quae húc cum
tunicis ádvenit?
Numnam á balineis, círcumductus pállio?
[Faciés quidem edepol Púnica est. Gugga ést
homo.]
Servós quidem edepol véteres antiquósque habet.
- AG. Qui scís? MI. Viden' homines sárcinatos
cónsequi?
- 20 Atque, út [ego] opino, in mánibus digitos nón
habent.
- AG. Quid iám? MI. Quia incedunt cum ánulatis
aúribus.
- Adíbo ad hosce atque áppellabo Púnice.
Si réspondébunt, Púnice pergám loqui;
si nón, tum ad horum móres linguam vórtero.
- 25 Quid áístu? ecquid [adhuc] cómmeministi Púnice?
- AG. Nihil édepol: nam qui scíre potui, díe mihi,
qui illínc sexennis périerim Carthágine?
- HA. Pro di immortales, hunc ad plurimí modum
periére pueri líberi Carthágine!
- 30 MI. Quid áís tu? AG. Quid vis? MI. Vín' ad-
pellem hunc Púnice?
- AG. An scís? MI. Nullus me est hódie Poenus
Púnior.

AG. Adi átque appella, quíd velit, quid vénerit,
qui sít, quoiatis, únde sit. Ne párseris.

ML. Avó. Quoiates éstis, aut quo ex óppido?

HA. Hannó muthumballé bachaëdréanech. 35

AG. Quid aít? MI. Hannonem sése ait Carthágine,
Cartháginensem Múthumballis fílium.

HA. Avó.... ML. Salutat. HA. Dónni. MI. Doni
vólt tibi

dare hínc nescio quid. Aúdin' pollicéríer?

AG. Salúta hunc rursus Púnice verbís meis. 40

MI. Avó donni hic mihi tíbi inquit verbís suis.

HA. Mehár bocca! MI. Istuc tibi sit potius, quám
mihi!

AG. Quid aít? MI. Miseram esse praédicat buc-
cám sibi.

Fortásse medicos nós esse arbitráríer.

AG. Si ita ést, nega esse: nólo ego errare hóspitem. 45

ML. Audí tu. Rufen núco istam. AG. Síc volo,
profécto vera cúncta huic expedíríer.

Roga, númquid opus sit? MI. Tú, qui zonam nón
habes,

quid in hánc venistis úrbem, aut quid quaérítis?

HA. Muphúrsa. AG. Quid aít? HA. Móin le-
chianna. AG. Quid venit? 50

MI. Non aúdis? mures Áfricanos praédicat
in pómpam ludis dáre se velle aedílibus.

HA. Laléch lachananím líminichot. AG. Quid
núnc aít?

MI. Ligulás canalis áit se advexisse, ét nuces:
nunc órat, operam ut dés sibi, ut ea véneant. 55

AG. Mercátor, credo, est. HA. Ís amar binám.

AG. Quid est?

HA. Palum érga dectha. AG. Mílphio, quid núnc aít?

MI. Palás vendundas sibi ait et mergás datas,
ut hórtum fodiat, átque ut frumentúm metat.

60 AG. Quid ístuc ad me? MI. Cértiorem te ésse volt:
ne quíd clam furtive áceppisse cénseas.

Ad méssim, credo, míssus hic quidém tuam.

HA. Muphónium sucoráim. MI. Hem, cave, sis,
féceris,

quod hic te órat. AG. Quid ait, aut quid orat?
éxpedi.

65 MI. Sub crátim ut iubeas sése supponi, átque eo
lapidés imponi múltos, ut sesé neces.

HA. Gunebél balsamen íerasan! AG. Narrá, quíd est,
quod aít. MI. Non hercle núnc quidem quid-
quám scio.

HA. At út scias, nunc dehínc Latine iám loquar.

70 Servom hércle te esse opórtet et nequam ét malum,
hominém peregrinum atque ádvenam qui irrídeas.

MI. At hércle te hominem et sýcophantam et súb-
dolum,

qui huc ádvenisti nós captatum, mígdilibs,
bisúlcilingua, quási proserpens béstia.

75 AG. Maledícta hinc aufer! língnam compescás face!
maledícere huic tu témporabis, sí sapis:

meis cónsanguineis nólo te iniusté loqui.

Carthágini ego sum nátus: ut tu sis sciens.

HA. O mí popularis, sálve! AG. Et tu edepol,
quísquis es;

80 et sí quid opus est, quaéso, dic atque ímpera,
populáritatis cáusa. HA. Habeo grátiam;

verum ego híchospitiumhábeo: Antidamae fílium
quaeró; commonstra, sí novisti, Agorástoclem.

Ecquem ádulescentem tu hícnovisti Agorástoclem?

85 AG. Si quidem Ántidamai quaéris adoptatítium:

ego sum ípsus, quem tu quaéris. HA. Hem, quid ego aúdio?

AG. Antídamae gnatum me ésse. HA. Si ita est, tésseram, conférre si vis, hóspitalem eccam áttuli.

AG. Agedum, húc ostende. — Est pár probe: nam habeó domi.

HA. O mi hóspes, salve múltum! nam mihi túus pater

90

patrítus ergo hóspes Antidamás fuit.

Haec mihi hóspitalis téssera cum illó fuit.

AG. Ergo híc apud me hospítium tibi praebébitur: namque haúd repudio hospítium neque Cartháginem,

unde súm oriundus. HA. Dí dent tibi omnes, quae velis.

95

Quid ais? qui potuit fieri, ut Cartháginí gnatús sis, hic autem hábuisti Aetolúm patrem?

AG. Subréptus sum illinc; hic Ántidamas hospés tuus

emít me, et is me sibi adoptavit fílium.

HA. Demárcho item ipse fúit adoptatítius.

100

Sed mító de illo, et ad te redeo. Díc mihi:

ecquíd meministi túum parentum nómina?

AG. Patris átque matris mémini. HA. Memora-
dúm mihi,

si nóvi forte, aut sí sunt cognatí mihi.

AG. Ampsícura mater míhi fuit, Iachón pater.

105

HA. Patrem átque matrem víverent vellém tibi!

AG. An mórtui sunt? HA. Fáctum, quod ego ae-
gré tuli:

nam míhi sobrina Ampsícura tua matér fuit,
patér tuus, is erat fráter patruelís meus,

- 110 et is me heredem fécit, quum suum obiit diem;
 quo mé privatum [esse] aégre patior mórtuo.
 Sed sí ita est, ut tu sis Iachonis fílius,
 signum ésse oportet in manu laevá tibi,
 ludénti puero quód momordit símia.
- 115 Osténde, ut inspiciam; áperi. AG. Videsis; éc-
 cum adest.
- MI pátrúe, salve! HA. Et tú salveto, Agorástocles.
 Iterúm mihi gnatus vídeor, quia te réperi.
- MI. Pol istánc rem vobis [bene] évenisse gaúdeo;
 et té moneri núm nevis? HA. Sané volo.
- 120 MI. Patérna oportet réddi filiό bona:
 aequúm est, habere hunc bóna, quae possedít pater.
 HA. Haud póstulo aliter: réstituentur ómnia.
 Suam rém sibi salvam sístam, si illo advénerit.
- MI. Facitó, sis, reddas, étsi hic habitabít tamen.
- 125 HA. Quin méa quoque iste habébit, si quid mé fuat.
- MI. Festívum facinus vénit mi in mentém modo.
- HA. Quid id ést? MI. Tua est opus ópera. HA. Dic
 mihi, quíd lubet.
- Profécito uteris, út voles, operám meam.
 Quid ést negoti? MI. Pótín' tu fieri súbdolus?
- 130 HA. Inimíco possum; amíco est insipiéntia.
- MI. Ininnícus hercle est húius. HA. Male faxím
 lubens.
- MI. Amat á lenone hic. HA. Fácere sapientér puto.
- MI. Leno híc habitat vicínus. HA. Male faxím
 lubens.
- MI. Ei dúae puellae súnt meretrices sérvolae,
 135 soróres; earum hic álteram efflictim perit,
 neque eam íncestavit únquam. HA. Acerba amá-
 tio est.
- MI. Hunc léno ludificátur. HA. Suom quaestúm colit.

MI. Hic illi malam rem dare volt. HA. Frugi, si id facit.

MI. Nunc hoc consilium capio et hanc fabricam apparo,

ut te adlegemus: filias dicas tuas, 140

subreptasque esse parvulas Carthagine,
manuque liberali causa [ambas] adseras,
quasi filiae tuae sint ambae. Intellegis?

HA. Intellego hercle: nam mihi item gnatae duae cum nutrice una subreptae sunt parvulae. 145

MI. Lepide hercle adsimulas. Iam in principio id mihi placet.

HA. Pol magis, quam vellem! MI. Hen, hercle mortalem catum,

malum crudumque, et callidum atque subdolum!
ut afflet, quo illud gestu faciat facilis!

Me quoque dolis iam superat, architectonem. 150

HA. Sed earum nutrix, qua sit facie, mi expedi.

MI. Statua haud magna, corpore aquilo. HA. Ipsa ea est.

MI. Specie venusta, ore atque oculis pernigris.

HA. Formam quidem hercle verbis depinxit probe.

MI. Vin' eam videre? HA. Filias malo meas. 155

Sed i, atque evoca illam. Si eae meae sunt filiae,
si illarum est nutrix, me continuo noverit.

MI. Heus, equis hic est? Nuntiate, ut prodeat
foras Giddeneme: est, qui illam conventam esse
volt.



ACTUS V. SCENA III.

GIDDENEME. MILPHIO. HANNO.

AGORASTOCLES. PUER.

GL. Quis púltat? ML. Qui te próxumus est.

GL. Quid vís? ML. Eho,

novístin' tu illunc túnicaúm hominem, quí siet?

GL. Nam quém ego adspicio? Pròh supreme Iúpiter,
herus méus hic quidem est, meárum alumnarúm

pater,

5 Hannó Carthaginénsis! ML. Ecce autém mala!

Praestígiator híc quidem Poenús probust:
perdúxit omnis ad suam senténtiam.GL. O mí here, salve, Hánno, insperatíssume
mihí tuisque fíliis, salve! Átque eho

10 mirári noli, néque me contemplárier.

Cognóscin' Giddenémen, ancillám tuam?

HA. Noví. Sed ubi sunt méae gnatae? id scire
éxpeto.GL. Apud aédem Veneris. HA. Quíd ibi faciunt?
díc mihi.

GL. Aphródisia hodie Véneris est festús dies:

15 orátum ierunt déam, ut sibi esset própítia.

ML. Pol sátis, scio, impetrárunť, quando híc híc
adest.AG. Eho, an húius sunt illae fíliae? GL. Ita, uti
praédicas.Tua píetas nobis pláne auxilió fuit,
quum huc ádvenisti hódie in ipso témpore:20 namque hódie earum mútarentur nómina,
faceréntque indignum género quaestum córpore.

PU. Haudónes illi. GI. Havón bene si illi, in
mústine.

Me ípsi et eneste dúm et alamna céstinum.

AG. Quid ílli locuti súnť inter se? díć mihi

MI. Matrém salutat híc suam, haec autem hunc
fílium.

25

HA. Tace, átque parce múliebri supelléctili.

MI. Quae ea ést supellex? HA. Clárus clamor
sine modo.

Tu abdúc hos intro, et úna nutricém simul
iubéto abire hanc ád te. AG. Fac, quod ímperat.

GI. Sed quís illas tibi monstrábit? AG. Ego do-
ctíssume.

30

GI. Abeo ígitur. AG. Facias módo, quam memo-
res, mávelim.

MI. Opíno hercle hodie, quód ego dixi pér iocum,
id éventurum esse ét severum et séríum,
ut hae ínveniantur hódie esse huius fíliae.

AG. Pol istúc quidem iam cértum est. Tu istos,
Mílphio,

35

abdúce intro; nos hásce híc praestolábimur.

Patruo ádvenienti coéna curretúr volo.

MI. Lachánanim vos! quos égo iam detrudam ád
molas,

inde pórro ad puteum atque ád robustum códicem!

Ego fáxo hospitium hoc léniter laudábitis.

40

AG. Audín' tu, patrue? Díco, ne dictúm neges:

tuam míhi maiorem fíliam despóndeas.

HA. Pactám rem habeto. AG. Spóndesne ígitur?

HA. Spóndeo.

AG. Mi pátrúe, salve: nám nunc es plané meus!

nunc démum ego cum illa fábulabor líbere!

45

Nunc, pátrúe, si vis túas videre fílias,

me séquere! HA. Iamdudum équidem cupio, et té sequor.

AG. Quid, si eámus illis óbviám? HA. At, ne intérvias

praetérbitamus, métuo. Magne Iúpiter,
50 restítue certas mi éx incertis núnc opes!

AG. Ego méos amores mécum confidó fore.

Sed eccás video ipsas. HA. Haécine sunt meae fíliae?

Quantae é quantillis iám sunt factae! AG. Scín', quid est?

Graecae sunt hae colúmnae: sustollí solent.

ACTUS V. SCENA IV.

ADELPHASIUM. ANTERASTYLIS.

AGORASTOCLES. HANNO.

AD. Fúit hodie operae prétium eius, quí amabilitati ánimum adílceret,
óculis epulas dáre, delubrum qui hódie ornatum eo víbere venit.

Deamávi ecastor illic [ego] hodie
lepidíssuma munera méretricum,
5 dígna divá venustíssuma Vénere;
neque cóntemsi eius opús hodie:
tanta sibi copia venustátum aderat,
in suó quaeque loco síta munde.
Arábíus murrhinusque ómnia odor
10 complébat. Sordere haúd visust
festús dies, Venus, nec tíum fanum:

tántus ibi clientárum erat númerus,
quae ad Calydóniam vénerant Vénerem.

AN. Céрто enim, quód quidem ad nós duas attínuit,
[praepotentes] púlcræ pacisque poténtes, soror,
fúimus,

15

neque ab inventúte ibi irrídiculo hábitae,
quod pól, soror, céteris ómnibus fáctum est.

AD. Malim ístuc aliís ita videátur, quam utí tu,
sorór, te collaúdes.

AN. Spero équidem. AD. Et pol ego. Quum ín-
geniis

20

quibus súmus atque aliae, cógnosco:
eo súmus gnatae genere, út deceat
nos ésse a culpa cástas.

HA. Iúpiter, quí genus cólis alisque hóminum,
pér quém vívimus vítalem aévom,
quém penes spés vitae súnť hominum ómnium,
dá diem hunc sóspitem, quaéso, rebús meis
agúndis.

25

Quibus ánnos multos cárui, quasque e pátria pér-
didi párvas,
rédi de his libertátem, invictae praémium ut esse
sciám pietati.

30

AG. Omnia faciet Iupitér faxo: [nam mihi est
obnoxius, et me metuit.]

HA. Tace, quaéso. AG. Ne lacrumá, patrue.

AN. Ut vólupé est homini, méa soror, si, quód
agit, cluet victória!

sicút hodie nos intéř alias praestítimus pulcri-
túđine.

AD. Stultá, soror, es magis, quám volo. An véro
pulcra vídere, obsecro,
si tíbi illi non os óblitum est fulígine?

35

AG. O pátrúe, o patrúe mí patruissume!

HA. Quid ést, fratris meí gnate? mí gnate, quíd vis? [expedi.]

AG. Át enim volo hóc agas. HA. Át enim ego istúc ago.

40 AG. Pátrúe [patrúe] mí patruissume!

HA. Quid ést? AG. Ést lepida et lauta! Út sapit!

HA. Ingénium habet patris, quód sapit.

AG. Quae res? Iam diu pól sapientiam túam abusa est haéc quidem;

núnc hinc sapit, hinc séntit; quidquid sápit, amore méo sapit.

45 AD. Nón eo genere súmús prognatae, támetsi sumus servaé, soror,

út deceat nos fácere quidquam, quód homo quisquam irrídeat.

Múlta mulierúm sunt vitia; séd hoc e multis máximum est,

quúm sibi nimis placént, minusque operám dant ut placeánt viris.

AN. Nímiae voluptati ést, quod in extis nóstris portentúm est, soror,

50 quódque haruspex de ambábus dixit AG. Vélim de me aliquid díxerit!

AN. nós fore invito dómíno nostro diébus paucis líberas.

Íd ego, nisi quid di aut parentes fáxint, quid sperem, haúd scío.

AG. Méa fiducia hércle haruspex, pátrúe, his promísít, scío,

líbertatem, quía me amare hanc scít. AD. Soror, sequere hác. AN. Sequor.

HA. Priusquam abitis, vós volo ambas. Nísi piget, consistite. 55

AD. Quís revocat? AG. Qui béne volt vobis facere. AD. Facere occasio est.

Séd quis homo est? AG. Amícus vobis. AD. Quí quidem non inimícus est.

AG. Bónus est hic homo, méa voluptas. AD. Pól istunc malim, quám malum.

AG. Sí quidem amicitia ést habenda, cum hóc habenda est. AD. Haúd precor.

AG. Múlta bona vobís volt facere. AD. Bónus bonis beneféceris. 60

HA. Gaúdio ero vobís AD. At edepol nós voluptatí tibi.

HA. Libertatíque. AD. Ísto pretio túas nos facile féceris.

AG. Pátrúe mi, ita me dí amabunt, út, ego si sim Iúpiter,

iam hércle ego illanc uxórem ducam, et Iúnonem extrudám foras!

Út pudice vérba fecit, cógitate et cómmode! 65
út modeste orátionem praébuit! Certo haéc mea est!

HA. Séd ut astu sum aggréssus ad eas! AG. Lépide hércle atque cómmode.

HA. Pérgo etiam tentáre? AG. In pauca cónfer: sitiunt, quí sedent.

HA. Quíd? istuc, quod faciúndum est, cur non ágimus? In ius vós voco. AG. Hanc tene, pátrúe, frugi sí bonae es: vin', égo hanc adprehéndam? 70

AD. An pátruus est, Agorástocles, tuus híc?
AG. Iam faxo scíbis.

Nunc pól ego te uliscár probe: nam fáxo — mea
eris spónsa.

HA. Ite ín ius! ne morámini! AG. Antestáre me,
atque dúce.

Ego te ántestabor; póstea hanc — amábo atque
amplexábo.

75 Sed illúd quidem volui dícere: imo díxi, quod
volébam.

HA. Morámini. In ius vós voco, nisi honéstiust
prehéendi.

AD. Quid in iús vocas nos? quíd tibi debémus?
AG. Dicet illi.

AD. Etiámne meae latránt canes? AG. At tu
hércle alludiáto:

dato míhi pro offa sávium, pro ósse linguam
obícito:

80 ita hanc canem faciám tibi oleó tranquilliórem.

HA. Ite, si ítis. AD. Quid nos fécimus tibi?
HA. Fúres estis ámbae.

AD. Nosné tibi? HA. Vos, inquam. AG. Átque ego scio.

AD. Quid id fúrti est? AG. Huncrogáto.

HA. Quia ánnos multos fílias meas célavistis
clám me,

atque équidem ingenuas líberas summóque genere
gnátas.

85 AD. Nunquám mecastor réperies tu istúc probrum
penés nos.

AG. Da pígnus, ni nunc péleres, in sávium, uter
utrí det.

AD. Nil técum ago: abscede, óbsecro. AG. At-
que hércle mecum agéndum est:

nam hic pátruus meus est: pro hóc mihi patrónus
sim necesse est.

Et praedicabo, quomodo vos fúrta facitis múlta,
quoque modo huiusce fílias apud vós habetis
sérvas, 90

quas vós ex patria líberas subréptas esse scítis.

AD. Ubi súnť eae, aut quae sunt, óbsecro? AG. Sa-
tís sunt macerátae.

HA. Quin éloquamur? AG. Cénseo hercle, pátrúe.

AD. Misera tímeo,

quid hoc sít negoti, méa soror: ita stúpida sine
animo ádsto.

HA. Advórtite animum, múlieres. Primúm, si id
fieri póssit, 95

Ne indígna indignis dí darent, id ego évenire
véllem;

nunc quód boni mihi dí danunt, vobís vostraeque
mátri,

eas díis est aequom grátias nos ágere sempitérnas,
quum nóstram pietatem ápprobant decorántque
di immortáles.

Vos méae estis ambae fíliae, et hic ést cognatus
vóster, 100

huiúsce fratris fílius, Agorástocles. AD. Amábo,
num hi fálsó oblectant gaúdio nos? AG. Át me ita
dí sérvant,

ut hic páter est voster! Dáte manus. AD. Salve,
ínsperate nóbis

pater, té complecti nós sine! AN. Cupíte atque
exspectáte

pater, sálve! Ambae fíliae sumus: ámplectamur
ámbae. 105

AG. Quis me ámplectetur póstea? HA. Nunc égo
sum fortunátus!

multórum annorum míserias nunc hác voluptate
sêdo!

AD. Vix hóc videmur credere. HA. Magis quí
credatis, dícam:

110 nam vóstra nutrix primum me cognóvit. AD. Ubi
ea, amábo, est?

HA. Apud hunc est. AG. Quaeso, quí lubet tam
dú tenere cóllum,

priusquám te mihi despónderit? Speráta, salve!

AD. Omítte

salútem. AG. Omitto. Et tu áltera. AN. Nolo
égo istuc: enicás me!

HA. Condámns alter álterum ergo in nêrvom bra-
chiálem!

115 Quibus núnc in terra mélius est? AG. Evéniunt
digna dígnis.

Tandem huíc cupitum cóntigit! O Apélla, o Zeu-
xis píctor,

cur númerod estis mórtui? hinc exémplum ut
pingerétis!

Nam aliós pictores níl moror huiusmódi tractare
exéempla.

HA. Dí deaeque omnes, vóbis habeo mérito ma-
gnas grátias,

120 quum hác laetitia tánta ettantis ádfecistis gaúdiis,
út meae gnatae ad mé redirentín potestatém meam.

AD. Mí pater, tua píetas plane nóbis auxilió fuit.

AG. Pátrve, facito in mémoriam habeas, túam
maiozem fíliam

míhi te despondísse HA. Memini. AG. et
dótis quid promísieris.

ACTUS V. SCENA V.

ANTHEMONIDES. ADELPHASIUM. ANTE-
RASTYLIS. HANNO. AGORASTOCLES.

ANT. Si égo minam non últus fuero próbe, quam
lenoní dedi:

túm profecto mé sibi habeant scúrrae ludifi-
cátui!

Ís etiam me ad prándium ad se addúxit ignavís-
sumus.

Ípse abiit foras, mé reliquit pro átriensi in aé-
dibus.

Úbi nec leno néque illae redeunt, néc, quod edim,
quidquám datur,

5

pró maiore pártē prandii pígnus cepi; abií foras.
Síc dedero! aere mílitari tétigero lenúnculum!

Náctus est hominém, mina quem argénti circum-
dúceret!

Séd mea amica núnc mihi irato óbviā veniāt
velim.

Iám pol ego illam púgnis totam fáciā ut sit
mórula:

10

íta replebo átritāte, átrior multo út siet,
quám Aegyptii, aut, quí cortinā lúdis per Cir-
cúm ferunt.

AD. Téne, sis, me arcte, méa voluptas: mále ego
metuo mílios;

mála illa bestia ést: ne forte me aúferat, pullúm
tuum.

AN. Út nequeo te sátis complecti, mí pater! ANT.
Ego mé moror.

15

Própemodum hoc nunc óbsonare prándium poteró mihi.

Séd quid hoc est? quid hóc, quid hoc est? quíd ego video? quómodo?

quíd hoc est conduplicaciónis? quae haéc est congeminátio?

quís hic homo est cum túnícis longis, quási puer caupónius?

20 Sátin' ego oculis cérno? estne illaéc méa amica Anterástylis?

Ét ea est certo! lámpridem ego me sénsi nihili péndier.

Nón pudet puellam ámplexari báliolum in mediá via?

Iam hércle ego illunc éxcruciandum tótum carnuficí dabo!

Sáne genus hoc múlnerosum est túnícis demissítiis.

25 Sed adíre certum est hanc ad amatricem Africam.

Heus tú, tibi dico, múlter, ecquid té pudet?

Quid tíbi negotii aútem est cum istac? díe mihi.

HA. Aduléscens, salve. ANT. Nólo: nihil ad te áttinet.

Quid tíbi hanc digito táctio est? HA. Quia míhi lubet.

30 ANT. Lubét? HA. Ita dico. ANT. Lígula, i in malám crucem!

Tune híc amator aúdes esse, halléx viri,
aut cóntrectare, quód mares hominés amant,
deglúpta maena, sárapis, semicínctium,
mastrúga, halagoras háma, tum autem plénior
35 alii úlpicique, quám Romani rémiges?

AG. Num tibi, adulescens, málæ aut dentes
prúriunt,

qui huic és molestus, án malam rem quaéritas?

ANT. Cur nón adhibuisti, dum [istaec] loquere,
týmpanum?

Nam té cinaedum esse árbitor mage, quám vi-
rum.

AG. Scin', quám cinaedus sum? Íte istinc, servi,
foras!

40

efférte fustis! ANT. Heús tu, si quid pér iocum
dixi, nolito in séríum convórtere.

AN. Quid tibi lubido est, óbsecro, Anthemó-
nides,

loqui inclementer nóstro cognato ét patri?

Nam hic nóster pater est; híc nos cognovít modo 45

et hunc sui fratris fílium. ANT. Ita me Iúpiter
bene amét, bene factum gaúdeo, et volupe ést
mihi,

siquidém quid lenoni óbtigit magní mali,

quumque é virtute vóbis fortuna óbtigit!

AN. Credíbile ecástor dícit: crede huic, mí pater. 50

HA. Credo. AG. Ét ego credo. Séd eccum le-
noném Lycum,

bonúm virum, eccum, vídeo; se recipít domum.

HA. Quis hic ést? AG. Utrumvis ést, et leno ét
Lycus.

In sérvitute hic hábuit fíliás tuas,

et mi [hic] aúri fur est. HA. Béllum hominem,
quem nóveris!

55

AG. Rapiámus in ius. HA. Mínime. AG. Qua-
proptér? HA. Quia

iniúriarum multo induci sátius est.

=====

ACTUS V. SCENA VI.

LYCUS. AGORASTOCLES. HANNO.
ANTHEMONIDES.

LY. Decípitur nemo méâ quidem senténtiâ,
qui súis amicis nárrat recte rés suas.

Nam omnibus amicis méis idem unum cónvenit,
ut mé suspendam, ne áddicar Agorástocli.

5 AG. Leno, eámus in ius. LY. Óbsecro te, Ago-
rástocles,

suspéndere ut me líceat. HA. In ius té voco.

LY. Quid tíbi mecum autem? HA. Quía hasce aio
líberas

ingénuasque esse fílias ambás meas,
quae súnt subreptae cúm nutrice párvolae.

10 IAMPRÍDEM equidem istuc scívi et miratús fui
neminém venire, qui ístas adsererét manu.

Meae quídem profecto nón sunt. AN. Leno, in
iús eas.

LY. De prándio tu dícis: debetúr: dabo.

AG. Duplúm pro furto míhi opus est. LY. Sume
hínc quídem.

15 HA. Et míhi suppliciis múltis. LY. Sume hinc
quídlubet.

AN. Et míhi quídem mna argénti. LY. Sume hinc
quídlubet.

Colló rem solvam iam ómnibus, quasi báiolus.

AG. Numquíd recusas cóntra me? LY. Haud
verbúm quídem.

20 AG. Ite ígitur intro, múlieres. Sed, pátrúe mí,
tuam, út dixisti, míhi desponde fíliam.

HA. Haud áliter ausim. AN. Béne vale. AG. Et tu béne vale.

AN. Leno, árrhabonem hoc pró mina mecúm fero.

LY. Perli hércle! AG. Imo haud multó post, quum in ius véneris.

LY. Quin égomet tibi me addíco: quid praetóre opust?

Verum óbsecro te, ut líceat simplum sólvare, 25
trecéntos Philippos. Crédo, corradí potest.

Cras aúctionem fáciam. AG. Tantispér quidem, ut sís apud me línea in custódia.

LY. Fiát. AG. Sequere intro, pátrúe mi: ut hunc festúm diem

habeámus hilarem, huius malo et nostró bono. 30

Multúm valet. Múlta verba fécimus;

malúm postremo hoc ómne ad lenoném redit.

Nunc, quód postremum est cóndimentum fábulae, si plácuít, plausum póstulat comoédia.

(ACTUS V. SCENA VII.)

[AGORASTOCLES. LYCUS. HANNO. ADELPHAS-
SIUM. ANTERASTYLIS. ANTHEMONIDES.]

AG. Quam rém agis, miles? quí lubet patruó meo

loqui inclementer? Né mirere, múlieres quod eúm sequuntur: módo cognovit fílias

suas ésse hasce ambas. LY. Hém, quod verbum aurés meas

tetigít? Nunc perii! Únde haec perierúnt domo? 5

AG. Cartháginienses súnť. LY. At ego sum pér-
ditus!

Illúd ego metui sémper, ne cognósceret
eas áliquis; quod nunc fáctum est. Vae miseró
mihi!

Periére, opinor, dúodevigintí minae,
10 qui hasce émi. AG. Et tute ípse periístí, Lyce.
HA. Quis hic ést? AG. Utrumvis ést, vel leno,
vél Lycus.

In sérvítute hic fílias habuíst tuas,
et mi aúri fur est. HA. Béllum hominem, quem
nóveris!

AG. Lenó, rapacem te ésse semper crédidi;
15 verum ét furacem [nórunť], qui norúnt magis.

LY. Accédam. Per ego té tua genua óbsecro
et húnć, cognatum quém tuum esse intélligo:
quandó boni estis, út bonos facere áddecet,
facítóte et vostro súbveniatis súpplici!

20 Iamprídem equidem istas ésse scivi líberas,
et éxspectabam, si éas quis adsererét manu.
Nam méae prorsus non súnť. Tum autem aurúm
tuum

reddám, quod apud me est, ét iusiurandúm dabo,
me málitiose níl fecisse, Agorástocles.

25 AG. Quod míhi par facere ést, tamen egomet cón-
sulam.

Omítte genua. LY. Mítto, si ita senténtia est.

AG. Heús tu, leno. LY. Quíd lenonem vís inter
negótium?

AG. Úti nunc argentúm mihi reddas, priúsquam
in nervom addúcere.

LY. Dí meliora fáxint! AG. Sic est: vídeo, coe-
nabís foris.

Aúrum, argentum, cóllum, leno, trís res nunc
debés simul.

30

HA. Quid meâ hac re fácere deceat, égomet me-
cum cógito.

Sí volo hunculcisci, lites séquar in alieno óppido.
Quántum audivi, ingénium et mores éius quo pa-
ctó sient

AD. Mí pater, ne quíd tibi cum istoc réi siet, ted
óbsecro.

AN. Aúsculta soróri! Abi, disiunge ínimitias
cum improbo.

35

HA. Hóc age, sis, lenó. Quamquam ego te mé-
ruisse, ut pereás, scio:

nón experiar técum. AG. Neque ego, si aúrum
mihi reddás meum,

léno, quando, ex nérvó emissus, — cómpingere
in cárcerem.

LY. Iám autem, ut solés? ANT. Ego, Poene, mé
tibi purgatúm volo.

Sí quid dixi irátus advorsum ánimi tui sentén-
tiam,

40

íd ut ignoscas, quaéso; et quum istas ínvenisti
fílias,

íta me di ament, míhi voluptast. HA. Ígnosco et
credó tibi.

ANT. Léno, tu aut amícam reddas fácito aut auri
míhi minam.

LY. Vín' tibicinám meam habere? ANT. Níhil
moror tibícinam:

néscias, utrum eí maiores, búccaene an mam-
maé, sient.

45

LY. Dábo, quae placeat. ANT. Cúra. LY. Au-
rum crás ad te referám tuum.

AG. Fácito in memoria hábeas. Miles, séquere
me. ANT. Ego veró sequor.

AG. Quíd ais, patre? cuándo hinc ire cógitas
Cartháginem?

Nám tecum una me íre certum est. HA. Úbi pri-
mum potero, íllico.

50 AG. Dum aúctionem fácio, hic opus est áliquos
ut maneás dies.

HA. Fáciam ita, ut vis. AG. Áge, sis, eamus;
nós curemus. Plaúдите.]

P S E U D O L U S.



D R A M A T I S P E R S O N A E.

PSEUDOLUS, servus Calidori.

CALIDORUS, adolescens, Simonis f.

BALLIO, leno.

LORARIUS.

SIMO, senex, pater Calidori.

CALLIPHO, senex.

HARPAX, militis Macedonii servus miles.

CHARINUS, Calidori familiaris.

PUER, servus Lenonis.

COCUS.

SIMMIA, Charini servus.

PHOENICIUM, muta persona.

S U M M A R I U M.

Adulescens Calidorus, Simonis filius, amat Phoenicium puellam, quae apud lenonem Ballionem est. De eadem autem pepigerat miles quidam cum lenone, numeratis quindecim minis de viginti, quod pretium constitutum fuerat, ita ut, qui reliquas quinque cum chirographo militis et sigillo afferret, ei leno exhiberet puellam. Pseudolus igitur operam pollicetur hero Calidoro. Primum aggrediuntur lenonem ipsum, sed frustra. Postea Pseudolus Simonem patrem, senem hilarem, decepturus. Quem ubi videt praesensisse dolum, fatetur rem, spondetque, si sibi viginti minas promittat praemio daturum, se ab lenone abducturum puellam. Interim venit a milite missus Harpax. Qui, ignarus locorum, Pseudolo, qui se servum Ballionis fingit, epistolam militis tradit. Amicus autem Charinus Calidoro quinque praebet minas. Itaque subornant huius servum Simmiam tamquam Harpagem a milite missum; qui Phoenicium ab lenone abducit. Ita decipitur Ballio, qui antea adeo cum Simone pepigerat, sponsione mutua facta, si hoc efficeret Pseudolus, se ei daturum viginti minas. Igitur poenas dant leno et Simoni et militi, Simo autem Pseudolo; qui, e convivio, quod instituerat Calidorus, ebrius factus, de utroque triumphat. — Scena est Athenis.

ARGUMENTUM.

Praeséntis numerat quindecim milés minas;
Simúl consignat symbolum: ut Phoenícium
Eí det leno, qui éum cum reliquō ádferat.
Veniéntem caculam intervortit symbolo,
Dicéns Syrum se Bállionis, Pseúdolus,
Opémque herili íta tulit: nam Símmiae
Lenó mulierem, quem ís supposuit, trádidit.
Venit Hárpax verus: rés palam cognóscitur;
Senéxque argentum, quód erat pactus, réddidit.

P R O L O G U S.

[**Studéte hodie mñhi: bona in scenam áffero:**
nam bóna bonis ferrí reor aequum máxume,
ut mála malis: ut, qui mali sunt, habeánt mala,
qui bóni, bona. Bonós quod oderínt mali,
sunt máli; malos quod óderint boní, bonos 5
esse opórtet; vosque ideo éstis boni, quandóqui-
dem
semper ódistis malos, ét lege et legiónibus
hos fúgitastis, Quirítes, successís bonis.
Huic vós nunc pariter bónam boni operam dáte
gregi,
qui bónus est, et hodie ád bonos affért bona. 10
Aurés, oculi, animus ámpliter fiént saturi.
In scénam qui ieiúnus venerit aut sitiens,
is rísu et ventre ráso vigilabit sédulo:
dum ridébunt saturi, mórdebunt famélici.
Nunc, sí sapitis, cedíte ieiuni atque discédite. 15
Vos sátori, state, imó sedete atque atténdite.
Non árgumentum néque huius nomen fábulae
nunc próloquar ego: sátis id fáciet Pseúdolus:
satis id dictum vobís puto iam atque députo.
Ubi lépos, ióci, risús, vinum, ebrietas decent, 20
gratiaé, decor, hilaritás atque delectátio,
qui quaérit alia, is málum videtur quaérere.

Curás malas abiícite iam, ut otíosi, hodie.]
 Expórgi meliust lúmbos atque exsúrgier:
 25 Plautína longa fábula in scenám venit.

ACTUS I. SCENA I.

PSEUDOLUS. CALIDORUS.

- ps. Si ex té tacente fieri possem cértior,
 here, quae miseriae té tam misere mácerant:
 duorúm labori ego hóminum parsissém lubens,
 mei té rogandi et túi respondendí mihi.
- 5 Nunc quóniam id fieri nón potest, necéssitas
 me súbigit, ut te rógitem. Respondé mihi:
 quid ést, quod tu exanimátus iam hos multós dies
 gestás tabellas técum, eas lacrumís lavis,
 neque túi participem cónsili quemquám facis?
- 10 Elóquere, ut, quod ego néscio, id tecúm sciam.
- CA. Miseré miser sum, Pseúdo! ps. Id te Iúpiter
 prohibéssit! CA. Nihil hoc Ióvis ad iudicium
 áttinet;
 sub Véneris regno vápulo, non súb Iovis.
- ps. Licét me id scire quíd sit? Namtu me ántidhac
 15 suprémmum habuisti cómitem consiliís tuis.
- CA. Idem ánimus nunc est. ps. Fác me certum,
 quíd tibi est.
- Iuvábo te aut re, aut ópera, aut consilió bono.
- CA. Cape hás tabellas: túte hinc narrató tibi,
 quae mé miseria et cúra contabéfacit.
- 20 ps. Mos tibi geretur. Séd quid hoc, quaesó? CA.
 Quid est?

PS. Ut opinor, quaerunt literae hae sibi liberos:
alia aliam scandit. CA. Lúdis me ludó tuo.

PS. Has quidem pol, credo, nisi Sibylla légerit,
intérpretari alium posse néminem.

CA. Cur inclementer dicis lepidis literis, 25
lepidis tabellis, lepida conscriptis manu?

PS. An, óbsecro hercle, habént quoque gallinae
manus?

Nam has quidem gallina scripsit. CA. Odiosus
mihi es.

Lege, vél tabellas rédde. PS. Imo enim péllegam.
Advórtito animum. CA. Nón adest. PS. At tú cita. 30

CA. Imo égo tacebo; tú hinc ex cerá cita:
nam istic meus animus núnc est, non in pectore.

PS. Tuam amicam video, Calidore. CA. Ubi ea
est, óbsecro?

PS. Eccam in tabellis pórrectam; in cerá cubat.

CA. At té di deaeque, cuántus's PS. Ser- 35
vassint quidem!

CA. Quasi sólstitialis hérba, paulispér fui:
repente exortus sum, repentino óccidi.

PS. Tace, dúm tabellas pérlego. CA. Ergo quín
legis?

PS. „Phoenícium Calidóro, amatorí suo,
per cérám et linum literasque intérpretes 40
salútem mittit, ét salutem abs te éxpétit,
lacrumáns, titubanti ánimo, corde, et pectore.“

CA. Peris, salutem nusquam invenio, Pseudole,
quam illi remittam! PS. Quám salutem? CA.
Argénteam.

PS. Pro lígnea' salúte vis argénteam 45
remíttre illi? Víde sis, quam tu rém geras.

CA. Recitá modo: ex tabéllis iam faxó scies,

quam súbito argento mi úsus inventó siet.

- PS. „Lenó me peregre míliti Macedónio
 50 mínis viginti véndidit, voluptás mea;
 et priúsqvam hinc abiit, quíndecim milés minas
 dederát. Nunc unae quínque remorantúr minae.
 Ea caúsa miles híc reliquit sýmbolum,
 expréssam in cera ex ánulo suam imáginem:
 55 ut, qui húc adferret éius similem sýmbolum,
 cum éo simul me mitteret. Ei réi dies
 haec praéstítuta est, próxuma Dionýsia.“
 Cras éa quidem sunt. CA. Própe adest exitiúm

- mihi,
 nisi quíd mihi in te est aúxili. PS. Sine péllegam.
 60 CA. Sino: nám mihi videor cúm ea fabulárier.
 Lege! dúlce amarumque úna nunc miscés mihi.
 PS. „Nunc nóstri amores, móres, consuetúdines,
 iocus, lúdus, sermo, suávis saviátio,
 compréssiones ártae amantum córporum,
 65 tenerís labellis mólles morsiúnculae;
 papíllarum horridulárum oppressiúnculae,
 harúm voluptatum mi ómnium atque itidémi tibi
 distráctio, discídium, vasticiés venit,
 nisi quae mihi in te est, aut tibi est in mé salus.
 70 Haec, quae ego scívi, ut scíres, curavi, ómnia;
 nunc égo te experiar, quíd ames, quíd simulés.
 Vale.“

CA. Est míseré scriptum, Pseúdo! PS. O míserume!

- CA. Quin flés? PS. Pumiceos óculos habeo: nón
 queo

lacrumam éxorare ut éxspuant unám modo.

- 75 CA. Quid itá? PS. Genus nostrum sémper sic-
 coculúm fuit.

CA. Nilne ádiuvare me aúdes? PS. Quid faciám tibi? CA. Heu!

PS. Heu? Íd quidem tibi hércle, ne parsís, dabo.

CA. Misér sum; argentum núsquam invenio mútuom,

Pseudóle. PS. Heu! CA. Neque intus númus ullus ést. PS. Eheu!

CA. Ille ábducturus ést mulierem crás. PS. Eheu! 80

CA. Istóccine pacto me ádiuvas? PS. Do id, quód mihi est:

nam is mñhi thesaurus iúgis in nostra ést domo.

CA. Actum hódie de me est! Séd potes nunc mútuam

drachmám dare unam mñhi, quam cras reddám tibi?

PS. Vix hércle opinor, sí me opponam pígnori. 85

Sed quíd de drachma fácere vis? CA. Restím volo mihi émere. PS. Quamobrem? CA. Quí me faciam pénsilem.

Certum ést mihi, ante ténebras tenebras pérsequi.

PS. Quis mi ígitur drachmam réddet, si dederím tibi?

An tú te ea causa vís sciens suspéndere, 90
ut mé defrudes dráchma, si dederím tibi?

CA. Profécto nullo pácto possum vívere, si illa á me abalienátur atque abdúcitur.

PS. Quid flés, cucule? Víves. CA. Quid ego ní fleam,

quoi néc paratus númus argentí siet; 95
neque cúí libellae spés sit usquam géntium?

PS. Ut líterarum ego hárum sermonem aúdio, nisi tu fíli drachmis fléveris argénteis,
quod tu ístis lacrumis té probare póstulas,

100 non plúris refert, quám si imbrem in cribrum
geras.

Verum égo te amantem, né pave, non déseram.
Spero, álicunde hodie mé bona opera, aut mala,
tibi inventurum esse aúxiliu[m] argentárium.

CA. At id futurum unde? PS. Unde dicam, né-
scio;

105 nisi, quía futurum est, ita superciliu[m] salit.

CA. Utinám, quae dicis, dictis facta súppetant!

PS. Scis tú quidem hercle, méa si commoví sacra,
quo pácto et quantas sóleam turbellás dare.

CA. In té nunc sunt omnes spes aetati meae.

110 PS. Satin' ést, si hanc hodie múlierem effició tibi,
tua út sit, aut si tibi do viginti minas?

CA. Satis, sí futurum est. PS. Róga me viginti
minas,

ut me éffecturum tibi, quod promisi, scias.

Roga, óbsecro, hercle: géstio promittere.

115 CA. Dabísne argenti mi hódie viginti minas?

PS. Dabó. Molestus núnc iam ne sis mihi.

Atque hóc, ne dictum tibi neges, dicó prius:
si néminem aliu[m] pótero, tuu[m] tangám patrem.

CA. Di té mihi omnes sérvent! Verum, sí potes,

120 pietátis causa vél etiam matrém quoque.

PS. De istác re in oculu[m] utrúmvís conquiésquito.

CA. Oculu[m] [utrum], ánne in aurem? PS. At hóc
pervolgatú[m] est nimis.

Nunc, né quis dictu[m] sibi neget, dico ómnibns,
pubí praesenti in cóncione, omní poplo,

125 omnbns amicis nótiisque edicó meis,
in hunc diem a me ut cáveant, ne credánt mihi.

CA. St! táce obsecro hercle! PS. Quid negot
est? CA. Óstium

lenónis crepuit. ps. Crúra mavellem modo.

ca. Atque ípse egreditur, pénitus periurúm caput.

ACTUS I. SCENA II.

BALLIO. LORARII IV. PSEUDOLUS.

CALIDORUS.

BA. Éxite! agite, exíte, ignavi, mále habiti, et
male cónciliati;

quórum nunquam quídquam quoiqum vénit in
mentem ut récte faciant.

Quíbus nisi ad hoc exémplum experior, nón po-
test usurpári usura.

Neque égo homines magis ásinos unquam vídi:
ita plagis cóstae callent.

Quós dum ferias, tibi plus noceas: éo enim inge-
nio hi súnť flagitribae:

5

qui haéc habent cónsilia:

úbi data occasio est, rápe, clepe, tene, hárpa-
ga, es,

bíbe, fuge! Hoc eórum opust: út lupos mávelis
ápud oves línquere, quam hós custodés domi.

At fáciem quom adspiciás eorum, haud máli vi-
dentur; ópera fallunt.

10

Núnc adeo hanc edíctionem nísi animum advor-
tétis omnes,

nísi somnum socórdiamque ex pectore oculisque
ámovetis:

íta ego vostra látera loris fáciam ut valide vária
sint,

- út ne peristromáta quidem aequé pícta sint Cam-
pánica,
15 neque Aléxandrina béluata cónchyliata tapétia.
Atque héri ante dixeram ómnibus dederámque
eas províncias;
verum íta vos perdití éstis, negligéntes, ingenio
ímprobo:
offícium vostrum ut vós malo cogátis commo-
néríer.
Nempe íta animati estís vos: vincite hóc duritia
ergo átque me.
20 Hoc víde, sis: alias rés agunt. Hoc ágite, hoc
animum advórtite,
huc ádhibete auris, quae égo loquar, plagígera
genera hómínium!
Nunquam édepol vostrum dúrius tergum érit,
quam terginum hóc meum.
Quin núnc? doletne? Hem, síc datur, si quis he-
rum servos spérnit!
Adsístite omnes cóntra me et, quae lóquor, advor-
tite ánimum.
25 Tu, qui úrnam habes, aquam íngere: face plénam
aënum síc cito.
Te, cú securi, caúdicali praéficio provínciae.
LO. At haéc retunsa est. BA. Síne siet. Itidém
vos estis plágis omnes:
num quí minus ea grátia tamen ómnium opera útor?
Tibi hóc praecipio, ut níteat aedis: hábes, quod
facias: própera, abi intro. —
30 Tu ésto lectistérniator. — Tu árgentum eluito;
ídem exstruito.
Haéc, quom ego a foró revortor, fácite ut offen-
dám parata:

vórsa, sparsa, térsa, strata, laútaque omnia út
sient.

Nám mi hodie natális dies est: decet eum omnes
vos cóncelebrare.

Pérnam, callum, glándium, sumen, fácito in aqua
iaceánt. Satin' audis?

Mágnifice volo ením summos viros áccipere: ut
mihi rem ésse reantur. 35

Íntro abite atque haéc celebrate, né mora quae
sit, cócus quum veniat,
míhi. Ego eo in macéllum, ut, piscium quídquid
est, pretió praestinem.

I, púere, prae: ne quísqum pertundát crumenam,
caútio est.

Vel ópperire: est, quód domi dicere péne fui
oblítus.

Audítin'? Vobis, múlieres, hanchábeo edictiónem: 40
Vós, quae in mundiciís, mollitiis, déliciisque ae-
tátulam agitis

víris cum summis, ínclutae amicae: núnc ego
scibo atque hódie experiar,
quae capiti, quae véntri operam det, quae suae
rei, quae sómno studeat;
quám libertam fóre mihi credam, ét quam vena-
lem, hódie experiar.

Fácite hodie, ut mihi múnera multa huc áb ama-
toribús conveniant: 45

nám nisi penus annúus hodie convénit, cras po-
pulo próstituum vos.

Nátalem scitís mihi diem esse hunc: úbi isti sunt,
quibus vós oculi estis,
quíbus vitae, quibus déliciae, quibus sávia, mam-
millaé mellitae?

Mániplatim mihi múnérigeruli fácite ante aedis
iám hic adsint!

50 Cúr ego vestem, aurum, átque ea, quibus est vóbis
usuí, praehibeo?

Quíd mihi [domi], nisi malúm, vostra opera est
[hodie], improbae, vinó modo cupi-
dae? [estis]

Éo vos vestros pánticesque adeó madefacitis,
quom égo sim hic siccus.

Nunc ádeo hoc factu est óptimum, ut nomíne
quamque appellém suo:

ne díctum esse actutúm sibi quae piám vostrarum
míhi neget.

55 Advórtite animum cúntae!

Princípio, Hedylium, técum ago, quae amíca es
frumentáriis,

quibus cúntis montes máxumi, fruménti acervi
súnt domi:

fac, síis, sit delatum húc mihi fruméntum, hunc
annum quód satis

mi et fámiliae omni síit meae,

60 atque ádeo ut frumento ádfluam,
ut cívitas nomén mihi commútet, meque ut praé-
dicet

lenóne ex Ballióne regem Iásonem.

CA. Aúdin', furcifér quae loquitur? sátin' magni-
ficus tibi videtur?

PS. Pól iste, atque etiám malíficus. Séd tace,
atque hanc rém gere.

65 BA. Aéschrodora, tú, quae amicos tibi habes, le-
nonum aémulos,

Iánios, qui item ut nos iúre iurandó malo rem
quaérunt, audi!

Nísi carnariá tria gravida tégoribus onere úberi
hodie

míhi erunt, cras te, quási Dircam olim, ut mémo-
rant, duo gnatí Iovis

dévinxere ad taúrum, item hodie stríngam te ad
carnárium. Id

tíbi profecto taúrus fiet. ps. Nímis sermone huius
íra incendor!

70

Húnccine hic hominém pati [nos] cólere, iuven-
tutem Attícam?

Úbi sunt, ubi latént, quibus aetas íntegra'st, qui
amant á lenone?

Quín conveniunt? quín una omnes péste hac po-
pulum hunc líberant?

Séd nimis sum stultús, nimium fui indóctus. Nae
illi aúdeant

id fácere; quibus ut sérviant,

75

súus amor cogít, simul

prohibét faciant advórsum eos,

quód volunt. CA. Vah, táce. ps. Quid est?

CA. Mále morigerus mále facis mihi, quóm ser-
mone huic óbsonas.

ps. Táceo. CA. At taceas málo multo, quám ta-
cere dícas. BA. Tu autem,

80

Xýstylis, fac ut ánimum advortas,

quóius amatorés olivi δύραμιν domi habent má-
xumam:

sí mihi non iam cúlleis huc óleum deportábitur,

te ípsam culleo égo cras faciam ut déportere in
pérgulam;

íbi tibi adeo léctus dabitur, úbi tu haud somnum
cápias;

85

Séd ubi usque ad languórem Tenes, quor-
sum haécce tendant, quae loquor?

En éxcetra tu, quae tibi amicos tót habes, tam
probe óleo onustos:

num quóspiam est hodié tua tuórum opera cón-
servorum

nítidiusculúm caput, aut num ipse égo pulmento
utór magis

90 úctiusculó! Sed scio: tu óleum hand magni
péndis;

víno te sine módo devincis. Réprehendam ego
cuncta hércle una opera:

nísi quidem hodié tute omnia fácis, scelestá, haec,
úti loquor:

tu aútem, quae pro cápite argentum míhi iam
iamque saépe numeras,

éa pacisci módo scis, sed, quae pácta es, non scis
sólvere:

95 tibi, Phoenícium, haéc ego loquor, delíciae sum-
matúm virum:

nísi hodie mi ex fúndis tuorum amícorum omne
huc pénus adfertur:

crás Phoeniciúm phoenicio cório invisés pér-
gulam.

ACTUS I. SCENA III.

CALIDORUS. PSEUDOLUS. BALLIO.

CA. Pséúdole, non audís, quae hic loquitur? ps
Aúdio, here, equidem, atque ánimum
advorto.

CA. Quid mi es auctor huic ut mittam, né amicam
hic méam prostituat?

Béne curassis. ps. Líquido es animo: égo pro
me et pro té curabo.

Iám diu ego huic bene et híc mihi volumus, ét
amicitia ést antiqua.

Míttam hodie huic suo díe natali málam rem ma-
gnam ét maturam.

5

CA. Quid opus est? ps. Potin', áliam rem ut cu-
rés? CA. At ... ps. Bat. CA. Cru-
ciór! ps. Cor dura.

CA. Nón possum. ps. Fac póssis. CA. Quonam
pácto possim víncere animum?

ps. Ín rem quod sit, praévortaris, quám re ad-
versa ánimo auscultes.

CA. Núgae istaec sunt: nón iucundum est, nísi
amans facit stúlte. ps. Pergin'?

CA. Ó Pseudole mi, síne sím nihili! mítte me, sis!
ps. Sine módo, ego abeam.

10

CA. Máne, mane: iam, ut vóles me esse, ita ero.

ps. Núnc tu sapis. BA. It diés! ego cesso.

I praé, puere. CA. Heus, abit! Quín revocas?

ps. Quid próperas? Placide! CA. At priúsqvam
abeat.

BA. Quod hóc malum? tam placide ís, puere!

15

ps. Hódie nate, heus, hódie nate!

tíbi ego dico! heus, hódie nate!

redi ét respice ád nos!

Tamétsi occupátus, morámur. Mané: sunt,

cólloqui quí volunt té. BA. Quid hoc ést? quis est, 20
quí moram óccupató molestam óbtulit?

CA. Quí tibi sóspitalís fuit. BA. Mórtuost,
quí fuit;

qui ést, vivos ést.

25 PS. Nímis supérbe. BA. Nímis moléstus!

CA. Réprehende hominem! adséquere! BA. I,
puere!

PS. Accédamus hác obviám. BA. Iupitér te
perdát, quisquis és! PS. Te volo. BA. Át vos
ego ámbos.

Vorte hác te, puér! PS. Non licét conloquí te?

30 BA. At míhi non lubét. CA. Sin tuam ést quid-
piam ín rem?

BA. Licétne, obsecró, bitere, án non licét? PS. Vah!
mánta! BA. Omítte!

CA. Bállio, audi! BA. Súrduš sum.
profécto inánilogús.

35 CA. Dedí, dum fuít. BA. Non petó, quod dedísti.

CA. Dabó, quando erít. BA. Ducitó, quando ha-
bébis.

CA. Heú heu, quam egó malis pérdidi módis,
quód tibi détuli et quód dedi! BA. Mórtua
vérba re núnc facis. Stúltus es: rem áctam agis.

40 PS. Nósce saltem hunc, quis est.

BA. Iám diu scio, quí fuít;
quí núnc est is, ípsus sciát. Ambulá tu.

PS. Pótin', ut semél modo,
Bállio, huc cúm lucro

45 réspiciás?

BA. Réspiciam istoc prétio. Nam si sácruficem
summó Iovi,

átque in manibus éxta teneam, ut pórriciam: in-
tereá loci

sí lucri quid détur, potius rém divinam déseram.

PS. Nón potest pietáte obsisti huíc, ut res sunt
céterae:

déos quidem, quos máxume aequum est métuere,
eos minimí facit. 50

BA. Cómpellabo. — Sálve multum, sérve Athenis
péssume.

PS. Dí te deaeque amént vel huius árbitratu, vél
meo;

vél, si dignus álio pacto, néque ament nec faciánt
bene.

BA. Quíd agitur, Calidóre? CA. Amatur átque
egetur ácritér.

BA. Mísereat, si fámiliam alere póssim miseri-
córdia. 55

PS. Eía, scimus nós quidem te, quális sis: ne
praédices.

Séd scin', quid nos vólumus? BA. Pol ego própe-
modo: ut male sít mihi.

PS. Ét id, et hoc, quod té revocamus, quaéso, ani-
mum advorte. BA. Aúdio;

átque in pauca, ut óccupatus núnc sum, confer,
quíd velis.

PS. Húnc pudet, quod tibi promisit, quáque id
promisít die, 60

quía tibi minás viginti pró amica etiam nón dedit.

BA. Nímio id, quod pudét, facilius fértur, quam
illud, quód piget.

Nón dedisse, istúm pudet; me, quía non accepí,
piget.

PS. Át dabit, parábit: aliquot hós dies mantá
modo:

nam híc id metuit, ne illam vendas ób simultatém
suam. 65

BA. Fúit occasió, si vellet, iámpriDEM argentum
út daret.

CA. Quid, si non habui? BA. Iam haberes: invenires mútuom;
 ad danistam devenires, ádderes foenúsculum;
 súrriperes patri. PS. Surriperet híc patri, audacíssume?

70 Nón periculum est, né quid recte mónstres. BA.
 Non lenónium est.

CA. Egon' patri surripere possim quídquam, tam cautó seni?

Átque adeo, si fácere possem, píetas prohibet.
 BA. Aúdio.

Píetatem ergo istam ámplexator nóctu, pro Phoenício.

Séd, quoniam pietátem amorí vídeo tuo prae-vórt-
 tere:

75 ómnes homines tibi patres sunt? núllus est tibi,
 quém roges

mútuom argentúm? CA. Quin nomen quóque iam
 interiit Mútuom.

PS. Heús tu, postquam hercle ísti a mensa súr-
 gunt * * *

quí suum repetúnt, alienum réddunt nato né-
 mini:

póstilla omnes caútiores súnť, ne credant álteri.

80 CA. Nímis miser sum: númum nusquam réperire
 argentí queo:

íta miser et amóre pereó, et ínopia argentária.

BA. Éme die coeca hércle olivum; id véndito ocu-
 latá die:

iam hércle vel ducéntae fieri póssunt praesentés
 minae.

CA. Périi! an non tum léx me perdit quína vicen-
 nária?

Métuunt credere ómnes. BA. Eadem est mihi lex:
metuo credere.

85

PS. Crédere autem? Eho, an poénitet te, quáto
hic fuerit úsui?

BA. Nón est iustus quísqum amator, nísi, qui
perpetuát data,
dátque usque; quádo nihil sit, símul amare dé-
sinat.

CA. Nílne te miserét? BA. Inanis cédis: dicta nón
sonant.

Átque ego te vivóm salvomque véllem. PS. Eho,
an iam mórtuust?

90

BA. Útut est, mihi quidém profecto cum ístis di-
ctis mórtuust.

Íllico vixít amater, úbi lenoni nón placet.

Sémper tu ad me cum árgentata accédito queri-
mónia:

nam ístoc, quod nunc lámentare, nón esse argen-
túm tibi,

ápud novercam querere. PS. Eho, an unquam tu
húius nupsistí patri?

95

BA. Dí melius faciánt! PS. Fac hoc, quod té ro-
gamus, Bállio,

méa fide, si ístí formidas credere: ego in hoc
tríduo

aút terra aut marí alicunde evólvam id argentúm
tibi.

BA. Tíbi ego credam? PS. Cúr non? BA. Quia
pol, quá opera credám tibi,

úna opera adligém fugitivam cánem agninis lá-
ctibus.

100

CA. Síccine mi abs te béne merenti mále refertur
grátia?

- BA. Quid nunc vis? CA. Ut opperiare hos sex dies saltém modo, né illam vendas, neú me perdas hóminem amantem. BA. Animó bono es: vél sex mensis opperibor. CA. Eúge, homo lepidíssume!
- 105 BA. Ímo vin' etiám te faciam ex laéto laetantém magis?
- CA. Quid iam? BA. Quia enim nón venalem iám habeo Phoenícium.
- CA. Nón habes? BA. Non hércle vero. CA. Pseudole, accerse hóstias, víctimas, laniós: ut ego huic sácrificem summó Iovi:
- nam híc mihi nunc est múlto potior Iúpiter, quam Iúpiter.
- 110 BA. Nólo victimás; agninis me éxtis placarí volo.
- CA. Próspera, quid stas? áccerse agnos! Aúdin', quid ait Iúpiter?
- PS. Iam híc ero; verum éxtra portam Métiam currendúm est prius.
- CA. Quid eo? PS. Lanios índé accersam dúos cum tintinnábulis;
- eádem duo gregés virgarum índé úlmeorum adégero:
- 115 út hodie ad litátionem huic súppetat satiás Iovi. Ín malam crucem ístic ibit Iúpiter lenónius.
- [BA. Éx tua re non ést, ut ego emoriár. PS. Quidum? BA. Ego dicám tibi: quía edepol dum ego vívos vivam, núnquam eris frugí bonae.]
- BA. Éx tua re non ést, ut ego emóriar. PS. Quidum? BA. Síc: quia,

sí ego emortuós sim, Athenis té sit nemo néquior. 120

CA. Díc mihi, obsecro hércle, verum sério hoc,
quod té rogo:

nón habes venálem amicam tú meam Phoenícium?

BA. Nón edepol habeo profecto: nám iampridem
véndidi.

CA. Quómodo? BA. Sine órnementis, cum ínte-
stinis ómnibus.

CA. Méam tu amicam véndidisti? CA. Válde; vi-
gintí minis. 125

CA. Víginti minís? BA. Utrum vis; vél quater
quinís minis,
míliti Macedónio. Et iam quíndecim hic habeo
minas.

CA. Quíd ego ex te audió? BA. Amicam tuam
éssé factam argénteam.

CA. Cúr id ausus fácere? BA. Lubuit: méa fuit.

CA. Eho, Pseúdole,
í, gladium adfer PS. Quíd opus gladio? CA.
quí hunc occídám, átque me. 130

PS. Quín tu ted occídís potius? nam húnctames
iam occíderit.

CA. Quíd ais, quantum in térra degit, hóminum
periuríssume?

Iúravistin', te íllam nulli vénditurum, nísi mihi?

BA. Fáteor. CA. Nempe concéptis verbis. BA.
Étiam consultís quoque.

CA. Périuravistí, scelesté! BA. At árgentum intro
cóndidi. 135

Égo scelestus núnc árgentum prómere possum
domo;

tú, qui pius es, ístoc genere gnátus, numum nón
habes.

CA. Pseúdo!e, adsiste áltrinsecus atque ónera
hunc maledictís. PS. Licet.

Núnquam ad praetorem aéque cursim cúrram, ut
emittár manu.

140 CA. Íngere mala múlta. PS. Iam ego te dífferam
dictís meis.

Ímpudice! BA. Ita ést. PS. Sceleste! BA. Dícis
vera. PS. Vérbero!

BA. Quíppini? CA. Bustírape! BA. Certe. CA.
Fúrcifer! BA. Factum óptume!

CA. Sóciofraude! BA. Sún!t mea haec ista. PS.
Párricida! BA. Pérg!e tu.

PS. Sácrilege! BA. Fateór. CA. Periure! BA.
Vétera vaticinámini.

145 CA. Légirupa! BA. Validé. PS. Pernicies ádu-
lescentum! BA. Acérrume.

CA. Fúr! BA. Babae! PS. Fugítive! BA. Bombax!
CA. Fráus popli! BA. Planíssume.

PS. Fraúdulente! CA. Impúre leno! PS. Coén!um!
BA. Cantorés probos!

CA. Vérberavistí patrem atque mátrem. BA. At-
que occidí quoque

pótius, quam cibúm praehiberem. Núm peccavi
quídpiam?

150 PS. Ín pertusum ingyrimus dicta dólium; operam
lúdimus.

BA. Númq!uid aliud étiam voltis dícere? CA. Ec-
quid té pudet?

BA. Té!d amatorem ínventum esse inánem, quasi
cassám nucem.

Séd quamquam multá malaque ín me dícta dixi-
stís modo:

nisi mihi [hodie] attulerit miles quínque, quas
debet, minas,
sicut haec est praestituta súmma argentó dies, 155
si is non aderit, pósse opinor fácere officium mé
meum.

CA. Quid id est? BA. Si tu argéntum attuleris,
cum illo perdiderím fidem.

Hóc meum est offícium. Ego, operae sí sit, plus
tecúm loquar;
séd sine argento frústra est, quod me tuí misereri
póstulas.

Haéc mea est senténtia, ut tu hinc pórro, quid
agas, cónsulas. 160

CA. Iámne abis? BA. Negóti nunc sum plénus.
PS. Paulo póst magis.

Illic homo meus ést! Nisi omnes dí me atque ho-
mines déserunt,
exossabo ego illum similiter ítidem, ut murae-
nám cocus.

Séd nunc, Calidore, óperam te mihi vólo dare.
CA. Ecquid ímperas?

PS. Hóc ego oppidum ádmoenire, ut hódie capia-
túr volo. 165

Ad eam rem usust hóminem astutum, dóctum,
scitum et cállidum,
qui ímperata effécta reddat; nón, qui vigilans
dórmiat.

CA. Cédo mihi, quid és facturus? PS. Témpori
ego faxó scies:

vólo bis iteráre: sat sic lóngae fiunt fábulae.

CA. Óptimum atque aequíssimum oras. PS. Pró-
pera! adduc hominém cito! 170

Paúci ex multis súnť amici hómini, qui certí sient.

CA. Égo scio istuc. ps. Érgo utrimque tibi nunc
delectúm para:

éx illis exquiré multis únum, qui certús siet.

CA. Iam híc faxo aderit. ps. Pótin', ut abeas?
tíbi moram dictís creas.

ACTUS I. SCENA IV.

PSEUDOLUS.

Postquam illic hinc abiit, tú astas solus, Pseúdole.
Quid núnc acturus, póstquam herili fílio
largítus dictis dápsilis? ubi súnť ea?
quoi néque parata gúťta certi cónsili,
5 neque ádeo argenti; néque nunc quid faciám scio.
Neque, éxordiri prímum unde occipiás, habes,
neque ad détexundam télam certos términos.
Sed quási poēťa, tábulas quom cepít sibi,
quaerít, quod nusquam est géntium, reperít tamen;
10 facit illud verisímile, quod mendácium est:
nunc égo poēťa fíam: vigintí mínae
quaenúsquam nunc sunt géntium, inveníam tamen.
Atque ego huíc iampridem mé daturum díxeram,
ac vólui iniicere trágulam in nostrúm senem;
15 verum ís nescio quo pácto praesensít prius.
Sed cómprimenda est míhi vox atque orátio:
herum éccum video húc Simonem uná simul
cum suó vicino Cálliphone incédere.
Ex hóc sepulcro vétère vigintí minas
20 effódiam ego hodie, quas dem herili fílio.
Nunc húc concedam, ut hórum sermoném legam.

ACTUS I. SCENA V.

SIMO. CALLIPHO. PSEUDOLUS.

SI. Si dé damnosis nátis et amatóribus
 dictátor fiat núnc Athenis Átticis:
 nemo ántecedat fílio, credó, meo:
 ita núnc per urbem sólus sermo est ómnibus,
 eum vélle amicam líberare et quaérere 5
 argéntum ad eam rem. Hoc álii mihi renúntiant,
 atque íd iampridem sénsi, et subolét mihi.
 PS. Occísa est haec res; haéret hoc negótium!
 Quo in cómmeatum vólui argentárium
 proficísci, ibi nunc óppido obseptá est via. 10
 Praesénsit: nihil est praedae praedatóribus.
 CA. Homínés, qui gestant quíque auscultant crí-
 mina,
 si meo árbitratu líceat, omnes péndeant,
 gestóres linguis, aúditores aúribus.
 Nam istaec, quae tibi renúntiantur, fílium 15
 te vélle amantem argénto circumdúcere,
 forsítan ea tibi dícta sunt mendácia;
 sed sí vera ea sunt, út nunc mos est, máxume,
 quid mírum fecit, quíd novum, adulescéns homo
 si amát, si amicam líberat? PS. Lepidúm senem! 20
 SI. Vetus nólo faciat. CA. Át enim nequidquám
 nevis;
 vel tú ne faceres tále in adulescéntia.
 Probúm patrem esse opórtet, qui gnatúm suum
 essé probiorem, quam ípsus fuerit, póstulet.
 Nam tú quod damni et quód fecisti flágitii, 25
 populó viritim pótuít dispartírier.

Idne tú miraris, sí patrissat fílius?

ps. Ω Ζεῦ, quam pauci éstis homines cómmodi.

Ehem, illuc est patrem ésse, ut aequom est, fílio!

30 sl. Quis hic lóquitur? Meus hic ést quidem ser-
vos Pseúdolus.

Hic míhi corrumpit fílium, scelerúm caput;

hic dúx, hic ille est paédagogus: hunc ego

cupio éxcruciari. ca. Iam ístaec insipiéntia est,

sic íram in promptu gérere. Quanto sátius est,

35 adíre blandis vérbis atque exquírere,

sint illa necne sint, quae tibi renúntiant?

Bonus ánimus in malá re dimidium ést mali.

sl. Tibi aúscultabo. ps. Ítur ad te, Pseúdole:

orátionem tibi para advorsúm senem. —

40 Herúm saluto prímum, ut aequom est; póstea,

si quíd superfit, v́cinos impártio.

sl. Salvé. Quid agitur? ps. Státur hic ad hunc
modum.

sl. Statúm vide hominis, Cállipho, quasi básili-
cum.

ca. Bene cónfidenterque ádstitisse intéllego.

45 ps. Decet ínnocentem, quí sit, atque innóxius,
servóm superbum esse, ápod herum potíssimum.

ca. Sunt, quae te volumus pércontari, quae quasi
per nébulam nosmet scimus atque audívimus.

sl. Confíciet iam te hic vérbis: ut tu cénseas

50 non Pseúdolum, sed Sócratem tecúm loqui.

ps. Ita ést. Iampridem tú me spernis, séntio;

parvam ésse apud te míhi fidem, ipse intéllego;
cupis, me ésse nequam: támen ero frugí bonae.

sl. Fac, síis, vacivas, Pseúdole, aedis aúrium,

55 mea út migrāre dícta possint, quó volo.

ps. Age, lóquere quidvis, támetsi tibi suscénseo.

SI. Mihin' dómíno servos tú suscenses? PS. Iám tibi

mirum íd videtur? SI. Hércle qui, ut tu praédicas, cavéndum est mi abs te iráto, atque alio tú modo me vérberare, atque égo te soleo, cógitas.

60

Quid cénsest? CA. Edepol mérito esse iratum árbitror,

quum apud té parum stet [síbi] fides. SI. Iam síc sino:

irátus sit; ego, né quid noceat, cávero.

Sed quíd ais? quid hoc, quod té rogo? PS. Si quid vís, roga.

Quod scíbo, Delphis tibi responsum dícito.

65

SI. Advórte ergo animum et fác sis promissí memor.

Quid ais? ecquam scis fílium tibícinam

meum amáre PS. *Ναὶ γάρ.* SI. líberare quám velit?

PS. *Καὶ τοῦτο ναὶ γάρ.* SI. Écquas vigintí minas per sýcophantiam átque per doctós dolos

70

paritás ut auferás a me? PS. Abs te ego aúferam?

SI. Ita: quás meo gnato dés, qui amicam líberet?

Fatére δῆ. PS. *Καὶ τοῦτο ναί! καὶ τοῦτο ναί!*

CA. Fatétur! SI. Dixin', Cállipho, dudúm tibi?

CA. Meminí. SI. Cur haec, tu úbi rescivisti íllico, celáta me sunt? cúr non rescivi? PS. Éloquar:

75

quia nólebam ex me mórem progigní malum, herílem ut servos críminaret ápud herum.

SI. Iubéres hunc praecípitem in pistrinúm trahi?

CA. Numquíd, Simo, peccátum est? SI. Imo máxume.

80

PS. Desístete: recte ego méam rem sapio, Cállipho. peccáta mea sunt. Animum advorte núnc íam,

quaprópter ted expértem amoris [nati] hábuerim:
pistrínum in mundo scsbam, si id faxém, mihi.

- 85 sL. Non á me scibas pístrinum in mundó tibi,
quom ea mússitabas? ps. Scsbam. sL. Cur non
díctumst mi?

ps. Quia illud malum aderat, istuc aberat lóngius;
illúd erat praesens, huíc erant diéculae.

sL. Quid núnc agetis? Nam hínc quidem a me nón
potest

- 90 argéntum auferri, quí praesertim sénserim.
Ne quísqum credat númum, iam edicam ómnibus.

ps. Nunquam édepol quóiqum súpplícabo, dúm
quidem

tu vives: tu mihi hércle argéntum dabis:

abs te équidem sumam. sL. Tu á me sumes? ps.
Strénue.

- 95 sL. Exclúdito mi hercle óculum, si dederó! ps.
Dabis.

Iam díco, ut a me cáveas. CA. Certe edepól scio:
si abstúleris, mirum et mágnum facinus féceris.

ps. Faciám. sL. Si non abstúleris. ps. Virgis
caédito.

- Sed quíd, si abstulero? sL. Dó Iovem testém tibi,
100 te aetátem impune habitúrum. ps. Facito, ut
mémineris.

sL. Egon' út cavere néqueam, quói praedícitur?

ps. Praedíco, ut caveas. Díco, inquám, ut caveás.
Cave.

Hem, istís mihi tu hodie mánibus argéntum dabis!
CA. Edepól mortalem gráphicum, si servát fidem!

- 105 ps. Servítum tibi me abdúcito, ni féceró.

CA. Bene átque amice dícis. Nam nunc iám meus.

ps. Vin' étiam dicam, quód vos magis mirémini?

CA. Studeo hércle audire: nám ted auscultó lubens.

SI. Agedúm: nam satis lubénter te auscultó loqui.

PS. Priusquam ístam pugnam púgnabo, ego etiám

prius

110

dabo áliam pugnam cláram et commemorábilem.

SI. Quam púgnam? PS. Hem, ab hoc lenóne, vi-

cinó tuo,

per sýcophantiam átque per doctós dolos

tibícinam illam, túus quam gnatus déperit,

eá circumducam lépide lenoném. SI. Quid est? 115

PS. Efféctum hoc hodie réddam utrumque ad vé-

sperum.

SI. Siquidem ístaec opera, ut praédicas, perfé-

ceris:

virtúte regi Ágathocli antecésseris.

Sed sí non faxis: númqúid causae est, íllico

quin te ín pistrinum cóndam? PS. Non unúm

diem,

120

verum hércle in omnis, quántum est. Sed si effé-

cero:

dabín' mi argentum, quód dem lenoni, íllico

tuá voluntate? CA. lús bonum orat Pseúdolus:

dabo, ínque. SI. At enim scin', quíd mihi in men-

tém venit?

Quid si híce inter se cónsenserunt, Cállipho,

125

aut dé compacto fáciunt consutís dolis,

quí argénto circumvórtant? PS. Quis me audá-

cior

sit, si ístuc facinus aúdeam? Imo síc, Simo,

si súmus compacti, síve consilium inívimus

de istác re, aut si de ea re únquam inter nos con-

venímus:

130

quasi ín libro [cum] scribúntur calamo líterae,

stilis me totum usque úlmeis conscríbito.

SI. Índice ludos núnc iam, quandó lubet.

PS. Da in hunc diem operam, Cállipho, quaeso,
mihi:

135 ne quó te ad aliud óccupes negótium.

CA. Quin, rús ut irem, iam heri constitíveram

PS. At núnc disturba, quas statuisti, máchinas.

CA. Nunc nóñ abire cértum est istac grátia:
lubído est ludos tuós spectare, Pseúdole.

140 Et, si hunc videbo nóñ dare argentúm tibi,
quod díxit, potius quam íd non fiat, égo dabo.

SI. Non démutabo. PS. Námque edepol, si nóñ
dabis,

clamóre magno et múltum flagitábere.

Agite, ámovemini hínc vos intro núnc iam,

145 ac méis vicissim dáte locum falláciis.

SI. Fiát. CA. Geratur mós tibi. PS. Sed té volo
domi úsque adesse. SI. Quín tibi hanc operám
dico.

CA. At ego ád forum ibo. Iam híc adero. SI.
Actutúm redi.

PS. Suspício est mihi, núnc vos suspicárier,

150 me idcírco haec tanta fácínora promíttere,
qui vós oblectem, hanc fabulam dum tránsigam,
neque sím facturus, quód facturum díxeram.

Non démutabo. Atque étiam certum, quód sciam,
quo sím facturus pácto, nil etiám scio;

155 nisi quía futurum est. Nám qui in scenam pró-
venit

novo módo, novom aliquid ínventum adferre ád-
deceat.

Si id fácere nequeat: déet locum illi, quí queat.

Concédere aliquantísper hinc mi intró lubet,

dum cóncenturio in córde sycophántias.
Tibícen vos intérea hic delectáverit.

160

ACTUS II. SCENA I.

PSEUDOLUS.

Proh Iúpiter, ut mihi, quíddquid ago, lepide ómnia
prospereque éveniunt!

Neque quód dubitem, neque quód timeam, meo
in péctore conditum est cónsilium!

Nam ea stúltitia est, facinús magnum timidó cor-
di créde: nam omnes res

perínde sunt, ut agás, ut eas magnífacias. Nam
ego in meo pectore

prius ita paravi cópias 5

duplicés, triplices dolos, pérfidias:

ubicúnque cum hostibus cóngrediar,

[malorum meorum fretus virtute dicam,
mea industria et malitia, fraudulentia]

facile út vincam, facile út spoliem 10

meos pérduelles meis pérfidiis.

Núnc inimicum ego hunc communem meum át-
que vestrorum ómnium,

Bállionem, exbállistabo lépide. Date operám
modo.

[Hóc ego oppidum ádmoenire, ut hóc die capia-
túr, volo:

atque ad hoc meas legiones adducam. Si hoc ex-
pugno: 15

facilem ego hanc rem civibus meis faciam.]

Póst ad oppidum hoc vétus continuo méum exercitum prótinam obducam.

Índe me et simul partícipes omnes méos praeda onerabo átque opplebo.

Métum et fugam perduéllibus meis iniíciam : medesse út sciant natum,

20 quó sum genere gnátus. Magna mé facinora decet effícere,

quaé post mihi clara ét diu clueant. Séd hunc, quem videó, quis hic est,

quí oculis meis óbviám ignorábilis obiicitúr? Lubet scíre,

quíd hic [homo] velit cúm machaera, et hínc, quam rem agat, dábo insidias.

ACTUS II. SCENA II.

HARPAX. PSEUDOLUS.

HA. Hí loci sunt, atque haé regiones, quaé mi ab hero sunt démonstratae,

út ego oculis ratiónem capio, quám mi ita dixit hérus meus, miles,

séptimas esse aédie a porta, úbi ille habitat léno, quói

iússit symbolúm me ferre et hóc argentum. Nímis velim,

5 Cértum qui mihi fáciat, Ballio léno ubi habet.

PS. St! táce, táce!

méus hic est homo, ní med omnes dí atque homines déserrunt!

Nóvo consilio núnc mihi opus est: nóva res subito mi haéc obiecta est.

Hóc praevortar princípío; omnia míssa habeo, quae ante ágere occepi.

Iám pol ego hunc stratióticum nuntium ádvenientem próbe percutiam!

HA. Óstium pultábo atque intus évocabo aliquém foras.

10

PS. Quískuís es, compéndium ego te fácere pultandí volo:

nam égo precator ét patronus fóribus processí foras.

HA. Túne es Ballio? PS. Ímo vero ego éius sum Subbállio.

HA. Quíd istuc verbi est? PS. Cónsus promus súm, procuratór peni.

HA. Quási te dicas átriensem. PS. Imo átriensi ego ímpero.

15

HA. Quíd tu? servusne és, an liber? PS. Núnc quidem etiam sérvio.

HA. Íta videre, et nóñ videre dígnus, — qui libérsies.

PS. Nóñ soles respícere te, quum dícas iniuste álteri?

HA. Húnc hominem malum ésse oportet. PS. Dí me servant átque amant:

nam haéc mihi incus ést: procudam ego hódie hinc multós dolos.

20

HA. Quíd illic secum sólus loquitur? PS. Quíd ais tu, adulescéns? HA. Quid est?

PS. Ésne tu, an non és, ab illo mílite Macedónio, sérvos eius, qui hínc a nobis ést mercatus múli-rem?

qui árgenti hero meó lenoni quíndecim dederát
minas,

25 quínque debet? HA. Súm. Sed ubi tu mé no-
visti géntium,
aút vidisti, aut cóllocutus? nam équidem Athenas
ántidhac
núñquam adveni, néque te vidi ante hunc diem
unquam oculís meis.

PS. Quía videre inde ésse: nam olim, quum ábiit,
argento haéc dies
praéstítuta est, quóad referret nóbis; neque dum
rétulit.

30 HA. Ímo adest. PS. Tun' áttulisti? HA. Égomet.
PS. Quid dubitás dare?

HA. Tíbi ego dem? PS. Mihi hércle vero, quí res
rationésque heri
Bállionis cúro, argentum accépto, [expenso] et,
quoi debét, dato.

HA. Sí quidem hercle etiám supremi prómtas the-
saurós Iovis:

tíbi libellam argénti nunquam crédam. PS. Dum
tu strénuas,

35 rés erit solúta. HA. Vínctam pótius sic servávero.
PS. Vaé tibi! tu invéntus vero, méam qui furcil-
lés fidem!

Quási mihi non sexcénta tanta sóli soleant cré-
dier!

HA. Pótest, ut alii ita árbitentur, ét ego ut ne
credám tibi.

PS. Quási tu dicas, mé te velle argénto circum-
dúcere.

40 HA. Ímo vero quási tu dicas, quásique ego autem
id súspicer.

Séd quid est tibi nómen? PS. Servos ést huic le-
noní Syrus;

eum esse me dicám. — Syrus sum. HA. Sýrus?

PS. Id est nomén mihi.

HA. Vérba multa fácimus. Herus si túus domi
est, quin próvocas,

út id agam, quod míssus huc sum, quídquid est
nomén tibi?

PS. Si íntus esset, évocarem; vérum si dare vís
mihi,

45

mágis erit solútum, quam ipsi déderis. HA. At
enim scín', quid est?

Réddere hoc, non pérdere, herus me mísit. Nunc
certé scio,

hóc febrim tibi ésse, quia non lícet huc inicere
úngulas.

Égo, nisi ipsi Bállioni, númum credam némini.

PS. Át illic nunc negótiosust: rés agitur apud
iúdicem.

50

HA. Dí bene vortant! Át ego, quando eum ésse
censebó domi,

rédiéro. Tu epístolam hanc a me áccipe atque
illí dato:

nám istic symbolum ést inter herum meum ét
tuum de múlriere.

PS. Scío equidem: ut, qui argéntum adferret, át-
que expressam imáginem

súam huc ad nos, cúm eo aiebat vélle mitti mú-
lierem:

55

nam híc quoque exemplúm reliquit éius. HA. O-
mnem rém tenes.

PS. Quíd ego ní teneám? HA. Dato ergo símbo-
lum istum illí. PS. Licet.

Séd quid est tibi nómen? HA. Harpax. PS. Ápage te, Harpax! haúd places.

Húc quidem hercle haud sibi intro, né quid harpax féceris.

60 HA. Hóstis vivos rápere soleo ex ácie: ex hoc nomén mihi est.

PS. Pól te multo mágis opior vása aheua ex aé-dibus.

HA. Nón ita est. Sed scín', quid te orem, Síre? PS. Sciam, si díxeris.

HA. Égo devortar éxtra portam huc ín tabernam tértiam, ápuđ ahum illam dóliareu, elúdam, crassam, Chrýsidem.

65 PS. Quid nunc vis? HA. Inde út me arcessas, hé-rus tuus ubi vénerit.

PS. Tuo árbitratu, máxime. HA. Nam ut lássus veni dé via,

mé volo curáre. PS. Sane sápis, et consiliúm placet.

Séd vide, sis, ne in quaéstione sis, quando arces-sám, mihi.

HA. Quín, ubi pranderó, dabo operam sómno. PS. Sane cénseo.

70 HA. Númquid vis? PS. Dormítum ut abeas. HA. Ábeo. PS. Atque audin', Hárpaxe? iúbe, sis, te operirí: beatus éris, si consuda-veris.



ACTUS II. SCENA III.

PSEUDOLUS.

Di immortales, cónservavit me illic homo adven-
tú suo!

súo viaticó reduxit me úsque ex errore in viam!
Nam ípsa mihi Opportúnitas non pótuit oppor-
túnus

ádvenire, quam haécce adlata est mi óportune
epístola:

nam haéc adlata córnú copiae ést, ubi inest, quid-
quíd volo:

5

híc doli, híc falláciae omnes, híc sunt sycophán-
tiae,

híc argentum est, híc amica amánti herili fílio.

Átque ego nunc, me ut glóriosum fáciam, ut copi
péctore,

quó modo quidque agerem, út lenoni súrriperem
muliérculam,

iam ínstituta, ornáta, cuncta in órdine animo, ut
vólueram,

10

cérta, deformáta habebam; séd profecto hoc síc
erit:

céntum doctúm hominúm consilia sóla haec de-
vincít dea

Fórtuna. Átque hoc vérum est: proinde ut quis-
que fortuna útitur,

íta praeccellet, átque exinde sápere eum omnes dí-
cimus.

Béne ubi quod consílium discimus áccidisse, ho-
miném catum

15

eum esse declarámus; stultum autem illum, quoi
vortít male.

Stúlti haud scimus, frústra ut simus, quúm quod
cupientér dari

pétimus nobis, quási, quid in rem sít, possimus
nóscere.

Cérta amittimús, dum incerta pétimus; atque hoc
évenit

20 ín labore atque ín dolore, ut mórs obrepat ínterim.
Séd iam satis est phílosophatum; nímis diu et
longúm loquor.

Di ímmortales, aúríchhalco cóntra non carúm fuit
méum mendacium, híc modo quod súbito com-
mentús fui,

25 quía lenonis me esse dixi! Núnc ego hac epístola
trís deludam, herum ét lenonem et, qui hánc mihi
dedit epístolam.

Eúge, par pari! Áliud autem, quód cupiebam,
cóntigit:

vénit eccum Calidórus; ducit néscio quem secúm
simul.

ACTUS II. SCENA IV.

CALIDORUS. CHARINUS. PSEUDOLUS.

CA. Dúlcia atque amára apud te sum élocutus
ómnia.

Scís amorem, scís laborem, scís egestatém meam.

CH. Cómmemini omnia. Íd tu modo, quid mé vis
facere, fác sciam.

CA. Quum haec tibi alia sum élocutus, út scires,
de sýmbolo.

CH. Ómnia, inquam: tí modo, quid me fácere
vis, fac út sciam. 5

CA. Pseúdolus mihi ita ímperavit, út aliquem ho-
minem strénuum,
bénevolentem, addúcerem ad se. CH. Sérvas ím-
periúm probe:

nám et amicum et bénevolentem dúcis. Sed istic
Pseúdolus

nóvus mihi est. CA. Nímium ést mortalis gráphi-
cus; heuretés mihi est.

Ís mihi haec esse se éffecturum díxit, quae díxí tibi. 10

PS. Mág-nifice hominem cómpellabo. CA. Quóia
vox sonat? PS. Ío, ío,

té, te, te, tyránne, te rogó, qui ímperitas Pseú-
dolo!

quaéro, quói ter trína tripliciá tribus modis tria
gaúdia,

artibus tribus tér demeritas dém laetitias, dé tribus
fraúde partas pér malitiam et pér dolum et fallá-
ciam. 15

Ín libello hoc óbsignato ad te áttuli pauxíllulo.

CA. Íllic homo est. Ut páratragoedat cárnufex!
PS. Confér gradum

cóntra pariter. Pórrige audaciter ád salutem
bráchium.

CA. Díc, utrum Spemne án Salutem té salutem,
Pseúdo-le?

PS. Ímo utrumque. CA. Utrúmque salve. Séd quid
actum est? PS. Quid times? 20

CA. Áttuli hunc. PS. Quid? áttulisti? CA. Ad-
dúxi volui dícere.

PS. Quis istic est? CA. Charinus. PS. Euge, iá
χάρην τούτῳ ποιῶ.

CH. Quin tu, quidquid opúst, audacter ímperas
PS. Iam grátia est.

Béne sit tibi, Charíne! nolo tibi molestos ésse nos

25 CH. Vós molestos míhi? Molestum est íd quidem
PS. Tum tu igitúr mane.

CH. Quid istuc est? PS. Epístolam modo han
intercepi, et sýmbolum.

CH. Sýmbolum? quem sýmbolum? PS. Qui
mílite adlatúst modo.

Éius servo, qui hunc ferebat cúm quinque argent
minis,

túam qui amicam hinc árcessebat, éi os subler
modo.

30 CA. Quómodo? PS. Horum caúsa haec agitu
spéctatorum fábula:

hí sciunt, qui hic ádfuerunt; vóbis post narrávero

CA. Quid nunc agimus? PS. Líberam hodie túam
amicam amplexábere.

CA. Égone? PS. Tute. CA. Ego? PS. Ípsus, in
quam, sí quidem hoc vivét caput;

sí modo mihi hominem ínvenietis própere ...

CH. Qua facié? PS. malum,
35 cállidum, doctúm, qui, quando princípium pr
hénderit,

pórro sua virtúte teneat, quíd se facere opórteat
átque eum, qui hic non vísitatus saépe sit. CA.

Si sérvos est,
númquid refert? PS. Ímo multo mávolo, quam
líberum.

CH. Pósse opinor mé dare hominem tibi malum
et doctúm, modo

qui á patre advenit Carysto, nec dum exiit ex
aédibus 40

quóquam, neque Athenás advenit únquam ante
hesternúm diem.

ps. Béne invas. — Sed quínque inventis ópus est
argentí minis
mútuis, quas hódie reddam: nam húius mihi de-
bét pater.

CH. Égo dabo: ne quaére aliunde. ps. O hómi-
nem opportunúm mihi!

Étiam opust chlamyde ét machaera et pétaso.
CH. Possum a mé dare. 45

ps. Di immortales, nón Charinus mi híc quidem
est, sed Cópia!

Séd istic servos, ex Carysto húc qui advenit, quíd
sapit?

CH. Hírcum ab alis. ps. Mánuleatam tunicam
habere hominém decet.

Écquid habet is hómo aceti in péctore? CH. At-
que acidíssumi.

ps. Quíd, si opus sit, ut dólce promat índidem?
ecquid habét? CH. Rogas? 50

múrrhinam, passúm, defrutum, mélinam, mel
quoíusmodi.

Quín in corde instrúere quondam coépit thermo-
pólum.

ps. Eúgepae! lepidé, Charine, mé meo ludo iám
beas.

Séd quid nomen ésse dicam ego ísti servo? CH.
Símmiae.

ps Scítne in re advorsá vorsari? CH. Túrbo non
aequé citust. 55

ps. Écquid argutúst? CH. Malorum fácinorum
saepíssume.

ps. Quid, quum manifestó tenetur? CH. Ánguil-
la est: elábitur.

ps. Écquid is homo scítust? CH. Plebiscítum non
est scítius.

ps. Próbus homo est, ut praedicare te aúdio. CH.
Imo sí scias.

60 Úbi te adspexerít: narrabit últro, quid sese
velis.

Séd quid illo es actúrus? ps. Dicam. Úbi ho-
minem exornávero,

súbditiciúm fieri ego illum mílitis servóm volo;
sýmbolum hunc ferát lenoni cúm quinque argentí-
minis;

múlierem ab lenóne abducatur. Hém tibi omnem
fábulam!

65 Céterum, quo quídque pacto fáciat, ipsi díxero.

CA. Quid nunc igitur stámus? ps. Hominem
cum órnaméntis ómnibus

éxornatum addúcite ad me iam ad trapezitam
Aéschinum.

Séd properate. CH. Príus illi erimus, quám tu.

ps. Abite ergo ócius. —

Quídquid incertí mi in animo príus aut ambi-
guúm fuit,

70 núnc liquet, nunc défaecatú est; cór mihi nunc
pérvium est.

Ómnes ordinés sub signis dúcam, legionés meas,
ávi sinistra, auspício liquido átque ex senténtia.
Cónfidentia ést, inimicos méos me posse pérdere.
Núnc ibo ad forum átque onerabo meis praece-
ptis Símmiam,

quid agat: ne quid titubet, docte ut hanc serat
fallaciam.

75

Iam ego hoc ipsum oppidum expugnatum faxo
erit lenonium.

ACTUS III. SCENA I.

P U E R.

Quoi servitutum di danunt lenoniam
puero, atque eidem si addunt turpitudinem,
nae illi, quantum ego nunc corde conspicio meo,
malam rem magnam multasque aerumnas danunt.
Velut haec mi evenit servitus, ubi ego omnibus 5
parvis magnisque miseriis praefulcior;
neque ego amatorem mi invenire ullum queo,
qui amet me, ut curer tandem nitidiuscule.
Nunc huic lenoni est hodie natalis dies:
interminatus est a minimo ad maximum, 10
si quis non hodie munus misisset sibi,
eum cras cruciatu maximo perbitere.
Nunc nescio hercle, rebus quid faciam meis;
neque ego illud possum, quod illi, qui possunt,
solent.
Nunc nisi lenoni munus hodie misero: 15
cras mihi potandus fructus est fullonius.
Eheu, quam illaerei ego etiam nunc sum parvulus!
Atque edepol, ut nunc male eum metuó miser!
Si quispiam det, qui manus graviór siet,
quamquam illud aiunt magno gemitu fieri, 20
comprimere dentes videor posse aliquó modo.

Sed cómprimenda est míhi vox atque orátio:
herus, éccum, recipit sé domum et ducít cocum.

ACTUS III. SCENA II.

BALLIO. COCUS. PUER.

- BA. Forúm coquinum quí vocant, stulté vocant:
nam nón coquinum est, vérum furinúm est forum.
Nam si égo iuratus péiorem hominem quaérerem
cocúm, non potui, quam húnct, quem duco, dúcere,
5 multíloquom, gloriósum, insulsum, inútilem.
Quin ób eam rem Orcus récipere ad se hunc nóluit,
ut esset hic, qui mórtuis coenám coquat:
nam hic sólus illis cóquere, quod placeát, potest.
CO. Si me árbitrabare ísto pacto, ut praédicas:
10 cur cónducebas? BA. Ínopia: alius nón erat.
Sed cúr sedebas ín foro, si erás cocus
tu sólus praeter álios? CO. Ego dicám tibi.
Hominum égo avaritia fáctus sum improbiór co-
cus,
non meópte ingenio. BA. Qua ístuc ratione? CO.
Éloquar.
- 15 Quia ením, quom extemplo véniunt conductúm
cocum,
nemo illum quaerit, qui óptumus et caríssumust:
illúm conducunt pótius, qui vilíssumust.
Hoc égo fui hodie sólus obsessór fori.
Illi dráchmis issent míseri; me nemó potest
20 minóris quisquam númo ut surgam súbigere.
Non égo ítem coenam cóndio, ut alií coci,
qui míhi condita práta in patínis próferunt,

boves quí convivas fáciunt, herbasque óggerunt,
 eas hérbas herbis áliis porro cóndiunt:
 indúnt coriandrum, féniculum, allium, átrum olus, 25
 adpónunt rumicem, brássicam, betám, blitum,
 eo láserpitii líbram pondo dfluunt;
 teritúr sinapis sceleráta cum illis, quí terunt;
 priusquám triverunt, óculi ut exstillént, facit.
 Ei hómines coenas síbi coquint! Quom cóndiunt, 30
 non cóndimentis cóndiunt, sed strígibus,
 vivís convivis íntestina quae éxedint.
 Hoc híc quidem homines tám brevem vitám colunt,
 quom hasce-hérbas huiusmodi ín suom alvom
 cóngerunt,
 formídelosas díctu, non esú modo, 35
 quas hérbas pecudes nón edunt, homínés edunt.
 BA. Quid tú? divinis cóndimentis útere,
 qui prórogare vítam possis hóminibus,
 qui ea cúlpes condiménta? CO. Audacter dícito:
 nam vél ducenos ánnos poterunt vívere, 40
 meas qui ésitabunt éscas, quas condívero.
 Nam ego cícilendrum quándo in patinas índidi
 aut sípolindrum aut mácidem aut sancáptidem:
 eae ipsaé se patinae férvefaciunt illico.
 Haec ád Neptuni pécudes condiménta sunt: 45
 terréstres pecudes cícimandro cóndio aut
 hapalópside aut cataráctria. BA. At te Iúpiter
 díque ómnes perdant cúm condimentís tuis
 cumqué tuis istis ómnibus mendáciis!
 CO. Síne, sí, loqui me. BA. Lóquere atque i in
 malám crucem! 50
 CO. Ubi ómnes patinae férvent, omnes áperio;
 ibi odós demissis pédibus in coelúm volat.
 BA. Odór demissis pédibus? CO. Peccavi ínsciens.

BA. Quid est? CO. Quia demissis manibus volui dicere.

55 Eum odorem coenat Iupiter quotidie.

BA. Si nusquam is coctum, quidnam coenat Iupiter?

CO. It incoenatus cubitum. B. I in malam crucem. Istaccine tibi causa hodie numum dabo?

CO. Fateor equidem esse me cocum carissimum;
60 verum pro pretio facio ut opera appareat mea, quo conductus veni. BA. Ad furandum quidem.

BA. An tu invenire postulas quemquam cocum, nisi miluinis aut aquilinis ungulis?

BA. An tu coquinatum te ire quoquam postulas,
65 quin tibi constrictis ungulis coenam coquas?

Nunc adeo tu, qui meus es, iam edico tibi, ut nostra properes amoliri omnia; tum ut huius oculos in oculis habeas tuis.

Quoquo hic spectabit, eo tu spectato simul;
70 si quo hic gradietur, pariter progredimur: manum si protollet, pariter profert manum.

Suum si quid sumet, id tu sinito sumere; si nostrum sumet, tu teneto altrinsecus; si iste ibit, ito; stabit, adstato simul;

75 si conquiniscet, istic cevet simul.

Item his discipulis prius custodes dabo.

CO. Habe modo bonum animum. BA. Quaeso, qui possim, doce, bonum animum habere, qui te ad me adducam domum?

CO. Quia sorbitione faciam ego te hodie mea,
80 item ut Medea Peliam concoxit senem, quem medicamento et suis venenis dicitur

fecísse rursus éx sene adulescéntulum:

item égo te faciam. BA. Eho, án tu etiam vené-
ficus?

CO. Imo édepol vero hóminum servatór magis.

BA. Hem, máne! quanti istuc [unum] mé co-
quinare pérdoces. . . 85

CO. Quid? BA. út te servem, né quid subripiás
mihi?

CO. Si crédis, numo; sí non, ne miná quidem.

Sed útrum amicis hódie, an inimicís tuis
datúrus coenam? BA. Pól ego amicis scílicet.

CO. Quin tu íllos inimicos pótius, quam amicós,
vocas? 90

Nam ego íta convivis coénam conditám dabo
hodie átque ita suavi suávitáte cóndiam,
ut quísque quidque cónditum gustáverit,
ipsós sibi faciam ut dígitos praerodát suos.

BA. Quaeso hércle, priusquam quídquam convivís
dabis, 95

gustáto tute príns, et discipulís dato,
ut praerodatis vóstras furtificás manus.

CO. Fortásse haec tu nunc míhi non credas, quae
loquor.

BA. Moléstus ne sis. Nímium tinnis: nón places.
Hem, íllic ego habito: intro húc abi, et coenám
coque 100

properé. PU. Quin is adcúbítum? et convivás cedo:
corrúmpitur iam coéna. BA. Hem, subolem, síis,
vide!

iam hic quóque scelestus ést coqui sublíngio.

Profécto, quid nunc prímum caveam, néscio:

ita in aédibus sunt fúres, praedo in próxumo est. 105

Nam a me híc vicínus ápud forum pauló prius,

patér Calidori, ópere petiit máxumo,
 ut mñhi caverem a Pseúdolo servó suo,
 neu fídem ei haberem: nam eúm circumire in
 hunc diem,
 110 ut mé, si posset, mñliere intervórteret.
 Eum prómisisse firmiter dixít sibi,
 sese ábducturum a mé dolis Phoenícium.
 Nunc íbo intro atque edícam familiáribus,
 profécto ne quis quídquam credat Pseúdolo.

ACTUS IV. SCENA I.

PSEUDOLUS. SIMMIA.

P s. Si únquam quemquam di ímmortales vóluere
 esse auxílio adiutum:
 túm me et Calidorúm servatum vólunt esse, et le-
 nónem extinctum,
 quúm te adiutorém genuere mñhi, tam doctum ho-
 minem átque astutum.
 Sed ubi illic est? Sumne ego homo ínsipiens, qui
 haec mécum egomet loquor sólus?
 5 Dedit vérba mihi hercle, út opinor, malus quúm
 malos stulte cávi.
 Tum pól ego interii, homo si ille abiit, neque hoc
 ópus, quod volui, ego hódie efficiam.
 Séd eccum videó, verbeream státuam. Ut magni-
 fice ínfert sese!
 Hém, te hercle ego circúmspectabam: nímis me
 tuebam mále, ne abisses.
 s i. Fúit meum officium, ut fácerem, fateor. P s. Úbi
 restiteras? s i. Úbi mihi libitum est.

ps. Istuc ego iam sátiſ scio. si. Cur érgo, quod
scis, mé rogas? 10

ps. At hóc volo, monére te. si. Monéndus ne me
móneat.

ps. Nimis tándem ego abs te cótemnor. si. Quip-
pe égo te ni contémnam,
stratióticus homo quí cluar?

ps. Iam hoc vólo, quod occeptúm est, agi.

si. Numquíd agere aliud mé vides? 15

ps. Ámbula ergó cito. si. Imo ótiosé volo.

ps. Haéc ea occásio est: dum ille dormít, volo
tú prior óccupes [adire].

si. Quid próperas? Placide! Né time! Ita ille fa-
xit Iúpiter,

ut ille palam ibidem ádsiet, quisquís ille est, qui
adest a mílite! 20

Núnquam edepol erit ille potior Hárpax [quam
ego.] Habe animúm bonum:

púlcre ego hanc éxplicatám tibi rém dabo.

Síc ego illúm dolis átque mendáciis

ín timorém dabo, mílitarem ádvenam,

ípse sese út neget ésse eum, quí siet, 25

méque utesse autumet, qui ípsus est. ps. Quí potest?

si. Occídis me, quom istúc rogas!

ps. O hómínem lepidum té quoque
etiám dolis ac mendáciis!

Iúpiter té mihi sérvet! si. Imó mihi! 30

Sed víde: ornatus híc satis me condécet? ps.

Optume habet. si. Ésto.

ps. Tantúm tibi boni di immórtales duint, quán-
tum tu tibi óptes!

Nam si éxoptem quantúm dignus, minus níhilo
est. Neque ego hoc hómíne

quemquám vidi mage málum et maleficúm. **SL**

Tun' id mihi? **PS.** Táceo.

35 **Sed** égo quae tibi [dona] dabo ét faciam, si hanc
rém sobrie adcurrássis!

SL Potin', út taceas? Memorem immemorem fa-
cit, quí monet, quod memor méminit.

Teneo ómnia; in pectore cóndita sunt; meditáti
sunt doli dócte.

PS. Probus híc homo est. **SL** Neque hic est, né-
que ego. **PS.** At vide ne tíubes.
SL Potin' ut táceas?

PS. Ita mé di ament.... **SL** Ita nón facient. Mera
iám mendacia fúndes.

40 **PS.** ut ego ób tuam, Simmia, pérfidiam te amo ét
metuo et magnífico.

SL. Ego istúc aliis dare cóndidici; mi obtrúdere
non potes pálpum.

PS. Út ego te hodie accípiam lepide,
úbí effeceris hóc opus **SL.** Ha ha he!

PS. lépido victu, víno, unguentis
45 ét inter pocula púlpamentis!

Íbidem una aderit múlter lepida,
tíbi savia super sávia quae det.

SL. Lépide accipis me. **PS.** Ímo si efficis, tím
faxo magis dícas.

SL. Nísi effecero, crúciabiliter cárnufex me ac-
cípito!

50 **Séd** propera mihi mónstrare, ubi ostiúm lenonis
aédium.

PS. Tértium hoc est. **SL.** St', tace! aedes híscunt.

PS. Credo animó male est

aédibus. **SL.** Quid iám? **PS.** Quia edepol ípsum
lenonem évomunt.

SI. Illicine est? PS. Illic est. SI. Mala mérx
est. PS. Illuc, sís, vide:
nón prorsus, verum éx transvorso, cédit, quasi
cancér solet.

ACTUS IV. SCENA II.

BALLIO. PSEUDOLUS. SIMMIA.

BA. Mínus malum hunc hominem ésse opinor,
quam ésse censebám, cocum:
nám nihil etiamdum hárpagavit, praéter cyathum
et cántharum.

PS. Heús tu, nunc occásio est et témpus! SI. Te-
cum séntio.

PS. Íngredere in viám dolose; ego híc in insidiís
ero.

SI. Hábui numerum sédulo: hoc est séxtum a
porta próximum
ángiportum: in id ángiportum mé devorti iússerat.
Quótumas aedes díxerit, id ego ádmodum incertó
scio.

BA. Quís hic homo chlamydátus est, aut únde est,
aut quem quaéritat?

Péregрина faciés videtur hóminis, atque ignóbilis.

SI. Séd 'eccum, qui ex incérto faciet míhi, quod
quaero, cértius.

BA. Ád me adit recta: únde ego hominem hunc
éssé dicam géntium?

SI. Heús tu, qui cum hircína barba stás, responde,
quód rogo.

5

10

BA. Ého, an non prius salútas? SI. Nulla est mihi salus datária.

BA. Nám pol hinc tantúndem accipies. PS. Iam inde a principiό probus.

15 SI. Écquem in angipórto hoc hominem tú novisti, té rogo

BA. Égomet me. SI. Pauci ístuc faciunt hómines, quod tu praédicas:

nam ín foro vix décimus quisque est, qui ípsus sese nóverit.

PS. Sálvos sum: iam phílosophatur. SI. Hóminem ego hic quaeró malum,

légirupam, impiúm, periurum, atque improbum.

BA. Me quaéritat:

20 nám illa mea sunt cógnomenta. Nómen sí memorét modo. —

Quíd est ei homini nómen? SI. Leno Bállio.

BA. Scivín' ego?

Ípse sum, aduléscens, quem tu quaéris. SI. Tune es Bállio?

BA. Égo enimvero is sum. SI. Út vestitus, és perfossor párietum.

BA. Crédo, in tenebris cónspicatus sí sis me, abstineás manum.

25 SI. Hérus meus tibi mé salutem múltam voluit dícere.

Hánc epistolam áccipe a med: hánc me tibi iussít dare.

BA. Quís is homo est, qui iússit? PS. Perii, núnc homo in medió luto est!

nómen nescit: haéret haec res. BA. Quem hánc misisse ad me aútumas?

S. Nósce imaginém; tute eius nómen memorató mihi,

út sciam, te Bállionem esse ípsum. BA. Cedo mi 30
epístolam.

SI. Áccipe, hem, cognósce signum. BA. Oho,
Pólymachaeroplácides

púrus putus est ípsus! novi; heus! SI. Pólyma-
chaeroplácides

nómen est. Scio iám, tibi me récte dedisse epí-
stolam.

póstquam Polymachaéroplacidae élocutus nó-
men es.

BA. Séd quid agit? SI. Quod homo édepol fortis,
átque bellatór probus. 35

Séd propera hanc perlégere, quaeso, epístolam,
(ita negótium est)

átque accipere argéntum actutum, múlieremque
emíttre:

nám necesse hodié Sicyoni me ésse, aut cras mor-
tem éxsequi:

íta herus meus est ímperiosus. BA. Nóvi; notis
praédicas.

SI. Própera pellegere érgo epistolam. BA. Íd
ago, si taceás modo. 40

„Milés lenoni Bállioni epístolam
conscríptam mittit Pólymachaeroplácides,
imáGINE obsignátam, quae inter nós duo
convénit olim.“ SI. Símbolum est in epístola.

BA. Video ét cognosco sígnum. Sed in epístola 45
nullám salutem mitteren' scriptám solet?

SI. Ita mílitaris dísciplina est, Bállio:
manú salutem míttunt benevoléntibus;
eádém malam rem míttunt malevoléntibus.

Sed ut ócepesti, pérge operam experírier, 50
quid epístola ista nárret. BA. Auscultá modo.

„Harpáx calator méus est, ad te qui venit“
 Tunc és is Harpax? SI. Égo sum, atque ipse
 harpáx quidem.

BA. „qui epístolam istam fért; ab eo argentum
 áccipi

55 et cúm eo simitu múliorem mittí volo.

Salútem scriptam dígnum est dignis míttere;
 te si árbitrarem dígnum, misissém tibi.“

SI. Quid núnct? BA. Argentum dés, abducas múliorem.

SI. Utér remoratur? BA. Quín sequere ergo intró.
 SI. Sequor.

ACTUS IV. SCENA III.

PSEUDOLUS.

Peiórem ego hominem mágisque vorsuté malum
 nunquam édepol quemquam vídi, quam hic est
 Símnia;

nimisqúe égo illum hominem métuo et formidó
 male,

ne málus item erga mé sit, ut erga illúm fuit:

5 ne in ré secunda núnc mi obvortat córnua,
 si occásionem cápsit, qui siét malus.

Atque édepol equidem nólo: nam illi béne volo.

Nunc ín metu sum máxumo, triplicí modo.

Primum ómnium iam hunc cómparem metuó meum,
 10 ne déserat nunc me, átque ad hostis tránseat.

Metuo ántem, ne herus rédeat etiamdum á foro:
 ne cápta praeda cápti praedonés fuant.

Quom haec métuo, metuo, ne ille huc Harpax
 ádvenat,

priusquam hinc hic Harpax abierit cum muliere.

Perii hercle, nimium tarde egrediuntur foras! 15

Cor colligatis vasis expectat meum,
si non educat mulierem secum simul,
ut exulatum ex pectore aufugiat meo.

Victor sum: vici cautos custodes meos!

ACTUS IV. SCENA IV.

SIMMIA. PHOENICIUM. PSEUDOLUS.

SI. Ne plora: nescis, ut res sit, Phoenicium;
verum haud multo post faxo scibis accubans.

Non ego te ad illum duco dentatum virum
Macedoniensem, qui te nunc flentem facit.

Quoiam esse te vis maxime, ad eum duco te; 5

Calidorum haud multo post faxo amplexabere.

PS. Quid tu intus, quaeso, desedisti? Quam diu
mihi cor retunsum est oppugnando pectore!

SI. Occasionem reperisti, verbero,
ubi perconteris me, insidiis hostilibus? 10

Quin hinc metimur gradibus militariis?

PS. Atque edepol, quamquam nequam homo es,
recte mones.

Ite hac, triumphi, ad cantharum recta via!

ACTUS IV. SCENA V.

BALLIO.

- Ha ha hé! nunc demum mi ánimus in tuto ést
 loco,
 postquam íste hinc abiit, átque abduxit múlierem.
 Libet núnc, venire Pseúdolum, scelerúm caput,
 abdúcere a me múlierem falláciis.
- 5 Concéptis hercle vérbis, satis certó scio,
 ego périurare mávellem me mílles,
 quam mi illum verba pér deridiculúm dare.
 Nunc dérیدهo hercle hóminem, si convénero;
 verum ín pistrinum crédo, ut convenít, fore.
- 10 Nunc égo Simonem mi óbviám veniát velím,
 ut méa laetitia laétus promiscám siet.

ACTUS IV. SCENA VI.

SIMO. BALLIO.

- SI. Visó, quid rerum méus Ulixes égerit,
 iamne hábeat signum ex árce Balliónia.
- BA. O fórtunate, cédo fortunatám manum,
 Simo! SI. Quid est? BA. Iam SI. Quid iam?
 BA. níhilest, quod metuás. SI. Quid est?
- 5 venítne homo ad te? BA. Nón. SI. Quid est igitúr boni?
- BA. Minaé viginti sánae ac salvae súnt tibi,
 hodié quas abs te est ínstipulatus Pseúdolus.
- SI. Velím quidem hercle! BA. Róga me vigintí
 minas,

si ille hódie illa sít potitus múlriere,
sive éam tuo gnato hódie, ut promísit, dabit. 10
Rogáto hercle, obsecro: géstio promíttre:
omnibus modis tibi ésse rem ut salvám scias;
atque étiam habeto múlierem donó tibi.

SI. Nullúm periculum est, quód sciam, stipuláriter,
ut cóncipisti vérba. Vigintí minas 15
dabín'? BA. Dabuntur. SI. Hóc quidem actum
est haúd male.

Sed hóminem convenístin? BA. Imo ambós simul.
SI. Quid áit? quid narrat, quaéso? quid dicít tibi?
BA. Nugás theatri, vérba, quae in comoédiis
solént lenoni díci, quae puerí sciunt: 20
malum ét scelestum et périurum aibat ésse me.

SI. Pol haúd mentitust. BA. Érgo haúd iratús fui:
nam quánti refert, té nec recte dícere,
qui níhili faciat, quíque inficias nóñ eat?
SI. Quid est, quód non metuas áb eo? id audire
éxpeto. 25

BA. Quia núnquam abducet múlierem iam, nec
potest,
ab mó. Meminístin' tíbi me dudum dícere,
eám venisse múliti Macedónio?

SI. Memini. BA. Hem, illius servos húc ad me
argentum áttulit
et óbsignatum sýmbolum SI. Quid póstea? 30

BA. qui intéñ me atque illum mílitem convénérat.
Is sécum abduxit múlierem hand multó prius.

SI. Bonán' fide istuc dícis? BA. Unde ea sít mihi?

SI. Vide módo, ne illic sit cóntechnatus quídpíam.

BA. Epístola atque imágo me certúm facit. 35
Quín iám quidem illam in Sícyonem [ex urbe]
abduxít modo.

31 Bene hércle factum! Quid ego cesso Pseudolum
 facere, ut det nomen ad molarum coloniã?
 Sed quis hic homo est chlamydatus? BA. Non
 edepol scio,
 40 nisi ut observemus, quò eat, aut quam rem gerat.

ACTUS IV. SCENA VII.

HARPAX. SIMO. BALLIO.

HA. Málus et nequam est hómo, qui nihili impé-
 rium heri sui facit servos;
 nihili est autem, suum qui officium fácere imme-
 mor est, nisi admonitus.
 Nam qui liberós illicó se arbitrántur,
 ex conspectu herí si sui se abdidérunt,
 5 luxúriant, lustrántur, edúnt, quod habént,
 ii nómen diú servitútis ferúnt.
 Néc boni ingénii quidquam his inest, nisi uti
 improbis se ártibus téneant. Cum his mihi
 nec lócus nec sermo cónvenit, neque his únquam
 nobilis fúvi.
 10 Ego, ut mihi imperátum, etsi abést, hic adesse
 herum
 árbitor. Nunc ego illum métuo, quom hic nón
 adest;
 né, quum adsít, metuam, ei rei operám dabo.
 Nám me in tabérna usque adhúc síverát Syrus,
 quof dedi symbolum. Mán si, uti iússerat.
 15 Lén o ubi essét domi, me asbat arcéssere.

Vérum ubi is nón venit, néc vocat: vénio huc
ultro,

út sciam, quid réi sit: ne illic homó me ludificetur;
neque quídquam est melius, quám ut hoc pultem,
atque áliquem huc evocem íntus.

Léno argentum hóc volo

á me accipiat átque amittat múlierem mecúm simul. 20

BA. Heús tu! SI. Quid vis? BA. Híc homo meus
est. SI. Quídum? BA. Quia praeda
haéc mea est:

scórtum quaerit; hábet argentum. Iam ádmor-
dere hunc míhi lubet.

SI. Iamne íllum comésurus és? BA. Dum recéns
est.

Dúm datur, dúm calet, dévorarí decet.

Nám boni mé viri

25

paúperant;

ímprobi alúnt,

augént rem meám [maki].

Poplí strenuú

dámno mihi, ímprobi úsui súnť. SI. Malum

30

quód tibi dí dabunt, quí sic sceléstus.

HA. Me núnc commorór,

quum hás hic forés

nón ferio, utí sciam, sítne Ballió domi.

BA. Venus mihi haéc bona dat, quom hos lúcri-
fugas,

35

damní cupidos adigít, qui se suamque aétatem
bene cúrant;

edúnt, bibunt, scortántur. Illi sunt álio ingenio,
átque tu,

quí neque tibi bene ésse patere, et illis, quibus est,
ínvides.

- HA. Heús, ubi estis vós? BA. Hic quidem ad me
récta habet rectám viam.
- 40 HA. Heús, ubi estis vós? BA. Adulescens, quíd
istic debetúr tibi? —
Béne ego ab hoc praedátus íbo. Nóvi: bona
scaeva ést mihi.
- HA. Écquis hoc aperít? BA. Heús, chlamydate,
quíd istic debetúr tibi?
- HA. Aédium dominúm lenonem Bállionem quaé-
rito.
- BA. Quísquis es, aduléscens, operam fác compen-
di quaérere.
- 45 HA. Quíd iam? BA. Quia te is ípsus coram praé-
sens praesentém videt.
- HA. Tún' is es? SI. Chlamydáte, cave, sis, tibi
á curio infortúnio,
átque in hunc inténde digitum: hic léno est. BA.
At hic est vír probus.
- Séd tu, bone vir, flágitare saepe clamore in foro,
quúm libella núsquam est, nisi quíd léno hic sub-
venít tibi.
- 50 HA. Quín tu mecum fábulare? BA. Fábulor. Quid
vís tibi?
- HA. Árgentum accipiás. BA. Iamdudum, sí des,
porrexí manum.
- HA. Áccipe. Hic sunt quínque argenti léctae nu-
merataé minae.
- Hóc tibi herus me iússit ferre Pólymachacroplá-
cides,
quód deberet, átque ut mecum mítteres Phoení-
cium.
- 55 BA. Hérus tuus? HA. Ita díco. BA. miles? HA.
Íta loquor. BA. Macedónius?

HA. Ádmodum, inquam. BA. te ád me misit,
Pólymachaeroplácides?

HA. Véra memoras. BA. hóc argentum ut mñhi
dares? HA. Si tú quidem es
léno Ballio. BA. átteque ut a me mñliorem tu ab-
dúceres?

HA. Íta. BA. Phoenícium ésse dixit? HA. Récte
meministí. BA. Mane:

Iám redeo ad te. HA. At máture própera: nam
properó. Vides, 60

iám die multum ésse. BA. Video. Hunc ádvocare
etiám volo.

Máne modo istic: iám revortar ád te. — Quid
nunc fít, Simo?

quíd agimus? manufésto hunc hominem téneo,
qui argentum áttulit.

SL. Quíd iam? BA. An nescis, quae sit haec res?
SL. Iúxta cum ignaríssumis.

BA. Édepol hominem vérberonem Pseúdolum! ut
docté dolum 65

cómmenst! Tantúndem argenti, quántum miles
debuit,

dédit huic atque hominem éxornavit, mñliorem
qui arcésseret.

Pseúdolus tuus álegavit hunc, quasi a Macedónio
mílite esset. SL. Hábesne argentum ab hómine?

BA. Rogitas, quód vides?

SL. Heús, memento ergó dimidium istínc mihi de
praedá dare. 70

Cómmune istuc ésse oportet. BA. Quíd, malum?
Id totúm tuum est.

HA. Quám mox mi operam dás? BA. Tibi do equi-
dem. — Quíd nunc mi es auctór, Simo?

81. Exploratore hunc faciamus ludos supposititium

adeo, donecum ipse sese ludos fieri senserit.

75 BA. Séquere. — Quid ais? Némpe tu illius servos es? HA. Planissime.

BA. Quánti te emit? HA. Suarum in pugna virium victória:

nám ego eram domi ímperator summus in patria mea.

BA. An etiam ille unquam expugnavit cárcerem, patriam tuam?

HA. Contumeliám si dices, audies. BA. Quotumó die

80 ex Sicyone huc pervenisti? HA. Áltero ad meridiem.

BA. Strénue me hércle isti. — Quámvis pernix híc homo est!

Úbi suram adspiciás, scias, posse eum gérere crassas cómpedes. —

Quíd ais? tune etiám cubitare solitus in cunís puer?

81. Scilicet. BA. Etiámne facere solitus es? scin', quíd loquar?

85 81. Scilicet solitum ésse. HA. Sanine éstis? BA. Quid hoc, quod té rogo?

Nóctu in vigiliám quando ibat miles, tum tu ibás simul?

Cónveniebatne in vaginam túam machaera militis?

HA. Í in malam crucem! BA. Íre licebit tíbi tamen hodie témperi.

HA. Quín tu mulierém mi emittis? aut redde argentúm. BA. Mane.

90 H. Quíd, maneam? B. Chlamydem hanc commemoras, quánti conducta ést. HA. Quid ést!

BA. Quid meret machaéra? HA. Helleborum
hisce hóminibus opus ést. BA. Eho....

HA. Mitte. BA. Quid mercédis petasus hódie
domino démeret?

HA. Quid, domino? quid sómniatis? Méa quidem
haec habeo ómnia,
méo peculio émta. BA. Nempe, quod fémina
summa sústinent.

H. Úncti hisunt senés: fricari sése ex antiquó volunt. 95

BA. Résponde, obsecro hércle, hoc vero série,
quod té rogo:

quid meres? quantíllo argento té conduxit Pseú-
dolás?

HA. Quí istic Pseudolúst? BA. Praeceptor túus,
qui te hanc falláciam

dócuit, ut falláciis hinc múlierem a me abdúceres.

HA. Quém tu Pseudolúm, quas tu mihi praédicas
fallácias, 100

quem égo hominem nullíus coloris nóvi? BA. Non
tu istínc abis?

Níhil est hodie hic sýcophantis quaéstus. Proin
tu Pseúdolo

núnties, abdúxisse alium praédam, qui occurrit
prior

Hárpax. HA. Is quidem édepol Harpax égo sum.

BA. Imo edepol ésse vis. —

Púrus putus hic sýcophanta est. HA. Égo tibi
argentúm dedi, 105

ét dudum adveniéns ex templo sýmbolum servó tuo,
héri imagine óbsignatam epístolam, hic ante
óstium.

BA. Méo tu epistolám dedisti sérvó? quói servó?

HA. Syro.

BA. Nón confidit: sýcophanta hic néquam est:
meditatúr male:

110 nam illam epistolam ípsus verus Hárpax huc ad
me áttulit.

HA. Hárpax ego vocór; ego servos súm Macedo-
nis mílitis;

égo nec sýcophántiose quídquam ago, nec málefice,
néque istum Pseudolúm, mortalis quí sit, novi
néque scio.

SL. Tú, nisi mirum est, léno, plane pérdidisti mú-
lierem.

115 BA. Édepol nae istuc mágis magisque métuo,
quum verba aúdio.

SL. Míhi quoque edepol iámdudum ille Sýrus cor
perfrigéfacit,

sýmbolum qui ab hóc accepit. Míra sant, ni
Pseúdolust.

Ého tu, qua facié fuit dudum, quóí dedisti sým-
bolum?

HA. Rúfus quidam, véntriosus, crássis suris, sub-
niger,

120 mágno capite, acútis oculis, óre rubicundo, ad-
modum

mágnis pedibus. BA. Pérdidisti, póstquam di-
xistí pedes!

Pseúdolus fuit ípsus. Actum est dé me! Iam
moriór, Simo!

HA. Hércle haud te sinam émoriri, nísi mi argen-
tum rédditur,

víginti minae. SL. Átque etiam mihi áliae vigintí
minae.

125 BA. Aúferetur praémium id a me, quód promisi
pér iocum?

SI. De improbis viris auferri praemium et praedam decet.

BA. Saltem Pseudolum mihi dedas. SI. Pseudolum ego dedam tibi?

Quid deliquit? Dixin', ab eo tibi ut caveres, centies?

BA. Perdidit me: SI. At me viginti modicis multavit minis.

BA. Quid nunc faciam? HA. Si mi argentum dederis, te suspendito. 130

BA. Di te perdant! Sequere, sis, me ergo ad forum, ut solvam. HA. Sequor.

SI. Quid ego? BA. Peregrinos absolvam; cras agam cum civibus.

Pseudolus mihi centuriata habuit capitis comitia, qui illum ad me hodie adlegavit, mulierem qui abduceret. — 135

Sequere tu. Nunc ne expectetis, dum hac domum redeam via.

Ita res gesta est, angiporta haec certum est consecrari.

HA. Si graderere tantum, quantum loquere, iam esses ad forum.

BA. Certum 'st mi hunc mortualem facere ex natali die.

ACTUS IV. SCENA VIII.

SIMO.

Bene ego illum tetigi, bene autem servos inimicum suum!

- Núnc mihi certum est, álio pacto Pseúdolo insidiás dare,
 quam in aliis comoédiis fit, úbi cum stimulis aut flagris
 insidiantur; at ego [iam] inultus prómam viginti minas,
 5 quás promisi, si effecisset; óbviám ei ultro déferam.
 Nímis illic mortális doctus, nímis vorsutus, nímis malus.
 Súperavit Dolúm Troianum atque Ulixem Pseúdolos.
 Núnc ibo intro: argéntum promam; Pseúdolo insidiás dabo.
-

A C T U S V. S C E N A I.

PSEUDOLUS.

- Quid hóc? siccine hóc fit, pedés? statin', án non?
 an íd voltis, út me hic iacéntem aliquis tóllat?
 Nam hércle si cécidero, vóstrum erit flágitium.
 Pérgitin' pérgere? Ah, saéviundúm mihi
 5 hodie ést. Magnum hoc vitiúm vino est:
 pedés captat prímum: luctátor dolósust.
 Profécto edepol égo nunc probe ábeo madúlisa.
 ita víctu excuráto ita múndiciis dígne, ah,
 itaque in loco festívo sumus féstive accépti!
 10 Quid opús, multas me agere ámbages?
 Hoc est hómíni, quamobrem amét vitam!
 Hic omnes voluptates, in hóc omnes
 venústates súnť.

Deís proximum ésse arbitrór.

Nam úbi. amans complexúst amantem, úbi labra
ad labélla adiungit; 15

úbi alter alterúm bilingui mánifesto inter sé pre-
hendunt:

úbi mamma mamnílla opprimitur ália, aut si lu-
bet, córpora

cónduplicánt; manu' cándida cántharum
dúlciferúm propináre amicíssumam
amícitiam, neque ibi ésse alium álii odio, 20
ibi nec moléstum nec sérmonibús

mórologís utí:

unguénta atque odóres, lemníscos, coróllas
darí dapsilés; non ením parciprómi
victú ceteró. 25

Ne quís me rogét:

hoc égo modo atque herús minor hanc diem súm-
simus prothýme.

Póstquam opus meum, út voluí, omne pérpetravi,
hostíbus fugatis:

illós adcubántes, potántes, amántes
cum scórtis relíqui, et meúm scortum ibídem, 30
córdi atque ánimo suó obsequéntes.

Sed póstquam exsurrexi: oránt me, uti sáltem.

Ad hunc modum me íntulí, illis út satisfácerem
ex disciplína:

quíppe ego quí probe pérdidici lónica. 35

Sed pálliolatim

amíctus sic hác ludibúndus incéssi.

Plaudúnt; [partim] clamitánt me, ut revórtar.

Occépi;

hóc modo vólvi; item amícae dabám me
meae, út meá amáret. Ubí circumvórtor, 40

cado. Id fuit naénia lúdo.

Ítaque, dum enitór: pax! iam pacne inquinavi
pállium.

Nimiaé tum volúptati pól fui.

Ob cásum datúr cantharús; bibi.

45 Commúto illicó pallium; illud posívi;
inde húc exií, crapulám dum amovérem.

Núnc ab hero ad herum méum maiorem vénio,
foedus cómmemoratum.

Áperite, aperite, heús! Simoni, méd adesse, quis
núntiate!

=====

ACTUS V. SCENA II.

SIMO. PSEUDOLUS. BALLIO.

SI. Vóx viri pössumi me éxciet fóras.

Séd quid hoc? quómodo? quíd video égo?

PS. Cúm corona ébrium Pseudolum túum.

SI. Libere hercle hóc quidem!—Séd vide státum!

5 Núm mea grátia pértimescít magis?

Cógito, saéviter bláuditerne ádloquar.

Sed hoc mé vetat vim fácere nunc,
quód fero, sí qua in hoc spés sitast míhi.

PS. Vir málus viro óptimo óbviam it.

10 SI. Dí te ament, Pseudole. Phuí, in malam crucem!

PS. Cur égo me afflicter? SI. Quíd, malum, ergo
in ós mi inruetas ébrius?

PS. Mólliter síste nunc mé! cave, né cadam!

Non vídes med, ut madidé madeam?

SI. Quae ístaec audácia est, té sic intérdius

- cúm corolla ébrium incédere? ps. Lúbet. 15
- sl. Quid? lubet? Périgin' ructáre in os míhi?
- ps. Suávis ructús mihi est. Síc sine módo.
- sl. Credo équidem, posse té, scelus,
Mássici móntis ubérrumos quátuor
fructus ebíbere in hora úna. ps. Hiberna, áddito. 20
- sl. Haud mále mones. Sed díe tamen,
únde onustám celocem ágere te praédicem?
- ps. Cúm tuo fílio pérpetaví modo.
- Séd, Simo, út probe táctus est Bállio!
- Quaé tibi díxi, ut éffecta réddidi! 25
- sl. Dérides?—Péssumus. ps. Múlier haec, féci ego,
cúm tuo fílio líbera adcúbet.
- sl. Ómnia, ut quídque egisti, órđine scío.
- ps. Quid érgo dubítas dáre mi argentum? sl. Iús
petis, fateór. Tene.
- ps. Tamén das? 30
- Át negabás daturum ésse te míhi. —
- Onera hunc hominem atque me cónsequere hac.
- sl. Ego istum ónerem? ps. Onerabís, scio.
- sl. Quid ego huic homini fáciam? satin' ultro ár-
gentum aufert ét me inridet?
- ps. Vae víctis! Vorte ergo húmerum. Hem!
- BA. Hoc égo nunquam ratus súm fore me, ut
tibi fíerem supplex. Heú, heu! hen!
- ps. Desíne. BA. Doleo. ps. Ni doleres tu, ego
dolerem.
- BA. Quid? hóc auferén', Pseudole, ábs tuo heró?
- ps. Lubéntissumó corde átque animó. 40
- BA. Nón audes, quacso, áliquam partem míhi
gratiam facere hínc argenti?
- ps. Nóvi, me dicés avidum ésse: nam hínc nun-
quam eris numó divitior.

Néque te mei tergí misereret, sí hoc non hodie
éffecissem.

BA. Érit, ubi te ulciscár, si vivo! PS. Quid mini-
tare? Hábeo tergum.

45 BA. Áge sane. PS. Igitur rédi. BA. Quid redeam?
PS. Rédi modo: non éris deceptus.

BA. Rédeo. PS. Siuul mecum í potatum. BA.
Égone eam? PS. Fac, quód te iubeo.

Si ís, aut dimidium aut plus etiam fáxo hinc feres.

BA. Eo. Dúc me, quo vis.

PS. Quid nunc?

Númquid irátus es aut mihi aut filio

50 própter has rés, Simo? SI. Níl profectó. PS. Ihac.

BA. Té sequor. Quín vocas spéctatorés simul?

PS. Hércle me isti haúd solent; neque érgo ego
istós volo.

Vérum si vóltis adplaúdere atque ádprobare
húnc gregem et fabulam, in

55 crástinum vós vocábo.



NOTAE

AD MILITEM.

I, 1, 23. *sibi* ne elidas; *illi* autem ut monosyllabum legito. — v. 55. Sic *omnes* saepe correptum legitur. Aul. 4, 1, 20. Cist. 5, 1. Trin. 1, 2, 41. Pers. 5, 1, 8. al.

II, 2, 70. *Interclude* Lindemannus. Vulg. *Intercludito*. — v. 118. *atque* add. vulg. idque servandum videtur, siquidem haud uno loco *servus* quasi pyrrichium facit, ita ut hic *conservus* dactylum efficere possit, Cf. II, 4, 11. III, 1, 148. Trin. 5, 1, 6.

II, 4, 2. *Cedo vel doctam, edocebo*. ex em. — Vulg. C. v. *doctas, d.* ex em. Camer. Nam cdd. laceri h. l. — v. 11. *servos*. Cf. quae supra ad II, 2, 118.

III, 1, 148. *servos* quasi monosyllabum leg. Cf. mode supra notata. *introduxi* vulg.

III, 3, 31. *Ad* ex emend. recc. — Libri *At*.

IV, 6, 29. Sic vulg. *atque desideret* producat in fine, ut saepe similia.

AD MOSTELLARIAM.

I, 1, 20. In v. *filium* quasi eliditur media *i*, aut tamquam *j* enunciatur, ut I, 2, 41. *materiae*, et ib. v. 43. *expoliunt*, et Truc. 4, 2, 6. *faciat*, et Trin. 2, 2, 23. *imperia*, al.

I, 2, 11. Spuria haec esse patet, quia seq. vs. eadem praedicat. — v. 21. Et haec quoque supposititia esse certum habeto, efficta ex iis, quae infra leguntur v. 41 — 45. — v. 33. Excidisse hic aliquid, sensu patet.

I, 3, 135. Vulg. *vos duae*. — v. 153. Vulg. repetit vv. *cum amica* post *Call.* quae iam adfuerunt vs. praec.

I, 4, 12. *mel meum* et v. 31. *iam* spuria iudico. — v. 74. Omittendum *hercle*, at *obsecro* correptim pronuncian- dum, uti Rud. 3, 3, 33. et ib. 4, 3, 104. Bacch. 5, 2, 55. Pseud. 1, 1, 127. — v. 97. Addidi *hic*.

III, 1, 17. *illi* add. vett. edd. — v. 65. Cf. scen. seq. v. 32. ubi aptius legitur. — v. 66. 67. Hos vs. aptius leges infra vv. 76. 77. Veruntamen hic habent edd. — vss. 79—85. spurios iudico. — v. 133. H. vs. hic collocari inssit Aci- dalius, ex v. 75.

III, 2, 43. Addidimus *simul*, quod deest in libris. — v. 52. *navis* contracte legito, quasi *ναῦς*. — v. 131. Dupliciter haec leguntur, et hic et v. 161. quare hic potius includenda.

IV, 1. In vulg. hic sequuntur ea, quae apud nos le- guntur IV, 2. Verum patet, ita haec esse ordinanda, uti fecimus. Nam in codd. confusio est. — v. 2. *malum* vide- tur oiciendum. — v. 11. locus lacer et lacunosus in edd. Inclusa suppleta ab editoribus. — vss. 20 — 32. Inclusa leguntur, at abundant, uti et v. 51. v. *pessume*. Et omnis posterior pars huius scenae a v. 38 — 58. spuria videtur.

IV, 2. Haec in vulg. faciunt tertiam scenam actus superioris.

IV, 4, 7. *tibi* habent vett. et Lamb.; non leg. in Pall. vulg. Ven. — v. 46. *ille* deest in Pall., legitur in vulg.

V, 1, 33. Deest hic vs. in autt. et spurius videtur Legitur in vulg.

V, 2, 20. *faciunt* abundat et ad sensum et versum. — v. 38. *emta* adiecimus. Cf. III, 1, 6. — v. 41. *iam* addidit Bothius.

AD PERSAM.

I, 1, 2. *Omnes* de nostro accessit, nec legitur in codd.

I, 2, 1. *Maiorum meum* e coni. Nam codd. aut *meum* aut *malo servo atque obt.* unde patet lacunam esse, quam Camerarius explet: *meum alimonias*. De nostra cf. v. 3. et 9. et III, 1, 62.

II, 4, 24. *ut* abest a ll. additum a Bothio. — v. 27. item *iam*.

IV, 3, 35. Ab in. versus edd. addunt *istae*, quod abun- dare quivis videt. — v. 38. Cdd. post *sane* addunt *mihi*.

IV, 8, 8. Versiculus accessit ex palimpsesto Ambrosiano. Quo tamen vel absente, aequè bene constabit scena.

V, 1, 14. Quae libri addunt: *a me post sunt*, merito abesse posse apparet.

V, 2, 9. Libri *ut non post pol ego* addunt. Perperam.

A D P O E N U L U M.

Prol. 1. Nomen Achillis in Plauto altera brevi pronuntiatur Merc. 2, 4, 20. Mil. 4, 2: 64. et ibid. IV, 7, 6. Similiter itaque et hic faciendum, recteque Bothius una *l* litera scripsit. Cf. Argumentum metricum ad Sophoclis Philoctetem versu 7. Hinc existimo *Aristarchi* hic per licentiam produci, ut multa in Plauto, v. c. *Tarentinus* Truc. 3, 1, 5. Men. prol, 39. al. — v. 121. 122. Patet hos vs. abundare, propter sequentia. — v. 125. Atque hic quoque eiiciendus propter v. 127.

I, 2, 21. *modum*, additum a nobis, abest a codicibus. — v. 34. *salsa sunt* leguntur in libris. — v. 49. Item, quae hic inclusimus.

III, 3, 94. Inclusa leguntur in II. Cf. III, 4, 10.

III, 6, 1. *ire istinc* eiicienda videntur, uti et vs. sq. *me ante hercle*. — v. 16. *omnes* habent edd. antt. deest in vulg.

IV, 2, 38. *Neque herum meum adeo* vulg. ut non sit elidendum. At fortasse adiiciendum *ament* post *meum*. — v. 52. Exciderit fortasse interiectio aliqua. — v. 90. *Pol istuc tibi*. Sic vulg.

V, 1. In lectione sequimur vulgatam, nisi quod propter versuum rationem lacunas signavimus. A v. 11. sequitur alia quasi recensio eiusdem argumenti; cuius versio sequitur: *Deos deasque* etc. Huius v. 9. emendavimus ex lectione cod. palimps. Mediol.

V, 2, 17. Versus videtur spurius, propter sequentia. Ceterum in vulg. desunt vv. *Punica* — *homo*, quae accessere ex libris vetustis. — v. 20. Adiecimus *ego* et posteriora transposuimus. — v. 25. *adhuc*, quod habet vulg., deest in Pall. — v. 115. Sic vulg. nisi quod adiecimus *sis*. — v. 118. *bene* abundare videtur. — v. 142. Sic vulg. pessumdato versu; ut videatur *ambus* eiiciendum, in *causa* autem non elidendum; praesertim quoniam *ambae* statim sequitur versu 143. — v. 153. Vulg. post ore addit *parvo*, quod omittunt Pal. et Ven. *Os* autem in Plauto plerumque est facies, imo totum caput, non labia; quae quoniam unice seriores intellexere, addidere *parvo*. Non autem elidendum in *venusta*.

V, 4, 3. Ad versum abundat pronomen. — v. 15. item *praepotentes*, et v. 31. quae inclusimus; porro v. 38. *expedi*. — v. 40. autem addidimus alterum *patrus* versus causa. — v. 70. Vulg. *Nunc tens*.

V, 5, 12. Legatur: *Quámda Aegypti*. — v. 38. *istaec* abundat, uti et v. 55. *hic*.

V, 7. Haec scena, quae legitur in libris antiquis, alia quasi est fabulae catastrophe, in qua paulo mitius agitur cum lenone, quam in superiore. Ceterum poesis ita est comparata, ut genuina agnosci nequeat. Ideoque includenda.

AD PSEUDOLUM.

Prologus, praeter postremos duo versus, non legitur in optimis libris; et versus non sunt versus.

I, 1, 122. *utrum* legitur in ll. In vett. deest *in*. Deinde omnes: *perv. est minus*. Nostr. ex emend. Bothii.

I, 2, 51. Inclusa aperte sunt eicienda. — v. 71. Addimus nos.

I, 3, 76. Quae in editionibus adiiciuntur: *saturi, poti*, aut: *saturi distenta cute*, ut inepta eicienda; non enim mensae coenatoriae, sed argentariae sunt intelligendae, quae in foro erant. Igitur cum Lambino lacuna potius statuenda videtur. — v. 116 et 117. Apparet hos una cum sequentibus non posse legi. Ac fortasse et sequentes duo spurii sunt. — v. 153. *hodie* ex meo adieci, aptum versui et sententiae.

I, 5, 1. *natis et*. Sic vett. At vulg. *aut de*. — v. 62. *sibi* itidem de meo accessit. — v. 131. Eiciendum existimo *cum*.

II, 1. Quae in hac se. inclusimus, propter sensum et versus spuria arbitramur. At propter utrumque in postremo adiecimus *homo*.

II, 2, 5. Vulg. *leno ubi hic habitat*. Vett. *habet*. — v. 32. Includendum potius *expense*, propter sequentia.

III, 1, 8. *curre* vulg.

IV, 1, 7. Nimirum *sed* producitur interdum, ut Rud. 3, 4, 87. et in Pseudolo 4, 1, 7. — Quae inclusimus vs. 18. 21. 35. leguntur in cdd. at aperte abundant.

IV, 7. Post v. 108. in vulg. repetuntur versus tres, qui supra iam adfuerunt, v. 64 — 66.

V, 1, 38. Apparet abundare v. *partim*.



7

13.

**THE NEW YORK PUBLIC LIBRARY
REFERENCE DEPARTMENT**

**This book is under no circumstances to be
taken from the Building**

~~AN 21 1916~~

